

禮記

禮記卷之五

國月先王事各

國
寶
考
正

解
密

DS
734
L39
v.1

李習之嘗歎魏晉以後文字黝昧雖有殊功偉德非常之蹟亦
闇鬱而不章而昌黎韓子則嘗欲作唐一經垂之於無窮誅奸
諛於既死發潛德之幽光論者謂其書若成當不在龍門扶風
下惜乎其未就也宋朱子撰言行錄取並世名臣事蹟件系而
條綴之爲後世法文雖不迫昌黎而扶翼世教厥功懋矣嗣是
杜大珪有名臣碑傳錄蘇天爵有元名臣事略徐鉉有明名臣
琬炎錄項篤壽有今獻備遺皆祖述朱子之意以成書者也我
國家

列聖相承重熙累洽炳焉與三代同風二百餘年名卿鉅儒鴻
達魁壘之士應運而起者不可殫數其訐謨政績具在

國史類非草野之士所能窺而其遺聞佚事嘉言懿行往往散見於諸家文集中特未有薈萃成書以備掌故而爲徵文考獻之助者耳元度山居多暇徧閱

本朝人文集遇偉人事跡輒手錄之積久成先正事略六十卷分名臣名儒經學文苑遺逸循良孝義七門人爲一傳計五百人附見者六百有八人亦當世得失之林也每空山月上一鐙熒然披吟斗室中如與諸鉅公才人節士聯襪倚裳親承其警欬而上下其議論也如臨泰華嵩衡黃河瀚海之高深莫測其顛委也如羅列商彝周鼎天錄宏璧古光出几案莫敢逼視也昔歸震川自恨足跡不出里閭所見無奇節偉行以發摭其文

章之氣今元度放廢歸田得網羅散失以成此編可謂極尙友之樂矣稟甫脫適奉于役黔東之

命以兩年心力所萃不忍敝帚棄之也爰付諸剞劂氏客有議其去取失當且怱促成書慮挂一而漏萬者應之曰是固然然以朱子之賢手訂言行錄如進王荆公黜劉忠定之類呂東萊汪玉山皆不謂然卽朱子亦自謂尙多謬誤况下此乎太史公作列傳二千年中僅七十篇循吏儒林則皆止數人耳未有議其疏漏者也惟是

本朝治跡磊磊軒天地遠邁唐宋元明世苟有昌黎習之考亭其人者出其亦章以潤色鴻業斯不負千載一時之盛若蒙者

所述雖皆奇節偉行文不足以張之終爲震川所竊笑耳抑又聞蘇文定公曰古之君子不用於世必寄於物以目遣然則是編亦寄焉耳矣何庸深校其得失哉客旣退遂筆之簡端用以就正海內君子焉同治五年三月旣望平江李元度自序

國朝先正事略序

余嘗以

大清達人傑士超越古初而紀述闕如用爲嘆憾道光之未聞
嘉興錢衍石給事儀吉仿明焦竑獻徵錄爲國朝徵獻錄因
屬給事從子應溥寫其目錄得將相大臣循良忠節儒林文苑
等凡八百餘人積二三百卷借名人之碑傳存名人之事蹟自
別京師久從征役而此目錄冊者不可復覩同治初又得鄢陵
蘇源生文集具述其師錢給事於徵獻錄之外復節錄名臣爲
先正事略於是知錢氏頗有造述不僅鈔纂諸家之文矣又二
年而得吾鄉李元度次青所箸先正事略命名乃適與錢氏相

合前此二百餘年未有成書近三十年中錢氏編摩於汴水次
青成業於湖湘斯足徵通儒意趣之同抑地下達人傑士其靈
爽不可終閔也自古英哲非常之君往往得人鼎盛若漢之武
帝唐之文皇宋之仁宗元之世祖其時皆異材勃起俊彥雲屯
焜燿簡編然考其流風所被率不過數十年而止惟周之文王
暨我

聖祖仁皇帝乃閱數百載而風流未沫周自后稷十五世集太
成於文王而成康以洎東周多士濟濟皆若秉文王之德我

朝

六祖

一宗集大成於康熙而雍乾以後英賢輩出皆若沐

聖祖之教此在愚氓亦似知之其所以然者雖大智莫能名也
聖祖嘗自言年十七八時讀書過勞至於咯血而不肯少休老
耄而手不釋卷臨摹名家手卷多至萬餘寫寺廟扁榜多至千
餘蓋雖寒暄不能方其事北征度漠南巡治河雖卒役不能踰
其勞祈雨禱疾步行天壇并醞醬齏鹽而不御年逾六十猶扶
病而力行之凡前聖所稱至德純行殆無一而不備上而天象
地輿秣算音樂考禮行師刑律農政下至射御醫藥奇門壬遁
滿蒙西域外洋之文書字母殆無一而不通且無一不創立新
法別啟津途後來高才絕藝終莫能出其範圍然則雍乾嘉道

累葉之才雖謂皆

聖祖教育而成誰曰不然

今上皇帝嗣位大統中興雖去康熙時益遠矣而將帥之乘運會立勲名者多出一時章句之儒則亦未始非

聖祖餘澤陶冶於無窮也如次青者蓋亦章句之儒從事戎行咸豐甲寅乙卯之際與國藩患難相依備嘗艱險厥後自領一隊轉戰數年軍每失利輒以公義糾劾罷職論者或咎國藩執法過當亦頗咎次青在軍偏好文學奪治兵之日力有如莊生所譏挾策而亡羊者久之中外大臣數薦次青緩急可倚國藩亦草疏密陳李元度下筆千言兼人之才臣昔彈劾太嚴至今

丙疚惟

朝廷量予褻省當時雖爲吏議所格

天子終石之起家復任黔南軍事師比有功超拜雲南按察使
而是書亦於黔南告成

聖祖有言曰學貴初有決定不移之志中有勇猛精進之心末
有堅貞永固之力次青提兵四省屢蹙仍振所謂貞固者非耶
發憤著書鴻編立就亦云勇猛矣願益以貞固之道持之尋訪
錢氏遺書參訂修補矜鍊歲年慎裒貶於錙銖酌羣言而取衷
終成

聖清鉅典上躋周家雅頌誓誥之林其尤足壯矣哉同治八年

三月曾國藩

國朝先正事略凡列

一我

朝治躋隆古

主聖臣賢一時名公鉅卿鴻生碩儒後先輩出立德立功立言
皆足傳之不朽惟 國史藏在

皇歲草野無從徵考承學之士語及 國家掌故先正典型往
往知其名而莫能詳其事實良由文獻所徵無專書以資考證
也是編就昭代先正分名臣名儒經學文苑遺逸循良孝義七
門采其勳績議論嘉言懿行各著於篇用以備遺忘而資觀感
而

列聖深仁厚澤稽古右文亦隨事可以想見使讀者油然而生忠孝之心焉

一各事蹟皆采自私家傳誌郡邑志乘閒及說部仍正以

國史列傳有合十數篇爲一篇者其閒穿穴聯剝頗費匠心用此亦不免稍失之繁律以史法及金石文字例幾可省其半以事實所關甯詳毋略甯密毋疏昔全謝山表章前哲動輒數千

言意在使後之秉筆者據爲底本區區之私竊附於此云爾

一敘述當代事蹟與史例不同史無論賢奸但有關繫者皆列之是編仿名臣言行錄例專主揚善故所錄皆粹然純詣惟附見者其例稍寬

一我朝肇興東土開國佐命之英皆天潢貴胄位列親藩未敢援入先正之列卽翊運動臣之侑饗

太廟者若信勇公費英東宏毅公額亦都武勳王揚古利等皆立功天命天聰崇德閒在

世祖統壹區夏之先故論入關後宣力文臣以范文肅公爲始武臣以圖昭勳公爲始而信勇公宏毅公武勳王各事蹟又皆詳列於其子若孫之傳首俾閱者備悉源流

一名臣一門內而閣部外而封圻其勢不能徧錄是編所述天狗會祀賢良名宦祠及有殊績異政列入一統志者然終以圖於見聞不免挂漏爲憾嘗有偉烈鴻名夙所欽慕因未得其事

狀無從登入擬選續編以臻詳備

一滿漢名臣有祖孫父子兄弟羣從並躋九列者略仿史記世家例彙列之以彰喬木世臣之盛

一本朝名儒約分二派其恪守程朱家法者陸清獻陸桴亭張楊園諸先生也其兼宗陸王而不倍於程朱者孫夏峯湯文正李二曲諸先生也清獻之學洵屬正宗其救正王學末流之功甚大近儒何舟畦續理學正宗唐鏡海著學案小識皆推二陸爲直紹洛閩之統然彭尺木程魚門嘗議清獻攻擊陸王太過未脫講學家習氣宗之者蓋彌甚焉唐氏學案旣擯夏峯不錄復深致鄙夷其亦門戶之見而已矣夫一貫之旨曾子自行

入子貢自知入其有得於聖道一也伯夷之清柳下惠之和孟子皆推爲聖未嘗是此而非彼也是編不分門戶淵源所在各以類從其議論之相反而適可以相救者均詳列之以俟後之君子論定焉

一 本朝經學亦分二派其專宗漢學以抵程朱之隙者毛西河惠定宇戴東原諸先生也其義理宗程朱仍博稽漢唐注疏者李安溪方望溪姚姬傳諸先生也自前明中葉士皆敝精力於帖括而根柢之學闕焉 本朝興樸學始輩出顧亭林閻百詩開風氣之先自後鉅儒接踵長洲惠氏高郵王氏嘉定錢氏三世皆以經術鳴漢學於是極盛然江子屏作漢學師承記凡

稍近宋學者皆擯之阮文達刻皇清經解千四百餘卷而安溪望溪之著述一字不收蓋幾於分茅設絕一時風氣所趨遂專以掇殘舉碎爲功詆宋儒爲空疏掊擊不遺餘力抑又過矣夫漢儒之訓詁宋儒之義理相須而行闕一不可其激而互相勝負者皆末流之失也緬惟

列聖作君作師

御纂諸經主宋儒之說而兼采漢唐注疏可謂折衷至當矣是編無論漢學宋學家皆詳錄其議論著述凡以屏除門戶之見而已

一 國初文章家以宋牧仲所撰侯魏汪三家稱最其後作者

代與無美弗備自望溪出而古文之義法特嚴劉海峯姚姬傳
繼之遂有桐城派之目然姚氏古文辭類纂於八家及震川後
繼錄望溪是矣又專錄海峯一若桐城外舉無足與於斯道者
似亦未離門戶之見是編凡卓然成家者皆列之昔吾有先正
其言明且清正復不拘一格耳

一 國初詩家推漁洋爲大宗荔裳愚山秋谷竹垞初白諸家
聯鑣接軫前後兩詞科作者林立近人張南山韓詩人徵略採
撫綦詳茲就其尤著者登之然疏漏實尙多也

一 國初遺老如徐僕齋沈眉左李蜃園諸先生蟬蛻鴻冥曠
然不滓孔子所謂逸民幾無愧焉錄之以見天爵自尊百世下

猶可廉頑而立懦也至熊魚山方密之諸公事蹟已附見明史故不復登

一循吏必詳著其政事風節使閱者知所效法可以坐言起行
一孝義一門僅就最著者錄之以闡幽光維世教雖所錄無多
然一代正史均不過數十人或十數人固無庸見少也

一天文厯算之學亦莫精於本朝蓋由

聖祖天衷聽明秘參造化而梅定九陳泗源諸君又足以闡發
之遂成絕詣阮文達作疇人傳采錄至二百餘人茲僅錄定九
泗源及薛儀南王寅旭數君於經學中以見其概如欲觀其全
則有疇人傳在

一照史志例尙須立忠義列女二門然忠義之遠著者多已列入名臣中近歲軍興以來死事者眾因未有成書無從采輯至列女不在先正之例故從闕如

一所分門類不過舉重而言如湯文正陸清獻張清恪楊文定沈端恪蔡文勤諸公應入名儒王文肅秦文恭胡文良阮文達諸公應入經學王文簡韓文懿錢文端沈文愨王蘭泉諸公應入文苑惟以官躋九列有勳業可紀故皆列名臣他若黎洲亭林而農亦名儒亦經學愚山剛主亦名儒亦文苑謝山西莊竹汀淵如稚存亦經學亦文苑竹垞姬傳亦文苑亦經學叔子躬菴亦文苑亦遺逸青主茶村亦遺逸亦文苑名雖區分實則無

容拘泥况經學本在儒林中尤屬分而不分也

一非史官不應爲人作傳古人有言之者矣歸震川謂古作汝南先賢傳襄陽者舊傳者皆非蘭臺石室之臣也此論出而紀事之例始寬而惲子居則謂大傳非文集體昌黎傳陸贄陽城俱不入本集中爰變其名曰遺事述其實仍傳體也是編曰事略亦猶惲氏之意爾

一湯文正徐文定陳恪勤事略中所述時相及當事構陷狀皆本望溪集外文在當時不無忌諱故未入集近始有搜刻之者然彭尺木湯陳二公行狀卽已采之蓋尺木曾見未刻彙耳此外若張清恪等傳皆有所本用此益見我

聖祖至聖至明百世後猶命人欽服焉

一公私著述儻挾恩怨於其閒卽其書可燒也是編自信無此弊閱者辨之

一郢書燕說最足失真如袁簡齋所作陳恪勤等傳中多舛誤彭尺木嘗遺書諍之邵青門所作閻典史傳魏默深亦嘗辨之蓋文人習氣多不暇覈實也是編博觀而慎取之不敢沿訛以悞後人

一古人如班之於馬多全襲其辭以後不可毛舉緣事蹟未可憑虛而構非故襲舊言文也衛正叔纂禮記集說其言曰他人著書惟恐不出於己某此書惟恐不出於人可謂先得我心矣

一阮文達撰 國史儒林傳皆就各家紀述集句成篇仍分注所出於下彭尺木名臣儒行吏蹟述亦注明所據之本於篇末示非臆造也是編采書較多未暇一一注明所出然實無一字無來歷

一各家著述有可考者均詳列其書目卷數以備志藝文者之搜討

一地名官名均據 本朝書之不從古稱其 詔諭奏劄亦多存其真所謂當時語也至滿洲蒙古姓名與春秋時人同其首一字非姓也故標題處皆先謚後名申之曰姓某某氏而文中則仍俗稱曰某公不復舉其姓以免累贅京江望溪集中皆有

此例

一元立行中書省於各路明改爲布政使司 國朝因之而猶沿其稱曰省非其實矣洪稚存集中於此蓋斷斷焉是編以公私相沿既久姑仍其稱

一是編經始於甲子正月脫稟於丙寅正月藏書不多采摭未備又以荷戟出山忽促付梓難辭回嗚之譏所望海內同志君子時患郵筒匡其不逮則幸甚

報忠渾倚因其不魁以幸甚

文以善類出山恩封封均議歸同朝之德也其後文以善類出山恩封封均議歸同朝之德也其後文以善類出山恩封封均議歸同朝之德也其後

長為朕故飲甲午五月

本江 孔廣心澄齋

湘陰 蔣恭鑑東觀校訂

平江 楊存蔚玠生

國朝先正事略目錄

平江李元度次青纂

卷一名臣

范文肅公文程

子忠貞公承謨

承勳

孫時崇

時繹

昭勳公圖賴

忠義公圖爾格

襄忠公準塔

兄薩穆付哈

弟雅賴

文簡公希福

子帥顏保

忠直公伊爾登

忠襄公陳泰

襄敏公伊爾德

卷二 名臣

敏壯公李國翰

子海爾圖

桑額

敏壯公珠瑪喇

文恪公額色黑

襄壯公根特

甯文毅公完我

文襄公圖海

勤惠公佟養性

養甲

養量岱

忠恪公國瑤

國鼎

彩

國器

國楨

國印

世德

勤德公鳳

襄勤公佟圖賴

子忠勇公國綱

端純公國維

孫法海

曾孫溫僖公補熙

介福等

忠勇公石廷柱

子華善

石琳

孫石文炳

石文晟

敬康公愛星阿
子恭懿公富善

卷三 名臣

文忠公索尼

恪僖公遏必隆

子恪敬公尹德

魏文毅公裔界

魏敏果公象樞

李文勤公禱

杜文端公立德

馮文毅公溥

姚端恪公文然

朱尙書之錫

卷四 名臣

趙清獻公廷臣

李忠襄公率泰

吳文僖公正治

楊侍郎雍建

子若訥 孫守知

王文靖公熙

李文襄公之芳

敏果公米思翰

子貞襄公馬斯喀

文穆公馬齊

勤恪

忠勇公白爾赫圖

蘇克薩哈 莊愨公李榮保

蘇納海

朱勤愨公昌祚

卷五 名臣

襄壯公費揚古

襄毅公賚塔

施清惠公維翰

郝中丞浴 楊素蘊

湯文正公斌

靳文襄公輔

文端公伊桑阿

宋文恪公德宜

卷六 名臣

王文簡公士禎 兄士錄 士祐

熊文端公賜履

文端公顧八代

孫顯琮

恭勤公瑪爾漢

桓僖公馮國相

李文定公天馥

陳文貞公廷敬

徐相國元文

弟秉義

葉文敏公方藹

沈文恪公荃

吳文恪公士玉

卷七

名臣

吳文端公璵

張文貞公玉書

于清端公成龍

彭中丞鵬郭琇

張文端公英子廷瓚廷璐 廷瑑

李文貞公光地子鍾倫

清端公傅臘塔

文清公阿蘭泰子文恭公富甯安

卷八 名臣

高忠烈公天爵子其佩 文恪公其位 猶子文良公其

甘忠果公文焜李興元

傅忠毅公宏烈

馬文毅公雄鎮 子世濟

陳忠毅公丹赤 葉忠節公映樞

襄壯公莽依圖

恭靖公佛尼勒 子忠勇公特楞額

楊清端公宗仁 子文乾

卷九 名臣

姚尚書啟聖

宋尚書犖 子至

陸清獻公隴其

趙恭毅公申喬 弟申季 子熊詔

張文端公鵬翮

徐尙書乾學

文定公徐元夢

文清公格爾古德

卷十 名臣

韓文懿公葵 子孝基

徐文敬公潮 子文穆公本

陳清端公誥 子文勤公世倌 從弟文簡公元龍

王文恭公頊 齡 弟九齡 鴻緒

劉中丞蔭樞

張清恪公伯行

田文端公從典

黃侍郎叔琳弟叔璈

卷十一 名臣

趙襄忠公良棟 子宏燦 宏燮

王忠勇公進寶 子用予

孫襄武公思克

梁敏壯公化鳳 子彙

楊敏壯公捷

施襄壯公琅 子世綸 世驃

藍軍門理

許少傅貞

卷十二 名臣

陳恪勤公鵬年

子樹芝

樹著

楊文定公名時

朱文端公軾

陳清端公瑣

勤恪公齊蘇勒

潘襄勇公青龍

孫紹周

從孫之善

殷軍門化行

藍襄毅公廷珍

孫襄毅公元枚

卷十三 名臣

文端公鄂爾泰

張文和公廷玉

子若霽

若淑

勤恪公若淳

文端公福敏

文襄公兆惠

勵文恪公杜訥

子文恭公廷儀

孫宗萬

史文靖公貽直

沈端恪公近思

蔣文肅公廷錫

子文恪公溥

卷十四 名臣

岳襄勤公鍾琪 弟莊恪公鍾璜 子濬

嵇文敏公會筠 子文恭公璜

方侍郎苞 兄舟

余府丞甸

李侍郎紱 孫友棠

蔡文勤公世遠

張文敏公照

甘莊恪公汝來

卷十五 名臣

孫文定公嘉淦

胡文良公煦 子莊敏公季堂

徐中丞士林

謝觀察濟世

楊文敏公超曾

錢文端公陳羣 子汝誠 錢維城 錢載

沈光祿起元

尹侍郎會一 子文恭公

卷十六 名臣

陳文恭公宏謀 元孫繼昌

文端公尹繼善 子文恪公慶桂

劉文正公統動 子文清公壩

王文肅公安國 子念孫 孫文簡公引之

汪文端公由敦 子承濡

潘敏惠公思桀

彭尙書啟豐

楊勤愨公錫紱

卷十七 名臣

梁文莊公詩正 子同書

雷副憲鉉

陳文肅公大受

文襄公舒赫德

劉文定公綸 子躍雲

秦文恭公蕙田

蔡文恭公新

曹文恪公秀先 李文毅公湖 彭文勤公元瑞

卷十八 名臣

文忠公傅恆 子福靈安 福隆安 福長安

文成公阿桂

胡恪靖公寶瑑

方敏恪公觀承 子勤襄公維甸

莊尙書有恭

沈文懋公德潛

裘文達公曰修 子恭勤公行簡

梁文定公國治

卷十九 名臣

朱文正公珪

襄烈公傅清

壯果公拉布敦

義烈公班第

剛烈公鄂容安

果烈公明瑞弟奎林

襄壯公阿里衮子誠武公豐伸額

陸中丞燿

卷二十名臣

王侍郎昶

紀文達公昉

畢尙書沅

劉文恪公權之

王文端公杰

孫文靖公士毅

董文恭公誥

王文僖公懿修子宗誠

卷二十一 名臣

吳宮保熊光

錢通副澧曹錫寶 謝振定 武億

文敏公百齡

孫相國玉庭蔣攸鋇

戴文端公衢亨

金尚書光悌戴簡恪 公敦元

董文恪公教增

阮文達公元

卷二十二 名臣

文襄公福康安

文清公松筠

李忠毅公長庚

王壯節公文雄

子明

朱勇烈公射斗

忠毅公額勒登保

壯果公德楞泰

文襄公長齡

卷二十三 名臣

楊忠武公遇春

文毅公那彥成

汪文端公廷珍

楊勤勇公芳

嚴廉訪如燧

劉方伯清

傅廉訪鼎

潘文恭公世恩

卷二十四 名臣

趙文恪公慎軫

湯文端公金釗

姚文僖公文田

盧敏肅公坤

朱莊恪公桂楨

鄧制軍廷楨

陶文毅公澍

何文安公凌漢

卷二十五 名臣

林文忠公則徐

栗恭勤公毓美

卷 陳忠愍公化成

王剛節公錫朋

葛壯節公雲飛

鄭忠

吳文節公文鎔

杜文正公受田

翁文端公心存

李文恭公星沅

呂文節公賢基

卷二十六 名臣

江忠烈公忠源

弟壯節公忠濟

忠武公塔齊布

羅忠節公澤南

李忠武公續賓

鄧忠武公紹良

胡文忠公林翼

何文貞公桂珍 畢剛毅公金科

趙忠節公景賢

卷二十七 名儒

孫先生奇逢 子博雅 魏一鰲

黃先生宗羲 弟宗炎 宗會

李先生顥李柏 李卿 王心敬 孫景烈 馮雲程 惠思誠

顧先生炎武 張昭 吳任臣

王先生夫之 兄介之 子啟

陸先生世儀 葉敦良 盛敬 汪士韶

張先生履祥 何汝霖 祝淦 凌克貞 沈磊 吳嘉珍 陳梓

張先生爾岐 孫若羣

卷二十八 名儒

陳先生瑚

高先生世泰 高愈 張夏 顧樞 劉洵 吳慎 施璜 汪燧

沈先生國模 史孝成 采 王朝式 管宗聖 韓常 邵曾可 邵廷

刁先生包子再濂 王餘佑 張潛

謝先生文存 宋之盛 甘京 章造 黃采 黃熙

沈先生昫 姚宏任

應先生撫謙 凌嘉印 沈士則 秦雲爽

胡先生承諾 陳大章 劉夢鵬

卷二十九 名儒

李先生生光 黨成 陶世徵

朱先生用純 顧培 潘天成 湯之琦 金徹 王喆生

劉先生原潔 姜國霖 法坤宏

白先生奐彩 党湛 丁化泰 張承烈 馬嗣煜

施先生閏章

曹先生本榮 張貞生

耿先生介 張沐

汪先生佑

卷三十 名儒

范先生鎬鼎 王端

張先生烈 陳法

竇先生克勤

勞先生史 桑調元 汪鑒

李先生來章 冉觀祖

彭先生定求 弟甯求 孫紹升

李先生珠 顏元 王源 劉齊 張自超 劉捷

張先生鵬翼 童能靈 李圖南 李成文

卷三十一 名儒

朱先生澤澣 潘恬如 錢民 任德成

徐先生世沐

向先生璿 黃良輔 程登泰

李先生文炤 唐鑑

王先生懋茲

孟先生超然謝金鑾

鄭先生文炳

伊先生朝棟

子秉綏

閻先生循觀

韓夢周

滕綱

任暖

鄧先生元昌

宋昌圖

姚先生學埭

潘諮

劉傳瑩

卷三十二

經學

閻先生若璩

李鎧

楊開沅

吳玉擗

宋

鑑

萬先生斯大

子經

猶子言

萬先生斯同

錢先生秉鑑

方中通

方中履

馬先生驥 王爾齊

毛先生奇齡 陸邦烈

朱先生鶴齡 陳啟源

劉先生獻廷

卷三十三 經學

梅先生文鼎 孫文穆公穀成

薛先生鳳祚 唐夢賚

王先生錫鬩 談泰

陳先生厚耀

胡先生澗 葉佩蓀 黃儀 顧祖禹

何先生悼 沈彤 陳景雲

惠先生士奇

陳先生祖范 蔡德晉

臧先生琳 臧庸 臧禮堂

卷三十四 經學

顧先生棟高 吳鼎 梁錫璵

徐先生文靖

江先生永 汪紱 金榜

任先生啟運

全先生祖望 盛世佐

焦先生循

惠先生棟

王先生鳴盛 弟鳴韶 金日退 費士璣

錢先生大昕 弟大昭 猶子塘 玷 侗

卷三十五 經學

朱先生筠 李威

盧先生文昭 孫志祖 丁杰

邵先生晉涵

戴先生震 段玉裁 龔麗正

孫先生星衍

洪先生亮吉 趙懷玉 莊炘 劉逢祿

洪先生榜 洪瑩 程瑤田 汪龍 汪萊 羅永符 洪

任先生大椿 任兆麟 李惇 宋綿初 秦思復 黃承

孔先生廣森 孔繼涵 郝懿行 鄭鴻磐 趙曾

卷三十六 經學

周先生永年 桂馥

程先生延祚

崔先生述 陳履和

張先生惠言 董士錫

汪先生中 賈田祖 江德量 顧九苞 顧鳳毛 鍾襄

凌先生廷堪

余先生蕭客

江先生聲

鄒先生漢勛

卷三十七 文苑

侯先生方域

魏先生禧

宋先生琬

熊先生伯龍

汪先生琬

江藩

汪元亮

袁廷檣

鈕樹玉

顧廣圻

徐頤

褚寅亮

兄際瑞

弟禮

彭士望

林時益

李騰蛟

田雯

曹貞吉

顏光敏

王萃

徐燕

謝

劉子壯

金德嘉

顧景星

張仁熙

劉

褚篆

王先生猷定 陳宏緒 徐世溥 歐陽斌元

梅先生清 梅庚 高詠 袁啟旭

丁先生澎 陸圻 柴紹炳 毛先舒 毛際可 孫治
張綱孫 吳百朋 沈謙 虞黃昊

卷三十八 文苑

計先生東 潘耒 徐鉉 吳兆騫

黃先生與堅 周肇 顧澗 許旭 王撰 王搨 王吳
王揆 王忭 王曜升 吳壘 崔華 仰

植 唐孫華

馬先生世俊 鄒忠倚 孫承恩 繆彤 陸肯堂 汪澤
王式丹 王琛 錢棨

葉先生夔 顧有孝 鈕琬 李重華 顧我綺

陳先生元孝 屈大均 梁佩蘭 程可則

趙先生執信 吳雯 馮廷樞 馮班

孫先生枝蔚 王又且 李念慈 張恂 王宏撰 李楷

邵先生長蘅 董以甯 鄒祇謨 陳玉璣

卷三十九 文苑

彭先生孫適 倪燦 汪霽 徐嘉炎 沈珩 沈筠 方

尤先生侗 馮勛 范必英 錢中諧 曹禾

朱先生彝尊 嚴繩孫

陳先生維崧 吳綺 章藻功

李先生因篤

汪先生楫 汪懋麟

李先生澄中 龐塏 米漢斐 袁佑 崔如岳

喬先生萊 邱象隨 李鎧 張鴻烈 鄧漢儀 吳嘉紀

卷四十一 文苑

陸先生素 兄子奎勳

杜先生詔 潘高 許定鏢 李果 盛錦 翁照 黃之

湯先生右曾 嚴沆 徐倬 李鄴嗣 汪文柏 沈用濟

姜先生宸英 嚴虞惇

查先生慎行 查昇 查嗣璫

汪先生份 吳廷楨 張大受 顧嗣立 黃越 王步青

周先生質 王翊 范路 朱一是 沈進 李麟友 李

藍先生鼎元 朱仕琇 黃任

王先生文清 郭燧 羅典 余廷燦 唐仲冕

卷四十一 文苑

鄒先生一桂 黃勳敏 公鉞

張先生鵬 曹仁虎

諸先生錦 楊度 汪 沈廷芳 夏之蓉 徐士璠 周長

杭先生世駿 厲鄂 符曾 汪沈

齊先生召南 陳兆崙

劉先生大槐 方世舉 方貞觀

胡先生天游 周大樞 萬光泰 金農 陳撰 丁敬

沈先生炳震 弟炳謙

馬先生日瑄 馬日瑤 趙昱 趙信

卷四十二 文苑

趙先生青藜 汪越

黃先生永年 陳道 魯九皋 陳用光 吳嘉賓

袁先生枚 王文治

竇先生光鼎 趙佑

邵先生齊燾 王太岳 劉星煒 吳錫麟 曾燠 吳齋

翁先生方綱

蔣先生士銓 子知廉 樂鈞 知讓 楊屋 汪軻 吳嵩梁

陸先生錫熊 嚴長明 吳泰來 趙文哲 程晉芳

卷四十三 文苑

趙先生翼 鄭燮

姚先生鼐 吳定 姚瑩 劉開 吳德旋 梅曾亮 管

張先生九鉞 張九鍵 張九鎰 張九鐔

鐵先生保 夢麟 李鐸

秦先生瀛 管世銘

法先生式善 王芑孫 何道生

憚先生敬 李兆洛 湯貽汾

舒先生位 王曇 孫源湖

卷四十四 文苑

張先生問陶 彭端叔 李調元

黃先生景仁 楊芳燦 楊揆

黎先生簡 張錦芳 馮敏昌 溫爾适 趙希璜 胡亦

宋先生湘 張維屏 黃丹書 呂壘

鮑先生桂星 程思澤

許先生宗彥

鄧先生顯鶴 歐陽輅 魏源 湯鵬

陳先生洪綬 崔子忠 羅聘

王先生翬 黃鼎

鄧先生石如

卷四十五 遺逸

徐先生榜

戴易

巢鳴盛

沈慶生

沈先生壽民

汪先生灝

郭先生都賢

陶汝鼎

郭金臺

何先生宏仁

李先生天植

鄭嬰垣

劉永錫

陸元泓

邵先生以貫

張廷賓

余先生增遠

卷四十六 遺逸

惲先生曰初子壽平

郝先生班孫魏耕

沈先生光文張士柳

陸先生字燦

周先生元懋

傅先生山

張先生怡

李先生灌甯滋

卷四十七 遺逸

夏先生汝弼 郭履躔

唐先生訪 瞿龍躍

張先生蓋 申涵光 殷岳

李先生世熊

董先生說

蒯先生城 湯泰亨 戴笠 徐白

李先生魁春

陳先生南箕 弟觀

卷四十八 遺逸

鄧先生大臨

張先生若化 弟若仙

夏先生道一 李孔昭 張翼星 杜越

杜先生濬 弟芥

王先生大經

吳先生光

陳先生五益 李之宜 李嘗之

入大山人

一壺先生

卷四十九 循良

臨太守鍾麟 崔宗泰

白刺史登明

宋刺史必達

趙給諫吉士

李明府瞻

任寺丞辰且

楊太守朝正

陸明府在新

卷五十 循良

張通守壘

董都憲宏毅

劉明府繼聖

衛太守立鼎

遲明府維坤

張太守克疑

王廉訪縉

劉方伯榮

陶刺史元濟

卷五十一 循良

莊副使亨陽

陳少卿汝咸

佟刺史國瓏

夏明府熙澤

沈明府光榮

陸觀察師

張明府士琦

陳方伯德榮

周大守中鉉

卷五十二 循良

施明府昭庭

葉太守新

葉觀察士寬

翁刺史暹標

蔣郡丞祝

朱明府宏仁

龔明府鑑

童太守華

卷五十三 循良

王太守時翔

牛明府運震

李太守大本

周觀察克開

鄧太守夢琴

李明府炯

朱明府休度

汪明府輝祖

劉明府大紳

李方伯賡芸

卷五十四 循良

張明府吉安

史刺史紹登

蓋太守方泌

劉觀察衡

李明府鍾昌

彭戶部永思

俞都轉德淵

石郡丞家紹

張明府琦

白協戎雲上

卷五十五

孝義

趙孝子希乾

閔孝子

黃孝子向堅 顧廷琦 劉龍光

錢孝子美恭 劉獻煜 劉德瀆

顏孝子伯璟

陳孝子嘉謨 賀上林 何士閣

曹孝子超 張維德 張振祚 薛文 薛化禮

王孝子原

耿孝子燿 耿極 耿光 耿於彝 耿輔

卷五十六 孝義

劉孝子恩廣 子青藜 王瑛 李恂 劉星 郭培壙

顏孝子中和 顧鼂

吳孝子紹宗

朱孝子壽命

楊孝子文蔚 蕭白璜

張孝子嘉 郭居鼎 江大賓

鄭孝子江 吳國肇 何履旭 李盛山 林開登

謝孝子獻 陳開運 賴用賢 李人鳳 李人彪 李

沈孝子萬育

卷五十七 孝

王孝子恩榮

謝孝子萬程

蕭孝子啟聖 弟鳳騰

王孝子麟瑞 劉必泰 邱永彰 胡士宏

黃孝子農 子商衡

胡孝子隆

林孝子長貴 弟長廣 黃學朱

李孝子維焯

卷五十八 孝義

黃孝子洪元

盧孝子必陞

潘孝子士晉 潘德馨

施孝子聖揆 楊嘉楨

劉孝子炳

任孝子遇亨 任裕德

劉孝子鎰

曹孝子起鳳

卷五十九 孝義

汪孝子一元 汪一崧 王品璋

張孝子大觀 蔡應泰 楊璞 劉芳

常孝子裕綸 史印曾

范孝子仲光 朱有合

奚孝子緝管

鄧孝子觀灝

潘孝子瑁

龐孝子佑

卷六十 孝義

湯孝子淵

黃孝子有則

胡孝子其愛 潘周佑

高孝子啟瘦

朱孝子修來

吳孝義紹先 蕭良昌

李孝義長茂 黃成富 陳福 樵衿

吳孝義鴻錫

平江 孔廣心澄齋

湘陰 蔣恭鑑東觀校訂

平江 楊存蔚玠生

國朝先正事畧目錄終

國朝先正事略卷之一 名臣

平江李元度次青纂

范文肅公事略

子忠貞公承謨

承勳

孫時崇時繹等

國家肇興東土光宅方夏開國佐命之英皆天潢貴胄位列親藩勳在冊府未敢援入先正之列卽翊運動臣之侑饗

大廟者若信勇公費英東宏毅公額亦都武勳王揚古利等又皆立功天命天聰崇德間在

世祖章皇帝統壹區宇之先故論入闕後宣力文臣必以范文肅公稱首公歷事

太祖

太宗當王師入關時首定大計勸進兵詔勅檄諭皆出其手終

世祖朝位元輔經營豈味用彌成我國家丕丕基薨於聖祖康熙五年躬闕四朝登上壽子孫繼武為國宗臣視漢

之鄴侯爾侯唐之房杜宋之趙中合元之耶律文正明之誠意伯有過之無不及已公諱文程字憲斗瀋陽人本宋文正公仲

淹後少穎敏沈毅讀書通大義為諸生天命三年杖策謁太祖高皇帝於撫順偉其貌詢其家世謂謂貝勒曰此名臣後

也厚遇之命直文館參預帷幄天聰三年我軍解大安圍克遵化五年招降大凌河城六年陳進取秘計七年援明將孔有

德來歸皆公策也。會初設固山額真廷議首推公。太宗曰：此一軍職耳。范章京朕之心膂，其別議之時，宏文館尙未有大學士，而公所領皆樞密重事。每召對，夜漏逾數十刻始出，或未及食息復奉。召率以爲常。崇德二年，改六館爲內三院，授公秘書院大學士，加世職二等甲喇章京。每議大政，輒資籌畫。八年，撥隸漢軍，鑲黃旗是歲。

世祖嗣服，明年爲順治元年。四月，流賊李自成陷明北京。明將吳三桂來乞師。上召公於湯泉，決策進兵。公力疾趨朝，建議曰：自闖賊猖狂中原，塗炭近且，傾覆京師，戕厥君后，此必討之賊也。雖擁衆百萬。

橫行無忌。然揆其敗道有三。逼殞其主。天怒矣。刑辱搢紳。擄劫財貨。士憤矣。掠民貲。淫人婦女。火人廬舍。民恨矣。備此三敗。行之以驕。可一戰破也。我國家上下同心。兵甲選鍊。誠聲罪以討之。恤其士大夫。拯厥黎庶。兵以義動。何功不成。又言好生者。天地之德也。兵者聖人不得已而用之。自古未有嗜殺而得天下者。今誠欲統一區夏。非又安百姓不可。於是大軍遂發。公扶病隨征。申嚴紀律。秋毫無犯。妄殺者罪之。二十二日入關。大戰。敗賊兵二十萬。我軍長驅而西。民多逃匿。公草檄宣諭。言義兵之來。爲爾等復君父仇。非敵百姓也。今所誅者。惟闖賊官來歸者。復其官民。來歸者。復其業。必不爾害。民心遂大安。五月期。攝

政睿親王多爾袞師帥入燕京公建議首先爲明帝發喪易梓宮備儀衛議諡號爲文紀其事十月朔

世祖定鼎公疏請撫遺黎起廢斥定冊籍減賦額盡除明季加派稅餉厰衛諸弊政嘗晝夜在闕下事無巨細應機立辦開國規制公手定者爲多中原既定請再行鄉會試以致人材國用不足請興屯田又上保舉連坐法詔皆立予施行累加一等

梅勒章京及一等男世爵 賜號巴克什六年任議政大臣纂

修實錄加世爵至一等子晉少保兼太子太保以疾乞休 優

詔許暫解職調理病痊卽 召用特加大傅兼太子太師

世祖親調藥餌馳 賜十四年 詔遣畫工就第圖公象藏於

丙府康熙元年

上諭閣部曰原任大學士范文程希福甯完我額色黑皆

太宗文皇帝股肱之臣勲勞最著其子宜擢用越四年公薨

聖祖震悼輟朝二日再遣大臣致奠賜祭葬加等子諡文

肅御製碑文勒墓上五十二年御書元輔高風額其祠公

嘗言天下治安惟在得賢庶官中有一皆不掩者悉為奏請前

擢後皆稱職於直臣善類尤力保全性廉慎好施與器量宏深

入莫測其喜怒焉雍正中詔入祀賢良祠長子承斌襲一等

子爵四子承烈字彥公累官戶部侍郎

次子承謨字觀公順治九年進士由編修累遷國史院學士康

熙七年巡撫浙江故事督撫受事必劾不法吏兩司列狀請公閱而哂曰是欲吾舍豺狼而問狐狸也還之一日出片紙盡列兩浙豪惡姓名及墨吏之尤者劾繫寘之法聞者皆悚息會抗嘉湖水災奏貸庫銀八萬兩買米平糶并請蠲緩又許最貧者得附老弱例肩鹽自給全活者多先是甯台溫處金衢諸府屬荒田經前總督趙廷臣請除額賦有旨命承謨履勘至是遍歷其地奏豁荒田地二十九萬四千六百畝有奇水衝田地二萬一千九百畝有奇十年因疾解任浙江總督劉兆麒提督塞白理各據民詞籲畱給事中姜希轍柯聳御史何元英等亦言其愛民如子劾貪除猾杜加耗私派陋規單騎勘荒悉心賑恤

浙人愛戴請特勅勉留。有旨俯順民情。留原任在浙四載。民安其治。每出巡山農進瓜果脫粟飯。受食之日。與父老童稚接。以故悉民疾苦。得設施拯恤。十一年。擢福建總督。以疾辭。不允。請。陛見。許之。明年入覲。

上遣御醫診視。賜葭藥。趣赴新任。解。御衣冠及鞍馬。賜之初。福建總督駐漳州。至是將撤。靖南王耿精忠藩屬回京。特命移駐福州。抵閩。疏陳軍屯之利。請合士卒墾荒地。六年。始裁其餉。又言閩人生計。非耕卽漁。自海禁嚴。徙沿海民居內地。廢民田二萬餘頃。虧賦額二十餘萬。請聽民沿邊捕採。取魚課。以益軍餉。十三年。吳三桂反。雲南承謨密疏言功。令考成。過重。

盜案處分過嚴。致有司專務催科。且諱盜。請以寬大繫民心。會精忠陰附三桂。公察其有異志。計督撫標兵少。又與精忠所部習不足恃。乃疏請增兵復舊額。又請巡海嶠。赴漳泉閱鎮兵。以遙制之。疏上未及行。客謂公曰。滇氛已及楚矣。盍以備鄰。封爲辭。出據其上流乎。公曰。彼逆猶未發也。我動彼且得閒。謂我據地陰圖之。因以怒其下。是我失守而激變。不可爲也。乃密檄諸道將以謁新總督爲名。各率健兒赴行省。用折逆謀。事未集而精忠叛。是年三月。精忠詭言海寇至。邀與計事。巡撫劉秉政附精忠。促之行。公知有變。左右請擐甲以從。曰。眾寡不敵。備無益也。乃坦然按轡至。則逆眾露刃相脅。公挺身前罵賊。精忠素憚。

其威望恐殺之重民怒乃閉諸士室置守者三十二人絕粒八日不死精忠遣秉政說降秉政且進且指公奮足蹴之仆地罵曰逆臣不日當就誅我先禡其魄在械所三載冠御賜冠衣辭母時衣每朔望奉時憲書一帙北面再拜閒爲詩文以桴炭畫壁上被繫時部曲有張福建者手雙刀奮呼奪門連斃賊力竭而死蒙古人嘛尼守者三十二人之一也感公忠義謀令出走事泄精忠將磔之大言曰吾甯與忠臣同死不願與爾逆賊同生十五年九月王師入仙霞關精忠將降冀飾辭免死懇公暴其罪遣逆黨逼令就縊以滅口時賊以夜至公起索冠賊奪而擲之乃以械扶擲冠者頭尋整衣望闕九頓首就縊幕

客無錫嵇永仁會稽王龍光華亭沈天成從弟承譜及親屬家
丁隸卒五十三人並遇害舊役王道隆以奉使還至延平聞變
自刎死賊焚公尸棄之野泰甯騎兵許鼎預伏宿莽中乘夜收
得燼體明年潛負至京師
天子震悼遣內大臣奠爵贈兵部尙書加太子少保廕一子
入監賜祭葬諡忠貞御書碑文賜其家十九年精忠赴
市朝日公子時崇手砒其肉以祭墓福建士民立專祠於道山
御書祠額曰忠貞炳日所著有吾廬存稿蒙谷自序百苦吟及
畫壁遺稿時崇以稿進呈
聖祖親製序雍正中詔入祀昭忠祠

三子承勲字蘇公由員外郎授御史論事侃侃疏言八法以貪
爲首貪吏僅羅薄譴何憚不爲請按律嚴擬毋徇庇下部議行
尋改吏部郎中康熙二十年川東賊譚洪復叛詔領禁兵會
勲且督滇餉承勲以赤水地少米勸諭土司輸粟麥給軍預遣
官赴滇截留黔餉師以不匱二十三年九卿遵旨舉廉吏承
勲與焉擢內閣學士明年巡撫廣西容鬱等州縣先陷賊奏免
追逋賦又明年擢雲貴總督至卽整飭營伍捐俸建學宮置禮
樂器聘名士纂修通志所規畫動中機宜威惠大著夷中有魯
魁山跨連數郡諸獠窟穴其中時出劫掠檄曉以利害渠魁
楊宗周等遂籍土以獻時窮搜吳三桂舊部解送京師承勲奏

請已入伍者許仍歸伍其來歸者分別發營願歸農者聽於是
軍民貼然二十七年雲貴左協兵變縱火殺掠省城兵與通約
七月二十日夜分舉事公偵知之是夜擒首惡唐金等合終夕
擊二鼓賊黨聞曉鐘始知事泄皆就縛誅十有三人而定左協
叛兵潰走黔欲入楚公諜知所向先檄諸路勒兵賊方攻交水
各路兵至夾擊賊窮蹙乞降斬首惡二十餘人亂遂靖魯魁降
賊李尙義普爲善等復出掠遣兵攻入其菁尙義死爲善面縛
投誠自是諸夷惕息官斥藩莊核其價省民間溢費二十餘萬
金在滇九年所祛蠹弊甚多而清鹽筴不得按戶抑派酌道里
遠近定支撥軍餉條例吏不得巧法朘民至今賴之裁六衛五

所併歸州縣。逃亡皆復。故主三十二年入覲。

聖祖曰。爾係盛京舊人。爾父累朝效力。爾兄又爲國捐軀。朕因。日爾思及爾兄心。爲慘切。不見爾八九年矣。爾鬢髮遂皓白如。此即解。御用貂冠貂褂狐白裘。賜之。并賜御書世濟其。

美額。明年內遷左都御史。尋督兩江。初公在滇黔。發奸糾暴。無所貸。至是專務清靜。以與民休息。奏免民賦者五。豁陷賊州縣所失資儲無算。駁正漕督誤題入額賦者一。歲大禱。奏發米穀九十三萬石。有奇。賑裕先發後聞。議有格。而復奏。至再三。者均蒙特允。鹽城令某貪橫。以與要人有連。大府不敢呵。公下車有寡婦某訟之。立斥罷。三十八年授兵部尙書。四十三年請老。允。

之加太子太保晉五級五十二年薨遺疏入。諭稱其敬慎自持勤勞久著。賜祭葬如例。

承謨子時崇由廕生授知州累遷府道貴州福建按察使山東

布政使康熙四十四年巡撫廣東。命兼理鹽政。

上發函章。諭以兩廣鹽政積弊甚多朕已察得數條特命查

辦。時崇疏陳鹽政七則。一鹽政衙門歲有羨餘十萬兩宜盡充公用。有一種蠹胥名曰發收於鹽政初蒞時任意播弄導以急羨餘而緩正課宜革除。一鹽政遣內差坐守場口名爲緝私止知勒索宜禁革而以緝私責成地方官。一知事大使及潮州運同廣惠分司均屬冗員宜裁汰。一運司向得羨餘六萬兩應解

河工銀萬兩。銀斤水腳銀二萬兩以外均應充公。一行鹽地方文武官皆有陋規名曰茶果宜禁革再犯以贓論。一請借運庫銀三萬收買私鹽俾化私爲官。一革除總商名色。部議均如所請。又疏言前耿逆之變隨臣父殉難者五十三人內生員嵇永仁王龍光等俱被幽囚三載死難甚烈經前撫臣題請贈銜部以生員無追贈例議寢乞特勅追贈祔祀臣父祠堂乃贈永仁龍光及沈天成范承譜等國子監助教學正有差並入祠陪祀。四十九年擢閩浙總督獲海賊鄭盡心解京伏法五十三年。陞見。賜御製詩有棟樑祖德家聲重。蘭桂孫枝合譽清之句。序云。閩浙總督范時崇陞見來京朕每念伊祖爲開創宰輔伊

父乃忠義名臣，所以待之優重。今因回任，特賦詩餞送其愛。恩眷如此，明年授左都御史，遷兵部尚書。五十九年薨，賜祭葬如典禮。前官福建按察時，明允哀矜，慈而善斷，士民並祀之。道山。

承勳子時繹，由參領授副將，擢總兵。雍正四年，詔署兩江總督，遷都統，仍署總督。疏請將江蘇、安徽所屬丁銀，勻入地畝內征收，以雍正六年爲始，從之。尋擢戶部尚書，權總督如故。條上兩淮鹽政七則，下部議行。會詔發帑銀，交替撫提督營運，以濟兵丁。江南督標應領銀六千，時繹慮標員有侵擾弊，奏請將銀承買人官變價房產納租備用。

上嘉其妥協七年坐事免

命協理河務爲總督田文鏡所劾

部議論死得

旨寬釋授副都統十年遷工部尙書兼管兵部

十二年罷又有時紀時綬時捷者皆文肅公孫也時紀由廕生

累官郎中授廣東糧道遷鹽運使乾隆二十五年入覲諭曰

范時紀爲漢軍世族見在伊家並無大員著畱京以副都統用

尋擢工部侍郎調倉場侍郎未幾調戶部四十二年調禮部侍

郎尋卒時綬字緩齋由主事累遷郎中授山東濟東道遷安徽

按察使湖北布政使乾隆十六年擢湖南巡撫疏言湘陰益陽

續墾田千餘頃係瀕湖隙地請暫免升科又洞庭爲受水之區

私坑日增則上流受害已勸諭毀坑並嚴禁添築水得暢流十

八年調撫江西。以病歸。二十七年起戶部侍郎。請赴西路屯田。効力。賞孔雀翎。命馳驛前往坐事。免。賞頭等侍衛。尋授副都統。三十年除吏部侍郎。明年晉左都御史。又明年授湖北巡撫。三十三年入爲都統。再授左都御史。遷工部尙書。尋調刑部。四十七年薨於位。時捷字子上一字敬存襲子爵。累官陝西巡撫。古北口提督。入爲都統。時綬子宜恆由雲麾使授參將。濟陞福建總兵。憂歸。尋授副都統。乾隆五十七年奉特旨。原任大學士范文程在國初時勲庸懋著。其子承謨又靖節捐軀。今其裔孫內無文職大員。殊堪軫念。范宜恆著加恩補授工部右侍郎。仍兼副都統。嘉慶元年擢戶部尙書。尋卒。

行樂也... 國朝典章通考卷一百一十五

... 國朝典章通考卷一百一十五

... 國朝典章通考卷一百一十五

... 國朝典章通考卷一百一十五

... 國朝典章通考卷一百一十五

... 國朝典章通考卷一百一十五

圖昭勲公事畧

自古貞元肇造，必有熊羆之士，不二心之臣。世篤忠貞，贊成王業。我朝異姓勲臣，伯饗

清廟，以直義公爲首。而昭勲公，則其第七子也。昭勲公諱圖賴，姓瓜爾佳氏，滿洲正黃旗人。父直義公諱費英東，驍果善射，引強弓十餘石。天命初，從其父索爾果，率所部來歸。

太祖嘉之，授一等大臣，尚主。自少從

太祖征討諸國三十餘年，每戰身先將士，突堅陣當其鋒者，輒糜碎以功，授三等子。世襲。命與何和哩、額亦都、扈爾漢、安費揚古爲五大臣，佐理國事。天命四年，明兵四路來侵，一軍據薩

爾。許。山。巔。直。義。公。率。本。旗。兵。進。擊。大。破。之。

太。祖。之。取。撫。順。也。明。兵。來。援。投。石。飛。火。直。義。公。馬。驚。逸。諸。軍。欲。

退。乃。迴。馬。大。呼。揮。諸。軍。猛。進。卒。破。之。

太。祖。拊。髀。歎。曰。萬。人。敵。也。從。攻。葉。赫。城。上。矢。石。雨。下。直。義。公。及。

諸。將。皆。被。創。

太。祖。命。之。退。對。曰。我。兵。已。薄。城。下。矣。何。退。為。再。命。退。對。曰。勢。

已。垂。克。請。勿。疑。竟。拔。其。城。性。忠。直。敢。強。諫。獎。善。黜。惡。宣。力。殫。心。

以。佐。成。大。業。五。年。三。月。薨。年。五。十。有。七。

太。祖。親。臨。其。喪。痛。哭。復。臨。其。墓。

太。祖。卽。位。追。封。直。義。公。配。饗。

太廟以其長子察哈尼襲爵。賜勅免死二次。順治十六年。追論佐命功第一。晉世爵爲一等公。康熙九年。聖祖御製碑文勒石紀勲績。大駕東巡。親臨其墓。雍正九年。世祖皇帝加封號曰信勇公。而昭勳公能繼其武。其公號亦錫名。旌勇云。昭勳公少襲三等總兵。世職坐事罷。隨征董鄂及甯遠。並有功。天聰三年。從太宗伐明。進薄燕京。明總兵滿桂以師赴援。公直前衝擊。斬馘甚眾。授騎都尉。世職四年。隨大貝勒阿敏等鎮永平。敗明兵於灤州。師還。大貝勒棄永平出邊。明兵百餘來追。公率十六人還。

戰盡殲其眾。尋授三等輕車都尉。五年從征大凌河。圍其城。明兵四萬來戰。公躍馬衝陣。敵兵潰走。遂擒監軍道張春。旋征大同。拔靈邱縣及小石城。敘功晉世職二等。九年任護軍統領。隨貝勒多鐸入廣甯。率兵先趨錦州。明總兵祖大壽以兵三千來禦。未及戰。明兵驚潰。俘馘無算。崇德二年授議政大臣。明年隨貝勒岳託伐明。率師先驅踰牆子嶺。攻克十一臺。進兵山東。明兵八千來禦。蒙古兵少。卻公奮力鏖擊。敵以百騎突至。公搏戰陷堅陣。大敗之。旋敗明閣部劉宇亮等兵於通州河上。拔四城。晉爵三等男。六年圍錦州。明兵自松山赴援。擊敗之。先是蒙古有降明者。曰諾木齊。在圍城中遣人約獻東關以降。至是事泄。

明○兵○圍○諾○木○齊○家○公○登○城○力○戰○殺○敵○出○諾○木○齊○以○歸○復○破○松○山○
騎○兵○拔○搭○山○杏○山○二○城○晉○一○等○男○八○年○攻○拔○中○後○所○及○前○屯○衛○
晉○三○等○子○順○治○元○年○大○軍○抵○山○海○關○流○賊○李○自○城○遣○兵○拒○戰○公○
率○前○鋒○破○賊○將○唐○通○於○一○片○石○既○人○關○破○自○成○兵○復○會○大○軍○追○
敗○之○於○望○都○超○授○三○等○公○是○年○十○月○豫○親○王○多○鐸○帥○師○下○河○南○
自○成○走○陝○西○公○至○孟○津○率○精○兵○先○決○河○明○守○將○黃○士○欣○等○各○遁○
去○瀕○河○十○五○寨○堡○兵○民○皆○望○風○納○款○睢○州○總○兵○許○定○國○等○率○眾○
降○進○薄○潼○關○賊○遣○僞○侯○劉○宗○敏○沿○山○列○陣○以○拒○公○率○騎○兵○百○四○
十○人○進○戰○皆○一○以○當○百○設○伏○掩○擊○盡○殪○之○明○年○賊○將○劉○方○亮○整○
眾○來○窺○公○與○護○軍○統○領○阿○濟○格○尼○堪○等○率○五○旗○將○領○迎○擊○賊○懼○

而奔蹙之俘敵甚眾自成聞敗集兵固拒公合三旗兵力戰殲其步卒餘騎奔竄賊糾眾又至連戰敗之遂破潼關賊大潰自成遁陝西既定移兵下江南政克揚州追明福王朱由崧於蕪湖敗靖南伯黃得功兵得功中流矢死遂獲福王餘眾悉降師旋晉爵一等公公性伉直嘗謂攝政睿親王曰圖賴自誓於天効忠

主上不避諸王貝勒大臣嫌怨久矣圖賴有過王若不言恐終不免於罪戾今欲改過自新王幸毋姑息不我教誡也會睿親王於午門集議大學士譚泰擅隱諭旨罪三日未定公面詰之曰胡遲久不決耶聲色俱厲王怒拂衣起諸王執公將罪之

王曰雖然此非退有後言此且爲國効勤矢忠無他意也解其
縛而貸之三年任都統隨端重親王博洛進師浙閩軍次杭州
初我軍下杭州時營於江岸杭人見之謂潮至必沒既而潮二
日不至成駭爲神遂開門降至是曾王朱以海據紹興其總兵
方國安等營於錢塘江東岸艤舟以拒我軍江廣十餘里其下
莫測波濤凶惡舟楫不得停所謂廣陵濤也公躍馬從上游徑
渡僅沒馬腹諸軍隨之大濟呼聲震天遂分兵縱擊國安益驚
以爲神盡棄戰艦挾魯王遁保台州公奮力追勦遂克台州拜
拔金華衢州等城浙東平會端重親王令與都統漢岱分兵下
福建公自衢州統所部兵擊敗明閣部黃鳴駿於仙霞關攻克

國朝文獻通考卷一百一十五
下
蒲城漢岱亦自廣信破分水關入崇安十五戰皆大捷下十城
明唐王朱聿鍵走汀州諸將乘勝追擊斬唐王及馬士英等盡
降其眾閩海悉定回次金華薨年四十有七子輝塞襲爵公天
性忠鯁勇而善謀能以寡覆眾無能禦者結髮事戎行屢立奇
功未嘗一誣勳薨後二年貝子屯齊等誣以黨徇睿親王追論
之奪輝塞爵籍其家

世祖皇帝親政知公無罪且念舊功追謚昭勳配饗

太廟御製碑文旌焉復輝塞一等公還所籍雍正九年詔

加號雄勇公

圖忠義公事略

本朝異姓勲臣配饗位次首信勇公費英東次宏毅公額亦都
二公皆兩世配食

清廟信勇公子以雄勇公圖賴爲最著宏毅公有子十六人其
尤肯構者則圖忠義公也公諱圖爾格姓鈕祜祿氏滿洲鑲黃
旗人父宏毅公額亦都世居長白山父母爲仇家所害年十三
手刃其仇避依其始家

太祖高皇帝過其地識爲真主辭始從行生而驍果善戰能挽
十石弓初合討尼堪外蘭於圖倫城先登又攻色克濟城掩其
不備取之尋命取巴爾達城至渾河河漲不能涉以繩稱軍

士魚貫而渡夜薄其城先登城上飛矢貫其股著於雉堞揮刃

斷矢戰益厲被五十餘創不退卒拔之

太祖郊迎燕勞悉賜所俘獲遂賜號巴圖魯薩克察之入

寇也宏毅公率數人敗之夜入其城連克數城寨戰功冠一軍

師旋上迎勞如初界藩有科什者以勇聞盜九馬遁宏毅公單騎追

斬之盡返所盜馬會葉赫九國合師來侵

太祖命以百騎挑戰敵悉眾來犯奮擊殪九人敵卻大兵繼之

遂斬葉赫目勒布齊九國兵皆潰我軍有齊法罕者戰歿宏毅

公直入敵陣奪其尸而還訥殷路者九國之一也既敗歸復聚

公直入敵陣奪其尸而還訥殷路者九國之一也既敗歸復聚

七寨眾來犯。處佛多和山宏毅公帥師攻下之。
上賜所乘馬以旌其勞。自後征東海各部所向克捷。取雅攬路。
俘至萬人。天命四年。明經畧楊鎬統兵二十餘萬分四路來侵。
大貝勒代善出禦。明總兵杜松王宣趙夢麟兵於撫順過扎喀。
關議駐師僻地以俟。

太祖時

太宗文皇帝方爲四貝勒。謂界藩山有築城。夫役宜耀兵向敵。
以壯兵役之氣。不當駐僻地示弱。眾議未決。宏毅公進曰。貝勒
言是也。遂進師界藩會。

太祖大兵亦至。大破明兵於薩爾滸山。明三總兵皆陣歿。又破

明總兵馬林於尙間崖剝綆於阿布達里圖公皆在事有功每戰輒爲軍鋒自弱冠從征討歷四十餘年攻城野戰未嘗挫衄每克敵受賜皆分給有功將士纖毫不以自私

太祖初娶以宗女復以和碩公主降焉與信勇公費英東等同爲五大臣佐理國政累官至一等內大臣爵一等子天命六年薨年六十

太祖親臨哭之慟

太宗卽位追封宏毅公

特命配饗

世祖命建碑隧道表勲烈後

聖祖東巡盛京復

親酌

其墓圖忠義公其第八子也自幼從

征討累功。至輕車都尉世職。任都統。與十六大臣之列。又以父勳。晉子爵。天聰三年。從

太宗伐明。克遵化城。有功。

上命貝勒阿敏等守永平。而以公及都統納穆泰守灤州。四年五月。明合兵攻灤州。公與納穆泰分汛固守。出奇兵殺敵。敵轉攻納穆泰汛地。公急遣阿玉什分兵往援。會火及城樓。有執燹者。乘雲梯登。阿玉什揮刀斬之。奪其燹。敵卻。時貝勒聞灤州被圍。不急救。及遣將率兵數百來援。夜三鼓突圍入城。而城已垂破。翼日。明兵發巨礮攻城。城壞。樓焚。公度力不能支。率眾潰圍奔貝勒軍。貝勒大驚。棄永平。遁。公諫之不聽。乃殿後。全師而

還坐不能力諫。削世職。解都統任。五年。從征錦州。率護軍駐松山間。夜截明兵之赴松山者。斬級二十。有星訥者。我軍統將也。方戰。墜馬。敵還取星訥。公從三十騎馳救翼之。出會明入將城大凌河。率兵往探。俘其人畜以歸。起吏部承政。從

太宗攻大凌河。分圍城東北面。敵兵突出。犯我南礮臺。公不及騎。徒步擊走之。畧松山及錦州。並有功。八年五月。

太宗伐明。入大同。命帥兵駐張古臺河。以拒敵師。九年春。從貝勒多爾袞往招察哈爾。降其長額哲。遂畧山西。自平魯衛入。毀甯武關。躡代州。乘勝至忻口。遇伏。敗之。追至崞縣。殲其眾。還經平魯衛。明兵邀我師於途。公親陷陣。殺敵百人。敵敗入城。不

敢出公策敵且復至設伏以待而身爲之殿明錦州總兵祖大
壽等合大同鎮兵三千來追公返兵用步戰衝其中堅伏起夾
擊大敗之授一等男爵復任都統崇德元年隨武英郡王阿濟
格攻克明昌平雄縣並先登二年坐事免先是公尙和碩公主
公主所生女爲貝勒尼堪福晉福晉無子詐取僕女爲女至是
事敗公應論死得旨寬免罷其任尋攝都統事三年隨貝勒
多爾袞破明總兵侯世祿等兵復敗敵於董家口毀邊牆入奪
青山關下四城五年秋隨貝勒圍錦州取其禾連破錦州松山
兵又偕都統葉克舒帥兵三千伏隘口伺敵敵眾千餘來戰葉
克舒馬中箭蹶敵入將兵之公射敵敵殪救之上馬併力衝殺

國朝先正三卷一
敵敗復合凡六戰六勝身破二十餘矢馬亦重創猶殿後力戰
悉保所俘而還晉子爵擢內大臣六年秋明經畧洪承疇率兵
十三萬援錦州

太宗親征明旣敗承疇兵命隨阿濟格邀擊明敗兵於塔山
時明總兵曹變蛟吳三桂王璞等各引本部兵遁而變蛟兵夜
突鑿黃正黃兩旗汎地犯御營甚急軍中侍衛及守營大臣
方大驚不得前公奮呼發矢應弦殪二人率諸將併力攢射敵
始敗去又隨豫親王多鐸設伏敗吳三桂王璞兵於高橋七年
冬隨饒餘貝勒阿巴泰帥師伐明直抵山東兗州俘明魯王及
樂陵陽信東原安邱滋陽諸王并各王府宗室官屬幾千人下

府三。州十八。縣六十七。八年夏班師。賜白金千五百兩。晉爵
二等公。順治二年二月薨。年五十。公忠勇有父風。才畧過人。屢
受文武重寄。勦伐最著。九年追諡忠義。配饗
大廟。立碑墓道。雍正九年。賜公號曰果毅。子科布梭襲。

太祖高皇帝聖訓卷之六十一

受文先旨。聖訓。於此。皆。六。子。自。結。也。其。訓。也。

一。聖。公。明。也。一。日。多。事。五。十。六。公。也。即。自。父。國。本。界。人。員。

一。三。十。八。日。聖。訓。也。一。日。多。事。五。十。六。公。也。即。自。父。國。本。界。人。員。

準襄毅公事畧 兄薩穆什哈 弟雅賴

公諱準塔。姓佟佳氏。滿洲正白旗人。父扈爾漢。國初從其父扈喇虎來歸。

太祖養以爲子。賜姓覺羅。授一等大臣。居五大臣之列。嘗奉命遷蜚悠城之衆。以兵三百護之。先行。烏喇遣萬人邀諸路。乃結寨山嶺。分百人衛之。身帥二百人拒敵。敵不能犯。次日。諸將至。遂大破其衆。從征東海烏濟部。降呼葉路。收二千戶以歸。太祖嘉之。賞甲冑名馬。賜號達爾漢。尋征虎爾哈路。圍扎庫塔城三日。攻克之。又從征烏喇。乘勢奪門。遂克其城。進征東海薩哈連部。收河南北三十六寨。及黑龍江北十一寨。又招降使

大使鹿諸部長。天命四年，明兵四道來侵。從擊撫順、開原二路，大敗敵眾。明總兵劉綎、宿將也。田寬、莫口進董鄂路。上命率兵千人伏山隘，以待及。至，眾貝勒帥勁旅夾攻。綎倉卒不及陣，殲其眾五萬人。綎戰死，其率兵往禦董鄂路也。道遇明游擊喬一琦，擊敗之一琦，奔朝鮮營，自縊死。明年，從上伐明，敗總兵賀世賢等軍於瀋陽。每戰輒爲軍鋒，奮不顧身。歷加世職，至三等總兵官。薨，年四十有八。太祖親臨哭之。長子渾塔襲職。公，其弟四子也。天聰八年，任參領，授騎都尉。世職崇德二年，隨武英郡王阿濟格征明皮島，王以敵兵堅守，屢月不能克。集諸將問策，公與參領鼇拜抗聲曰：

志不強力不果氣不銳者不下此城塔拜丈夫也請詰旦先登
誓必克之否則不復見王遂連舟越眾渡海舉火爲號以待後
軍持敵兵據堡列陣公與鼇拜冒矢石奮擊肉薄而登遂克其
島叙功超授三等男賜巴圖魯號擢都統隨貝勒岳託趨密
雲攻牆子嶺入旗並進公先據嶺以導諸軍遂毀邊城入敗明
總兵侯世祿等軍會三屯營守將以步騎三千截我輜重公及
都統武賴擊敗之連敗敵兵二千於董家口遂往畧地克二城
晉爵二等男六年秋隨安平貝勒杜度等圍錦州有功明年復
帥將士圍錦州又明年隨征山東坐調度失宜奪巴圖魯號降
輕車都尉順治元年從睿親王多爾袞入山海關擊流賊李自

成與都統譚泰等追至正定大破之賊燔輜重倉皇遁於是燕
京迤北居庸關內外各城及天津正定皆降冊勅復爵三等男
二年春帥右翼兵隨饒餘郡王阿巴泰平定山原趨江南時明
福王遣兵渡河圍徐州沛縣李家樓公督兵馳擊敗之擒斬其
將六人明兵赴河死者無算遂下徐州命屯兵鎮守五月自
徐州進兵南下敗明副將高雅軍於宿遷師次清河總兵劉澤
清率步兵四萬船千餘艘據黃淮清三河日以扼連營十里公
遣將渡清河列營相拒以礮擊敗敵舟別遣將率步兵六百入
拒黃河北岸鳴礮相應隨分兵兩路一自清河上游進擊一攻
對岸敵兵皆敗之今軍追至淮安斬其副將二參將一有偽新

昌王者。潛遁海島。雲臺山。聚眾。陷與化。公遣兵進。勦破其巢穴。擒斬之。通州如皋。秦興等城。皆下。遂平定。淮安。其鳳陽。廬州。皆望風納款。職官降者百餘人。獲戰艦。馬。駝。器械。凡十萬。以功。晉三等子。仍賜巴圖魯號。三年。命隨肅親王。豪格。勦張獻忠於四川。賊悉銳迎戰。公麾兵奮擊。俘馘不可數計。復同貝勒。尼堪等。分兵攻克。遵義。夔州。茂州。榮昌。富順。內江。資陽。諸郡縣。川寇悉平。尋隨肅親王。勦陝西賊黨。武大定等。四年。凱旋。未幾。薨。五年。論前後功。晉爵一等子。追諡曰襄毅。詔立碑墓道。旌其功。公無子。以弟阿拉密襲。薩穆什喀者。公之第三兒也。少事。

太祖積功至輕車都尉世職征董夔率十二人追敵至山下斬百人獲礮五十有三馬牛羊千計

太宗卽位與十大臣之列嘗從征旅順口由陸地運舟入水時眾皆乘馬獨建議曰兵旣潛進何騎爲乃率眾步行及水次各旗所運舟俱未至獨與步軍統領巴奇蘭連舟先進誓必得城不空返身被百創戰益厲大軍繼之遂破旅順口師旋

太宗郊勞親酌金卮以賜尋征黑龍江虎爾哈部降其眾盡取其地晉三等男授步軍統領列議政大臣隨武英郡王等伐明入長城攻容城縣先登克之及攻皮島督前鋒兵渡江先抵岸與都統阿山葉臣等攻克之斬其守將沈士奎晉一等子旋

征索倫部設伏敗敵克之班師

上郊勞錫宴如初後坐事奪爵以征錦州功復騎都尉世職崇

德八年薨

公之七弟曰雅賴亦以忠勇聞有父兄風烈幼從

太祖征馬喇畧地朝鮮數被剗復隨大兵攻遼東破蒙古兵俱
有功又征察哈爾先登俘馘無算天聰三年率兵千人畧明新
城路遇其故將毛文龍部眾採葭者斬六十人毀其船九月同
額駙揚古利等躡捕逃人於雅爾古復遇文龍部眾殺九千六
百餘人生擒其千總十數人以歸是年冬從
太宗伐明薄北京巡撫袁崇煥來援圍我護軍營城向兵出夾

攻雅賴奮勇力戰卻之五年從圍大凌河城累戰皆捷正白旗
士卒有歿於陣者單騎入取尸而還七年征旅順口與其兄薩
穆什喀同舟進敵據岸列陣以拒時各旗兵皆有難色獨超躍
登岸大呼曰雅賴先登矣遂衝入敵陣黎明與敵兵大戰入城
門身被數創督戰愈厲我兵或少退輒手刃之大敗敵兵取其
地授騎都尉世職尋授議政大臣加一雲騎尉順治六年隨睿
親王入關定燕京二年復隨豫親王破流賊於潼關平定河南
江南冊勳累晉一等男兼一雲騎尉八年任戶部尙書坐同官
給餉不均不行奏聞論罰贖罷尙書任康熙三年薨賜祭葬
如例子花色襲爵

希文簡公事畧子帥顏保

公諱希福姓赫舍里氏滿洲正黃旗人先世居哈達。

太祖滅哈達時公從其兄頌色率所屬來歸以通滿漢蒙古文字召直文館屢奉使詣蒙古部賜號巴克什文字之任一以委之天聰二年。

太宗親征察哈爾命往徵科爾沁兵助戰將還土謝圖額駙奧巴止之曰寇騎塞路行將安之即有罪謹誰執其咎公曰吾命安得辭死則死耳事不可悞也遂行再宿達大營復命曰科爾沁兵不赴調土謝圖額駙奧巴已率兵他往侵掠掠畢然後來會。

上怒復遣將士八人隨公往趣其速赴調行四晝夜至小屯遇敵擊殺三十餘人卒達科爾沁部以其兵來會明年奧巴至上命公等責讓之奧巴服罪獻駝馬以謝叙功授騎都尉世職尋從征燕京敗明兵北門外大凌河之役與都統譚泰等奪擊錦州援兵師旋敵兵襲我後又擊敗之晉輕車都尉崇德元年改文館爲內三院公爲國史院承政尋授宏文院大學士疏請定察治訛言惑眾之律復與大學士范文程請更定部院官制詔並可其奏當是時公雖居內院筦機務猶閒奉使察哈爾喀爾喀科爾沁諸部編戶口設佐領頒法律於蒙古平其獄訟或往來軍中傳示機宜核功賞相度形勢宣

上德意於諸降人。還奏未嘗不稱旨也。順治元年。繡譯遼金。

元三史奏進。

世祖展閣再四。賜蟒衣鞍馬。時都統譚泰阿附攝政睿親王。

公素譏譚泰衰慵。又以所得分撥第宅二區相距甚遠。屬譚泰更易之不從。公使人讓之。譚泰銜公會。其弟副都統譚布詣公。公曰。日者大學士范文程以堂餐華侈語我。我對曰。吾儕儒臣也。非功勳大臣。比安得盛饌若此。遂偕往啟王。王以予言爲然。且自咎曰。吾過矣。譚布退。以告譚泰。泰計之法。司坐僞傳王言。詆謾大臣。欲構釁亂政。應論死。讞成。啟王王令免死奪職。籍其家。八年二月。

世祖親政。雪其冤。再授宏文院大學士。復世職。並遷所籍。命充實錄纂修官。是年。譚泰以黨附睿親王伏誅。九年二月。公充會試主考官。晉爵三等男。又奉特旨。以公係

太祖

太宗舊臣銜。

命馳驅克盡心力。嘉其功。晉男爵。爲一等。又遇

恩詔。加一雲騎尉。復以定鼎燕京時。公方罷任。未獲加世秩。至

是特晉三等子。世襲罔替。九月。授議政大臣。十一月。薨。年六十一。

有四。

贈太保。

賜諡文簡。長子奇塔特襲爵。次子帥顏保。康

熙元年。以父勳。授國史院學士。教習庶吉士。八年。擢吏部右侍郎。尋授漕運總督。疏言。淮安爲水陸孔道。乃十五里內。連設三

關戶部工部各遣官征税胥役過繁商人耗費多端且稽時日請併三關爲一關疏下所司戶部議許歸併工部言清江廠稅爲修造漕艘經費宜分征如舊命九卿科道再議如所請九年疏言淮揚二府水災分別蠲免額賦其漕糧例不蠲免而高郵宿遷桃源鹽城贛榆等州縣連歲歉收所有新漕及帶征舊欠萬難併征請勅部妥議部議令改折帶征特旨蠲免計漕米三萬一千石有奇十二年與河督王光裕合疏言故事每年漕運全完河工歲修告歲舉劾所屬文武吏示勸懲嗣經部議停止伏思河漕重務全在任事各官殫心盡職若勤惰罔分必至因循貽悞請仍舊例每年分別舉劾疏下部議行於是疏

薦糧道范周。遲日巽知縣吳興祚等。又劾罷其不職者。十七年以逆藩吳三桂窺犯江西。安親王岳樂已由江西進征湖南。詔率所部駐守南昌。備勦禦。九月移鎮吉安。時吉屬各山險多爲寇盜盤踞。出沒乃遣將分堵要隘。斬賊糧道。別令知府蔣維藩等入賊巢宣布。勅諭招降。僞總兵副將以下五十餘人。兵萬餘。十九年回漕督任。二十年遷工部尙書。尋調禮部。二十三年薨。年四十有四。賜祭葬如典禮。其子赫奕由侍衛累官工部尙書。

伊忠直公事畧

公諱伊爾登。姓鈕祜祿氏。滿洲鑲白旗人。宏毅公額亦都第十子也。幼蒙。

太祖撫之宮中。及長。任侍衛。屢從大軍征討。天命初。築界藩及薩爾滸諸城。有勞績。賜蟒服。授世職。輕車都尉。晉爵三等男。太宗嗣統。與十六大臣之列。尋奉命駐防邊界。天聰三年九月。帥兵勦獐子島。獲船四。沈之。俘其人。以歸。十月。從

上征明。隨貝勒阿巴泰等。攻克龍井關。墜其水門。入斬明將易。愛王。遵臣。盡殲其眾。復攻遵化。敗山海關。援兵。斬其將趙率教。十一月。隨大軍薄燕京。克永平。灤州。遷安等城。帥旋晉一等男。

會其兄圖爾格公鎮灤州以失守罷都統任命以公代之五年攻大凌河城公與各旗都統分受方畧卽率所部圍其東面之南深溝高壘環守之卒拔其城明年

上視征察哈爾命與貝勒阿巴泰等畧守瀋陽謨報林丹汗遠遁遂畧歸化城而還七年夏

上以征明及朝鮮察哈爾三者何先諭諸貝勒大臣各抒所見時方畧諸軍與屯山海關外地於是諸貝勒大臣奏曰明吾讐也用兵宜先今畧重兵以稽時曰彼必有備矣公曰與其頓兵關外不若徑入內地視其城有可取則取之况蓄銳已久人有戰心何城不克及是時而用之所謂事半而功倍也明日

上命公隨貝勒岳託等取明旅順口大獲旋與都統葉臣率兵二千五百駐守之八年

上征明分兵入上方堡復奉 詔與貝勒阿巴泰都統阿山率

師入龍門約會於宣府敗明兵獲馬百餘進攻靈邱及保安皆有功尋坐事削爵解都統任崇德三年復任護軍統領四年隨武英郡王阿濟格攻明燕京以三十人敗敵千人獲其馬

上親統大軍攻松山杏山城我前鋒軍偵知明總兵祖大壽等以兵二千迎戰我軍既設伏公率壯士四十人誘敵追襲伏發還擊之大敗敵眾授參政大臣尋兼內大臣六年隨鄭親王濟爾哈朗圍錦州明總督洪承疇以師赴援屯松山西北鄭親王

令右翼兵擊之。失利。我四旗駐營地。爲敵所奪。火石飛光。著人糜爛。都統葉臣等斂兵。不敢進。獨公所領侍衛及四旗護軍恭順王孔有德與蒙古敖漢奈曼察哈爾等兵力戰。公先右翼軍突入敵陣。陷重圍。身被十餘矢。轉戰若無所見。所乘馬死。易馬復負傷。再戰益奮。凡三易馬。四戰皆捷。

太宗歎其勇絕。復三等男爵。襲入次。賜白金四百兩。八月。

上陳師松山杏山間。命偕超品公塔瞻率八旗護軍參領先。

赴高橋。設伏。方出營。遇明步卒之自杏山潰遁者。凡千人。擊斬之。抵高橋。復遇杏山騎兵六百有奇。南奔塔山。伏發。盡殲其之。上移營近松山。夜有松山敗軍突犯。御營公與內大臣揚翰。

等嚴兵拒戰敵敗遁。詔侍衛大臣之疏防及不能力戰卻敵者各輸罰錢資軍士。於是公得優賞。順治元年

世祖皇帝既定鼎冊功。晉一等男。三遇。恩詔累晉二等伯。世襲罔替。十三年以老致仕。

上念公爲宣力老臣。命上駟院給乘騎入朝。每至必召對。賜食。又詔圖其像一藏內府。一賜其家。康熙二年薨。賜祭葬如典禮。子諡忠直。孫噶都襲爵。官至領侍衛內大臣。三十七年。詔遣官祭其墓。

天子之制 一曰...

天子之制 一曰...

天子之制 一曰...

天子之制 一曰...

天子之制 一曰...

天子之制 一曰...

天子之制 一曰...

天子之制 一曰...

陳忠襄公事畧

公諱陳泰。姓鈕祜祿氏。滿洲鑲黃旗人。宏毅公額亦都之孫也。父車爾格爲宏毅公第三子。幼從

太祖征伐。屢立功。授騎都尉。世職。晉輕車都尉。常奉。命征東海。瓦爾喀部凱旋。

上親出郊勞。又念其父勲。晉爵三等子。

太宗卽位。設八大臣。與其列奉。命招明廣鹿島。副將尙可喜。

以其累三千來歸。

世祖定鼎燕京。恩詔加一雲騎尉。順治二年薨。忠襄公初以

參領從征明錦州。功最天聰三年從

太宗伐明薄北京分兵攻巡撫袁崇煥營遇伏奮擊斬獲多五年圍大凌河城明監軍道張春率眾赴援公設伏擒其偵卒復以步戰殲敵眾崇德三年隨睿親王多爾袞敗明兵於豐潤攻總兵侯世祿等營皆拔之又以護軍三十敗總兵祖大壽騎卒百餘人五年隨征明錦州進攻杏山敗敵兵獲牲畜無算六年圍錦州敗松山兵我樵採者爲敵兵所困公率壯士六人援之出又敗敵兵之來襲後隊者連戰皆捷克其郛由騎都尉晉三等輕車都尉七年從圍錦州掘濠困松山援軍明兵夜犯正黃旗蒙古營公往援敗之八年敗明總兵馬科於渾河築浮梁濟師明總督范志完以兵來拒復擊走之尋畧地山東攻克東阿

反上甯陽三城。晉世職爲二等。順治元年。從入山海關。破走流賊李自成。詔敘勳臣。晉一等。四年。授禮部侍郎。從征湖廣。敗流賊一隻虎於荊州。尋奉命爲靖南將軍。進征福建。敗賊渠曹大鎬及張耀星。步兵四千。克同安。平和。五年。破海寇。鄭彩。兵彩遁入海。復連江。長樂。擒僞總督顧世臣等十一人於興化。斬之。全閩以次底定。得旨嘉獎。七年。授護軍統領。晉爵三等男。擢刑部尙書。八年。遷吏部尙書。拜國史院大學士。坐事罷。九年。起禮部尙書。典會試。兼任都統。晉二等子。十年。援甯南。靖寇大將軍。征湖廣。十一年。調吏部尙書。兼都統。大將軍如故。十二年。張獻忠餘黨僞南安王孫可望。遣賊帥劉文秀。盧明臣。馮雙禮。

等帥眾六萬分犯岳州武昌樓鵬千餘蔽江下而文秀復以精兵攻常德公遣將設伏以待自帥精兵橫衝其陣大破之復出奇計以舟師迎擊三戰三捷窮追千餘里尸骸相撐籍賊復列艦拒戰公揮伏兵擊之火其舟別遣將破賊德山下師抵龍陽賊又集眾二千來犯我軍奮勦賊潰奔明臣赴水死雙禮被創遁文秀走黔中獲偽敕印降副將以下偽宮五十餘人兵三千敘功晉世襲一等子兼一雲騎尉未幾以疾薨於軍明年正月班師

世祖皇帝命酒以勞諸臣諭曰大將軍陳泰爲朕蕩除逆寇卒於戎行朕甚傷悼因揮淚不止復諭學士麻勒吉等曰朕

大將軍班師入國門。朕將親酌以酒。不意中道棄捐。不復相見。其命爾持此一觴。奠大將軍靈次。少抒朕追悼之懷。於是從征諸臣及左右侍從皆感涕伏地泣尋遣官賜祭賜葬。予諡曰忠襄子尼滿襲爵。

Faint, illegible text, likely bleed-through from the reverse side of the page. The text is arranged in vertical columns within a rectangular border.


伊襄敏公事畧

公諱伊爾德。姓舒穆祿氏。滿洲正黃旗人。武勳王場古利從子也。天聰三年。從武勳王畧明錦州甯遠。皆有功。復從大軍攻明北京。斬馘甚眾。又敗山海關。援兵於灤州。師還。先抵木城。斬明兵之守隘者。五年。從征大凌河。城中兵突出。公衝鋒入陣。斬二人。追奔及濠。還。又擊明監軍道張春。兵有敵騎挾弓矢直犯御營。公馳斬之。是秋。往畧前屯衛。會我軍將領噶思哈爲敵兵所困。公率十五人奮擊。援出之。授騎都尉。世職。擢護軍統領。崇德五年。大軍圍錦州。明兵出戰。敗之。尋隨王貝勒等至松山屯。田明人縱牧於野。公設伏烏欣河。驅其牲畜以歸。敵兵潛襲我

後公還擊倭斬無算晉爵三等男。七年復從圍錦州敗松山兵之奪我巨礮者晉一等男。加一雲騎尉。順治元年隨豫親王多鐸南征。公統蒙古兵由南陽趨歸德。招撫甚眾。至揚州城北獲戰艦百餘。渡江先入旗進破南京。明福王遁走燕湖。追擊之。敗明靖南伯黃得功軍。總兵田雄等以福王出降。晉二等子。六年與都統譚泰征江西。叛鎮金聲桓平之。進勦廣東。叛鎮李成棟於信豐。拔其城。成棟夜遁。馬蹶。溺水死。隨分兵定撫州。建昌。破。爲總兵楊奇盛等軍。江西平。復奉命往勦保定土寇。敘功。晉一等子。八年秋。護軍統額驍拜計。公罪狀以。上幸南苑時。公擅令內直員役更番。及私減守門護軍額數。論

死。詔貸之。尋擢都統。晉一等伯。兼一雲騎尉。隨敬謹親王尼堪征湖南。失利。王輕騎逐北。遇伏。薨於陣。公論罪奪職籍。沒。是時明魯王朱以海。歿於臺灣。其餘黨據舟山抗拒。王師舟山。在甯波海中。一曰翁洲。綿亘百餘里。越王勾踐欲徙夫差於甬東。卽其地也。魯王兩次居此。官軍攻陷之。屠其城。至是復爲其黨所據。十二年。上命公爲甯海大將軍。統師往剿。至則故總兵王長樹。毛光祥。沈爾序等。糾眾登岸。肆掠大嵐山。公遣將趨下關。抵斗門。連擊敗之。斬長樹等三人。覆其眾。而自率師攻甯波。乘舟趨定海。分三路進發。渠魁陳六。御阮思等。於海島望江口山下。列戰船拒。

敵公揮兵進擊敗之。追至衡水洋。斬六御等。遂取舟山。十四年。凱旋。命貝勒杜蘭等郊勞。晉一等侯。兼一雲騎尉。十五年。隨信郡王多尼征明桂王朱由榔。自貴陽至盤江。斬其將傾。進克雲南省城。十八年薨於軍。年五十有六。世祖震悼。賜卹如制。諡襄敏。孫巴渾代山襲爵。





DS
734
L39
v.2

國朝先正事畧卷之二 名臣

平江李元度次青纂

李敏壯公事畧 于浙爾圖 桑額

李公國翰字伯藩漢軍鑲藍旗人父繼學初以商人隨明經畧楊鎬軍通使我朝天命甲大兵取遼陽繼學來歸授都司累官副將錫爵三等男尋以老致仕公襲父爵任侍衛生而明敏勇銳

太祖嘉之賜號墨爾根天聰三年從征明北京還攻永平先眾於戰斬獲多五年圍大凌河城內兵突出公力戰卻之旋攻克其臺又擊敗明兵之自錦州赴援者九年晉二等男崇德三

年。隨貝勒岳託伐明。于邊外發敵所藏火藥數處。比入邊遇敵。兵據山列陣。公奪擊敗之。獲馬四十。進克精子嶺。轉戰至山東。克濟南府。師還。拔望都。獲鹿二城。尋授副都統。五年。隨睿親王多爾袞圍錦州。攻克呂洪山臺。擊敗山口步兵。敵兵自松山遁入高橋。迤南三臺。公偕眾攻克之。斬級百餘。生擒副將王希賢等。七年。明聰督洪承疇就擒。總兵祖大壽以錦州降。移師攻克塔山杏山。並在事有功。晉一等男。加一雲騎尉。擢都統。八年。隨鄭親王濟爾哈朗取明前屯衛中後所二城。晉三等子。順治元年。

世祖章皇帝定鼎燕京。公同都統劉之源等帥兵剿滅饒陽土

賊與賊帥掃地王遇一戰斬之進征山西時流賊李白成遁陝西其黨猶分踞太原平陽等府公與都統葉臣等令兵攻克太原復分兵勦賊于汾西山西既平隨英親王阿濟格征陝西屢敗賊眾自成遁湖廣移師追勦之攻賊應山進征武昌與都統金礪等奪賊艘數百二年冬命偕都統巴顏征四川甫至西安值叛鎮賀珍自漢中糾賊黨孫守法等來犯公與駐防內大臣和洛輝約期兩路夾攻斬級無算三年春肅親王豪格統師至西安遣公及巴顏搜勦延安餘賊追至張果老崖掘濠困之乘夜攻克其寨殲賊首獲馬二百有奇遂隨肅王征四川滅流賊張獻忠于西充復帥師渡涪江擊敗偽總兵袁韜等五年

命爲定西將軍。同平西王吳三桂鎮漢中。六年僞王朱森釜僞侯趙榮貴糾眾萬餘犯階州。公先眾趨擊陣斬森釜榮貴。尋敗僞將軍王永強。斬級數千。獲駝馬數百。復宜君同官蒲城宜川安塞清澗等縣。

上深嘉其勇畧。立諭以自後但發縱指示不必身先士卒。時叛鎮姜瓖踞大同。其黨劉登樓張鳳翼等分踞城邑。公遣兵會勦。賊甚眾。揚撫河東諸處。攻復府谷縣。擒斬僞經畧高有才。及僞官三百有奇。招降僞總兵郝自德等。先是張獻忠旣滅。其黨孫可望劉文白臣文選李定國等竄遁。旣而降附。明桂王朱由榔與其所設官屬。並據川東川南。九年公同三桂督兵克復

成都嘉定擒斬僞總兵李明廷林時泰龍名揚等文秀文選皆
敗走別遣將分徇重慶叙州皆下之僞將軍王復臣等糾保羅
列象陣合眾五萬犯保甯溥城下公自綿州聞警趨援率兵奮
擊斬復臣及賊萬餘捷聞。

上敕賜柴紹冠服及金甲橐鞬鞍馬等物初公以戰功存晉一
等伯至是晉三等侯可望懲保甯之敗與定國併力犯湖廣不
復窺川公奉詔同三桂還鎮漢中而僞侯譚文譚宏譚詣與
自成遺黨劉三虎等聯結爲寇尋復陷重慶使僞都督杜子香
據之十五年三月公同三桂進征由南郡西充至合州子香迎
戰敗遁遂復重慶以總兵嚴自明留鎮而自與三桂進兵桐梓

偽總兵王友臣降遂勸遵義偽將軍劉正國據險阻拒戰我師擊之潰由水西遁入雲南遂取遵義及所屬州縣五月進擊偽將軍楊武等于開州斬級千餘盡獲其象馬器械開州及附近城邑俱降水西土司安坤等並歸順當是時甯南大將軍洛託與經畧洪承疇已取貴陽公與三桂奉詔俟信郡王多尼征南將軍卓卜特兩路兵並進雲南乃還駐遵義七月薨于軍喪至京

世祖命內大臣致奠贈太子太保 賜祭葬如典禮諭敏壯雍

正十年 詔入祀賢良祠其侯爵既襲二次例改三等伯乾隆十五年加伯號曰懋烈長子海爾圖順治三年隨征西安進征

四川並有功授副都統予騎都尉世職十一年擢戶部侍郎隨
征南將軍珠瑪喇勦李定國于廣東之新會晉輕車都尉兼一
雲騎尉十六年任都統康熙元年襲爵十四年定西將軍洞鄂
征安鎮王輔臣命海爾圖參贊軍務一八年大軍征四川撫
遠大將軍圖海疏請令駐守鳳翔尋隨征雲貴二十年夏薨于
軍中賜祭葬如例第三子桑額由護衛遷參領擢總兵康熙
十一年晉雲南提督未擢任值吳三桂反留駐荊州改湖廣提
督十三年春賊將吳應麒陷岳州順承郡王勒爾錦統師駐荆
州令桑額移守武昌尋隨貝勒察尼規復岳州由城陵磯進勦
以蔽沈賊船大敗賊于七里山下加右都督十七年秋賊由洞

庭湖乘風出犯率將領奮擊敗之殲賊百餘獲船四明年正月
岳州賊遁桑額收復華容石首安鄉等縣晉左都督詔趣大
兵滅賊收疆仍授雲南提督十九年春攻克辰龍關復辰沅進
征鎮遠平越貴陽安順及永甯州屢敗賊眾遂趨雞公背鐵索
橋賊聞風震懼焚橋遁隨督土司何起龍等造浮梁濟師二十
年隨大將軍貝子彰泰圍雲貴省城逆孽吳世璠窮蹙賊帥馬
寶胡國桂俱自四川還救桑額率兵勦賊禁錮馬寶踞烏木山
列陣桑額與副都統託岱等分三路進擊賊潰遁窮追五十里
馬寶赴大將軍賴塔軍前降尋磔死桑額與都統希福搜勦胡
國柱于永昌勸守潞江諸要隘國柱度不能脫自縊死其黨皆

降雲南平二十五年三月卒于官子李構官玉副都統

明史紀事本末卷之三各臣

臣

皇朝文獻通考卷之八十二

珠襄敏公事畧

公諱珠瑪喇。姓畢魯氏。世居葉赫。

太祖特率所部虎爾哈人來歸。隸滿洲。鑲曰旗。任佐領。天聰三年。隨大兵入明邊。抵遵化州。擊敗敵兵。闖三日。太宗親臨遵化。明兵赴援。將入城。公率哨卒十人至。擊斬甚衆。抵燕京。遇明總兵蒲桂。黑雲龍。麻登雲。孫祖壽等軍。入大紅門。公與額駙揚古利等擊敗之。旋克永平。復攻昌黎。奮勇先登。身被六創。授騎都尉。世職尋坐事免。五年。圍大凌河城。明監軍道張春赴援。公連戰破其前後隊。六年。從征察哈爾。獲其台吉。殲從者百餘人。俘其妻子以歸。七年。從攻旋順口。率護軍十八乘

船登岸攻甕城步軍統領巴奇蘭曰誰能用命先登者公與佐領雍舜超躍而上向敵大呼曰我珠瑪喇登城矣連被三創不少卻卒拔之

太宗嘉歎親酌金卮以賜復騎都尉世職九年隨貝勒多鐸攻錦州夜設雲梯薄城受創甚劇崇德元年征朝鮮自山嶺力攻奪其寨門大兵繼之遂不戢而入又率師入明邊敗總兵海某軍取四邑師還擊敗開平兩營兵三年授兵部理事官從圍錦州率甲士四十人攻襲廣寧城北山寨收降駱駝山兵眾又與都統石廷桂招降大凌河北山四寨復坐事奪世職六年隨鄭親王濟爾哈朗圍錦州敗敵騎之來奪我紅衣破者敵復悉銳

犯我軍。公注矢射之。皆應弦仆。敵駭退。七年征松阿里江虎爾哈部。招降十屯。俘丁壯千餘及牲畜輜重以歸。命禮部官迎勞宴賚之。順治元年以參領從睿親王入山海關。擊敗流賊李自成。授副都統。遷兵部侍郎。復世職。明年冬。命以副都統駐防杭州。時明福王之大學士馬士英竄嚴州。與其統兵方安國糾眾犯餘杭。公帥師擊走之。還距杭城三十里。突遇土賊。復大破其眾。國安等仍聚眾數萬屯江東諸山。及杭州之朱稻范村所在肆掠。公遣將分勦。悉平之。三年從征福建。與護軍統領敦拜擊敗偽總兵黃某等。電叙功。加一雲騎尉。五年隨征南。大將軍譚泰勦江西叛鎮金聲桓。敗賊兵七萬。又與都統...等

連敗賊兵燔其戰艦千三百有奇招撫九江計府一縣七晉江
車都尉八年擢都統遷吏部尙書遇恩詔晉爵三等男逾年
坐銓選舛誤罷尙書任專管都統事十一年張獻忠餘黨孫可
望李定國自雲貴寇廣西分兵犯廣東連陷郡邑公奉命爲

靖南將軍偕敦拜往征之賜敕諭以安民爲首務令嚴飭兵
將恪遵紀律時定國寇新會平南王尙可喜靖南王耿繼茂等
先率兵往援至三水分布沿江隘口以待大軍比公至遂合兵
進擊敗賊于珊瑚洲斬僞副將一擒賊將十餘人斬首百五十餘
級旣抵新會定國糾步騎四萬分據山峪列礮象拒戰我索倫
勁騎馳突貫其陣賊大敗定國復出兵四千白山巔馳下迎截

我師又敗之。奪其山。定國遁走。捷聞得。自嘉獎定國。尋竄高州。公遣副都統畢力克圖等分兵追躡。敗定國于興業。再敗之。橫州定國渡江焚橋。走官兵。蹙之三戰。皆捷。定國率殘兵走賓州。入南甯。竄安隆。公與尙可喜等遂復高雷廉等屬。計府三州四縣。八及粵西州二縣。四獲象十六。馬二百有奇。器械無算。

賜敕獎諭。勉以益勵忠勤。垂名永久。九月班師。

世祖召見于南苑。諭閣臣曰。珠瑪喇以元戎統領大兵出征。廣東捷歸。今五旬矣。如此年。齒建立大功。真福人也。賜茶獎勞。部臣叙功。擬晉一等男。

上以公功多。不應循常格議叙。特晉三等子。康熙元年薨。年

五十有八 賜祭葬如例 謚襄敏 次子博通 鄂襲爵

...

...

...

...

...

...

...

...

甯文毅公事畧

文恪公額色赫
襄壯公根特

襄壯公褚庫

甯公諱完我字公甫遼陽人天命初來歸事貝勒哈廉隸漢軍
正紅旗

太宗文皇帝召直文館尋授參將大總四年大軍破永平命
同館臣達海等執黃旗登城諭士民安業尋隨貝勒阿巴泰等
守永平又從征大凌河及察哈爾並招撫有功授騎都尉世職
先是公會疏請立六部設言官至五年冬復疏言六部已立未
設言官者意以為國人皆得進言耶又或謂南朝多設言官竟
至敗壞耶臣請明辨之我國未立六部以前臣不具論六部
既立後曾見有疏劾人罪者否今日秉政者豈盡循良方正在

屬下者既不敢非其長官。旁人孰敢輕議。權貴古云兼聽則聰。偏聽則蔽。一設言官。人必自斂。君身尙許諫諍。他人安有忌諱。此古帝王明目達聰之大用也。南朝言官之弊。由伊至之鑑別。不明非其祖制之不善也。尋與范公文程馬公國柱疏陳伐明之策。又言頌奉聖諭。各舉薦賢能以供任用。甚盛舉也。孰意無知之輩。卽假此爲倖進之階。臣思古者薦人。功罪必連坐。所以杜弊端而防冒濫。伏願再頒明詔。自後所舉之人。或效能收功。或僨事獲罪。皆令舉者同之。苦其砥行于厥初。改節于末路。許舉者隨時檢舉。乃免連坐。如此庶人知畏法而所得皆真才矣。

太宗並嘉納之。十年春罷職。先是公嘗守永平。以好博爲人所
訐。奉諭諳戒。至是復與參領劉士英博。事發奪世職。遂閒居
數年。

世祖皇帝定鼎後。起學士。順治二年授宏文院大學士。充明史
總裁官。二年至六年。三充會試主考官。又聽實錄總裁官。并繙
繹三國志。洪武寶訓諸書告成。賜資優渥。授輕車都尉。世職
八年。改國史院大學士。十年授議政大臣。十一年疏劾大學士
陳名夏。奸亂日甚。黨局日成。列其罪狀請。敕大臣鞫訊。論如
律。尋加太子太保。十三年加少傅。兼太子太傅。十五年以老乞
休。奉諭大學士甯完我。効力多年。勤勞素著。今因年邁有疾。

可原銜致仕以遂頤養康熙元年。

聖祖念其贊理機務年久。命以一子補用學士四年四月薨。賜祭立碑諡文毅。後入祀賢良祠。其時與公同祀賢良者凡三人。曰額色赫。曰褚庫。曰根特。

額色赫公。姓富察氏。滿洲鑲白旗人。世居納殷。祖莽吉圖。

太祖時來歸。公初事。

太宗授兵部理事官。天聰九年隨副都統巴奇蘭征黑龍江。先還奏捷。崇德三年擢秘書院學士。五年賚。敕赴錦州。諭睿。

親王多爾袞駐兵機宜。會都統圖爾格敗明兵于木翰河。公以捷還奏。六年秋。明總督洪承疇率衆十三萬援錦州。至松山。公。

受

上方畧。往諭統軍王貝勒等。尋遣奏敵勢甚眾。宜益兵。上遂統師親征。擊敗之。七月。鄭親王濟爾哈朗克錦州。祖大壽降。公至軍。管宣諭。慰撫降眾。八年。隨貝勒阿巴泰伐明。至山東。下兗州。順治元年。隨大軍入關。定燕京。授騎都尉。加一雲騎尉。五年。遷刑部啟心郎。八年。擢國史院大學士。九年。總裁實錄。充會試正考官。列議。政大臣復主武會試。晉一等輕車都尉。十二年。加少保。兼太子太保。再充會試正考官。方纂輯。

太祖

太宗聖訓。又奉諭。取經史中忠臣孝子賢人廉吏之事蹟。語。

言。分類採輯成書。名曰資政要覽。以公爲總裁。十三年奉敕。使朝鮮。鞠獄。晉少傅兼太子太傅。廢一子入監。十五年改保和殿大學士。十六年。詔獎奉職勤勞諸臣。晉少師兼太子太師。十八年十月薨。賜諡文恪。

褚庫公。姓薩爾圖氏。滿洲鑲黃旗人。先世居札魯特。遷居葉赫。天聰五年。大兵圍明大凌河。公年十七。從征。有蒙古驍將徵濟。格突陣。公迎擊之。搏鬪。竟日生擒。以歸。尋征大同。攻萬全衛。公首先登城。頸被創。仍力戰。卒破其城。予騎都尉世職。賜號巴圖魯。授佐領。兼參領。崇德三年。任吏部理事官。順治元年。隨英親王阿濟格。追勦流賊李自成。由廣西至湖廣。賊將吳伯益率

黨三千拒戰。公奮擊敗之。三年，隨肅親王豪格征流賊張獻忠。敗賊將高汝勵等于陝西。進師四川，復屢敗賊兵。六年，隨大軍征叛。夔、姜、瑗圍大同。僞總兵楊振威糾賊犯正紅旗汛地，並擾土默特營。公連擊卻之。又犯鑲藍旗汛地，公與參領瑚葉赴援。以步戰敗賊騎兵。賊平，還京。尋以值宿失印鑰，解理事官任。仍管佐領，兼參領。九年，隨都統噶達琿征鄂爾都斯部叛酋多爾濟於賀蘭山，俘獲甚眾。晉輕車都尉。十三年，海寇鄭成功犯福州。時鄭親王世子濟度統師至漳州，遣公及副都統阿克善赴援。賊以戰艦二百，自烏龍江來犯。公率本翼兵登舟奮擊，大敗之。追至大江口，獲船十二。賊又以千餘眾迎戰江岸，公督兵奮

擊斬級二百有奇。康熙二年擢副都統。七年以老告歸。十四年卒。賜祭葬如典禮。謚襄壯。子海存襲世職。

根特公。姓瓜爾佳氏。世居尼馬察。父尼努當。

太祖時率眾來歸。任佐領。隸滿洲鑲藍旗。授騎都尉。世職天聰八年。隨副都統思奇蘭征黑龍江。虎爾哈部有功。加一雲騎尉。旋軍時有蒙古兵弗戒于火。尼努被焚死。公襲職。尋任刑部理事官。順治元年睿親王統師入山海關。討流賊。公署前鋒。參領。敗賊將唐通于一片石。追勦李自成至望都。復勦撫馬脰口土賊。晉輕車都尉。四年授協領。駐防西安時。叛賊王光泰據鄖陽。詔侍郎喀喀木率禁旅自河南進征。並調西安駐防兵會勦。公

率兵敗賊黨。以鐘等于房縣。旋師復敗賊方國。成于谷口。六年。叛鎮姜瓖。踞大同。其黨虞允白璋。張萬全等陷平陽。蒲州。及臨晉。猗氏。河津。諸邑。公隨總督孟橋。芳統兵渡河。勦賊。復蒲州。臨晉。河津。進征平陽。白璋糾步騎六千至榮河。迎戰。公奮擊大破之。斬三千餘級。復逐賊至黃河。賊未及濟。我師薄之。溺水死者無算。遂斬白璋。餘賊竄入吉鎮。悉殲焉。移師趨猗氏。偽監軍衛登芳依山結寨。與張萬全爲掎角以抗。公分兵擊斬萬全。殲其眾。移兵轉戰。生擒登芳。陣斬偽將王國興等三十人。復敗偽都督郭中傑兵于閭喜。追奔三十里。斬獲無算。仍還駐西安。九年。還京。授參領。十年。僞秦王孫可望與其黨馮雙禮。白文選馬。

進忠等踞武岡寶慶公隨貝勒屯齊征之。自永州趨寶慶賊眾十餘萬扼險抗拒。公鼓勵將士分路截擊。以驍騎衝陣。賊眾遂亂。時正黃正紅二旗兵方與賊戰。公復躍馬往夾擊之。賊大敗。進征武岡。有牧馬賊千餘來犯。又敗之。十一年九月從甯海大將軍伊爾德往浙江。進攻舟山。以右翼兵擊敗偽伯阮思及陳六御兵。獲其戰艦及紅衣礮。復舟山。晉爵一等男。授副都統。康熙十六年擢都統。列議政大臣。二十三年以老病乞休。三十二年薨。賜祭葬如典禮。謚襄壯。子格圖肯襲爵。

圖文襄公事畧

公諱圖海，姓馬，隄氏，字麟洲，蒲州正黃旗人。初由筆帖式加員外郎，銜順治二年，改國史院侍讀。八年，世祖辛南苑，公負寶以從。

上見其舉趾嚴重，立授秘書院學士。九年，恩詔予騎都尉世職。越歲，授宏文院大學士。十二年，加太子太保，攝刑部尙書事。明年考滿，加少保。十五年，命同大學士巴哈納等校訂律例，旋以承審江南考試作弊事遲延，削加銜。明年坐讞事失實。

上詰問，不以實對。下廷臣察議，論死得旨寬免，仍奪職十八

年正月

世祖龍馭上賓遺命起用

聖祖御極卽授備洲都統康熙二年秋流賊郝搖旗劉體純李

來亨等自四川嘯聚湖廣鄖襄山中命爲定西將軍副靖西

將軍都統穆里瑪率禁旅會楚蜀之師討之至則與總督李國

英提督鄭蛟麟等連營困之賊以兵三千來犯公率兵邀擊敗

之賊又連犯諸營各分兵夾擊咸潰敗未幾郝搖旗爲副都統

杜敏所擒劉體純相繼破滅惟李來亨擁眾據茅麓山負固公

率兵圍之絕其聲援搜勦外寇畧盡賊窮蹙來亨闔門自經死

僞公僞將軍以下僞官五百八十餘人以兵八千八百降執斬

偽新樂工及僞官七人俘其家口三千餘眾。還六年拜宏文院
大學士。晉輕車都尉。世職充實錄總裁官。七年命測儀象。八
年命錄刑部重囚並稱。旨九年奏乞解機務專力戒行。
上慰留之。十一年命清理刑獄。會吳三桂耿精忠叛。
上以籌餉需才。命攝戶部尙書。十四年疏請通飭外省勿私
派軍需。勿先期拘集夫役。勿額外科斂錢糧。詞訟重者速審結
小者勿濫準滋累。衙蠹土豪勿令魚肉良善。奉旨允行。時察
哈爾蒙古布爾尼劫其父阿布奈以叛。公奉命爲副將軍。同
撫遠大將軍信郡王鄂札率師往討。四月師次達祿。布爾尼設
伏山谷。別以兵三千來拒我師。我師進攻。伏發。我士默特兵當

之敗。公分兵鏖擊賊。以四百騎繼至。力戰殲之。布爾尼乃悉眾出。用火器拒戰。公令嚴陣以待。賊敗復聚。連擊大破之。招撫人戶千三百有奇。布爾尼僅以三十騎遁。追斬之。察哈爾平班師。上御南苑大紅門。迎勞之。叙功。晉一等男。十五年二月。

上以貝勒洞鄂攻叛將王輔臣于平涼未克。命公爲撫遠大

將軍。總轄陝西全省。貝勒以下咸聽節制。三月至平涼。明賞罰。

申約。東軍威大振。賊眾聞之懼。諸將請乘勢攻城。公曰。仁義之師。先招懷而後征伐。吾奉天威討凶豎。無慮不克。顧念城中數十萬生靈。皆朝廷赤子。遭賊劫掠。至此覆巢之下。殺戮必多。俟其問化歸成。乃可體。

聖王好生之德。城中軍民聞者。皆感泣咸思。自拔以出。賊勢由是日蹙。五月奪虎山墩。虎山墩者在平涼城北高數十仞。賊守以精兵。通西北餉道者也。公曰。此平涼咽喉。得此則餉道絕。城不攻自下矣。卽率兵仰攻。賊萬餘列火器以死拒戰。公令番休迭進。自巳至午。戰益厲。斬偽總兵二人。賊被殺及墜崖死者無算。遂奪其墩。據之。俯視城中。如在掌握矣。因發互礮擊之。城中恟懼。輔臣乃乞降。疏聞。詔赦輔臣罪。撫慰之。六月。公劄授七品官。周昌爲參議。道賫詔入城。翼日。輔臣遣黨獻軍民冊。又遣其子繼正等。繳所受僞敕印。然猶疑懼。觀望。公復令周昌同其兄子侍衛保定。往諭輔臣。乃薙髮降。公令副都統吳丹入城。

撫定秋毫無所犯。平涼被圍日久，城中食盡，死亡過半。因令地方官賑窮乏，掩骼骸其老弱之轉徙不能歸者，遣將士分送安插。遠近帖然。初，周昌往招輔臣，時言昌母孫氏殉節死，願以身報國。爲母請旌，因請往。至是奏旌其母，又奏蠲秦省破兵及轉餉各州縣賦，皆從之。是月遣振武將軍佛尼勒敗賊將吳之茂于牡丹園，又敗之于西和縣北山。將軍穆占進攻樂門，敗賊于紅崖，復禮縣。于是僞巡撫陳彭、僞總共周養民等共率僞官九百餘人，兵四萬八千相繼降。關隴悉平。八月，上諭閣臣曰：圖海器識老成，才猷練達，以文武之長才，兼忠愛之至性，勞績懋著，朕甚嘉焉。其晉封三等公。世襲罔替。時漢中

興安猶爲賊據。平涼慶陽初定。人心尙動搖。公奏請分兵防守。諸隘緩攻。漢興別遣一旅赴湖廣。會勦吳逆。有旨命公親率精銳行。公以陝西反側未安。慮有變。疏陳其狀。

聖祖因授都統穆占爲征南將軍。率師赴楚。晉公鎖陝西。議取漢中。興安奉調綠旗兵。檄提督孫思克等赴秦州。趙良棟赴鳳翔。以將軍張勇王進寶各引兵助之。期以明年正月二十日如約。至下張勇等會議。以聞。勇等謂宜視夏秋收穫豐歉。再圖進取。公以漢興山路險峻。夏秋冬淫潦賊守益堅。應如前議。奏十六年正月議上。

上慮克復漢興後。宜設重兵。轉餉不易。若俟夏秋。則頓兵糜餉。

亦非計。諭令嚴守要隘而分兵赴荊州會勦吳逆。議遂寢。三
月招撫韓城等縣僞官百餘人。四月遣兵進逼禮縣益門。先後
敗賊于五盤山喬家山諸處。復塔什堡。九月賜服物。並御
製詩二章。十七年二月奏請分兵兩路進取漢中興安旋奉
密諭止之。閏三月將軍佛尼勒等敗賊于牛頭山。四川總督周
有德等敗賊于秦嶺。復潼關堡五寨。四月慶陽賊袁本秀受吳
逆僞劄作亂。公發兵會王進寶討之。斬本秀餘眾潰散。十二月
疏請輕騎赴京面奏事宜。許之。十八年二月還陝。五月賊犯棧
道益門鎮各口。奏請提督趙良棟進臨武寨相機而行。俟擊破
賊壘分道進征。時湖廣廣西平。

上諭亟殲寶雞之賊恢復漢興以平蜀地七月破益門鎮賊毀
偏橋兵不能進有詔嚴督九月進取漢中興安分兵四路公
親率將軍佛尼勒等由興安進命總兵官程福亮爲後援駐守
舊縣關諸路將軍畢力克圖提督孫思克等由畧陽進總兵官
朱衣客爲後援駐守西河諸路將軍王進寶總兵官費雅達等
由棧道進總兵官高孟爲後援駐守寶雞提督趙良棟由徽縣
進尅日並發十月公師次鎮安分兵爲二隊進攻偽總兵王遇
隆敗之渡乾王河奪梁河關偽將軍韓晉卿遁入四川是月進
寶復漢中良棟復徽縣畧陽畢力克圖復成縣又復階州降偽
官十九人兵三百有奇十一月復興安降偽官三百八十二人

兵萬四千三百有奇平利紫陽石泉漢陰洵陽白河及湖廣竹山竹溪上津等縣皆下之是月畢力克圖遣參將康調元復文縣先是進寶良棟捷音先至

聖祖以公及畢力克圖等遲緩切責之至是捷聞得旨嘉

獎下部叙功尋命率大軍之半駐守鳳翔十九年正月命

赴漢中轉餉以濟蜀師九月陝督哈占山保甯江直上擊賊帥

譚宏命發兵爲聲援以分賊勢是月獲奸民楊起隆初起隆

于康熙十二年詐稱朱三太子謀作亂于京師正黃旗周公直

家奴陳益聚眾將應之公直首其事公卽率兵圍之陳益等悉

就縛至是并獲起隆送京師二十年賊犯四川之叙州調副都

統翁愛率所部往援復奏請親行。諭仍駐漢中防守秦蜀。以

疾還京。十二月薨。累官至太子太傅。中和殿大學士。兼吏部尚

書。世襲三等公。諡文襄。賜祭墓。如典禮。明年贈少保。仍兼太

子太傅。二十二年。御製碑文。立石墓道。雍正二年。加贈一等

忠達公配饗。

太廟復命。建專祠。御製文刻石。以旌之。並崇祀陝西各宦

公。器識沈毅。好讀書。羽檄旁午時。披覽不輟。將畧由天投。不居

故常察哈爾之役。時禁旅方南。征宿衛盡空。詔選八旗家奴

之驍健者。付公北征。公較閱畢。即起行。不許信宿。所過州縣村

堡。騷掠者悉不問。至賊境。下令曰。察哈爾元之後裔。尚數百年珍

寶山積我軍能破之富且百倍于此眾踴躍無不以一當百遂
大破之尋請豁所過宣府等處田賦以卹邊氓蓋驅烏合以禦
方張之寇非此無以得其死力淮陰所謂驅市人而使戰用不
測之威施不測之賞也公之隨機應變多類此子諾敏襲爵

佟勤惠公事畧

佟養甲

養量

岱

忠愍公國瑤

國

國器

國楨

國印

世德

勤僖公鳳彩

公諱佟養性遼東人先世為蒲洲居佟佳以地為氏遷居撫順

為商販以貲雄一方有識量能役服其鄉人天命初見

太祖功德日盛傾心輸款為明所覺置之獄潛出來歸賜尚

宗室女號曰西屋裏額駙授三等男後隸漢軍正藍旗六年從

克遼陽晉二等子天聰五年

太宗命督造紅衣礮初軍營未備火器至是礮成鑄曰天佑助

威大將軍征行則載以從公掌焉時漢軍未分旗勅公為總

兵統之官民俱受節制八月從圍大凌河城公秉

上方畧率漢軍載紅衣礮立營于錦州通衢以礮克城西隅臺

三月二十三日 卷之三十一 名臣

年

降守臺兵。又擊敵城南隅，壞樓堞。翼日擊東一臺，臺圯，守者宵遁。盡殲之。九月，明兵援錦州。上遣親軍擊敵，公率漢軍五百從。敵望風遁，明監軍道張春總兵吳襄等赴援大凌河，乘夜向城。上督騎兵破之，方追奔，敵兵復陣。公舉礮攻燬敵營，十月攻克。子章臺內兵死者無數。十一月，祖大壽以大凌河城降。詔城中所得鎗礮悉以付公，尋攻克馬家湖臺。自大凌河至廣甯，明所置烽堠悉毀之。六年春，上幸演武場閱兵，公率所轄漢軍試礮，擐甲列陣。上嘉其軍容整肅，且有克敵功，賜雕鞍良馬一，白金百兩，宴。

勞之七月奉 敕宣諭大凌河投誠各官察哈爾之役參領顏
布祿等坐調遣遲悞罪當死眾皆言法不當宥公請懲責而全
其生允之順治四年薨于位子普漢襲爵普漢卒弟六十襲過
恩詔晉三等伯授都統六十卒子國瑤襲十三年

世祖追錄舊勲 賜諡曰勤惠佟氏本以滿洲隸籍漢軍一門
羣從號多才勤惠公之從兄弟曰養甲曰養量曰岱其從孫行
曰國彙曰國器曰國楨曰國印曰鳳彩皆有聲于時

佟養甲字陸海順治二年以內閣學士隨貝勒博洛帥師南征
越明年下杭州平福建 詔署兩廣總督事與提督李成棟率
兵定廣東當是時明唐王朱聿鍵之弟聿鏞據廣州建號紹武

養甲與成棟既克惠潮二府。急趨廣州。令前鋒軍悉用紅帕裹頭。僞爲廣州援兵。狀以惠潮道卽爲公文。給守者奪門入擒聿。鏤及周益遼諸王宗室世子等二十餘人。復與成棟議以南雄韶州兩郡。遠控江楚。肇慶爲粵西咽喉。梧州爲粵西門戶。宜先撫南韶以通江右之援。定肇慶以扼兩粵之吭。取梧州以固肇慶之藩。乃檄總兵葉承恩等進兵南韶。成棟進兵肇慶。皆授策勦撫三郡。悉平。會明閣部丁魁楚擁明桂王朱由榔自肇慶竄梧州。養甲復令成棟移兵進擊魁楚等。皆遁去。遂下梧州。別遣將取雷瓊高廉四府。養甲自駐廣州。招降海上四姓賊首鄭昌。四年。加兵部尙書。實授總督兼廣東巡撫。時標營將士調遣四

出廣州僅存兵百餘人。海賊馬元生及白旗賊黃信林芳等窺省垣。兵單集眾數萬。突犯廣州。養甲督官兵守陴。躬冒矢石。扼太平門。閔外橋梁。激勵鄉勇殺賊。陣斬數百級。生擒百餘人。餘賊遁入海。尋借成棟。徇增城。順德。東莞。三水。新甯。諸邑皆下之。明總兵李成志等以平樂。潯州二郡來降。卽令收左江右江諸路。六月招降明趙王裔朱由棧。及其將李自璉。七月明閣部陳子壯。尙書張家玉。給事中陳邦彥。率眾萬餘攻廣州。指插楊可觀。將翻城爲內應。養甲破其謀。擒斬之。親督兵守禦。成棟亦以兵赴援。焚敵舟。敵敗遁。越六日復來犯。又敗之。時廣州初定。監司守令未及銓授。養甲疏請以廣東布政使耿獻忠爲巡撫。復

簡廉吏請旨酌用。又請移大同兵五千至兩廣資防。勦其類年隨征士卒增給資糧。示體卹。凡新降將卒才勇者留營訓練。或分駐要隘。餘令歸農。又請蠲積年逋賦。並允行。先是雷廉二郡珠池每歲例遣官開採養甲。以地險費繁。奏罷其役。時明桂王據桂林。兩廣人心觀望。有潛附爲應者。乃策遣將士進攻之。疏請造弓矢火器。分遣禁旅進勦黔滇。

上以廣西未定而恭順王孔有德已奉詔進軍湖南。防勦孫

可望。特諭悉心安輯。兩廣所請俟有德疏報再議。養平之署兩廣總督也。成棟以總兵署兩廣提督。帥師偕往。旣而養甲奏平定粵嶠。成棟功多。請實授廣東提督。成棟自負功績。以所授

官職未兼兩廣意殊不平又素與養甲都將郝尙久爭功有隙遷怒養甲五年夏成棟據南雄叛受桂王封爵與江西叛鎮金聲桓爲聲應養甲遺書贛州守將令策應書爲成棟所獲益恨之乃以兵劫養甲擁至肇慶大罵不屈遂被害事聞贈太子少保廕一子入監賜祭塋入祀昭忠祠公在粵多惠政卒之年歲大饑人相食設法賑卹通糶所全活者甚衆粵人德之祀名宦

佟養量初與弟佟岱俱爲牛象章京養量兼理義州屯事勤于課督獲糧獨多崇德八年與弟岱從克明中後所及前屯衛顏治元年復與岱從克太原府二年養量從定江南克揚州及江

陰二城皆以紅衣礮有功蓋卽勤惠公舊所掌者也而岱亦從征陝西敗賊于延安奪十五艘養量累官至宣大總督侍郎薨岱累官至湖廣總督召還順治四年從恭順王孔有德征湖南敗賊渠黃朝選于瀘口北岸追斬之衡州進克寶慶敗明桂王于武岡拔其城追至廣西全州走明總督何騰蛟六年從征大同與都統左夔庚敗賊于傅家嶺又以紅衣礮攻克渾源洲及朔州汾州太谷等城遷吏部侍郎十一年授浙閩總督坐事免康熙初薨岱之從英親王征江西也歷下九江南康南昌袁州等府以所俘獲疏聞且言故明鐘祥王朱慈若等皆衰殘廢棄僅存餘喘請收卹以彰我朝浩蕩之仁得旨故明諸王流

落直省者均令督撫資送來克亦別恩養其鎮國將軍以下編籍輸稅自是假故明爲號者皆無所籍既杜亂源而所保全尤多云

佟國瑤者勤惠公孫也順治十七年襲三等伯授副都統康熙十二年吳三桂反

上以湖廣鄖陽地界三省山谷扼塞易藪奸且慮賊乘間奪踞特授國瑤鄖陽提督往駐防明年三月襄陽總兵楊來嘉據穀城叛鄖陽副將洪福應之劫所部兵千餘反攻國瑤署國瑤率游擊佟大年等以健丁三百人奮擊賊退復來連日格鬪十餘陣斬首二伯餘級賊遁走得旨獎叙加左都督十四年夏洪

福等分五路犯鄖西復大敗之。追勦數十里陣斬僞將軍林躍等七人。殺賊兵數百。十五年春四川叛鎮譚洪犯鄖江北岸。福等出兵應之。國瑤分兵勦禦。敗賊于坪溝黃畝九里岡。又渡江。敗賊于南岸。焚其舟械。擒斬無算。九月福遣眾伏鄖江兩岸。以數十艘順流下泊琵琶灘。進逼鄖陽運道塞。國瑤與將軍噶爾漢等率水陸兵大破之。晉一等伯。加太子少保。十七年進勦來嘉福于房縣。擒僞副將以下五十二人。獲僞印十二。牌劄二十。有四房縣保康相繼復。二十一年授福建將軍。諭以恪遵國憲。安輯兵民。無忘恭敬。疏請增協領以下驍騎校以上等官從之。二十八年薨于位。賜祭葬如制。子諡忠愍。子海福襲伯。

爵。又有佟國彜者。忠愍公兄弟行也。順治間。官福建巡撫。招徠百姓。禁防兵倚勢厲民。時巡按周世科專用嚴刑。國彜濟以寬仁。多所全活。閩人歸心焉。卒祀名宦。

佟國器。字滙山。順治二年。授浙江嘉湖兵備道。偕副將張國興。擒馬士英。朱大定。并招降白腰賊陸汧等。再遷福建巡撫。獲鄭芝龍父子。交通私書。進于朝。調撫南嶺。兵燹之後。田多汙萊。前撫臣請將十二年額賦一律科徵。民情惶懼。國器奏請以未墾之田。交屯道屯廳開墾。民心遂定。山賊曾拱辰據興國之梅窖。剽掠吉贛二郡。黃鄉賊楊興受撫。復叛。皆遣將討平之。福建甯化等處土寇出沒。次第翦除。所部及鄰境羣盜畧盡。調撫浙上。

時海氛尙熾。既擊敗鄭成功于定閩。又招降寇黨。賡明旗勦平。阮六等。浙東初定。叛獄繁多。國器平情。讞鞫全活者多。以勞疾卒。官浙人。追思祠祀之。

佟國楨。順治初。由拔貢。知無爲州。瀕江田廬。恃三壩爲捍蔽。國楨增築隄四千丈。有奇。各四壩。後三壩圯。而田廬卒無恙。州人賴之。累遷大名府。廣東陝西江南巡道。康熙十三年。由安毅。倭察使。遷江西布政使。時吳三桂耿精忠相繼叛。賊兵分犯江西。會巡撫白色純卒。大將軍安親王岳樂奏。國楨甚得民心。遂特擢巡撫。十五年。大將軍簡親王喇布。以贛州爲江西門戶。投誠將士雜處。彈壓需人。奏。詔國楨暫駐贛州。會廣東從逆提

督嚴自明。總兵張星耀等糾眾僞南康。乃遣將迎勦于庫鎮。捕破其營十七。追奔七十餘里。斬賊不可數計。賊遁南安。逆黨王割耳等擁眾犯信豐。遣將分三路擊之。斬二千餘級。賊潰竄南雄。尋遣將勦上猶賊。復其城。敗僞將郭應輔于黃土關。斬賊五千有奇。復龍泉。是年聞大兵克復汀州。恐海賊竄入贛境。遣將由問道相機恢勦。十六年春。大破賊于五里排。復會昌。尋復瑞金。先後招撫僞總兵等百五十二人。兵萬有六千。五月。復崇義。招降僞總兵等十七人。兵萬餘。逆渠韓大任。素驍悍。賊中號小淮陰者也。自甯都敗。竄萬安。國楨慮逸入楚境。褰調兵赴良口。大王廟等處。截賊歸路。別遣將繞出與國之田村。大江口。斷賊。

糧道賊窘甚。竄突復遣將四路追勦。十二月擊賊于鷓鴣寨。十七年正月追至老虎洞。大破之。大任走汀州。詣康親王軍門降。江西平國楨回南昌。加兵部尙書銜。明年京察。自陳降二級。調用。四十七年薨于家。

佟國印。父恆年。以驍騎校隨其從父佟養正。守朝鮮界之鎮江。城殉難。贈騎都尉。國印襲世職。崇德六年隨征錦州。擊敗明將李洪步兵。

上親統大兵圍明總督洪承疇于松山。敵兵有逸入高橋南三臺者。國印與都統劉之源用互礮攻克之。殲其衆。七年春鄭親王等圍杏山塔山。國印皆用礮擊其城。下之。叙功加一雲騎尉。

遷工部理事官。命赴錦州督鑄神威礮。十一月隨驍餘貝勒由黃崖口入明邊。時沿邊設臺分防甚固。而國印同都統李國翰屢擊敗敵眾。克邊臺七。又擊敗牆子嶺守兵。八年鄭親王克明中後所進。敗前屯兵。國印以紅衣礮攻其城。風迴礮火傷領下。創甚。攻益力。卒拔之。順治元年。晉輕車都尉。尋擢工部右侍郎。累晉三等男。康熙十一年薨。賜祭葬如例。子佟世德襲爵。康熙十三年。授副都統。十四年。隨貝洞鄂征叛鎮王輔臣于平涼。賊眾迎拒。世德等帥兵擊卻之。賊復據山列陣。世德搗戈克前搏戰。貫其陣。追斬甚眾。十五年。同前鋒統領穆占設伏平涼之南山。擒賊偵。卒敗其騎兵。五戰皆捷。復以紅衣礮擊毀賊壘。

覆其軍。尋招降輔臣等。並在事有功十七年。命隨撫遠大將。

軍圖海。規復漢中。興安十九年卒于軍。賜祭葬如禮。

佟鳳彩字高岡。起家香河知縣。擢御史。出爲武昌道。歷河南督糧道。禁運弁苛索諸弊。超遷廣西右布政。時雲南未定。粵西屢更兵燹。人民流離。鳳彩悉心籌畫。轉餉不匱。遷江西左布政。巡撫四川。州省自張獻忠蹂躪後。夔東餘孽及涼州番回劫掠。常及川境。鳳彩疏請修築成都府城。并修江都堰。核茶園鹽井。製戰船火器。事集而民不知。役夏歸。尋授貴州巡撫。手定賦役全書。以絕濫征。蘇積困。依民俗用銀。暫停鼓鑄。罷添設之道員。專責上司。以除劫殺之弊。又疏禁私征。增置驛站。黔因大蘇內艱。

歸復起撫河南兼理河道兩河爲患歲用銀三四十萬售皆按
畝以徵。至是疏請發帑又請罷協濟輓豆之役從之。吳三桂反。
大兵絡繹過境。鳳彩調燮。有方。民不苦擾。康熙十二年。以疾乞
休。許之。總兵周邦甯以上民籲。晉入告。左都御史姚文然言。鳳
彩老成練達。謹慎和平。民愛而信之。聞其乞病。皇皇如失。所倚
宜令力疾視事。以順輿情。有旨。令甯任。十六年秋薨于位。
賜祭。葬如典禮。子諡勤僖。祀河南四川貴州各宦祠。所著曰
栖友堂集。

... 此... 年... 以... 一...

... 人... 大... 何... 歸...

佟襄勤公事畧

子忠勇公國綱
曾孫溫僖公補熙

熙

介福等

端純公國維

孫法海

襄勤公諱佟圖賴初名盛年後改今名遼東人其先為滿洲世居佟佳以地為氏後以貿易居開原繼遷撫順遂家焉父忠烈公佟養正天命初因從弟佟養性輸款于

太祖導大軍克明撫順忠烈公遂挈家并族屬來歸隸漢軍正藍旗後忠烈之孫曰國綱于康熙二十七年疏言臣先世本係滿洲曾蒙

太祖皇帝諭令與佟佳氏之巴都哩蒙阿圖諸大臣考訂支派叙族譜今請仍歸滿洲事下部議以佟姓官職甚多應仍隸漢軍惟國綱本支許改入滿洲遂為鑲黃旗人天命六年忠烈公

從征遼陽以功授輕車都尉世職奉命駐守朝鮮界之鎮江城時城守中軍陳萬策潛通明將毛文龍詐令謀者稱兵至各堡皆呼譟城中大驚萬策乘亂據城叛忠烈公被執不屈死之長子佟豐年并從者六十人皆被害詔以次子佟圖賴襲世職卽襄勤公也天聰五年從征大凌河破明監軍道張春援兵有功授兵部右參政崇德五年隨睿親王圍錦州取白官屯六年隨鄭親王復圍錦州取金塔口三台七年攻松山城明人突出騎兵奪我紅衣礮公擊敗之又敗三口步兵攻塔山杏山下其城晉世職爲一等擢都統是時各軍多奉命分畧明邊公以謂不若深入明境直取燕京乃與都統李國翰等奏言

天意歸于

聖王大統攸屬明國人心搖動宜因天時順入事攻拔燕京控扼山海則萬世之基由此而定

上以大兵不克關外四城何能即克山海優旨開諭之八年

隨鄭親王收前屯衛中後所二城加一雲騎尉順治元年與都

統巴哈納石廷柱招降山東府四州七縣三十有二擒偽濟王

七月師圍太原公獨率數騎東西繞城相形勢城中兵突出且

邀擊之來若風雨從騎皆失色公控馬大呼目光如電敵兵當

之盡靡引北將入城大軍一麾乘之城遂破實奇捷也遂招降

府九州二十七縣百四十有一師還賜白金四百兩尋隨豫

親王勦流賊李自成。屢破賊于黃河岸。毀其柵。獲戰艦十五。遂
平河南。二年五月。軍次江南。敗明舟師于揚子江。先後攻揚州
及嘉興諸城。皆下之。晉爵二等男。賜蟒服。黃金三十兩。白金
于五百兩。五年。授定南將軍。與都統劉之源。帥左翼漢軍。駐寶
慶。時湖南賊渠馬進忠等。寇衡湘。辰永閒。陷寶慶。公至。擊破賊
眾。拔其城。六年。鄭親王帥師征湖廣。公分兵出衡州所向。皆提
陣斬偽總兵陶養用。破偽伯胡一清等七營。兵于城南。乘勝疾
擊。連敗之一。清窮竄。集潰眾萬餘。距廣西全州三十里。立六營。
以白保。又破之。遂下全州。還師。駐衡州。賊犯常甯。遣佐領陳天
謨等。馳勦之。戰于石鼓洞。賊大敗。斬其渠二人。八年。凱旋。賜

宴得。優賞授禮部侍郎。晉爵三等子。世襲罔替。十三年請老。世祖篤念前勞。命加太子太保。許致仕。十五年薨。年五十有三。

上聞之。輟朝震悼。予祭葬。贈少保兼太子太師。諡襄勤。康熙十六年。

聖祖仁皇帝以

孝康皇太后推恩所生。特贈一等公。令其子佟國綱襲。雍正元年。詔進封佟養正一等公。賜諡忠烈。入祀昭忠祠。與襄勤公並加贈太師。明年。勅建襄勤公專祠。賜額曰功崇元祀。子二。曰國綱。國維。

佟國綱初任一等侍衛。康熙元年襲一等子。尋任內大臣。十四年察喀爾布爾尼作亂。

上命撫遠大將軍信郡王鄂扎討之。授國綱安北將軍。鎮宣府。賊平乃還。十六年襲一等公爵。授都統。明年疏請改隸滿洲。會俄羅斯遣使費耀多羅等至尼布楚。請定邊界。命國綱偕內大臣索額圖等往議。既抵色棱額固。適噶爾丹侵掠喀爾喀部。召還。合遣人曉諭費耀多羅等。緩期得其復書。奏。聞。明年四月。同索額圖等往尼布楚。定議以額爾固納河及格爾必齊河爲界。立碑。垂久遠。二十九年秋。命撫遠大將軍裕親王福全征噶爾丹。以國綱參贊軍務。八月朔。師次烏蘭布通。賊騎數萬。

陣山下依林阻水。以萬駝縛足。臥地。昔加箱探蒙。以涇。檀環列。如柵。士卒于壕隙發矢。銃備鈎距。號曰駝城。公率兵奮擊。方破。賊賊突發。烏鎗中。公遂歿于陣。櫬至京。命皇子及內大臣侍衛。迎奠茶酒及將葬。

上諭近臣曰。佟國綱爲國效力。忽爾陣亡。每念之。痛不能已。必須一視其喪。朕心庶幾少慰。第國維暨諸臣。叩阻再三。乃命諸皇子及上三旗大臣侍衛。部院大臣。皆往送。賜祭塋如典禮。諭忠勇以長子鄂倫岱襲一等去。其騎都尉兼一雲騎尉世職。以第三子夸岱襲。

世宗朝。特贈太傅。入祀昭忠祠。並。敕立家廟。鄂倫岱累官。

都統領侍衛內大臣康熙四十七年與侍郎揆叙等倡議舉皇
入子允禩爲皇太子。嚴旨詰責雍正三年坐法死其長子補
熙由廕生補員外郎遷副都統署天津總兵擢江南提督乾隆
元年授漕運總督憂歸補都統五年授綏遠城建威將軍十八
年薨。賜諡溫僖。次子介福字受茲雍正癸丑進士選庶吉士
由檢討累官吏部侍郎嘗五典會試著有西清載筆錄等書
法海字淵若忠勇公次子也于羣從中最賢康熙甲戌進士由
檢討擢侍講學士入直上書房。
上時巡齊魯秦晉吳越朝夕扈從侍。皇子講誦十年直詞正
色蒙。

聖祖嘉與。謂獨能不欺。徐文定公嘗語方侍郎苞。同官及勳戚。中志在君國。而氣足以舉之。學足以濟之者。首推法公。且曰。上爲諸王擇傅。吾對法某。雖以侍。皇子得過。然臣愚竊謂舍某。無堪此者。乙未夏。公遂復侍。皇子學與方侍郎共事。蒙養齋時。中貴人有氣欲者。朝夕傳旨。至公視之。蔑如辭色。閒無幾微。假借逾年。巡撫廣東。特參大吏。更鹽政。粵人久而思之。旋奉命巡察海。置厯閩粵兩浙。爲忌者所中。廷議以公患噎膈。不勝封畱任。詔落職。赴西甯軍營效力。雍正元年。召還。命督江南學政。二年。授浙江巡撫。召授左都御史。四年。遷兵部尙書。協理禮部事。兼內務府總管。坐事免。詔發西陲。在水

利處效力九年

召還乾隆元年

賞副都統銜管理咸安宮

事務。明年卒。年六十有七。無子。以兄子介祿嗣。公嘗謂方公曰。吾與子未面而心傾人矣。子亦知並世有法某否。及督學江南。即方公廬出所爲詩以心腑相示。始知公忠孝發于至誠。嘗恨未得同志合道之人相與輔成治教。而深惡時人之以虛僞比周。自便其身圖者。然權要畏公。伉直亦多深嫉。公知公賢者。惟徐公方公耳。公寓占寺。終歲不還私室。布衣蔬食。老僕一人從。意翛然自得。在西陲。暇臥十室。枯寂如老僧。及見王公大帥。動以大義相責。皆人所不敢言云。

終國維初任一等侍衛。康熙九年授內大臣。十二年冬。逆藩吳

三佳反其子應熊居京師。明年春逆黨謀不軌，以紅帽爲號。國維發其事奉命率侍衛三十人至大佛寺擒獲十數人械送刑部鞫實伏法。二十一年授領侍衛內大臣尋列議政大臣。二十八年因係

孝懿仁皇后之父封一等公。明年七月大軍征噶爾丹命參贊軍務。八月師次烏蘭布通與其兄都統國綱並率左翼兵進擊。時賊以駝城抗拒國綱循河岸戰歿。國維由山腰遶賊後橫擊之步騎爭先陷陣遂破其壘賊潰遁師還坐不窮追鐫四級留任罷議政後

聖祖兩征噶爾丹國維皆從叙功復所降秩四十三年命督

張山東尋以年老解任。四十八年正月。上召國維與諸大臣並集傳。旨詰問曰。前因有人爲皇太子條奏。朕降硃諭示諸大臣。爾曾奏稱皇上辦事精明天下人無不知曉。斷無錯誤之處。此事關係聖躬甚大。若日後易于措處。祈速賜睿斷。總之將原定主見熟慮施行爲善。爾係解任之人。此事與爾無涉。乃身先衆人啟奏。是何心哉。國維引罪。他日又諭曰。皇太子允礽前染瘋疾。朕爲國家而拘禁之。後詳察破人鎮魘之處。將鎮魘物俱令發去。其事乃明。今調理痊愈始行釋放。朕曾將此情由用硃書詳諭諸大臣。朕拘禁皇太子時。並無他意。殊不知爾之肆出大言。激烈陳奏者。係何心也。諸大臣情

朕已知之。不過碌碌素餐。全無知識。一聞爾所奏之言。眾皆
恐懼。欲立允禩爲皇太子。而列名保奏矣。朕臨御既久。安享太
平。並無難處之事。臣庶託賴。朕躬亦得安逸得所。今因爾所奏
之言。羣下小人。就中捏造言嗣。各大臣侍衛等。俱終日憂慮。若
無生路。此事關係甚重。觀眾人情狀。果符爾所奏。日後難于措
處之言矣。爾聞外間匪類妄言。理應禁止。乃倡造大言。驚駭眾
心。有是理乎。國維伏罪。請死。諭曰。朕特爲安撫羣下。降旨申
明。非欲有所誅戮也。爾其坦懷勿懼。五十八年薨。賜祭葬如
例。雍正元年。贈太傅。子諡端純。第三子隆科多襲一等公
爵。任吏部尙書。兼步軍統領。命總理事務。與川陝總督年羹

堯並加太保。賜雙眼孔雀翎四團龍補服。黃帶紫韁。雍正五

年坐黨附尚書阿靈阿。揆叙年羹堯等及貪婪不法罪論死。

上召議政大臣等諭曰。隆科多所犯四十一款。罪不容誅。但念

皇考升遐之日。大臣承旨者。惟隆科多一人。朕不忍誅戮。其

永遠禁錮。尋卒。賜白金千兩治喪。弟慶福襲一等公。官都統。

兼議政大臣。應工部戶部尚書。授領侍衛內大臣。雍正十三年

冬。

高宗命代平郡王福彭爲定邊大將軍。赴北路軍營。還授刑部

尚書。出爲兩江總督。調督雲貴。晉太子少保。奏開金沙江以通

川運。調兩廣總督。入覲。尋調川陝。乾隆十年。以四川打箭爐口

外土司瞻對挑逆不法疏請調兵勦之屢克其寨疏報逆酋班滾等乞降

上以爲木可深信尋授文華殿大學士仍留總督任十一年夏疏報班滾遁走尋報攻克泥日寨班滾等焚斃十二年春召還命兼管兵部事以張廣泗代之廣泗尋奏班滾實未死慶福將其子改名德昌喇嘛仍居班滾大碛冒稱經堂坐欺飾奪職逾年賜自盡

世宗本紀卷之二
 三
 世宗本紀卷之二
 三

石忠勇公事畧

子華善

石琳

孫石文炳

石文晟

公諱石廷柱。遼東人。先世居蘇完。姓瓜爾佳氏。父石翰。始家遼東。遂以石爲氏。有子三。長國柱。次天柱。次卽公也。生有智畧。遇事明敏。善用兵。初爲明廣甯千總。天命七年。太祖親征。攻廣甯城。天柱時亦爲千總。出迎。上見而大喜。曰。我國之人。仍歸我國。賜金印鞍馬。令撫慰城中士民。公遂以城降。授輕車都尉。後隸漢軍。正白旗。十一年。從上討蒙古巴林部。有功。晉爵三等男。天聰三年。太宗命帥師。撥勦明故將毛文龍所屬諸島。會石城島。以兵來犯。擊斬二百人。俘十九人。以歸。尋從。

上攻明北京班師至沙河驛與文臣達海頌諭城中軍民降之。又收復漢兒庄。率城中將士來謁。五年明總兵祖大壽築城大凌河。

上親統軍圍之。敵騎出戰。公擒斬甚多。大壽窮蹙。將乞降。其從子澤潤以書繫矢。射出城。一以與公。一奏。

上乞令公往與大壽議。公遂同達海等至城南臺下。先遣陣獲千總入城。大壽令游擊韓棟桂偕出迎。公拜以其義子。可法為質。公乃踰濠與語。大壽言決計歸順。惟乞大軍速取錦州。俾得妻子相見。公還奏。

上復遣公往諭之。大壽遂出降。七月隨貝勒岳託等入明。旅順。

口凱旋

上親酌金卮以勞晉爵三等子九年貝勒多鐸統師伐明次廣甯令公及都統阿山率四百人先趨錦州至大凌河西遇明兵馳告貝勒大軍急赴之敵大驚潰公率所部掩擊陣斬副將劉應選覆其軍五百擒遊擊曹得功及守備三人翼日復攻克一臺崇德元年春

上幸演武場以公軍容整肅獎賚之十二月命統所部漢軍同恭順王孔有德懷順王耿仲明智順王尙可喜護紅衣礮隨大軍征朝鮮明年大軍既克朝鮮其國王李保降遂征明皮島公從北隅督戰有功是年七月始分漢軍爲左右翼以公爲左

翼都統

太宗嘗與諸臣論兵事。諭爲將者。當以呂尙爲法。公奏言。呂尙能專制閫外。生殺故所向有功。今臣等若有過。下所司逮訊。雖佐領以下。亦當與之比肩對簿。其何以堪。諸大臣以其言過。驚請下部論罪。

上特宥之。尋從征錦州。攻克諸屯。堡獲人戶及牲畜甚多。四年春。

上統軍駐松山。命公攻南城樓。毀其堞臺。兵不能支。降其守將王昌功等四十餘人。上登松山南岡。相度城垣形勢。命公隨尙可喜用礮攻城南

門之左。公與都統馬光遠先取城西南隅一臺。諸將繼進。合攻城。盡墮其堞。會以日暮罷。犁旦復進攻。則敵守禦已固。我雲梯兵不能入。死者二十餘人。公兄子達與漢亦中創。

上召詢諸將。有德、仲明可喜。光遠議鑿地道攻城。公以地中有水石。必不可穿。且不能越濠而過。持不可。諸將不听。穴城。卒無功。遂罷攻城議。是歲分漢軍兩翼爲四旗。以公爲鑲白旗都統。初。祖大壽之降也。請歸錦州爲內應。後竟背約。屢抗我師。六年秋。公上言。錦州爲遼左首鎮。我師鑿濠築壘。誓剪滅此。以圖進取。誠至計也。第期以祖大壽爲保障。我兵圍之。恐彼必益死。援兵併力一戰。宜及此時。簡精銳。分布各旗屯田處。遇警卽並進。

伺其軍動我軍突入轉戰過錦州至松山杏山開敵必敗遁錦州可破矣。錦州破則關外入城聞風震動是即當年瀋陽失而遼陽隨下沙嶺失而廣甯隨順之明效也。明援兵從甯遠至松山所賣行糧不過六七日若少挫其鋒勢必速退宜設伏于高橋險狹處掘濠截擊仍以銳師尾其後俾進退無路則彼之援兵盡折而降于我矣。洪承疇書生耳所統援遼兵皆烏合雖張聲勢心實怯如祖大壽一失則承疇與諸將縱得遁去亦東市就誅而已。彼見我皇上恩養降將最爲優渥或慕義歸誠亦未可料。今明國從異迭見流寇披猖。

聖王乘時應運定鼎中原機不可失疏入

上嘉納之。後皆如公言。大軍之圍松山也。敵乘夜犯漢軍營。公率所部禦擊。斬首十餘級。獲刀甲鎗礮無算。晉爵二等子。七年分漢軍爲八旗。以公爲鑲紅旗都統。順治元年隨大軍入山海關。敗流賊。偕都統巴顏等勦滅昌平土寇。尋帥師勦撫山東郡邑。復會都統葉臣攻克太原。其山西河南賊寇悉平。之師還。賜白金五百兩。晉一等子。六年從征大同。叛鎮姜壤復渾源。太原朔州汾州等城。十二年授鎮海將軍。駐防京口。能戢兵安民。民間稱爲石佛。十四年請老。

上念其宣力年久。命加少保。兼太子太保。致仕。尋晉一等伯。

十八年薨年六十有三。賜祭塋贈少傅兼太子太傅諡忠勇。詔立碑紀功。第三子華善幼時豫親王多鐸以女妻之授和碩額駙尋任內大臣康熙六年以上元節赴宴時譏誚莊親王博果鐸奪內大臣仍留額駙十三年春吳三桂反命爲安南將軍帥師防守鎮江鎮海將軍王之鼎奏耿精忠結連海賊窺伺內地應調右路官兵集天甯洲訓練詔華善督所部兵習水戰九月命簡親王喇布爲揚威大將軍統兵駐江甯華善與王之鼎等參贊軍務十五年改授平寇將軍統轄江南甯州家古兵十六年簡親王駐江西疏請增兵詔華善率所部赴簡親王軍前聽調遣十七年改授定南將軍命進湖南駐守茶

陵尋命進守永興。會三桂病死，永興賊解去。華善坐逗遛，嚴旨切責。令隨將軍穆占營領隊效力。明年擊敗偽將軍吳國貴、范齊于永州。華善並有功。二十四年薨。賜祭葬如例。其子石文炳順治中襲其祖忠勇公伯爵。由參領擢總兵。累遷都統。康熙二十八年授福建將軍。三十九年秋，因其父年老，召還。仍授都統。十一月薨于途。賜祭葬如例。以其子富達禮襲石琳忠勇公第四子也。由佐領兼郎中。康熙元年按察山東左遷湖廣。下荆南道。十三年襄陽總兵楊來嘉副將洪福叛，應吳三桂踞房縣保康竹山煽誘醜徒，嘯聚南漳之天門、關山。雒公等寨。琳及總兵劉成龍率師討平之。累遷河南按察及浙江布

政使其在河南也。值禁旅南征，駐牧于汴時，當麥秋，琳與統軍約令次于野，不得入塵市。琳坐其帳中，凡四十餘日，民賴以安。在浙江時，耿逆初平，衢郡被兵尤甚，戶口多逃亡，而丁賦猶責之里甲。琳核實請免之，軍興既久，供億浩繁，逋欠叢積。琳悉爲釐定，除一切陋規，尤禁加耗。嘗曰：革一分火耗，便可增一分正。供時以爲名言。二十三年，擢湖廣巡撫。會工部以建造太和殿檄各省採運枿木、杉木。琳以枿木產自萬山中，挽運維艱，疏請展限，部議不許。特詔允之。二十五年，調撫雲南。疏言：賦役全書中，有應行更改增刪者八事。一、滇省自明初置鎮設衛，以田養軍，曰屯田。又有給指揮等官爲俸，聽其招佃者，曰官田。其

租入較民賦十數倍。猶佃民之納租于田主。我朝開滇之始。吳三桂置鎮。以租額爲正供。相沿至今。積逋愈多。官民交困。宜改照民賦。上則起科。一滇省鹽井有九。以各井行鹽之多寡。爲每年征課之重輕。琅井每斤征課六釐。白井八釐。至黑井則倍之。此明末額外橫征。較明初原額不啻數倍。今請減黑白二井之課。照琅井例征收。一開化府民田。每畝科糧二斗六升八合。較在昔未設府以前。加賦至十倍。應照河陽縣上則起科。一元江府由土改流。三桂于額糧之外。別立名色。凡四端。以元江之山僻。加賦倍征。民不堪命。應請各減其半。一通海縣六寨地糧。較民賦重幾三倍。當改照新定民賦科則。碓嘉縣每糧一石征

條編銀四兩有奇亦爲偏重。今既歸南安州附征卽應與州賦一律。每石征銀一兩四分一。麗江界連土番古稱荒服三桂叛後割金沙江之喇普地以與蒙番地去而糧存宜刪除一建水州自明時設參將歲派村寨陋規銀三百餘兩糧八十餘石三桂遂編入正額宜裁革一新平縣之銀場易門縣之銅廠礦斷山空宜盡豁課稅疏下所司知之擢兩廣總督四十一年薨于位年六十有四。賜祭葬如典禮。祀各省名宦祠。石文晟忠勇公長子。一等待衛綽爾們之子也。性豁達多才畧。爲政務舉大綱。由蘇州府同知改平陽府知府。康熙三十三年諭嘉其居官有聲。超擢貴州布政使。未幾擢撫雲南。疏言滇省

屯田較民田賦重數倍。積逋纍纍。非軍戶敢頑抗。亦非有司不善催科也。通省民賦最重者。莫如河陽。上則田每畝糧八升。一合有奇。若屯田則五倍之。且有八九倍者。臣叔石琳撫滇時。曾具疏瀝陳。未經部覆。請將屯賦悉照河陽縣上則例起科。以甦積困。特詔允之。舊額十減其六。又請增鄉試解額。以振起人文。三十六年冬。入覲會安南國王黎維正。疏言。臣國牛羊蝴蝶。普園三處。爲鄰界土司侵佔。請敕歸還。上諭。及其事。文晟奏。牛羊蝴蝶。普園三處。自明時卽內屬。我朝問關雲南。卽在蒙自縣。征糧至。康熙五年。改歸開化府。并非安南地。彼輕聽妄言。擅具奏。復遣兵何邊。臣與督臣仰體。

皇上柔遠至意。令防守者勿輕動。臣愚以此地久入版圖。所請不宜允。乃下詔切責之。回滇疏。改兆勝州爲永北府。下部議行。四十三年。調廣東巡撫。明年擢湖廣總督。尋罷。任五十九年。薨。年七十有八。

愛敬康公事畧

子恭懿公富善

公諱愛星阿。姓舒穆祿氏。滿洲正黃旗人。祖武勳。王揚古利。世居渾春。其父郎桂。爲庫爾喀部長。率所部來歸。

太祖厚遇之。命其子揚古利入侍。郎杜爲部人所害。圍其家。其妻負幼子納穆泰。于背屬韃佩刀突圍出。以其族來歸。未幾。庫爾喀舉部內附。武勳王察知。部人之殺其父者。手刃之。啖其耳鼻。時年甫十四。上深異之。日見信任。且尙王焉。始令守汎江。上警備嚴密。無敢犯者。從征輝發。阻大水。衆難之。武勳王率先逕渡。大獲而還。取訥殷部及朱舍里等路。皆有功。從征哈達。擒其貝勒。以歸奉。

命收葦悠城戶口侍衛扈爾漢以兵二百禦烏喇兵萬人方據山谷結營相持武勳王勵眾曰吾儕平居相謂與其死于疾無甯死于敵此非臨敵時乎乃持矛突入斬烏喇兵七人敵稍卻諸貝勒兵踵至併擊大破之征赫席黑木倫等路越重柵而進衝鋒奪險常爲眾先及再征烏喇攻青玉河敵勢甚銳太祖遣使持信矢召諸將退武勳王獨麾眾薄城疾攻拔之從擊明兵于界藩先馳敵被傷裹創奮擊大破之進擊尙閒崖有旨令被創者勿行武勳王獨率佐領兵憑高馳擊大破明兵天命六年大兵取瀋陽乘勢取遼陽皆先登陷陣又敗明兵于沙嶺

上嘉其績。且閱其傷。命位次八貝勒。下統左翼兵。授一等子。世襲罔替。兼諭勿更臨戰陣。十年。明總兵毛文龍以兵三百人。夜入耀州。復帥師殲其衆。天聰元年。從征朝鮮。有功。三年。秋。及副都統阿山躡緝逃人。至雅爾古。遇女龍所遣採葭者。斬九十六人。擒千總三人。以歸。尋隨

太宗親征。敗明總兵滿桂軍于燕京之北。師旋。畧通州。火其船。遂取張家灣。明兵來援薊州。我兩紅旗護軍兵少。卻武勳王鼓勇直前。敗敵兵。命以兩紅旗罰餼子之。卽以分賜將士。六年。上親征察哈爾。命同貝勒阿巴泰等畧守。七年。夏。上以征明及朝鮮。察哈爾三者何先。諭詢諸大臣。武勳王奏

宜深入明境。朝鮮察哈爾自當歸順。且極言用兵不可緩。

上于是決計攻明。命帥師往畧山海關。明年晉超品一等公。

仍管六佐領事。世襲罔替。賜敕免死罪三次。從攻大同宣府。

拔靈邱墮王家庄。斬其知縣守備官崇德。九年與武英郡王阿

濟格等帥師直入明境。攻克關隘。至安州下昌平等十二城。五

十八戰皆捷。俘獲億萬計。二年。

太宗親征朝鮮。其全羅清忠兩道兵來援。營于南漢城。會天大

雨雪。晝晦。從豫親王多鐸進擊敵兵。追及山嶺。有朝鮮敗卒竄

伏崖側。竊舉礮。重傷而薨。年六十有六。王自結髮從軍。大小數

百戰。被創滿身。不少挫。而持身敬慎。歷事兩朝。恩遇殊絕。

太宗嘗命護軍爲之守門。賜豹尾槍二。令親軍佩之。甲卒二

十人爲之衛其卒于軍也。

太宗解御衣。衣之。哭之。慟。親視舍殮。比葬。復親臨奠。醴置守。

家八戶。追封武勳王。建碑墓道。順治中配饗。

太廟。

聖祖復御製碑文。紀其功。雍正九年。加封號曰武誠。次于搭膽。

襲爵。敬康公之父也。順治八年。

世祖皇帝追念武勳王功績。加給敬康公輕車都尉俸。尋授領。

侍衛內大臣。十六年。大軍征雲南。明桂王朱由榔與其黔國公。

沐天波等奔緬甸。僞晉王李定國奔孟艮。僞鞏昌王白文選奔。

木邦

世祖命吳三桂移平西藩屬鎮雲南。十七年三桂疏請發兵入緬滅由榔以除邊患。詔加公定西將軍與都統卓羅果爾欽、遜塔護軍統領畢力克圖、費雅思哈前鋒統領白爾赫圖等率禁旅會同三桂進征。十八年九月師次大理。秣馬逾月出騰越州。取道南甸隴川猛卯。十一月至木邦。擒僞副將馮國恩。訊知定國走景線。文選與定國不睦。屯兵錫箔江。公令費雅思哈等先簡精銳疾馳三百餘里至江濱。文選已毀橋遁。走茶山大軍。至結筏以濟。別遣總兵馬甯等追勦文選。公及三桂領兵趨緬。先是三桂屢檄諭緬人。令擒獻桂王。緬酋莽猛白盡殺桂王從

官沐天波王維恭馬吉翔等數十人密使人守桂王謀生擒以獻十二月大軍次舊挽波距緬城六十里緬酋使人詣軍門請遣兵百人薄城公遣白爾赫圖率前鋒百人進次蘭鳩江復令畢力克圖等率護軍二百自後策應緬人聞大兵將薄城以船載桂王與其親屬及故從官妻女獻軍前時文選爲馬甯等追其子猛養度不能脫率衆數千降定國胤死猛獵康熙元年奏捷優詔嘉獎命振旋還京師仍爲內大臣加少保兼太子太保子世襲一等公 敕書三年二月薨 賜白金三千兩治喪 賜祭 賜葬諡諡敬康子富善襲一等公爵十九年授領侍衛內大臣三十五年春

聖祖以噶爾丹背約肆擾分路進討。命撫遠大將軍費揚古、
出西路。

親統大軍出中路。富善領鑲紅旗兵隨征。駕駐沙河。諭公

曰古兆口一路兵衆以爾統之所過城池村舍其悉遵朕法令

勿絲毫擾民。其有以捕獸馳聘竭馬力者並飭禁之。四月。駕

駐西巴爾室達噶爾丹所居之克魯倫河。計程五日。議者謂宜

俟西路兵會勦。富善奏言西路兵至尙須時日。慮賊聞風竄。卽

以中路兵勦賊。未爲不足。宜乘其不備。速遣精兵擊之。其入稱

旨卽命進征克魯倫河。會噶爾丹知。

上親征。盡棄其廬帳。生畜器械。潰竄。

上已密諭費揚古等絕其歸路先整兵特勒爾濟口以待陣斬二千餘級噶爾丹僅以身免降厄魯特部衆千餘人

上命班師每行營閱選駝馬徵輸芻粟富善承旨以行咸當上意册功加太子太保嘗扈鐸至會岐口有疾

聖祖親臨視賜醫藥四十七年薨賚白金二千兩詔遣官頌經其喪予祭葬如典以子海金襲雍正八年敕建賢良祠敬康公及富善並入祀乾隆元年追諡富善曰恭懿

此項全人請將地入

官廳歸其與。在德維成

並歸歸歸。即雷樂四

土原備良。此本至大


主命安。前首曾關。數


平前好。即雷四。道


土古。海高。雷。新。古


一平而。雷。雷

雷。雷。雷









DS
734
L39
v.3

國朝先正事畧卷三 各臣

平江李元度次青纂

索文忠公事畧

也。公諱索尼姓赫舍哩氏滿洲正黃旗人父碩色大學士希福兄也。

太祖高皇帝時碩色自哈達部挈家來歸

太祖以其兄弟父子並通國書及蒙古漢人文字咸擢至文

館理事。賜碩色希福巴克什號授公一等待衛使出入扈從

隨軍征討時哈達兵犯界藩城公身先士卒擊敗之復隨征棟

揆蒙古援兵雲集立二寨互相掎角公與諸將合兵攻勦拔其

國朝先正事畧卷之三 各臣

一寨餘眾悉降。天聰元年從

太宗攻錦州。遇明兵千餘。徙大凌河。河口。公以三十騎襲擊之。多斬獲。旋偵敵甯遠城內兵突出。公奮戰追敵。兵至壕而返。二年。

上親征喀爾喀。徵兵外藩。科爾沁不至。既遣希福率健士八人往趣之。復詔公與侍衛阿珠祐賚。諭飭責。士謝。圖額駙奧

巴初。奧巴爲台吉。入朝。

太祖以貝勒舒爾哈齊孫女妻焉。既而奧巴屢違約。私與明通。時復徵兵。不至。公于是稟奉。方畧以行。既入。利爾沁其部人饋以牲。公麾之去。曰。爾汗有異。心爾物安可食耶。部人以告奧

巴奧巴病足居別室公與阿珠祐詣見公主以諭旨告奧巴
奧巴聞之扶掖至佯問曰此爲誰公曰吾儕天使也爾有罪
義當絕今特以公主故來餽問耳奧巴語左右具饌公與阿珠
祐不顧而出奧巴恐使台吉寒冷等請其事公出璽書示之卽
令從者先行奧巴得書大驚令所屬大臣環跪請曰汗獲重罪
甚惶懼今寇騎塞路恐使者卽歸遣侵掠益滋汗咎請少留公
曰銜君命而來死何足辭與阿珠祐拂衣起整轡欲行眾皆
泣且曰汗欲引罪自謝叩馬首力挽之乃止翼日奧巴辭以足
疾欲令其台吉拜思噶爾等偕公入謝公曰汝欲解已罪而使
他人行吾豈爲取拜思噶爾等來耶奧巴乃使人請曰

上。恕。我。我。固。應。肉。袒。謝。懼。不。我。容。而。逐。我。耳。公。曰。

皇。上。覆。載。如。天。地。汝。果。引。罪。入。朝。雖。有。罪。必。蒙。矜。宥。與。巴。叩。

首。決。計。入。朝。公。見。其。悔。罪。輸。城。與。阿。珠。祐。偕。其。大。臣。黨。阿。賴。先。

歸。奏。狀。俱。稱。旨。三。年。從。征。至。燕。京。明。甯。遠。巡。撫。袁。崇。煥。赴。援。

列。營。城。東。南。公。奉。諭。傳。令。左。翼。迎。擊。貝。勒。豪。格。先。馳。入。陣。敵。

兵。蹙。之。矢。石。如。雨。公。躍。馬。突。入。東。西。衝。擊。當。者。無。不。糜。碎。遂。拔。

貝。勒。于。重。圍。明。年。正。月。大。軍。至。榛。子。鎭。城。內。無。官。守。公。同。文。臣。

達。海。頒。漢。字。詔。諭。降。其。民。復。招。撫。沙。河。驛。越。日。拔。永。平。與。達。

海。奉。命。執。黃。旗。于。城。上。以。漢。語。徧。諭。軍。民。皆。歸。順。二。月。班。師。

隨。貝。勒。阿。巴。泰。等。率。將。士。守。永。平。五。年。正。月。朝。鮮。使。臣。樸。蘭。英。

來朝。詔以人獲賜其王。樸蘭英以賞薄辭。公與參領英俄爾岱等斥責之。蘭英懼拜。命七月擢啓心郎。圍大凌河城。明兵自錦州赴援。公持短兵步戰。敗之。九月奉命往瀋陽。宣布捷音。踰月偕參將祝世昌率漢軍千六百人及朝鮮使臣至軍營。十二月與達海等奏定元旦朝賀儀制。明年從征察哈爾。由大同入明邊。取阜臺寨。會六部官署工竣。上召公及諸啓心郎。諭以啓迪諸貝勒俾勤事。改過毋曠厥官。八年授騎都尉世職。仍與學士羅什等日直內院。凡宣示諭旨及察審功罪咸當。

上意。旨以郡王禮祭貝勒。岳託尙書阿拜誤以岳託子

襲封郡王。傳與都統葉臣事。聞下廷臣議誤傳。詔旨罪以

公任郎官。應連坐。

上曰。索尼未奉旨。何至妄言。命免議會考績。超授三等男。

順治元年。都統和洛輝許告肅親王豪格言。詞悖妄。王坐廢。爲

庶人。詔王大臣集眾宣示。以公忠貞戮力。不附肅王。與都統

譚泰。護軍統領圖賴。並賜鞍馬。二年。晉一等子。是時睿忠親

王攝政。以公既授子爵。不宜復列郎官。令解啓心。郎任仍理部

事。先是公叔父希福。以不附睿親王。爲譚泰搆罪。劾罷。未幾。公

發。譚泰隱匿。諭旨。譚泰亦坐削公爵。有求古琴于公者。公

于庫內取漆琴與之。公又嘗令僕從于禁門橋下。捕魚見庫院

草長使牧者秣馬院中。譚泰遂臚狀劾公。下法司勘訊。論死。睿親王奏從輕典。削世職。遂罷廢。三年正月。圖賴劾譚泰事涉公。逮問。圖賴曰。譚泰有罪。吾于途次作書致索尼。使啓睿親王。索尼以不啟聞。及訊齊書者塞爾特。曰。書達索尼。索尼囑我勿言也。諸大臣論公罪當斬。王視鞫之。公曰。吾發譚泰隱。旨罪。願匿圖賴書。以庇之乎。復訊塞爾特。因得佐領希思漢。慮譚泰得罪。投書于河。狀公遂昭雪。尋復二等子。公終不附睿親王于政事。多以理爭。王由是惡之。五年。以貝子屯齊等許告公嘗與圖賴等私結盟誓。謀立肅親王。議罪應死。有旨免死。褫職。輸贖。緩遣守。

昭陵追奪 賞賜八年

上既躬親大政以前罪不實。特召還朝復其爵遇。恩詔晉世襲一等伯。賜敕免死二次。擢內大臣總管內務府事十七年。應詔上言十一事。一小民冤抑有司不爲詳審者宜別爲嚴察使無壅于上聞。一凡犯罪發覺問官以奉有嚴旨往往不察其情輒加重罪乞敕法司量情詳慎。一前議福建將士罪在大將軍者止削一不世襲之騎都尉而所屬將領其子男爵乃盡革輕重不均有乖懲勸請。敕更正。一凡開國之臣自騎都尉以上皆有功行閒及贊成大業者所授之職宜子世襲。其後非有戰功但恩詔所加者不宜給世襲。敕書一在外諸

藩風俗不齊。若必嚴以內定之例。恐反滋擾。宜格外寬容。一近
聞大臣勢豪。奪據行市。奸徒投託。指引以攘貨財。請嚴禁。一四
方商賈。擔負捆載來京者。多爲旗下大臣。短價強買。人將畏而
不前。請察禁。一諸王貝勒。及各官私引玉泉山水爲灌溉。致竭
泉流。當禁。一邊外木植。皆商人僱民採伐。今聞大臣于採木之
地。私行強佔。致商不聊生。請禁止。一人臣不殫力公事。惟飾宅
第。請懲禁。一五城審事。諸官遇世族富家。與窮民構訟。必罪窮
民。曲意徇私。不思執法。請嚴飭。毋得枉屈斯庶疏人。
上以所奏皆實。事宜申禁。飭部議行。十八年正月。
世祖升遐。遺詔以公與內大臣蘇克薩哈。遏必隆。鼉拜。四人

輔政。于是公及諸臣盟誓受事。未幾蘇克薩哈與鼇拜爭事成。隙公惡之。年已老矣。且有疾。康熙六年正月。與輔臣等奏請

聖祖親政。四月。上諭吏部曰。輔政大臣伯索尼

太祖時。驅勉効力。

太宗任以內外大事。悉能果斷。殫厥忠誠。

世祖皇帝以其勲舊。忠貞堪受重託。遺詔俾令輔政。恪遵

顧命。夙夜靖共。厥績茂焉。宜特加恩寵。示酬庸之典。遂晉一等

公。前所授一等伯。並世襲公。以寵榮逾分。悚仄難安。陳情辭一

等公爵。優旨不允。是年七月薨。賜祭葬。有加禮諡。文忠。以

第五子心裕襲一等伯。第六子法保襲一等公。授內大臣。長子

噶布喇次子噶布拉俱在額侍衛內大臣十三年十二月

聖祖因 冊諭

孝誠仁皇后。推恩所生授公及噶布拉俱爲一等公第三十
索額圖官至保和殿大學士太子太傅領侍衛內大臣坐家人
許告罪獄交宗人府拘禁尋卒

臣等聞先王受天而有天下

天下之歸於天子也如水之就下焉夫天子之於天下猶水之於魚也

天子之於天下猶水之於魚也魚之於水猶民之於君也君之於民猶水之於魚也

臣等聞先王受天而有天下

臣等聞先王受天而有天下

過恪僖公事略

子慈敬公尹德

公諱過必隆姓鈕祜祿氏額附宏毅公額亦都第十六子和碩公主所出也。聰八年。

太宗賜敕命襲其父一等子爵任侍衛。九年詔免功臣衙役公與焉。尋授一等總兵官。貝勒尼堪之福晉公兄都統圖爾格女也。無子。謀取僕婦女詐為已生。事發公坐徇庇奪職。崇德六年從。

上伐明移營松山。築長圍環守之。明總兵曹變蛟率乳峯山步騎欲棄寨突圍走。屢犯兩黃旗營。公奮擊連敗之。夜三鼓變蛟集敗兵突犯。御營時諸將未及赴。軍中驚擾。公與侍衛巴什。

摺及內大臣錫翰等堅守後營門力戰殪十餘人。麥墩負創走。詔守衛不嚴諸臣輸罰。緩分賚禦敵將士。公得優賞。七年隨饒餘貝勒阿巴泰等人明長城。克薊州。進兵山東。抵兗州。攻夏津。先登克其城。授騎都尉。世職。順治二年。流賊李自成遣擊李錦郝搖旗等竄聚湖廣。爲亂。荆襄武漢間道路多梗。公隨順承郡王勒克德渾往討之。師次武昌。賊據守要隘。公先率攻入大軍。繼之斬馘無算。遂拔鐵閉。普輓車都尉。五年。兄子侍衛科普索訐公與白旗諸王有隙。設兵護門事。論死得旨寬免。奪世職及佐領籍家產之半。八年。世祖親政。公訟免。詔復職。明年科普索獲罪。以所襲圖爾格。

之二等公爵令公併襲爲一等公。有護軍擺思哈喇者。當
太宗上賓時託疾不守門。至是授騎都尉。公舉劾其前罪。下部
論如律籍其家。以與公旋任議政大臣。領侍衛內大臣。加少保。
兼太子太保。尋加少傅。兼太子太傅。十八年受
世祖遺詔。與索尼。蘇克薩哈。鼐拜同爲輔政大臣。康熙六年三
月。御史張維赤疏請
聖祖皇帝親政。於是索尼
以歸政。請公亦懇請再三。是年七
月。

上躬親大政。諭部加恩輔臣。加公一等公爵。復以其長子法
喀。襲原授之一等公公。奏辭不允。賜戴双眼孔雀翎。明年加

大師尋乞罷輔政。溫諭慰留。又明年再請。乃許之。先是輔政時。索尼病。病。鼇拜獨專恣。與蘇克薩哈不相能。公不能自異。及鼇拜倡圈易旗地之令。中外大臣皆以爲不便。公擬停止。而鼇拜意在必行。弗能阻。既而鼇拜矯旨殺大學士蘇納海等。復族誅蘇克薩哈。公皆不能正其罪。八年。鼇拜獲罪。公坐緘默不言。逮問。論死。上以其結黨無實。宥之。削大師銜。及後。賜之一等公。九年。諭兵部曰。前以迺必隆知鼇拜樹黨亂政。不預行糾劾。故坐之罪。今念其爲皇考顧命大臣。且勳臣子。其咎止于因循瞻顧。未嘗躬負重愆。

著仍以公爵宿衛內廷十二年冬疾篤

上親臨慰問及薨賜祭塋賜諡恪儔勒石塞道碑文稱其

賦姓敬慎制行端方懿誠報國著有勤勞云尋以册立

孝昭仁皇后推恩所生特旨令立家廟賜

御製碑文復御書策名金石四字額其祠五十年

上念公會襲父爵緣事革除特命以其第四子尹德襲一等

子尹德初由佐領授侍衛嘗從

聖祖親征噶爾丹復扈蹕甯夏于承襲子爵後復襲其伯父

圖爾格二等公其一等子卽以圖爾格之孫豐阿達襲尋由都

統擢領侍衛內大臣兼議政大臣雍正五年以病乞休特遣

丙大臣慰問。允致仕未幾薨。賜祭葬如例。諭懃敬生平恭謹誠樸。宿衛十餘年。未嘗有過。其以病罷歸第也。朔望必攝衣冠。北向叩首。歲入祿米。必均諸宗族之貧者。十年十月。詔以公居心謹厚。行已端方。可入祀賢良祠。乾隆元年。詔晉一等公。懃敬公有子五人。次子納親。四子阿里。袞官皆至大學士。乾隆中。納親以首輔經畧金川軍務失機。詔以邊必降之。乃斬納親於軍前。

魏文毅公事畧

魏公裔介字石生號貞庵一號崑林直隸柏鄉人祖純粹明萬
曆中進士官御史公生而穎悟沈默寡言笑明季兵亂讀書邑
西山之桃源洞講求經術時務或終日危坐究心於明體達用
之學順治三年成進士選庶吉士明年改工科給事中五年與
試山西尋轉吏科母憂歸九年補故官十一年遷兵科給事中
明年遷太常少卿擢左副都御史十四年擢左都御史坐言事
附和應奪職特旨畱任尋遇恩詔復原職十六年諭獎
公建言多裨國是加太子太保十七年春
世祖皇帝下罪已之詔并令羣臣各自陳公疏上奪宮保銜未

幾疏劾大學士劉正宗成克鞏欺罔附會諸罪 詔正宗克鞏

回奏未得實下法司鞫并罷公職與質訊正宗獲罪籍沒入

旗克鞏奪職畱任公復原官蓋終

世祖之世十三年間公歷官臺諫及

聖祖嗣服復長御史臺康熙元年考績復官保二年晉吏部尙

書三年擢保和殿大學士充實祿總裁嘗請告遷葬事竣趣還

朝九年典會試十年以疾乞歸 優詔許之十一年加太子太

傅公在言路最久先後二百餘疏或立見施行或始訕于眾議

後卒以公言爲然或天子排衆議而獨伸公言用著爲律令

疏草具在可考而知也在工垣時

世祖以御極五載。公言少而勤學。古人比之日出之光。竊恐年
歲既盛。嗜欲日開。宜及時舉經筵。日詩以隆治本。又言燕趙
之民。椎牛裹糧。首先歸命。此漢高之關中。光武之河內也。屢奉
詔書。蠲賦。獨幾輔未沾實惠。宜切責奉行之吏。彰信兆民。又言
各州縣遇灾荒。既經報部。其例得蠲緩錢糧。宜卽停征。以杜胥
吏欺隱。并就各州縣所有積穀。及存蓄銀。先行賤貸。會應 詔
陳言。謂時事孔亟。民不聊生。日甚。山左萑苻未靖。畿輔因以燎
原。江右叛將甫擒。雲中忽而豕突。巴蜀湖湘。游魂遺孽。所以屢
九重之宵旰者。舉不足慮。惟上下之情未通。蒲漢之氣中闕。大
臣鬪茸以保富貴。小臣鉗結而惜功名。紀綱日弛。法度日壞。貪

自暴吏轉相吞噬以鳴得意臣實憂之宜改弦易轍盡反平日之所爲請時御正殿召對羣臣虛心咨訪令部院科道諸臣面奏政事仍令史官記注以求救時之實制下立行其說時匿逃之律甚峻因羣臣入對陳言特寬其禁中外大悅先是江南既定明尙書張縉彥赴大學士洪承疇軍前投誠至是河南巡撫吳景道援恩詔薦舉部議許之公疏言縉彥在明朝在中樞養寇誤國有盧杞賈似道之奸而庸劣過之宜擯棄以協公論疏下部察議以事在赦前予外用公在吏垣

世祖已親政公言督撫封疆重臣宜慎擇不宜專用遼左舊人又言攝政王時匿逃法太嚴犯者家長坐斬時天下囂然喪其

樂生之心。後寬其禁。責成州縣法至善也。若舍此。別有峻法。竊
恐下拂人心。上干天和。非尋常政治小小得失而已。
皇上愛民如子。各旗亦宜仰體。聖意。遇下以恩。彼雖奴隸。豈
無戀主心。而紛紛鳥獸。竄胡爲也。時朝儀未定。公又言。深居高
拱。不如詢訪。臣鄰批答。詳明不若親承顏色。故事。有朔望之朝。
有三六九之朝。有早晚朝。有內朝外朝。今縱不能如舊例。當一
月三朝。以副勵精圖治至意。自是始定。月逢五。視朝之制。直隸
河南山東水災。公言。勸報移覆。尙需時日。議蠲議賑。稍緩須臾。
卽無救死徙言。尤悚切。有旨。出帑金二十四萬兩。分遣大臣
十六人督賑。全活數十萬人。皆自公發之也。會有詔訪明季

京城殉難諸臣公疏舉大學士范景文等三十人乞宣付史館
予褒錄。于是諸臣先後得旌錄與祭諡。在兵垣綜覈軍政所識
拔後皆爲大將。疏刻將軍續順公沈永忠當流賊孫可望犯辰
州時擁兵不救致總兵徐勇等力竭殉城請罷斥。又劾福建提
督楊名高怠玩致璋州郡邑爲海寇鄭成功所陷。永忠名高均
坐奪職。會有詔令內外臣工精思職守。公陳用兵大勢言在
事誠無及矣。今者劉文秀復起於川南孫可望竊據于貴竹李
定國伺隙于西粵。張名振流氛于海島連年征討尙連天誅爲
目前進取計。蜀爲滇黔門戶蜀旣守而滇黔之勢蹙故蜀不可
不先取。此西南之情形也。粵西稍弱昨歲桂林之役未之大創

必圖再犯以牽制我湖南之師宜令藩鎮兩番迭出相機戰守此三方者攻瑕宜先粵西粵西潰則可望膽落滇黔亦當瓦解乃若鯨波未息則宜嚴斥候絕其窺伺大修戰艦諸路并力合勦勿使事久變生其後諸路進兵卒如公言又請錄用建言得罪諸臣請倣唐李吉甫元和國計簿令度支歲計出入盈縮呈御覽請增官吏祿俸請禁金玉錦繡浮屠塔廟一切侈靡蠶蠹之事請立勸農官請自今罪人勿發甯古塔請遺大臣督視河工言皆剗至及爲副憲疏劾大學士陳之遴心術不端營私植黨詔解任發遼陽閒住戶部議開吏員納銀事例公言此衰世苟且之政也今縱不能加小吏工食奈何著爲令甲以貲得

官使銓政由此而壞。又請定教官。每年考察。例合學政刊布。明儒薛瑄、王守仁等講學。諸書以培真才。並下部議行。其領御史臺也。時在五月。日月交食。公疏請廣言路。停工。寬州縣催科。考成速清。恩詔應釋滯獄。酌復五品以下官俸。減調移之兵。節供應之費。

上嘉其奏。立允行。嘗春月侍經筵。聽講漢文帝春和之詔。因舉仁政所先四事。卽日以聞京師人生女多棄不舉。公請嚴禁惡俗。

世祖宣示講筵。

命閤臣紀其事。正陽門外菜園居民稠密。爲

前朝嘉蔬圃地。所司檄歸之官。公過其地。百姓遮道訴。公入言。

於

上立以予民公嘗言天下未平皆由徵求太急刑罰太繁以致
良法美意不能遍及窮簷今宜獎進直言激發忠義尚寬大平
易之治勿爲刻薄瑣碎之計有旨令對狀終以其言直不問
也

世祖嘗召至中和殿諭之曰朕擢用卿非有人薦達也公稽首
謝曰敢不竭孤忠以報知遇南苑閱武每賜宴行宮應制賦
詩天顏輒喜甚一日侍坐問民間收穫公曰幾內百姓困苦
豐年僅供官稅

上稱唐太宗英主對曰晚年無魏徵苦諫遂窮兵高麗至貽後

悔公因事納忠屢稱旨疊拜名馬豐貂金幣之賜

世祖幸南苑別殿夜半闌明孝宗實錄有召對兵部尙書劉大夏都尉史戴珊事心喜曰朕所用何遽不若大夏珊明日宣梁尙書清標及公詣行幄偕顧問其蒙恩眷若此

聖祖冲齡踐阼輔政大臣議加練餉五伯萬公疏爭之力申旨停罷雲南初定請捐無名賦稅以慰新附之氓薦地方人才以收巖穴之士恤投誠文武以來膚徭之彥寬一切禁網以安溪崗之蠻又言雲南既有吳三桂藩兵及督提兩標兵則滿洲兵可撤但滇黔川楚之閒不以滿兵鎮守要地儻戎寇生心恐鞭長莫及荆襄乃天下腹心宜擇大將領滿洲兵數千常駐其

地無事則控扼形勢可以銷奸宄之前有事則提兵應援可以據水陸之勝疏入格于議公復請移舊駐武昌之湖廣總督于荊州從之其後滇南變亂人乃服公先兄云公在政府張弛寬猛調劑異同單辭片語解紛決策及仁皇帝親政公感兩朝恩遇益奮發有爲終以直道忌者眾初陝撫張自德以贓款被劾給事中孫光祀因劾公瞻徇公疏辨及康熙庚戌夏內院承旨會同吏禮部選新進士六十人試以文藝

上親定二十七人爲庶吉士御史季之芳疏劾公先以閱擬上卷之二十四人私令家人通信并劾公前遇恩詔時候缺未

補其子嘉慶混得瘕。又劾公與班布爾善比匪用私人爲賓錄館纂修提調官越格優叙班布爾善者以黨鼈拜伏誅之大學士也有詔命公回奏公言闕卷非臣一人通信有何左驗瘕子由吏部題明恩允有案可稽至調臣與班布爾善比匪則前此同在內院遇事輒相爭論以鼈拜之勢鼈臣足跡不登其門况班布爾善乎因請賜罷斥歸田疏入下吏部會質部議魏嘉慶生雖非滕混但候補官無得瘕之例法宜革明年公疾亟請告上以其懇切不強留也公服官日夕讀書輿中輒攜一卷及致政納釋經史百家之書拳拳服膺于窮理盡性之指時有所深

省獨得而不輕以語人其見于所著書有約言錄內外篇聖學
知統錄二卷知統翼錄二卷致知格物解二卷論性書二卷所
纂書有重訂周程張朱正脈薛文清讀書錄纂要其經學則有
易經大全纂要四書精義彙解惺心篇捷解孝經注我史學則
有經世編七十二卷詩有嶼飭集文曰兼濟堂集其五十餘卷
又著希賢錄一書分五門二十五目以括格致誠正修齊治平
之要生平篤孝友與人交質直無城府久要不忘尤喜獎掖後
進急人之難不啻飲食階欲懸車十六年課督農桑混迹田夫
野老間人不知爲舊相也康熙二十五年薨年七十有一賜
祭葬如例雍正十年詔入祀賢良祠乾隆元年

上念公與湯尙書斌等未邀易石之典。詔追謚文毅弟裔裔
官平良府知府。有孝行著述亦多。公有子四。其三曰荔彤。字念
庭。官至按察副使。能繼公業。著有懷觚集。

魏敏果公事畧

公諱象樞字環溪一字庸齋山西蔚州人順治二年進士選庶
吉士明年改刑科給事中。公性骨鯁敢言事。尤在意于當世人
才賢不肖治術得失民生休戚。是是非非必盡意乃止。疏言
督撫按聽用之官太雜。道府州縣胥隸太濫。請清理報可。尋劾
安徽巡撫王懷賄庇從逆之縣令鄧繼球。罷之。五年轉工科右
給事中。疏刻平陰知縣王國柱違禁擅磔人。又請更定會典以
明職掌。七年轉刑科左給事中。疏言督撫屢有訪糾道府全無
開報。請嚴徇縱律。八年
世祖章皇帝初親政。詔免天下額賦。罷城工。除加派。其時有

以私征侵落坐罪者因土疏極陳其弊且請定藩司會計奏報之法以杜欺隱立內外各官治事之限以清稽滯從之又請嚴考績大典禁反噬劾江蘇左布政劉漢祚缺賦五十餘萬請

敕部察寃論如律最後請

聖躬慎起居

疏辭通輔臣畧言

聖政維新中外想望治平匪同昔日如

皇上近巡京畿輔臣當陪侍法從以效啓沃之忠儻遠有所幸尤當諫止鑿輿以盡保傳之職疏上人謂公禍且不測有

旨嘉之又因災變陳言謂天地之變乃人事反常所致應舉近日顛倒旨意輕重綸言等事語侵權貴尤亟疏下九卿科

道議左給事例不與議公補陳顛末特命公會議公與諸大臣抗爭是非在廷爲仄日獨大學士范公文程心識之曰此我國家任事之臣也其後有構公者輒于衆中剖晰之卒得白九年遷吏科都給事申十年大計鎖廳閱冊令兵馬司周廬巡徼綱紀肅然上四疏皆言計典其一謂糾拾之舊制宜復言官不宜反坐下所司議著爲令因奏白給事申劉樾糾拾被譴寃得旨復職言官吳拜吳達坐言事論死公謂言官進言不實第宜治以考功法惟坐婪贓斂法報怨挾仇乃可下刑部又言會推督撫宜核事實勿徇虛名又詳陳民命民情民食民困四端以佐勤民大政皆報可十一年大學士陳名夏得罪言官坐不先

事糾發六科長皆被議。公降補詹事府主簿。屢遷。旨陳言。並

奏定薦舉各官格式。稍遷光祿寺丞。十六年告養歸家居。十三年講求理學。以躬行實踐爲宗。丁母憂。喪葬悉準古禮。康熙十一年服除。大學士馮公溥特疏薦。

聖祖卽召公以疾辭。再召。乃趨朝。補御史。疏言欲明賞罰。斷

在獎廉黜貪。請甄別考察。並以操守清廉爲上等。又請增俸以

養廉。改罰俸爲記過。又請永不許正月開征。以昭萬世法。守又

言畿輔盜案過多。請設總督兼轄滿漢兵民。尋劾湖廣藩司劉

顯貴。虧帑九萬七千有奇。撫臣徐化成巧爲出脫。又劾給事中

余司仁罔上行私。曲庇劉顯貴。並下所私察治。滿歲晉四品卿

銜仍掌御史事。疏言崇教化則宣勵臣僚之家教重河工則宜
著任使之人才正人心則宜戒淫巧定民志則宜輯禮書。
聖祖皆韙其言。擢左僉都御史。明年二月遷順天府尹。原任巡
按御史郝浴爲吳三桂誣陷流徙尙陽堡。凡二十年。公屢疏薦
之。且曰臣才守學識皆愧不如願以職讓其後。浴卒起用爲名
臣。轉大理卿。七月擢戶部侍郎承旨。保舉人才舉原任布政
使李士楨。慶陽道王天鑑。候補道鄭端。常熟知縣魏允升。皆報
可。會西南用兵。上籌餉三疏。曰確估價值以清浮冒嚴覈關稅
以杜侵漁。慎簡藩司以清賦稅。從之。

上命公與侍郎班迪清理部庫。入閱月而廢事。十七年授左都

御史首疏申明憲綱十事謂國家根本在百姓百姓安危在督撫督撫廉則物阜民安督撫貪則民窮財盡願諸臣為百姓留膏血為國家培元氣臣不敢不為朝廷正紀綱

聖祖嘉其切中時弊立予施行會徵博學鴻儒公舉原任布政使畢振姬嶺北道湯楫糧道王紫綬員外郎馮雲驥評事曰夢龍應詔時嘉定知縣陸隴其以盜案落職公以清操飲冰愛民如子薦之鎮江知府劉鼎瀾職無狀而報擢糧道絳州知州曹廷俞貪酷厲民大吏庇縱不劾公特疏糾之又因磨勘順天鄉試卷陳利場八弊請設內簾監試御史陳學政十弊請據為三年考覈之實廷議並著為令舉學臣之賢者曰邵嘉勞之辨

劾其劣者曰。盧元培。程汝璞。會汝璞已經浙江督撫保擢京堂。公遂臚陳汝璞罪狀。並劾督撫欺罔。下九卿科道議。尋論罪如律。明年春。公奏事畢。

上命近臣捧御書詩卷一。清慎勤大字三格。物大字二。以賜公之傳。諭以爾居官克稱此三言。故有此賜。他日復賜紫貂披領。

上面諭今年暫著。明年且別製爲卿。換之會京察。自陳優旨。命供職未幾。有刑部尚書之命。公疏言。當貪風日長。吏治未清。大吏因循。小民困苦之際。仰見

皇上宵旰。罔罔勞于上。臣不計身家。不避嫌怨。奉朝廷之法。與

海內臣工共相砥礪內而科道外而督撫參劾之疏屢上已有
澄清之機而道府以上貪墨之官尙多漏網臣職司風紀夙夜
兢兢不敢自安昔汲黯自請爲中郎補過拾遺臣亦妄欲竭愚
悃請辭司寇畱御史臺激濁揚清爲

皇上振肅綱紀

上嘉其奏遂加刑部尙書銜畱原任于是方疏劾權稅蕪湖之
主事劉源驕恣貪污及山西巡撫土克善賄庇學道盧元培諸
罪狀是日地連震
上晝夜坐武帳中公直入奏日地臣道也臣失職則地反常臣
不能肅風紀以修職業請先罪臣以回天變

上召公入公伏地涕泣請屏左右語移時極言天變若此乃索額圖明珠二相植黨市權排忠良引用僉王以剝菽藜之應及出副都尉史施公維翰迎于後左門見公淚流頰未乾也是日公宿帳中語施云今百姓困苦已極而大臣家益富地及吏剝民媚上督撫司道又轉餽政府小民愁苦之氣上千天和致召水旱日食星變地震之異又會推動輒徇私將帥無復紀律蠲免錢糧災黎不沾實惠刑官鬻獄豪右爲姦皆可憂可危之事施曰公何不極言之公曰聖明洞燭何待吾言吾儕負國萬死不足贖矣明日

上以六條宣廷臣集議大畧如公指于是朝士咸知公造膝所

請而用事大臣皆爲之股栗。明年索額圖罷。二十七年明珠爲
郭總憲琇劾罷。至四十五年春。

聖祖始以公面對論語羣臣二相之黜。公最先有以發之也。會
詔舉廉吏。公疏薦原任侍郎高珩。達哈塔雷。虎班。迪。大理。鄒。琦。
密色侍讀。蕭維豫。郎中宋文運。布政使畢振姬。知縣陸隴其。張
沐。皆得旨錄用。十九年任刑部尙書。明年扈從謁。

孝陵。一慟幾絕。賦詩至哀。讀者皆感動。尋命與少宰科爾坤

巡察畿輔。公單騎按行。墨吏豪家皆歛跡。爲除泰甚者。若而人。
還報稱旨。時積勞得疾。賜人葭二斤。葎膏一器。公感

上恩。欲引退而不忍言。二十三年春奏事。乾清門。暈踏于地。

乃疏乞骸骨。溫旨慰留，仍力疾視事。或勸少休，公曰：吾偷安一日，罪人待讞者增一日苦矣。八月再請。

上惜其去，以詞甚迫切，許馳驛歸。並諭三觀乃行。始入

賜御膳，再賜茶三。賜御書寒松堂額，寵其行。公遂自號寒

松老人。出國門，公鄉祖帳盈道，皆嘆息以謂公清勁之節至

老不衰，固不媿斯稱而

天子之知公，則可謂至矣。公門庭蕭寂，圖書數千卷，無異秀才

時所增惟綸誥宸章及諫草一囊而已。二十五年薨于家。

年七十有一。賜祭葬如例。謚敏果。著有儒宗錄、知言錄、寒松

堂集，公爲本朝直臣之冠。彈劾必匪人，薦引必正人。嘗言大

臣之誼在以人事君。故于君子小人進退消長之際，爭之尤力。其講學篤實，醇正，與孫夏峰、李二曲及湯陸諸公遺書往復，文章樸直，如北爲人，其以薦起也。度俸糈不足自給，不欲出有李恆岳者，妻兄弟也。謂曰：子在京師，日費幾何？曰：得一金足矣。恆岳曰：子果出，而有濟于世，吾能任之。公遂行。終公在官，無內顧憂者，恆岳力也。雍正八年，詔入祀賢良祠。

李文勤公事畧 杜文端公立德

李公諱霽字景霽直隸高陽人父國楷明大學士諡文敏明中
列傳公七歲而孤自幼苦志讀書言行不苟順治三年進士選
庶吉士授檢討 恩詔晉編修十年
世祖現試留國書翰林公與侍講胡兆龍檢討莊司生並列上
等擢中允再遷侍講學士教習庶吉士時始設日講自公與麻
勒吉胡兆龍王熙曹本榮等充之十四年充經筵講官十五年
充會試副總裁遷秘書院大學士尋改東閣大學士疏言內三
院既改爲內閣別設翰林院宜分職掌以專責成
上允所請十六年加太子太保 命校定律例十八年

聖祖御字復設內三院公改宏文院大學士康熙三年典會試

九年仍以內三院為內閣公改保和殿大學士十一年纂修

世祖實錄成賜銀幣鞍馬加太子太傅十三年詔舉素有

清操堪任繁劇者公舉前布政使王舜年參議道俞之炎十五

年再典會試十七年詔舉博學鴻儒公與大學士杜公立德

馮公溥台疏薦副使曹溶布政使法若直參議道施閏章中書

曹禾陳王堪知縣光漢雯進士沈珩葉舒崇及召試三相國

皆為閱卷大臣所取皆名宿歷充方畧聖訓實錄會典及

明史總裁官晉太子太師會臺灣初定提督施琅請設官鎮守

廷議未決有謂宜遷其人棄其地者

上召問閣臣公奏棄其地恐爲外夷所據遷其人慮奸宄生事應如琅議

上韙之二十三年六月薨于位年六十公弱冠登第大拜時年裁三十有四老成持重風度端凝內介外和朝野倚以爲重聖祖冲齡時輔政諸臣多專決票擬或失當公每于談笑閒婉言曲喻徐使改易調變之力居多三藩變作哈察爾部亦叛朝廷命將討不庭一應軍機方略諭旨皆口授公起草每入直或夜分始出或留宿閣中有問者輒默不應其慎密如此居相位久嫻掌故凡朝廷大典禮必以屬公出則扈從入則侍講幄所得賜資輒分給宗戚恪恭忠謹三十餘年如一日遺

疏聞。優詔賜卹。命大學士明珠偕學士一人往奠爵。賜祭。

葬如禮。諡文勤。四十九年。

諭曰：李燾任大學士時，始終恪慎。

懋著勤勞，其孫工部主事李敏啟可起擢太常寺少卿，以示優禮。舊臣至意是歲，公第三子其旋以教習授知縣。特旨以主事郎用。晉員外郎。公尋入祀鄉賢。同鄉中與公偕登揆席者曰：寶珉。世交端公。

杜公諱立德，字純一，明崇禎癸未進士。本朝順治二年，以薦

授中書考選給事中。疏言治平之道有三：口敬天，目法古，曰愛

人。

上深嘉納。六年，疏陳漕弊，言漕臣庫禮搜獲運宮使費，冊三十

本送部其中所費皆東南數百萬赤子脂膏供貪墨者之魚肉
請按款察究從之八年疏請舉經筵擇經明行修之士爲講官
又請定朝期杜加派肅禁地均蒙嘉納初睿親王攝政給事中
許作梅御史吳達李森先等交章劾大學士馮銓奏貪狀疏上
已旬日未下廷議公疏請令滿漢大臣集議以伸公論故直言
之氣尋以事在赦前寢其議及



聖祖親政黜馮銓公因言許作梅吳達李森先等前因劾銓爲
所切齒又僉都御史趙開心素爲銓所忌相繼構陷斥去之茲
逢聖政方新乞矜察開心等皆得自旨起用公由太常少卿
遷工吏兵刑四部侍郎加太子少保擢刑部尙書每獻直辭以

周詳審慎。反覆爲求生路。得則退。有喜色。不得則口中不出。有抵暮歸。或竟忘食。嘗入對。既出。世祖啟左右曰。爾等識此人乎。此新授刑部尙書杜立德也。不貪一錢。亦不妄殺一人。其被殊眷若此。康熙元年。調戶部尙書。二年。加太子太保。三年。典會試。轉吏部。八年。拜國史院大學士。其明年。取內三院爲內閣。授保和殿大學士。兼禮部尙書。晉太子太傅。公殫心獻納。遇事持大體。聖祖嘗諭左右閣臣曰。杜立德。直不媿古大臣。十二年。再典會試。居相位十餘年。恩禮優渥。嘗賜宴內廷。特命列坐殿內。漢大學士入殿坐。自公始也。其後以疾者。預宴。

國朝先正事畧

卷之三

正統元年春正月... 二月... 三月... 四月... 五月... 六月... 七月... 八月... 九月... 十月... 十一月... 十二月...



正統二年春正月... 二月... 三月... 四月... 五月... 六月... 七月... 八月... 九月... 十月... 十一月... 十二月...

馮文毅公事畧

國初諸大臣宏獎人才。以益都相國馮文毅公稱首。公嘗薦原任光祿等丞蔚州魏象樞。兵部主事成性。各以科道用。後皆爲名臣。康熙己未。詔舉博學鴻詞科。公薦原任布政使法若真。副使道曹溶。參議道施閏章。進士沈珩。葉舒。崇中書曹禾。陳玉璫。知縣米漢雯。皆海內耆宿。其餘應召至者。公皆傾心延攬。貧者爲授館。病饋以藥。喪者賻以金。聞人有異才。輒大書各姓。揭座隅。汲引如不及。天下士歸之如百川。之赴巨海焉。及試。上命公與高陽李相國。蔚寶坻杜相國。立德崑山葉掌院。方霽。並爲閱卷官。中選者五十人。皆入史館。於是閏章授侍講。珩丞

漢。雲。皆。授。編。修。餘。高。年。如。杜。越。傅。山。孫。枝。蔚。等。七。人。皆。授。中。書。銜。遣。歸。天。下。頌。

聖。祖。得。人。之。盛。而。公。好。賢。下。士。出。天。性。爲。足。仰。贊。闢。門。之。盛。治。云。公。諱。溥。字。孔。博。一。字。易。齋。山。東。益。都。人。順。治。三。年。丙。戌。進。士。丁。亥。補。廷。議。選。庶。吉。士。尋。授。編。修。壬。辰。分。校。禮。部。試。累。遷。秘。書。院。侍。讀。學。士。

世。祖。幸。內。閣。指。公。謂。閣。臣。曰。朕。視。馮。溥。乃。真。翰。林。也。未。幾。擢。吏。部。侍。郎。會。各。省。學。道。缺。部。郎。不。副。以。知。府。補。之。經。吏。禮。部。共。議。奏。而。給。事。中。張。惟。赤。以。徇。私。劾。公。有。旨。令。回。奏。公。疏。辨。世。祖。曰。吾。固。知。馮。溥。不。爲。也。置。不。問。次。年。京。堂。三。品。以。上。官。自。

陳忽。嚴旨黜滿尚書科兩坤暨兩侍郎。而獨留漢官在部。公與尚書孫公廷銓疏言。部事滿漢同治。今滿臣得罪。漢臣安得免。臣等無狀。乞并黜。有旨。命供職。會考績。公疏請補滿堂官。得旨。令公等考察滿員。公以素與滿員不習。無從定優劣。辭。特旨。命會同五部尚書及都察院考察。其逾格見重多類。此聖祖冲齡御極內。大臣索尼。蘇克薩哈。邊必隆。鼐拜。並受顧命。同輔政。號曰四大臣。御史李秀初以考績黜。至是黃緣復官。劾公爲故相。劉正宗黨人。王銓時破例徇私。公疏辨。嚴旨。飭秀誣許。康熙四年。停各省巡按。議遣大臣廉察督撫。每行省各二人。吏部尚書阿思哈。侍郎太必免。遂議設公廨。頒敕印。

公執不可謂國家設立督撫皆重臣今謂不可信復遣兩大臣
監之甚無謂也夫權重則勢相軋難保屬吏不仰承左右啟隙
端太必免性暴仇聞公言大恚瞑目起立奮拳將毆公公徐曰
會議也獨不容吾兩議耶且可否自有上裁豈爾我所敢專
主時曹屬環跪公前使稍貶損從滿議公堅持不可疏入
上聽公言事遂寢其後大必免反修好禮下于公然終以罪誅
先是公假滿入都時諸翰林官以新例五部員外郎得與翰林
較俸遷侍讀母論翰林俸不能較且論資則前後皆例
置爭乞公釐正至是始改循舊例丁未會試充主考官奏設育
嬰堂于崇文門外厥後宛平王相國熙繼之其式遂徧于天下

又就其旁買隙地種柳萬株名萬柳堂暇則與賓客觴詠其中
文采風流照耀一世戊申遷左都御史時有紅本已發科鈔鼇
拜取回改批公奏言本章既經批發不便更改鼇拜欲罪公
上特旨嘉公言命輔政大臣此後當詳慎批發會盛京工部
侍郎缺規僻者多已會推奉旨矣不旬日三易其人公疏稱
王言不宜反汗當慎重于未有旨之先不當更移于已奉
旨之後又疏言廣東盜賊充斥總兵官宜嚴加處分首相班布
爾善惡公言直閣其奏
聖祖取公疏覽之稱善命飭部施行時鼇拜晉太師於二等
公爵外加賜一等公專恣益甚日與班布爾善等比黨構陷

既族誅輔政大臣蘇克薩哈復矯詔殺大學士蘇納海內大臣飛揚古侍衛倭赫西住折克圖覺羅塞爾弼及直隸總督朱昌祥巡撫王登聯等滿漢內外大臣莫敢撻其鋒其敢訟言其失者惟公及侍讀熊公賜履二人而已公又請寬逃人之禁分別新舊定讞又疏稱閩粵重兵皆携家口約計十萬之師卽不下百萬一切途費及養育之資皆取諸朝廷且家累重則緩急難于徵調宜申禁又疏稱吏部選官俱論年分進士則歷于歷科揀選之餘舉人則待之五科不申之後豈無昏耄不堪民牧者乎如其有之則謁選赴任路費不貲其履任而大吏以昏曠去之爲累不淺卽姑畱嘗試事敗聽劾而地方已被其害且

有老死他鄉妻孥代累者矣。廕生應得州縣者例准十八歲選授。豈無童心尚在操刀使劊者乎？如其有之，則幕友丁役得攬其權而吏治不可問矣。應請敕部當裁取之曰：畧試以身言書判可者錄之，否則以原銜休致。其幼稚未通者，停其授官。俟學成再補，或改授佐領等官，待練習世務後，照例遷除。又嘗遵旨陳言，請寬刑稅，謂古者罪人不孥，今一事牽連數人或數十人，雖事終省釋，生死已不可知，且問官貪懦不知審結，遲或一二年，或七八年，株累何堪？請敕部嚴禁有逾定限者，卽治督撫以才力不及罪。又正月開征，追呼太急，請夏稅定于六月，秋稅定于十月上培。國脈下寬，民命疏入。

國朝文獻通考卷之八十三
上皆嘉納焉。又言平南王尙可喜。靖南王耿繼茂績順公沈永
忠均牒戶部請免所買馬匹稅。恐匪人借端滋弊。請照例徵稅。
以昭畫一。從之。庚戌遷刑部尙書甫泣任。卽疏言愚民犯法日
衆。朝廷教化且先。

上聽其言未幾引年請告不許。辛亥授文華殿大學士。疏請于
豐歲廣行積貯。從之。明年復乞骸骨。

聖祖云六十四歲未衰也。俟卿七十乃休耳。癸丑典會試冬十

一月吳三桂反公不敢言去。戊午福建平公疏言

皇上曾許臣七十乃休息壤在彼敢申請仍不許。明年己未典
會試尋命閱召試博學鴻儒卷所取五十人皆北面稱弟子。

是年夏公得熱疾乞歸。

上遣學士就家問疾傳

諭調理稍痊即出視事辛酉雲南平

公請告

上遷其疏仍弗許王戊上元

上賜宴諸大臣及詞臣講官于

乾清宮許羣臣至

御座旁觀釐山燈

上親賜公巨觥命醴公不能飲遂大醉尋捧觴稽首登臺獻及
出命內侍扶掖歸是日

上賦柏梁體詩

首唱云麗日和風被萬方羣臣各續成之

聖祖親書命曰昇平嘉宴詩既而

上東謁

三陵返蹕公乞休得

旨。卿輔弼重臣。端敏練達。覽奏以年老請休。情詞懇切。可原官

致仕。馳驛回籍。仍遣官護送。以示眷懷。及

上賜食傳。旨云。卿自今無職。掌可常至瀛臺一看。越數日至

瀛臺。賜飯訖。命遍遊西苑。

上遣侍臣攜酒果隨公。令每至一處坐飲。三爵力倦。且稍憇。勿

遽出。及歸。仍以酒果郎家。賜之。公疏言。伏見

皇上掃除逆孽。廓清四海。無念不思。安全百姓。日未出而求衣。

臣下章奏。無不披覽。其勞百倍于臣。工尙望靜以宜民。寬以敷

政凡事非萬不得已者勿爲勞費外省訐告事非督撫所能審者則遣官其餘弗遣以省騷擾臺灣小醜不數年必自戕滅不宜輕勦閩稅鹽課借諸商實出諸民不宜增額并請停止部差以休養閩閩培植元氣 溫旨報聞尋 賜 御製詩一首印章一其文曰適志東山次日辭謝 上遣中書羅映臺護送到家京朝官數百人同餞彰義門外父老有牽車泣下者會

太宗文皇帝實錄成 賜銀幣鞍馬加太子太傅三十年十一月薨于家年八十有三 賜祭葬 予謚文毅所著有佳山堂集公愛才若命立朝屢忤權貴嶽嶽無所回風節尤高天下當

鄉舉時報至。公方熟睡。呼之不省。太夫人大驚。以水噴其面。亦不省。時公夢應召遊泰山。乘雲而上。至則張樂設宴。將退聞雞鳴。海中紅日如車輪。既寤。口鼻閒猶餘酒氣焉。其應鄉試也。寓省會藥王庵。僧璽文有道行。公方禮佛。驚起曰。老僧甫入定。見東方紅光。熊熊然。悸而寤。不知爲公至也。寺門古松數株。中有磐石。流水環之。公盤桓其閒。璽文忽告曰。願公毋坐此也。旁有土地神祠。夢以不安告。公笑謝之。數日後復來言。如是者三。公曰。果爾。可壘牆障之。祠前至今蔽一牆。以公故也。事雖誕。亦可想見公之生有自來云。

姚端恪公事畧 弟文熊

姚公諱文然字弱候安徽桐城人明崇禎十六年進士本朝
順治三年以安慶巡撫李猶龍薦授國史院庶吉士五年三月
改禮科給事中七月典山東鄉試六年疏請嚴敕撫按遵恩
詔清理刑獄勿任有司稽玩或條赦外有可矜疑原宥者許專
疏上陳又請重定選用下第舉人之例以廣任使又言直隸與
山東河北接壤每遇盜賊竊發東西竄匿難于越境追捕請改
保定巡撫爲總督統轄直隸山東及河南懷慶衛輝彰德三府
庶盜患可弭又請嚴敕各省督撫勿濫委私人署州縣官疏皆
下部議行尋轉工科八年請令都察院甄別各省巡撫疏下所

司議分六等考核陞調有差。是年秋江浙水災，公言災地漕米宜改折以災之重輕定改折多寡。又言折漕規則新立民不能周知，官吏因緣爲奸，或改折外重征，耗銀或先已征米，又收折價，或私折重價，而以輕價報解，弊端不一。請 敕漕臣密查嚴劾。

上嘉納之。十年，疏言大臣負罪，宜免鎖禁城門，以存國體。從之。遷兵科都給事中，尋乞養歸。康熙五年，補戶科。六年，疏言川楚諸省官吏借採木爲名，或搜取民間屋材墓樹，宜飭禁。又言採買官物，其由官發價者，駁減之銀應如舊扣存司庫，若價出自民，餘銀宜還之民間。又言一部可結之事，卽應一部逕結。一疏。

可結之事卽應一疏通結知各省錢糧考成已報完者部臣于
議覆時宜卽予開復以省奏牘均如所請行九年命以四品
服俸仍在給事中十年夏兩江總督麻勒吉以京口將軍李顯
貴鎮江守劉元輔侵帑事覺逮繫至京公疏言麻勒吉情罪輕
重尙待質問宜釋所繫

上聽其言命自後赴質者概免鎖繫著爲令尋擢副都御史遷
刑部侍郎十二年調兵部督捕侍郎充會試副考官尋以京口
將軍柯永綦爲副都統張所養奏劾奉命往鞠得實永綦罷
任是年遷左都御史十三年疏言耿精忠與孫延齡俱受吳三
桂指揮昔恩反叛中間阻隔者賴有廣東將士久駐其地熟

悉山川地利以遏賊鋒。儻與孫逆合謀，互相犄角，則廣東勢危。江西毗連閩粵，若逆賊侵踞贛州南安，餉道中斷，郵遞有梗，亦屬可慮。宜進駐重兵，以通聲援。

上從其議。會陝西提督王輔臣叛，所在騷動。河南巡撫佟鳳彩乞休已得旨解任矣。公疏言：河南密邇陝西，恐流言煽惑，鳳彩任巡撫數載，甚得民心，宜令力疾視事。

上即命留任。如公言。十五年擢刑部尚書。十七年六月薨于位。賜祭葬如典，謚端恪。公自入仕任言責，訖為正卿，所歷皆法官。於國家利害吏治得失，民生休戚，知無不言，言無不當。尤矜恤民命，惟恐一物不得其所，纖毫出入之疑必折而歸之。于中

前後所建白皆天下大計而尤推本于君身故惓惓以調護
聖公節慎起居爲言時韓侍郎棻等侍講幄見公叩首三丹陛
言發涕零言人所不敢言而
上亦愛之不拂也在刑部推廣上恩所全活甚衆先是公爲
科臣已屢上慎刑之書至是益自發抒不翫法不市恩一酌乎
人心之安而猶恐失之校閱刑書常至夜午年衰成疾諸子諫
之則曰刃殺人于一時例殺人于萬世其可忽乎哉嘗刺一人
于法爲不應爭之不得公退而炷香長跪自責者久之其刻已
恕物類此所著白雲語錄參酌例律鉅細必貫名法家可長據
而守也公嘗自書座右曰常覺曾中生意滿須知世上苦人多

又曰。憂民之憂樂。已之樂。又曰。病之起。由于不誠。誠則中和百病不生。所著奏疏及詩文集。皆質實醇厚。有古風。平居一話一言。罔不可爲法。亦其生意之充滿者然也。雍正八年。詔入祖賢良祠。弟女熊。字望侯。康熙丁未進士。令蕭山地。當衝繁。又聞亂未定。芻糧取給于邑。調度有方。民以不困。遷階州。州與蕃地鄰。亂後益凋敝。到任。悉除無名之征。上官按舊例。發吏督催。女熊縛其驕橫者。扶而遣之。大計遂以不及例。降調蕭山人祀之名宦祠。

朱梅麓尙書事畧

康熙五年二月兵部尙書河道總督朱公之錫薨于位十二年
河督王光裕疏言公生而盡瘁歿爲河神江淮兩河商民追思
惠政弗諉邳州宿遷中牟陽武曹單等縣皆建廟塑像戶祝漕
艘運丁每涉險有禱輒驗謹據輿情籲請錫封疏下禮部部
議以河臣封神無成例寢其議乾隆四十五年
高宗巡視河工始允大學士阿桂請以公歿爲河神屢著靈應
諭禮部賜封助順永甯侯春秋致祭後又敕加封號曰佑
安謹按生英死靈理本不易而幽眇附會之說儒者或以爲無
稽然古聖人以神道設教王者受命進退百神之祀凡以爲民

而已其應乎天神地祇人鬼之典法者固爲秩宗所掌錄其能
禦災捍患合乎以死勤事之義而又能見靈爽爲徵驗以奔走
天下者王者亦秩而祀之所以從民望也 國家之制歲以春
秋二仲 命所在守土官致祭英衛公伍員于錢塘敷澤興濟
通祐王李冰父子于灌顯佑安瀾甯漕助順之神張巡于浮梁
丹徒清河誠應武肅王錢鏐于臨安顯佑通濟昭靈效順廣利
安民金龍四大王謝緒于宿遷及濱河各邑靜安公張夏于蕭
山甯江伯湯紹恩于紹興甯漕公宋禮及永濟之神白英于汶
上威顯靈佑王許遠于山陽之高堰彰靈衛漕神張襄于清河
佑民衍澤太湖神王天英于湖州及蘇州靈感普濟神許遜于

南昌廣濟孚順侯蔣崇仁利濟孚順侯蔣崇義靈應孚佑侯蔣
崇信于仁和保濟顯佑侯戴繼元于德清孚惠善政靈德侯王
元暉于鄞孚惠佑民天井潭神劉揚祖于慈谿誠孚利濟之神
陳道興于義烏宣威助順靖遠侯楊瀨于永綬廳靈佑宏濟顯
惠王黃守才于陳留閩鄉及濱河各邑張桓侯飛趙將軍雲于
曹諸葛武鄉侯亮于成都宣威布德康濟雷神豫文玉于雷州
英佑驍騎將軍江起龍襄靖普佑神張瑜于徐聞顯佑英濟廣
福王武當于義甯敷佑康澤靈應侯耿裕德于運河揚糧廳靈
應鎮海威遠金華將軍曹杲于錢塘敬義侯尙義侯秉義侯詹
姓三神于翁源孚惠侯晁說之于鄞顯佑宣靈王周維于新城

昭應伯王光鼎于建德靈佑伯周文煜于黔陽猛將車劉承忠
于各直省府州縣及助順承甯佑安侯朱之錫于濱河各色皆
載在祀典歷加封號紀在 大清通禮其人其地皆確鑿可
稽用此見我

聖朝懷柔百神昭明所嚮能知萬物之情狀而後能知鬼神之情狀誠非一孔目論之士所能仰窺而凡測也然考所祀諸神其事蹟或不盡顯著惟朱公治河十載功德在人而其始終為國為民之精誠復能昭揭于身後則其効為明神也何疑焉公字孟九號梅麓浙江義烏人順治三年進士選庶吉士授編修六年大學士范公文程等請簡翰林官十二人編緝六科奏章

備國史之用。公與焉。十年遷宏文院侍讀學士。尋遷詹事府。時方纂修明史。疏請。敕部宣示中外。有以明末邸報來上者。量加賞賚。并責成各直省學臣。構進遺書。任滿時課多寡。爲殿最。下所司議。行十三年。遷宏文院學士。明年擢吏部右侍郎。世祖章皇帝嘗幸錦中。給筆札賦詩。有禁內盤盃。皆敬勝。猶懷筆諫。效前賢之句。上覽之大喜。命坐。賜茶。諭嘉公氣度端醇。才品勤敏。令以兵部尙書銜。總督河道。駐濟甯州。十五年。河決山陽。公馳赴清江浦。築戩堤以衛之。決口遂塞。宿遷董家口爲淤沙所闕。別開新河四百丈。于舊渠迤東。以通通道。十六年。疏言黃河之溢。

之害無代無之。前明二百餘年。數興大役。治水各臣如徐有貞、劉大夏、潘季馴等。塞決口、疏河身、役夫俱八九萬。至十餘萬。糜帑不貲我。朝數百萬京儲。仰給東南。凡籌河者。必兼籌漕運。黃河自榮澤至山陽。運河自惠通至清口。前明規制十存其五。欲一一修復。工繁帑絀。謹酌盈虛。權緩急。條上十事。一曰歲修。夫役宜存舊額。一曰淮工。宜酌行民修舊例。一曰混閘。宜擇最要者先治。一曰柳料。宜預爲籌備。一曰誤公病民弊端。宜嚴別。一曰曠盡銀兩。宜釐核。一曰河工職守。宜慎重。一曰河官既有專責。不應別膺差委。一曰歲終。宜察核所屬賢否。分別舉劾。以示勸懲。一曰黃運二河毗連數省。宜敕各巡撫共襄河務。疏

下部皆如所請行。八月疏薦同知佟養鉅、魏裔魯、孫裔昌、知縣
余縉、崔維維等。待旨。叙錄。十月以兵船繹夫有守候越站攘
奪奔追諸苦累，請自今兵船分別征勦，駐防酌定夫額，設官巡
察從之。先是公丁母憂。命在任守制。至是疏請扶柩歸葬。
優詔給假治喪。事竣仍卽赴任。十七年冬復任。偕僚屬捐銀賑
濟淮揚徐三府災民。康熙元年加太子少保。九月河決原武，祥
符、蘭陽等縣。公力籌堵塞。自爲短歌俾道鐸徇行。夫役皆踴躍
趨事。以是屢有成功。是年河南巡撫劉源濬條奏南陽汝甯二
府開墾荒地，請免河工差徭。十年部議令公覈覆。公言差徭貴
均勞逸。新墾者徧逸，則舊業之民徧勞。請自今領墾地畝者五

年後起。派雜差。又工部以江南瓜州剝船。逋欠河庫銀。令公察。追。公言。近年商船通行。剝船無從覓利。兼又撥應兵差。其新舊額稅。均宜豁免。又疏請造船。撈淺。高郵四十五艘。寶應江都各十八艘。共支帑千七十餘兩。並從之。前後疏薦。河工分司主事。壽以仁。高恆。豫卽中。吳煒。河南驛傳道。萬永祚。揚州推官。王士禎等。俱叙錄。四年。疏言。南旺爲運河之脊。北至臨清。南至台莊。全賴四十餘閘。啓閉節宣。以資輓運。若差船兵船。不時駛至。應閉者。強之使開。洩水下注。則重運之在上游者。阻矣。應開者。強之使閉。流水待船。則重運之在下游者。又阻矣。夫公差。旣由水程。卽隨漕而進。未致誤期。如慮河路迂違。自應從陸。乞天謂。

申飭俾各遵例禁得旨嗣後非奉極要勅旨差遣擅行啟閉
開日者卽指名題參公治河殫竭力心每當各工並急則南北
交馳寢食俱廢盛暑介馬暴烈日中隆冬犯霜雪首尾十年先
是壬寅秋歲大禋山左中州淮南道殫相望公設法倡賑全活
甚衆至是督催空艤抵臨清積勞成疾及東旋形色顛頓明年
春復閱視大挑奔馳邳宿閒病日臻因繕疏請告未拜發而薨
年四十有二無子優詔議卹賜祭墓如例著有寒香館河
防疏略行世初河庫貯銀十餘萬兩頻年撙節得四十六萬有
奇後公爲河督者若斬文襄陳恪勤齊勤恪稭文敏諸公皆有
名績且皆勅建專祠而公特開其先路其神異乃尤著云

卷之三終

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

其後且其... 雖教專師而... 活勞入... 萬... 萬... 萬...

國朝先正事畧卷四

平江李元度次青纂

趙清獻公事畧

趙公廷臣字君鄰漢軍鑲黃旗人順治二年由貢生知山陽縣
遷江甯府同知兼理運務能具職尤加意生儒優其家屬不以
僉運嘗攝知府事時值編審以精核著稱亡何坐催征逾限免
十年大學士洪承疇經畧湖廣疏薦公清幹有為授下湖南兵
備道嘗秉燭治官書至丙夜曉起百函並發左右不得行其私
平反冤獄剖決無留滯加意恤民行路爲之感泣尤嚴絕苞苴
歲時饋獻不敢至其門十五年隨大兵定貴州遂授巡撫明年

擢雲貴總督時兵燹之餘繼以荒歉公調劑兵民不遑食息性不喜繁侈每行部不過數騎甚有不知其至者先是土寇馮天裕等踞山寨屢出攻劫公調兵擊破賊營斬天裕及偽總兵冉宗孝等疏言貴川占稱鬼方自城市外四顧皆苗專事鬪殺故馭之爲難臣以爲教化無不可施之地請自今應襲士官年十三以上者皆令入學習禮由儒學起送承襲其族屬子弟願入學讀書者許其仕進則教興而悍俗可變又每歲終士官各上其世次之籍於布政司報部乃許承襲斯爭端可杜尋奏改馬乃諸上司爲流官又言滇省田上荒蕪當急招民間墾請以順治十七年本省秋糧貸爲春種之資會吳三桂以五象進

獻

上命停止送京公因請槩停邊貢以省解送之勞並從之以鄭
平上酋龍吉兆功加兵部尙書康熙元年調浙江總督加太子
少保疏言浙中逋賦不清由征解繁雜請以一條鞭法征收卽
以一條鞭法起解令各屬隨征隨解由布政司察明注冊至爲
簡便又請移海島投降官兵安插地方以杜賊煽誘定水師提
鎮各營兵制以練水戰杭嘉湖三府毘連太湖河湖最易藪奸
請增造快船撥兵巡哨部議俱從其請時海寇鄭成功死公招
其黨僞將軍阮美都督鄭殷侍郎蔡昌登等相繼降獨明魯王
之兵部張煌言率眾盤踞浙島多年最稱狡脫公親赴定海與

提督哈爾庫張杰等定議檄水師由甯台溫二府出洋搜剿斬
敵兵六百有奇降其副將陳棟知焜言披緝竄伏海島乃遣騎
將徐元等詐爲僧人服率健丁潛伏普陀山朱家尖蘆花密三
路以伺遇閒牒船急擊之獲其故校誘使言焜言竄處卽駕所
獲船以夜半至懸輿出山之皆攀藤上潛入其帳擒焜言獲其
敕印疏問得旨嘉獎焜言死之焜言者明鄞縣舉人也大
軍下江南時浙東拒命焜言迎監國魯王于天台累官兵部尙
書嘗航海至翁州扈魯王再入閩尋招軍于天台與故將張名
振合軍入長江趨丹陽掠丹徒登金山望石頭城遙祭孝陵逾
年與鄭成功陷鎮江下蕪湖及徽甯池太等屬爲我總兵梁扎

鳳等所敗遁入臺灣成功尋沒于臺魯王亦殂煌言遂散軍居南田之懸巖懸巖在海中荒瘠無人惟山南有汶港通舟楫北則峭壁乃結茅其間蓄雙猿伺動靜敵舟在十里外則猿鳴樹杪得準備至是軍以夜至始爲公所擒初煌言之航海也公係累其家屬以入告

世祖命無庸籍沒卽令其父以書諭煌言煌言復書曰願大人有兒如李通勿爲徐庶兒他日不憚作趙苞以自贖其父亦潛寄語曰勿以我爲慮也公與江督郎廷佐提督張杰累書招煌言皆不屈公仍厚待其家及煌言被執公命寄獄中而供帳甚盛許其舊部曲得來慰問官吏願見者弗禁杭人爭賂守者求

入見。或求書。煌言亦應之。旣就義。遺民萬斯大等請葬煌言於南屏山。在岳忠武于忠肅二墓之間。公亦許之。嗚呼。煌言之忠。固不愧交信國。而公之賢實遠出張洪範上而仁祖如天之度。益可想見矣。軍興以來。度支苦不給。公疏請復二十四鹽鼓鑄泉貨。遂通四年。疏請崇節儉以維風俗。又言用人宜寬小。請敕部分別望誤降革人員。量才錄用以收得人之效。又言駐防滿洲收買民人。宜令地方吏給印契。并曉諭諸鄰。俾知某人鬻身。旂干後。或逃歸。有容曲者。乃可坐以窩逃罪事。並下部議行。會部檄行省流寓人。責令回籍。公疏言。落職罷在之員。應卽回籍。其身故而子孫願留及流寓。已有丁賦。

八版圖者聽自傾得。自漢軍速催回旂餘如所請五年招降
鄭錦之偽都督李順等六年夏以疾乞休。溫詔慰留八年二
月薨於位。公涖浙公年多惠政而折獄尤敏。有警者入屠者室
呼無人竊其簪中錢而走屠者追之。則搏膺而叫曰天子彼欺
吾警而奪之錢也。公令投錢盎水中。見浮脂以錢還屠者。有殺
人者既誣服矣。公曰傷不及寸而刃盈尺必免也。戒吏更求之
得真殺人者。夏大旱山中。人皆言魃至。丹顏赤髯絳衣冠入門
輒失財物。公笑曰非魃也。令邏者伺之。遂獲盜營中將士多驕
恣。公嚴抑之。告許不得逞。時浙東初平。叛獄屢起。公平情讞鞫
全活者多。遇忠義士之各爲其主者。誠有司不得駢坐其家屬。

人以爲尤難遺疏上。賜祭葬如典。予諡清獻。廕一子入監讀。書論者謂公一生清節誠足與宋趙清獻公先後媲美云。

公在知人寺夏大旱山中人祈雨公坐杖應志氣益壯

人昔謂公非定公曰公非定公而民無只以公出共委也

昔許而公之結也公合對登榜水中民野許以強也

民黨與命及公知公在平途惠運而海嶺水薄自得清人

李忠襄公事畧

李公率泰字叔達漢軍正藍旗人父永芳明撫順游擊歸命官
至總兵公其次子也初名延齡年十二卽入侍禁廷
太祖皇帝賜今名以宗室女妻之弱冠從征察哈爾天聰間從
征朝鮮崇德間從征明錦州又從征山東並有功海擢副都統
順治元年授刑部參政兼副都統帥師駐防錦州四月隨睿忠
親王入關破流賊李白成尋同都統金礪招撫天津又帥甯遠
駐防兵平定山東河南擒斬滿家洞賊將趙應元降其眾萬人
二年隨豫親王破流賊于潼關移師南征克揚州下江甯分領
精兵三百徇蘇州松江所過城邑悉撫定惟江陰典史閻應元

陳明遇等閉城抗拒逾月。督兵攻破之。豫王命公駐防蘇州。會
明將英志葵黃蜚來犯。時城中驍騎僅千餘。公與巡撫上國寶
登盤門塔以望外。兵使百餘騎遶城外。各張幟爲援。兵志葵前
鋒數百。斬西門入。長驅四五里。不見一敵。忽勁騎突起。截擊殲
之城外。軍羈退。公急令閉城。嚴督獲髮違者。斬髮旣殘。卽驅之
登陴。內應旣絕。外攻遂遺。蘇州獲全。三年。隨端重親王博洛下
杭州。定福建冊功。授輕車都尉。兼一雲騎尉。五年。海寇犯福州。
漳泉諸郡。詔公與靖南將軍陳泰同心協勦。至則擒斬賊渠
曾慶等。及餘黨數萬人。時鄭彩連踪數千。踞長樂連江諸城邑。
公會陳公分兵夾擊。盡驅以出海。復二縣。又統師直入興化。生

擒僞總督顧世臣等十一人斬之興化平先是福州爲賊困十
有四月城中人相食江西賊郭天才僞稱援兵自杉關長驅至
福州驅兵洪塘載米麥江上誘郡民出就食會公提師抵建甯
聞之卽閒道飛檄巡撫使偵備賊乃夜焚洪山橋掠就食者千
人以遁公至命有司收賊餘粟以甦遺民巡按御史周世科大
治椿杵釘鉸之刑考掠士民恣取財賄巨萬巡撫不敢問公疏
劾之世科伏誅百姓皆感泣六年從征大同叛鎮姜瓖下保德
州擒斬賊黨牛化麟等敘功加一雲騎尉先是順治元年更定
官制名叅政曰侍郎公仍以刑部侍郎兼副都統事八年調吏
部擢宏文院大學士條上三事一懲貪酷吏一給滿洲兵丁馬

匹草料一酌量營造工程次第

上從之尋坐誤增恩詔赦款免降世職為騎都尉是年冬奉

特旨晉爵三等男十年以大學士洪承疇薦授兩廣總督時明

桂王朱由榔居安隆其帥李定國擁兵粵西十一年土賊廖篤

增等結定國為寇公遣將分道進剿陣斬篤增於玉版巢十二

年定國犯粵東公傾兵禦之敗其將高文貴會靖南將軍珠瑪

喇率禁旅至合兵夾擊大破之於新會城下乘勝逐北遂復高

雷二郡所至賑恤民賴以安方新會之被圍也城中糧盡且食

人守者掠取婦女千餘口待斃公言於諸將盡釋之十三年加

太子太保調閩浙總督命兼程赴任駐衢州當是時海寇鄭

成功招集亡命爲江浙閩三省邊患。公旣蒞任，相度形勢，以賊
踪來往無常，非急整舟師，不足資戰守。特疏增設水軍三千，復
增造哨船百餘艘，爲勦禦計。十四年，招降海盜陳德容，並疏言
欲勦鄭逆，當散其黨羽以撫佐之。又言成功父芝龍不宜徙甯
古塔，其地近海，恐由此遁，患更大。十六年，人言賊入江，
上悉聽其言，是歲晉二等男。加大保兼太子太保，明年招降僞
都督唐邦杰，副將林猗等，鄭成功犯溫郡，陷平陽，瑞安浙東告
警，公調江甯滿兵助勦，賊敗去。會詔分閩浙總督爲二，以都
統趙國祚督浙江，而以公專督福建。駐福州，賊黨陳斌旣降，復
叛，率千餘人據羅星塔，公馳檄會帥燔其巨艦千餘，賊遁，因以

舟師圍之。斌降。公奏斌屢叛狀，誅之。康熙元年，公以漳州爲全閩門戶，奏增設水師二千。及副將游擊等官。時賊踞定海之小埕，公密會靖南王耿繼茂遣兵擊走之。又萬安所先經遷毀，僞總兵楊宣等復于其地築新壘。公會師夾剿，賊不能支。揚帆過未幾，招降僞總兵林俊奇等六十一人，兵千餘人。三年，降僞忠靖伯陳輝等僞官百三十餘人，兵千六百人，家屬八百餘人。復統建甯延平邵武將弁三路進剿山賊，獲逆渠王鐵佛，斬之。居亡何，海賊五百餘人由梁山突犯內地。公遣將夾擊，大破之。俘馘過半。復與靖南王統師大兵航海攻克廈門，乘勝取浯嶼金門諸島。鄭錦等勢窮宵遁。三年四月，擒斬甯化山賊錢未，招降

爲總兵林國樑。五月大兵至八尺門。僞將軍翁求多率兵民六萬餘人納款。公夜半渡海進拔銅山。焚賊巢。斬級三千三百有奇。僞永安侯黃廷等率家屬及兵民三萬餘人降。獲船艦軍械無算。鄭錦僅以數十艘遁入臺灣。

聖祖優詔獎敘。六月以病乞休。手敕報曰。覽奏知卿病當卽允所請。但閩省投誠官員兵民最爲繁衆。其親行安插務使得所。事竣然後來京。閏六月遣將出洋勦賊。擒僞總兵張賢。時閩海金廈各島悉蕩平。惟南山鎮海佛潭橋猶爲餘孽盤踞。九月公遣將勦之。斬賊黨七千有奇。招撫男婦萬餘口。十月別遣兵會勦茶子畚山寇。生擒賊首余角。四年再以病乞休。

上慰留之。士民亦固請留任。五年正月薨於位。遺疏言海賊遠
竄臺灣。奉旨撤兵。與民休息。洵爲至計。第將眾兵繁若撤之。
太驟。則易致驚疑。太遲。又恐貽患。目下當安反側之心。日久須
防難制之勢。至數年以來。令海濱居民遷移內地。咸苦失其故
業。宜畧寬界限。俾獲耕漁。庶稍甦殘喘。疏上得旨。李率奏白
任總督以來。清忠卓著。勦撫賊寇。厥功懋焉。今以久任。岩疆積
勞病殞。深堪憫惻。下所司議卹。加兵部尙書。予祭葬。賜諡
忠襄。明年敘功。追贈一等男子。正宗襲。

吳文僖公事畧。國朝二百餘年來。大湖南北登揆席者。前後不及十人。其科自最先。特膺爰立之選者。則江夏吳文僖公也。公名正治。字當世。號賡庵。湖廣漢陽人。父崑。有孝行。公登順治五年進士。選庶吉士。授國史院編修。十一年。充順天副考官。母憂歸。服闋。起原官。十五年。遷右庶子。是歲。特簡翰林官十五人。外轉。公與湯文正公並與焉。授江西南昌道。歲暮。單騎按獄。其非法淹繫者。悉釋之。十六年。遷陝西按察使。誅巨猾。人皆稱快。所至以清廉執法著稱。十七年。詔內陞。起遷工部左侍郎。調刑部。釋江南無辜諸生二百餘人。議奉行赦款。宜速丈量。宜停止禁狀。外指扳。

嚴婦女私嫁皆著爲令。七年補原官。八年丁父憂。十年補兵部督捕左侍郎。充經筵講官。明年擢左都御史。疏言緝逃事例。首嚴窩隱。一有容留。雖親如父子。但經隔宿。卽照例治罪。使小民父子視若仇讐。一經投止。立時拏解。若係三次在逃之犯。解到必當擬絞。是甘心置之死地而不惜也。伏思律有親屬容隱之條。惟叛逆不用此律。夫逃人乃旗下家人之事。視叛逆輕重懸殊。在律原無父子不許容隱之語。今縱不便從寬。亦當稍爲區別。繼自今遇父子窩逃。被旁人舉發者。逃犯請照常治罪。免坐窩隱。若容留逾旬。父子首報。解部者。逃犯照自首例減罪。則首報者多。逃人易獲。朝廷之法與天性之恩。兩不相悖矣。又疏

言今歲雨澤愆期。

皇上恤民念切。方事祈禱。卽滂甘霖。小民正可服勤農桑。不宜以得已之役。致奪農時。近因酌添玉田灤州霸州雄縣駐防旗兵。因議蓋造營房。伏思鼠竊剽掠。有地方文武官捕治。不煩添設旗兵。若成羣大盜。又非僅添數十旗兵。遂可撲滅。雖設兵原以安民。而愚民無知。一旦驟聞添設。未免心生疑畏。至蓋造營房。縱不至驅取民房。而工作方興。未免勞民動衆。應暫停止。俟農隙時。酌量舉行。疏下部。並如所請。先是睿親王當國。嚴旗下逃人之禁。鼂拜等繼之。禁益嚴。株連窮治。天下囂然。喪其樂生之心。至圈地建營房。凡關涉旗務者。漢官皆莫敢置喙。自

天子俞公議。逃人禁稍寬。枯民若脫湯火。而營房亦罷。議添建。疏出。天下誦之。是年遷工部尚書。調禮部。於典禮多所考正。十三年應。紹舉廉能吏。公疏薦前給事中周體觀。前知州侯慰。岐均。下所司起用。十五年典會試。所得多知名士。若彭侍郎定求。胡尚書會恩。翁尚書叔元。王相國頊。齡。王御史奐。曾許。給事承宣。其尤著者也。十八年自陳乞休。詔嘉其端誠勤慎。慰留之。二十年冬拜武英殿大學士。時重修太祖高皇帝實錄。編輯三朝聖訓。大清會典。一統志。平定三逆。方畧。公皆爲總裁官。二十五年實錄成。加太子太傅。二十六年乞休。優詔許原官。致仕。三十年閏七月薨于里第。年七

十有四遺疏入。

上震悼。命部臣議卹典閣臣議諡法。詞臣撰代言之文。諭

祭葬碑其墓道。親定諡曰文僖。公在政府守成法持大體遇

事竭忠勤盡言無隱。

聖祖閱朝審冊有以刃刺人股致死而抵法者

聖祖曰刺朕尚非致命傷此可寬也。公對曰當念死者之無辜。

聖祖曰股非欲赦之當可議緩決耳。他日又閱冊有囚當死

聖祖問此囚尚可活否。眾皆以實情對。公對曰

皇上好生之德臣等敢不奉行。退而細檢果得可矜狀。遂從未

減。嗚呼此可見

聖祖哀矜惻怛之心而公所對均不愧大臣之言矣公崛起草
芴以學行受
爾朝特達之知其大拜後熊文端公五年然文端逾年卽罷相
其再入閣在公沒之後于八年公實爲先達居揆席五載以功
名終所薦引多一時賢俊論楚材者當首屈一指云

楊以齋侍郎事略子忠訥 孫守知

國初臺省諸臣以伉直著聲者推海南楊公雍。建卽墨郭公瑋。郭公長御史時疏劾大學士明珠。余國柱結黨營私納賄兼及尙書佛倫等。並降黜有差。又勒河督靳輔詹事高士奇都御史王鴻緒。編修陳元龍。王頊齡。給事中何楷。皆罷免。直聲震一時。然如靳文襄。高文恪。陳文簡。王文恭。皆號稱名人。郭公痛詆之。論者或謂少過。惟楊公事

世祖。歷三垣三載。疏前後三十上。嘗一日而上九疏於天下。事獨能見其大。新城王文簡公稱公爲本朝諫官第一。公給事兵科時。駕數幸南海子。首上疏請慎起居畧言郊原陟歷雖

非。改。遊。可。比。然。獸。起。於。前。馬。逸。於。後。驚。屬。車。之。清。塵。不。能。無。萬。
有。一。危。之。慮。

世。祖。震。怒。宜。公。跪。苑。廷。

諭。以。閱。兵。習。武。之。義。公。神。色。不。變。

上。徐。爲。霽。容。當。是。時。平。南。王。尙。可。喜。靖。南。王。耿。繼。茂。並。鎮。廣。東。

公。疏。言。粵。民。困。苦。由。兩。藩。並。鎮。每。牧。令。缺。員。市。井。無。賴。輒。用。重。
賄。營。委。署。取。償。民。閒。凡。土。木。工。作。役。民。無。限。制。又。增。立。鹽。埠。權。
私。稅。縱。悍。卒。鑿。山。刊。木。奪。商。賈。利。正。賦。外。復。以。藩。合。採。買。日。王。
穀。王。席。皆。責。民。供。億。民。困。不。支。今。川。貴。底。定。請。移。一。藩。往。鎮。俾。
粵。民。甦。息。此。則。盈。廷。所。不。敢。置。議。者。公。以。新。進。小。臣。獨。奮。舌。及。
之。旣。而。靖。南。移。鎮。福。建。實。公。之。讜。論。最。先。有。以。發。之。也。海。寇。鄭。

成功陷鎮江犯江甯公劾本兵梁清標等不經畫于幾先又不
圖維於事後請嚴旨申飭各鑄級奪俸有差又疏劾鉉政舛
錯下宗人府都察院會議吏部諸臣並坐降罰又疏言明季仕
途分門立戶意見橫生國事遂不可問由社盟標榜排擠報復
所致請飭學臣禁士子立社結盟以杜朋黨之漸又奏定鄉
會試絕營競防弊一之例皆下部議行及
聖祖御極方在諒闇輔政大臣索尼。鼐。拜。等頗張威福奏事者
見之皆長跪公入獨立而語輔臣目送公曰此南苑士書諫獵
者也自是奏事者皆得不跪康熙三年十二月有星孛于翼軫
抵降婁公時掌刑科印同官或言此爲含譽星非彗也公獨疏

請。皇上。法宮。齊戒。下。詔。罪已。求直言。詳詢利病。有可惠民者。立。賜。舉行。疏入。得。旨。楊。雍。建。直言。可嘉。今。星象。示異。皆政教失。宜。所致。宜。力圖。修省。以。答。天心。尋。詔。內外。臣工。各抒。所見。勿。瞻顧。因循。公。又言。治本。未。登。由。一。臣。職。未。盡。今。部。臣。議事。不肯。直辭。決斷。或。請。下。督撫。或。請。移。他。部。一。案。之。處分。經年。未。結。一。事。之。行止。重複。諮詢。民間。利病。所。關。憚。於。釐。正。輒。以。往。例。爲。辭。是。惟。知。推。諉。卸。責。而。無。任。事。之。實。心。也。督。撫。知。百姓。苦。于。私。派。淨。三。而。不。爲。建。長。策。以。除。責。因。見。有。司。貪。暴。培。克。閒。有。特。糾。者。又。復。摘。微。罪。引。輕。條。是。惟。

以蒙蔽養奸而無澄清之實政也請

嚴敕內外臣工力圖稱

職仍前玩愒者罪之

上聽其言遂赦天下公於天安門聽宣讀赦書是日

御前發

下紅本二獄囚當決更籍紙尾進請鈔發公曰昨頒赦而今日

行刑是詔令不信于天下也紅本當封還同官皆變色爭言

不可公曰六科以封駁爲職古制也吾封之咎吾任之不以累

公等有旨三法司再議二囚得不死用是直聲益震朝野焉

公字自西一字以齋杭州海甯人補嘉興府學士貢太學順治

十二年進士除高要縣知縣擢兵科給事中轉禮科分校己亥

會試再轉吏科晉刑科掌印給事中以疾去召授戶科給事

中食四品俸。轉掌禮科。遷兵部督捕理華官。晉通政使。歷太僕卿。擢副都御史。充己未會試副總裁。授貴州巡撫。入爲兵部左侍郎。乞養歸。奉母四載。旣免喪。詔舊任巡撫學政諸臣分修河工。公奉命修高家堰。以勞成疾。引還。四十三年五月卒。于家年七十有四。賜祭葬如禮。公之令高要也。地當廣右之衝。制府駐節。于是軍行絡繹。供億甚煩。羽檄至。徵民夫動累千百。有逃者。胥吏輒繫之。若牽羊豕。納諸廟舍隙地。凍餒不堪。歲除飲椒酒。公蹙然曰。民夫亦人子也。忍使露宿耶。命徙廊廡下。徹酒饌。給之。皆感泣。縣境羊羊峽。產硯。平南靖南兩藩遣掾吏采石役夫。匠無算。篝火入岩穴。有失氣死者。公力請罷役。掾以硯

遺公堅節之人。以比包孝肅云。軍中索榕樹條。爲緝繩。以然礮。火耐風雨。有百夫長持軍符。下縣徵解。語不遜。公撻之。歸告其帥。帥愬之制府王公。國光王公曰。此廉吏。不可犯也。乃杖百。天長而薦公于朝。遂得行。取入京。考選授給事中。故事守令。厯再。其始預薦。贖三年。方報最。公治高要。甫一載。就徵洵。異教矣。其任副憲也。疏刻江西巡撫。佟國禎庸碌無能。國禎爲元田國綱。國維之從弟。家門鼎貴。以公疏鑄二秩。調用其出撫貴州也。道次銅仁。无一卒之衛。時吳世璠尙據雲南。賊烽猝迫城下。官屬請避去。公曰。銅仁黔地。巡撫任封疆。去安之。因命燔其後山。開南門以待偵者。賊疑有伏。不敢前。既至貴陽。疏立營制。禁侵

掠蠲賦稅。省力役。安集流跡。師旋有失約束者。輒上章刻奏。軍中號爲揚一本舊例。士司謁巡撫。必鳴鼓角。交戟。立于門。俛拜。其下。公曰。無庸也。引至座前。問疾苦。賜以飲膳。土苗咸輸服。始至。斗米值五千錢。公連章請餉。輓運相繼。披榛剪棘。教以耕耜。比三年成樂土焉。

夫子嘉公成績。召佐中樞。公在行閒久。西南徼將弁多公所拔。擢遇事得其要領。措置咸宜。公早以文學受知。

世祖每上章奏。輒稱善。迨巡撫。命下。賜宴瀛台。例止子。鞍

馬甲。尚公獨拜。命騎入東華門。加。賜白金五百兩。表裏各

十端。

聖祖南巡。迎鑾三百里外。賜御書額曰：生喬堂。生平一龍一言必準于古，利而介剛而無虐，故風節獨高一時。所著有黃門疏稿二卷，撫黔奏疏八卷，政學編一卷，景疏樓文集十卷，子四長中訥，字崑木，康熙辛未進士，由編修官中允，督江南學政，罷官後築園曰拙宜，與許尚書汝霖查編修慎行、陳侍御勳、修香山洛社故事。少學詩于竹垞，檢討能得其傳，著有叢桂集。孫守知，字次也，庚辰進士，官平涼知府，工詩，與歸安、沈樹本、平湖陸奎勳、嘉善柯煜稱浙西四才子。所著曰致軒集。

聖主入

再各

身如

身如

身如

身如

身如

身如

聖主入

再各

身如

身如

身如

身如

身如

身如

聖主入

再各

身如

身如

身如

身如

身如

身如

王文靖公事畧

公諱熙字子雍一字晉庭號慕齋順天宛平人父崇簡明崇禎
癸未進士。國朝順治三年以薦補選庶吉士授檢討累官禮
部尙書加太子太保嘗疏請賜卹明季殉難諸臣范景文蔡
懋德等二十八人又議定帝王祀典罷宋臣潘美張浚從祀皆
從之卒諡文貞公由順治四年進士選庶吉士授檢討十年春
世祖親試習國書翰林公列優等召見以滿語奏對大蒙
褒賞累遷司業中允洗馬諭德召入南苑校譯大學衍義及
勸善書遂命長直南苑常隨獵賜乘御馬十二年初設
日講官以公及學士麻勒吉胡兆龍等充之公直講稱旨

國朝今正三...
諭嗣後講官不必立講遂侍坐尋奉有 駕出卽隨不必請

旨之諭明年遷侍講學士又明年晉宏文院學士時文貞公方

任國史院學士

世祖諭曰父子同官古今所少以爾誠恪特加此恩尋充經筵

講官教習庶吉士典武會試擢禮部右侍郎兼掌院學士十七

年

上命造直房景運門內公與諸翰林分班直宿考滿加禮部尙

書銜文貞公適長禮部父子同部尙書海內榮之十八年元日

上不豫公日請安于 御榻前初六日漏三下 召入養心殿

諭曰朕勢將不起可詳听朕命撰詔書公匍伏飲泣筆不能下

上命抑悲痛卽榻前起草。公拭涕書第一條進。恐聖躬過勞。奏移乾清門下撰擬。凡三次進呈。皆報可。初七日薄暮繕畢。世祖卽以是夕上賓。公偕顧命諸大臣入哭。同擬尊諡。及聖祖卽位年號。又爲輔政大臣索尼等撰誓文。至于面奉憑几之言。有事關家國大許與諸大臣再三密議。而後決者。公終身不以語人。雖子弟莫得而傳也。康熙元年以禮部尙書管左侍郎事。三年坐失察欠糧舉人入塲奪尙書銜。五年除左都御史。疏請嚴督撫。徇庇司道處分。又言近例招民百家。送至盛京。得授知縣。不肖奸人往往借資爲市。宜改給散秩。又言江楚閩粵諸路。王公將軍督撫提鎮。多自置官商。奪民利。又奸商多指稱

藩下挾勢橫行宜

嚴飭申禁又言官吏捐輸博議叙各出私

橐實取自民間宜一切報罷均從之當是時平西王吳三桂駐

雲南平南王尚可喜駐廣東靖南王耿精忠駐福建擁兵踰制

三桂尤驕縱公疏言一歲賦入大半耗于兵餉就雲貴言歲需

餉銀三百餘萬兩急宜減汰綠旗額兵其藩下餘丁亦宜遣散

屯種庶勢分而餉亦裕詔下所司議省額餉百餘方七年夏

旱金星晝見詔求直言公疏陳法祖所以敬天請飭部院諸

司詳察見行事例有因變法而滋弊者悉遵舊例更正詔下

所司確議於是鄉會試仍用八股文又前此各官儀衛踰制河

工不立限期刑部獄囚霜降後不卽朝審至是皆改遵舊例其

繁例就刪者復數十事中外稱便又疏言逃人詭稱寄頓財物不必遽行句取致累無辜至窩逃之人物故其妻子請免流徙從之遷工部尚書調兵部十二年三桂反明年公疏言大兵已抵荆南言惡旦夕授首逆子應熊素憑勢位黨羽眾多大寇在外大慙在內請速正法傳首湖南四川以寒老賊之膽以絕羣姦之望以激厲三軍之心疏人應熊旋伏法方滇黔之初告變也都城內外一夕火四起尋有偽朱三太子之獄捕繫數百人掠治不得主名皆應熊及其黨爲之三桂自恃各距已成又以其子方尙主朝廷必不殺以爲之招及應熊殊三桂驚悸發病竟以死人皆躋公之能告大義云十五年奉諭專管密本然

此漢官不與聞軍機異數也。曾詔舉賢能。官公疏薦原任御

史郝浴候補司道鄭端周体觀。詔徵博學鴻儒薦原任推官

尤。個中書汪懋麟皆次第錄用。十七年丁父憂二十一年卽家

授保和殿大學士兼禮部尙書。公在政府務以和平寬大宜

上德意罷權宜之計。停加征之額。不沽名不市恩。不植黨。授于

四方利病及國家典制沿革無不周知。遇事直陳無隱。而一不

以己與也。二十五年加方子太傅。二十七年典會試。三十一年

以病請告。溫旨報曰。先帝舊臣俱已凋謝。惟卿獨在。班列雖精力就衰而老成常待

左右。殊有裨益。其勉自調攝。不必求罷。嗣屢疏乞休。四十年入

左右殊有裨益其勉自調攝不必求罷嗣屢疏乞休四十年入

月優旨允致仕晉少傅賜宝露禁藥帑幣上珍明年上元節賜宴于家四月遣侍衛賁手轂於榻前賜公曰卿者年舊德自去歲告病在家朕無日不注念老臣也近日九卿皆求匾額字對想卿心雖在告心未嘗不在朝中故特書扁一聯一賜卿卿其勉強餐食補以醫藥慰朕不忘舊臣之至意復傳諭如病少愈朕尚欲一見四十二年上元節復賜宴于家越旬有二日薨年七十有六時車駕方南巡聞訃震悼命直郡王允禔大學士馬齊率侍衛往奠且傳諭直郡王曰大學士王熙係世祖章皇帝舊臣宜行拜奠之禮舉哀酌酒於是王行三叩禮

大學士九卿等合詞具劄謝恩。尋賜祭墓如例。諡文靖。公立朝五十餘年。盡力抒忠。完全名節。以恩禮始終。性篤孝。十二歲母染夫人病。革禱于天。願減算益母壽。文貞公晚歲好遊。常編歷西山諸勝。公恐其勞于登陟。乃構怡園于宅西。徧蒔芍藥。數百畦于豐台別墅。文貞公顧而樂之。比捐館舍。公年踰五十矣。號泣郊。孺子顏書屋曰慕齋。待兄弟友愛。布政使然巡撫燕金。道照皆以公推蔭起家者也。王平邃于經史。工詩文。尤好施與。京師義學育嬰堂。月有欣助。凡大典祀。如耕藉田。冊立東宮。陪祀國里人。制作如總裁實錄。玉牒。與訓方畧。國史。明史。一統志。公皆膺其任。前後賜宸翰十餘幅。堂額三日。席寵堂曰曲。

江風度曰。考年頃德他珍物不可勝紀。公遇事持大体在。上前或危論。或微言。率能動听。平定三逆後。撰方略。

聖祖忽諭閣臣曰。嵩三桂反時。漢官有言不必發兵。七旬有苗格者。又其時。漢官多移妻子回家。何也。顧學士韓茨曰。爾爲朕載之。茨退而皇恐。公昌言。閣中曰。有苗格乃會議時。魏蔚川語告者。截去首尾。遂失其本意。然如其言。豈非誤。國移家偶然耳。曰。久何從分別其移者。豈非背主。漢官負此兩大罪。何顏立。朝翼曰。公執奏。懇懇如。閣中語。上微笑曰。固知此二事不可載也。事遂寢。公嘗語諸學士曰。吾昔從開。駕柳園。

世祖問有子幾人。以二子對。蒙賜名克善克勤。克善實能文。吾不使與試。不然者當丁酉時。吾不免作高郵公矣。時

上痛懲漢人師生交通之弊。公遇鄉會試。輒辭免。開列戊辰興。禮部試。蓋特命也。雍正八年。詔入祀賢良祠。兩大臣

自著錄。其首創。蓋夫其本。意。故。其。言。其。長。短。一。因。其。宗。而。然。

其。言。其。長。短。一。因。其。宗。而。然。其。言。其。長。短。一。因。其。宗。而。然。

其。言。其。長。短。一。因。其。宗。而。然。其。言。其。長。短。一。因。其。宗。而。然。

其。言。其。長。短。一。因。其。宗。而。然。其。言。其。長。短。一。因。其。宗。而。然。

其。言。其。長。短。一。因。其。宗。而。然。其。言。其。長。短。一。因。其。宗。而。然。

其。言。其。長。短。一。因。其。宗。而。然。其。言。其。長。短。一。因。其。宗。而。然。

李文襄公事略

李公之芳字艱園山東武定人順治四年進士任金華府推官
居九年郡無滯獄入爲刑部主事累遷郎中會六部裁啓心郎
屬公總理十四司覆奏事宜声績天起十五年擢御史疏陳各
省錢糧私僉民解之害又言州縣路當孔道迎送往來有曠官
守請嚴飭禁止皆從之十六年疏劾廣督李棲鳳以失守城池
之郭光祖委署左江道以私罪奪職之推官季奕声復原任
敕部議處如例十七年出按山西甫半載墨吏皆解綬去康熙
五年巡視兩浙鹽政八年内大臣鼂拜獲罪拘禁大學士班布
爾善以結黨行私任意票擬伏誅公疏請飭大學士等均內直

票擬公同候旨。杜任意更改之弊。從之。又言自順治十八年以後督撫多實緣而得有所恃。以無恐勒索屬員。朘剝百姓。根深蒂固。推其意所欲爲。自與受同罪之法。嚴無敢糾督撫之貪者。與者不認。則言者涉虛。卽確然有據。亦不能執其人而問之矣。有貧之利。無貪之害。彼何憚而不爲也。乞賜親裁。罷斥溺職督撫。吏治庶有起色。于是直省督撫降黜休致者數人。九年八月內陞命。支四品俸。仍任御史。十一年超拜左都副御史。疏言吏治之敝。在文法太密。方面有司。嘗有在任三兩年而罰俸至二三十年者。夫俸薄。倘恐不足養廉。况積年無俸。能責其潔已愛民乎。且例之所在。不問賢不肖。但純之以法。雖廉能卓

著遇細故亦多。望誤以去賢者不可多得。來者不必盡賢。徒病民而使權歸胥吏焉。用之請除去繁苛。求實效。疏並下。所司議行。會巡鹽御史杭奇常錫允以詐贓爲商人控告。命公赴浙察審得實。並論。統擢吏部右侍郎。十二年夏。命以兵部侍郎總督浙江軍務。莅事甫兩月。吳三桂反。雲南公檄總兵李榮副將王廷梅。率大寅。陳世凱。鮑虎等分道禦賊。又請調江南滿漢官兵駐閩浙。交界處並發。置重兵守鉛山玉山。以壯聲援。當是時。賊由常山陷開化。壽昌。淳安。由處州犯義烏。浦江。東陽。湯溪。龍游。叛鎮祖宏勳陷平陽。踞溫州。尋陷黃巖。犯台州及紹興。集悍卒數萬。窺衢州。公偕平南將軍賴塔率滿兵千餘。旗兵二

干鄉勇五百。以五月自杭趨衢。時自巡撫以下。僉謂會城根本。地不當移。鎮公曰。今日事勢所爭在衢。上游失則全浙動。搖江淮以南。皆不能安枕矣。遂行。七月。閩賊大舉攻衢。眾寡不敵。公大閱將士于水亭門。宣布朝廷厚恩。陳說大義。眾感泣。願決死戰。兵既接。鑼聲震地。流丸如雨。左右請少避。公不可。曰。今日之事。以兵勝敗為吾生死。可稍怯耶。守備程龍怯。戰斬。以徇。于是將士殊死戰。一可當百。遂敗賊于陝西。斬馘數千。陳世凱等乘勝復義烏。湯溪。牟大寅破賊常山。游擊王世万破賊危游。鮑虎復壽昌。王廷梅敗賊于金華。李榮復東陽。尋大敗賊于金華。之壽溪。斬偽總兵張元兆等。毀寨十八。參將洪起元敗賊于紹

興復嶧縣先後得旨嘉獎時大將軍康親王統禁旅出金華遣貝子傅拉塔等勦賊温台賊之在處州者逼衢州東南在江山者逼衢州西南公分飭守禦勿遠迎擊乃奏增本標為五營得兵五千十一月賊衆五萬自常山逼衢州結寨數十冀聯南路賊巢公與賴塔督兵進戰斬賊萬餘追奔二十里十四年冬疏言被賊之地一望蕭條啼号載路卽如衢川近城难民九千七百有奇散處各鄉者不可數計請發庫金賑從之時賊帥馬九士朱恆德等屯踞江山常山開化其溪口清湖大溪灘茅村前領皆列賊營且散布處州金華山谷四出窺犯公命榮世凱廷梅等分路攻剿皆大捷五月公與賴公乘連旬水漲由南塘

擣賊前嶺陣斬七百餘級墜崖落水死者無算十五年春遣將
由遂安截賊後路連破賊寨復開化公遂建議直搗仙霞閉爲
摧堅制勝之策有詔命公條上進取機宜公言進取之路不
在溫處在三衢今悍賊悉萃于此此賊破諸賊必駭散雖僞將
馬九玉朱懷德等抗拒河西而江常之間有間道可襲我軍進
擊使賊首尾不相顧從此入閩可奏蕩平矣疏入從之時康親
王自金華至衢州八月合軍進克大溪灘復江山縣將賊王問
公公策以必勝明日捷書至王大喜曰岳忠武之策揚公不是
過也時馬九玉猶冀繞道奪仙霞而諸將已受公密檄急據閩
口夾擊賊將金應虎等窮蹙乞降于是康親王大軍遂入閩臨

行公啓曰王但飭諸軍勿擄掠卽長驅入福州兵不血刃矣未
幾精忠降檻送京師時溫處賊悉解散而僞總兵馬鵬汪文生
陳山僞將軍程鳳等猶分踞江西之鉛山玉山弋陽德興公疏
請會勦而江西兵方禦三桂逆党于袁州不遑東顧公遂遣將
克玉山破賊木城六又自白沙關趨德興破賊寨十有三擒馬
鵬砒之別將復鉛山與安戈陽貴溪等城捷聞加兵部尚書十
六年夏遣參將蔣懋勛等勦玉山之巖椒洞陳山率眾降程鳳
死其妻王氏以所屬六萬七千餘人就撫而僞總兵林爾瞻尙
擁眾數萬以鉛山上饒與福建光澤錯壤之石壠爲巢穴公命
懋勛等由鉛山進勦分扼要隘率救騎入寨招撫乃以眾二萬

出降又僞都督李日生僞提督洪成龍分踞玉山之八仙洞老鼠洞十七年公遣懋勛及參將閻進等討平之各斬賊千餘毀其寨時海寇鄭錦窺伺瀕海郡邑公遣將敗賊于象山又敗之于温州賊將詹天樞遂赴總兵陳世凱軍前降十八年檄定海總兵牟大寅巡海遇賊戰于孝順洋斬僞將童耀等及賊兵三千有奇毀船十九獲船十五賊奪氣遁公念賊平後最急者無如蠲免及賑卹疏請豁金衢嚴溫處五郡十六年以前額賦部議不可公上言恤民以固邦本裕賦以資國用兩者並重然必使有可生之民而後有可征之賦浙東被賊蹂躪民不聊生不急于蠲免則舊逋既缺新逋愈積即日黜一官于事無濟且蠲

此不可復征之賦。俾民得休養生息。以供將來之稅。正所以爲國家賦財計也。特詔從公言。貧民陷賊中來歸者。公悉給衣廩。又設滹糜于通衢。賑往來餓民百二十二萬有奇。流移尺復。故土方事之殷。羽檄日數。至人情洶。惧東南數千里。惟視公一人爲安危。孤軍扼險。摠三載。卒使浙水以西。無匹馬。筋輪擾及境上。則皆公守三衢力也。公以文臣躬擐甲冑。言史石大小百四十餘戰。所向克捷。雖宿將皆謝不如。而部議叙功。僅及十之一二。前後招降文武僞官六千二百有奇。賊兵十六萬五千。五伯有奇。中樞叙武職。加至二十九等。銓曹叙有司。亦如之。獨以督臣轄全省。不叙再奉諭旨。乃酌加三級。久之。授雲騎尉。

世職或有言賞不酬庸者公瞿然曰凡此叙錄皆出特恩雖
朕士之榮不是過也二十一年秋還杭州冬召為兵部尚書

入朝口不言功有問及者則曰

天子廟謨將帥用命吾何有焉二十三年調吏部飭諸吏坐曹

所行文書無得與銓事宿弊一清明年夏患癰詔遣御醫診

視頌上方珍藥既愈以老疾請溫旨慰留二十五年復請尋

授文華殿大學士辦理機務明年春致政歸二十七年乘輿

南巡過德州公迎謁道左

聖祖垂詢曰卿尚能乘騎至此邪賜上尊玉粒慰勞倍至里

居凡七任薨時三十三年十一月也年七十有三是日天鼓鳴

大星夜隕訃聞

上彰情。賜祭葬。特諡文襄。公初在言路。以譽謗聞。彈劾貴要。無所避。既督兩浙。沈毅持大体。不轉言笑。而批會案牘。能曲盡物情。在軍。堅守賊衝。有進無退。與諸將軍約。有犯令者。必按法治罪。使知吾輩不縱兵以毒民。則民心固。而軍法亦立。將軍然之。未幾。滿兵有犯法者。公升堂發令箭。詣將軍縛兵。至斬之。百姓皆歡躍。舟次富陽。一卒與賣菜傭競立。鞭之。嗣是滿漢兵莫敢不奉法。以能有成功。入筦部務。獄獄無所詭。隨國家有大議。片言。擘畫。確不可易。敷歷中外四十年。以精勤奉職。以恪誠事主。以天下善人君子得行其志。爲愉快。嘗言。士大夫立名節。易。

全名節難每聞中朝錄一正人輒喜形于色曰天下蒼生福也

雍正十年詔大祀賢良祠乾隆三十二年

高宗追念公功所得世職命世襲罔替

以治大節存大官賜一卒賜書米前領一

二志夫節具自出出者公長室為

首程外感言者下謫其及後凡四

世爵全承德古列帝皆尊顯恩

爵世襲世爵世爵世爵世爵世爵

世爵世爵世爵世爵世爵世爵

世爵世爵世爵世爵世爵世爵

米敏果公事略

子貞襄公馬斯喀

文穆公馬齊

勤恪

公馬武

莊愨公李榮保

公諱米思翰，姓富察氏，滿洲鑲黃旗人。父恪僖公，哈什屯。天聰

中，授侍衛，擢刑部參政。從征瓦爾哈部有功。崇德三年，和親王

代善、固明總兵沈志祥欲率石城島兵眾歸附，遣恪僖公招之。

志祥遂來歸。六年，大軍圍明錦州，明總督洪承疇率兵十三萬

赴援。據松山總兵曹變蛟夜犯

御營，恪僖公先眾捍禦，手腕中鎗，仍裹創力戰，卻敵得。傷者

白金及蒙古二戶。順治元年，擢內大臣。子騎都尉世職，晉輕車

都尉，加一雲騎尉。列議政大臣。七年秋，攝政睿親王有疾，恪僖

公同貝子錫翰等往視睿親王。日子有疾。

國朝先正事

卷之四 名臣

兵

上宜臨視。又曰：勿以予言奏請。既而車駕幸視之。王以大臣等違令擅請也，罪之降世職爲騎都尉。明年，世祖親政，鑒其無罪，復所降職，尋晉一等男。初，冷僧機與恪僖公同爲內大臣，冷僧機諂附攝政王及王薨，冷僧機揄揚其功績，因誣奏昔日兩黃旗大臣謀立肅親王事。詔下法司鞫問。集恪僖公及議政大臣巴哈等質之，盡得其阿諛誣陷罪狀。肅親王之爲睿親王，害也。尙書鞏阿岱與都統和洛輝等議殺肅親王子富，綬恪僖公言王無滅嗣之罪，與巴哈力持不可事，乃已。至是。

世祖封富綬爲顯親王，和洛輝以黨附睿王爲議政大臣。蘇克

薩哈所劾。磔死。鞏阿岱與冷僧機朋比爲奸。事覺。詔逮劾格。億公亦質之。遂皆伏法。時劄芝龍歸誠。授子爵。隸正黃旗。其子鄭成功。仍踞海島。寇掠福建。格億公奉命偕內大臣。過必隆。齎拜大學士。范文程宣諭芝龍。令其招降成功。芝龍因遣人往福建。取其妻妾及幼子。至京。十二年。加太子太保。兼一雲騎尉。奉命往朝鮮。勘獄。還奏稱旨。尋致仕。康熙二年。薨。年六十有六。賜祭葬。謚恪。億。乾隆元年。詔人祀賢良祠。十三年。卅謚。

孝賢純皇后。推恩先世。追封一等公。長子米思翰。襲一等男。兼一雲騎尉。卽敏果公也。康熙六年。由侍衛總管。內務府。時輔

各臣

政大臣有欲假用尙方器具者公曰惟名與器不可以假人嚴拒之或怵以危言不爲動

聖祖皇帝旣親政知其守正不阿授禮部侍郎八年擢戶部尙書列議政大臣先是各直省歲賦聽布政使存留司庫時有挪移虧缺之弊公疏請通飭各省自俸餉諸經費所餘悉解部由是句稽出納瞭如指掌當是時天下一統邊境又安而尙可喜鎮廣東耿精忠鎮福建藩屬將弁咸惰遊驕縱吳三桂鎮雲南尤自恣要請無已俸餉多浮糜輓輸勞費十二年可喜請撤藩歸老遼東三桂精忠亦陽請以覘廷議疏下戶兵二部公與兵部尙書明珠等議令俱撤藩移山海關外時廷臣有言三桂不

可撤者以兩議入奏公堅持宜撤得旨允行既而三桂叛
聖祖命王貝勒大臣帥八旗兵征討議者以軍需浩繁謂宜就
近調兵禦守公言賊勢大非綠旗兵所能制宜用八旗禁旅會
勦至軍需內外協濟足支十年可無慮乃請以內府所儲分年
發給復綜核各省庫金倉粟以時揆運皆稱旨十三年疏言
大兵勦賊屢奉明詔以正賦給軍需恐有私或借端私派請
敕各督撫嚴察所屬凡供應糧餉薪芻一切動用官帑毋許苛
派其贖自民間者務視時價給值勿纖毫累民奉諭如議速
行公長戶部清操皦然竭力治軍需以勞成疾是年十二月薨
於位年四十有三

聖祖軫恤備至。賜祭葬如典禮。諡敏果。方三桂精忠之相繼。叛也。滇黔楚蜀閩粵悉爲賊踞。人謂撤藩實速之變。爲持議者。危。聖祖諭廷臣曰。朕自少時。卽以三藩勢。歛日熾。不可不撤。豈因其叛。遂護過於人耶。及逆黨平。上追憶持議諸臣。猶諭稱公。不置。乾隆元年。詔入祀賢良。

祠十三年推

孝賢皇后恩追封一等公子四曰馬斯喀。馬齊。馬武。李榮保。

馬斯喀。初任侍衛。兼佐領。洊擢副都統領。侍衛內大臣。康熙三十五年三月。

上親統大軍由中路進征噶爾丹。命領鑲黃旗馬槍兵以從。

先期奉命。同內大臣等議定出征營陣隊五序次。四月。駕

駐什巴爾台。距克魯倫河不遠。而西路軍尚未至。圖拉。諭王

大臣集議。機宜信郡王鄂扎等請駐師稍待。馬斯喀與內大臣

明珠等議。即進簿敵營。

上從其議。五月。師抵克魯倫河。噶爾丹望見。御營大驚。奔竄。

上親統師追至拖諾山。命馬斯喀為平北大將軍。率師追勦。

至巴顏烏蘭噶爾丹。已先遇西路軍。轉戰至昭莫多大。敗竄遁。

馬斯喀迎會西路軍。收集降人千餘。乃班師。尋列議政大臣九

月。扈駕出邊。經理軍務。十一月。命帥師駐大同。三十六年。

春授昭武將軍移師甯夏。敕參贊撫遠大將軍費揚古軍務。先是伊拉古克三胡土克圖自內地盜馬逃歸噶爾丹大將軍。令以降人導引率兵追之。坐追勦遲緩論革任。詔留內務府及佐領任尋授都統。四十二年六月薨。賜白金千兩。遣內大臣領侍衛十人奠茶酒。命皇子於癸引時往。賜祭葬。予諡貞襄。

馬齊由廕生。授員外郎。累遷郎中。內閣侍讀學士。康熙三十四年授山西布政使。就遷巡撫。二十六年夏。命九卿各舉廉吏。大學士等以上嘉直隸巡撫于成龍清廉。命九卿各舉廉吏。大學士等以馬齊及范承勳姚締虞對會御史陳紫芝疏劾湖廣巡撫張汧。

貪黷。詔馬齊及於公成龍往鞫得實論如律二十七年遷左都御史。命籌議遣官與俄羅斯定界事。疏言俄羅斯侵踞疆土。我守邊官兵困之於雅克薩城。本可卽行勦滅。聖慈寬容。不忍加誅。釋歸故土。今悔罪乞和。已蒙俞允。特遣大臣往議。垂之史冊。所關甚鉅。其檔案宜兼書漢字。漢官一體差往事。下部議行。五月。命同尙書張玉書等往閱罷任總河靳輔所修中河諸工善否。暫署河道總督。二十九年。列議政大臣故事。都御史不預議政。異數也。尋擢兵部尙書。明年春。詔安輯喀爾喀於沿邊內外。避噶爾丹劫掠。命偕侍郎布國等先往調集左右翼部長。至上都河等處候。

上親行撫綏。四月，駕臨閱視。命詳議喀爾喀諸王貝子公

等坐次儀節，宴賚之。又明年調戶部尚書。三十三年奉命往

盛京督賑，尋奉命往賑山西平陽等屬地震被災戶口，動帑

金十有二萬，并停征洪洞浮山等處額賦。三十五年春

上親征噶丹，先期命往調喀喇沁翁牛特兵還朝，相兼理藩

院尚書。命與大學士阿蘭泰等分班直宿禁城。是年噶爾丹

敗遁。詔以來春駐蹕邊外，調度搜勦機宜。命先往甯夏安

設驛站，並察勘行途宿次。三十七年，命偕副都統烏達禮等

往涖喀爾喀諸部會盟宣諭禁約。三十八年奉命勘漕河

并往山西讞獄，還授武英殿大學士。御書永世翼戴匾額。

賜之四十七年冬內大臣佟國維等以建儲事密奏

上諭滿漢大臣會議保奏 特諭馬齊勿預其事四十八年正

月

上問廷臣曰去年冬朕躬違和命爾等保奏可爲諸武者何以獨保允禩其曰先舉允禩者爲誰諸臣奏公同保舉並無倡議者

上曰朕知此事必係佟國維馬齊授意於衆衆乃依阿立議耳馬齊奏諸臣所議臣實不知

上復問大學士張玉書等玉書奏曰會議日大學士馬齊溫達先臣列班臣間議舉者爲誰馬齊答以衆議欲舉 皇八子允

禩臣等同行保奏

上曰此明係馬齊暗中喻衆如此大事尙懷私意豈非欲樹恩於允禩爲日後專恣計耶下王大臣等議立斬弟副都統馬武等坐罪有差盡奪其族人官得旨免死拘禁是年十二月俄羅斯留易人至

上以馬齊舊管俄羅斯事復令管理馬武等尋亦起用五十一年署內務府總管五十五年復授武英殿大學士六十年十一月

世宗御極賞輕車都尉命襲其祖恪僖公一等男爵合新給世職晉二等伯加太子太保雍正元年改保和殿大學士晉太

保三年秋以總理事務竭盡忠誠。賜騎都尉以其第十一子

富良襲。十三年九月乞致仕。允之。乾隆四年五月

高宗諭曰。原任大學士二等伯馬齊在

皇祖時卽簡任機務倚毗甚殷及

皇考卽位特命總理事務嘉其勞績賞伯爵世襲罔替朕卽位

之初以年老力求解退重違其意俞允政仕俾頤養高年以示

優禮耆舊之意念其歷相三朝年逾大耋抒忠宣力領袖班聯

舉朝大臣未有若此之久者茲聞患病甚重本欲親臨看視因

北郊在卽時值齋戒不獲親往持命和親王及皇長子永璜公

納親代朕看視望其痊可儻果不起可賞帑金五千兩經理後

事是月薨年八十有八。諭部優卹。賜祭葬。贈太傅諡文穆。仍命富良襲爵合前襲之騎都尉。晉一等伯兼一雲騎尉。十五年。詔加伯號曰敦惠。并命入良賢祠。

馬武由侍衛兼管佐領擢副都統康熙二十七年奉命閱視

中河三十五年春

上親征噶爾丹。命從征五月凱旋十月從

上駐蹕歸化城。命逆犒右衛兵還奏兵丁步行者多食用未

裕。詔兵部按籍賞銀人各三兩四十八年因兄大學士馬齊

與內大臣阿靈阿等議奏保。皇太子事獲罪馬武亦褫職五

十年起內務府總管六十年遷都統明年

世宗御極授領侍衛內大臣四年冬 冊封怡親王以大學士
馬齊爲正使馬武副之 特旨皆晉一秩十二月疾 遣大醫

診視 諭曰馬武事

皇考五十餘年不離左右恪恭謹慎當盛暑嚴冬無幾微倦怠
之色其生平胸懷坦白情性和平朕念係 先朝侍從之人聞
其病重屢降旨往視諸大臣合詞勸止遣親王皇子前往代朕
看視尙望其痊可儻至不起著照伯爵賜卹賞千兩銀并給世
職以示朕優眷老臣至意尋薨 賜祭葬如典禮諡勤恪子輕
車都尉世職子薩喇襲

李崇保初襲一等男兼一雲騎尉由侍衛遷前鋒參領終察吟

爾總管乾隆二年以冊立

皇后彝典追封一等公子其第四子富文一等侯爵十三年追封米思翰一等公爵之命下仍以富文襲十四年李榮保第十子大學士忠勇公傳恒經畧金川功成凱旋詔禮勲臣額亦都佟國維之例賜建宗祠春秋致祭自恪僭公始敏果公及李榮保並入祀追諡榮保曰莊愨

白忠勇公事畧

蘇克薩哈
王愨愨公登聯

蘇納海

朱勤愨公且祚

公諱口爾赫圖姓納喇氏滿洲正白旗人初授兵部副理事官
崇德五年從圍明錦州敵出城犯我左翼力戰卻之復擊敗杏
山敵騎六年同前鋒統領吳拜等屢敗明總督洪承疇兵於松
山杏山間擢前鋒參領順治元年大兵入山海關討流賊公擊
敗僞總兵唐通於一片石既定燕京追賊安肅及慶都大殲其
衆復隨豫親王西勦李自成連破賊營克潼關二年移師江南
徇蘇州擊走明巡撫楊文驄獲船二十有奇進征杭州敗馬士
英之衆分兵徇湖州用雲梯克其城三年隨端重親王博洛征
金華敗賊衆於八步嶺進定福建五年隨鄭親王濟爾哈朗征

湖南時自成餘黨王進才馬進忠袁宗第等分踞寶慶武岡六年公帥本旗前鋒數百人至湘潭遇敵兵萬餘奮擊大破之進征寶慶敗迎戰賊衆克其東門賊於城外結九營將復來犯公擊之潰賊跳河走溺死者無算尋由武岡進沅州過洪山屢敗進才進忠第等賊據烏撒堅守借前鋒科爾坤相奪其門擊走之進定全州凱還得優優賚八年從征山東土寇戰於涼青山又戰於鳳凰山寨皆斬其將累晉一等輕車都尉十三年擢前鋒統領十五年從信郡王多尼征貴州時明桂王據雲南遣李定國白文選劉正國竇名望等扼躡貴州要隘大兵至安莊衛正國逆戰公先諸將陷陣敗其衆斬正國於響水橋導大兵渡

盤江進克雲南城十六年公率所部進攻玉龍關文選遁躡擊之獲金印一象三馬百有四十擒僞總兵呂三貴等大兵取永昌府渡潞江定國設伏磨盤山山在潞江南二十里亦名高黎貢山西南等一穹嶺也鳥道突箐曲通一騎定國度大軍紫勝窮追必不戒設柵數重爲三伏以待約俟我師至三伏山巔號礮起首尾夾攻我前鋒旣深入伏處覺其謀諸師急退傳令舍騎而步以礮發其伏公下馬據石立連發三矢殪三人敵大駭潰我後軍繼進合擊之敵兵死林箐中者三之一鏖鬪死者三之一我軍殺傷亦畧相當定國坐山巔聞信礮失序驚駭忽飛礮落其前擊士滿面乃奔竇名望據柵拒守公率衆拔柵斬名

望遂取騰越州桂王及定國文選皆遁窮追踰南甸而還降明
閣部大臣侯伯將軍總兵以下百餘人獲士馬象駝數方詔
信郡王班師公及都統卓羅普駐雲南定國之竄孟良也未幾
復圖入犯約降將高應鳳內應以桂王印劄誘元江土司那高
叛公與卓羅進討敗賊于磨籠口進圍元江掘壕困之越月城
陷那高自焚死擒應鳳斬于軍賜白金鞍馬十八年隨定西
將軍愛星阿取桂王于緬甸十一月會師木邦聞白文選遁錫
箔江公與都統遜塔等簡精銳先發至則文選已毀橋遁乃結
筏以濟師次舊挽坡將軍令公率前鋒百人往蘭鳩江取緬人
所獻明桂王及其親屬至軍中康熙元年詔班師晉爵一等

男公在雲南戰功最著。爲輔政大臣。釐拜所抑。未得優敘。六年。遂與于蘇克薩哈之難。蘇克薩哈者額駙蘇納長子。公之族人也。少隨征明錦州及松山杏山。並著戰功。襲父爵三等男。順治八年。任議政大臣。晉一等男。初隸睿親王屬下。旣睿親王薨于獵所。蘇克薩哈與王府護衛詹岱等舉首其殯。殮服色違制。及謀遷永平。諸逆狀。命諸大臣質訊。皆實。遂論睿親王如謀逆律。十年。以護軍統領同都統陳泰等率禁旋出鎮湖南。十二年。賊帥劉文秀遣僞將盧明臣馮双礼等犯岳州武昌。蘇克薩哈伏兵邀擊。大破之。文秀引兵寇常德。戰艦千餘蔽江下。蘇克薩哈揮諸軍奮擊。六戰皆捷。縱火盡焚其船。明臣赴水死。双礼負

創遁降偽將四十餘人。文秀走貴州。叙功。晉二等子。任領侍衛
內大臣。加太子太保。十八年正月。與索尼及遏必隆。鼐拜同受
顧命。爲輔政大臣。奉

聖祖皇帝。嗣統。是時。索尼爲四朝舊臣。遏必隆。鼐拜。皆以公

爵。先。蘇克薩哈。爲內大臣。鼐拜。尤功多。意氣凌轢。人多憚之。而

蘇克薩哈。以額駙子入侍。禁延承恩眷。奉遺詔。輔政。名

亞。索尼。與鼐拜。稱姻婭。而論事。多與之。廷積以成讐。會鼐拜欲

令鑲黃旗。與正白旗。互易屯莊。索尼。遏必隆。皆弗能止。遂行。圍

換之。令旗民。皆不便。康熙五年。大學士蘇納海。坐撥地遲悞。總

督朱昌祚。巡撫王登聯。等坐紛更阻撓罪。皆論死。

上覽部議。召詢輔臣。咸曰。應如議。獨蘇克薩哈不對。上因不允所請。鰲拜卒矯詔。並于棄市。未幾。索尼死。鰲拜益驕恣。蘇克薩哈慮其逼已也。居常快快。六年。

聖祖親政。諭部加恩輔臣。越曰。蘇克薩哈奏請往守。

先帝陵寢。庶如綫餘息。得以生全。有旨。詰問鰲拜與其黨大

學士班布爾善等。遂文致之誣。以怨望。不欲歸政。構罪二十四。歟。坐奸詐欺飾。蓄異心。論如大逆。應與其長子內大臣查克旦。皆磔死。餘子六人。孫一人。弟兒之子二人。皆斬決。族人前鋒統領白爾赫圖。侍衛額爾德等。皆斬決。獄具。人奏。上知鰲拜素與蘇克薩哈有隙。構成罪狀。諭以核議。未當不。

許所請而醵拜攘臂

上前強奏累日卒坐蘇克薩哈處絞餘悉如議八年五月醵拜

既敗奉特旨蘇克薩哈卽有罪不至誅滅于孫此皆醵拜挾

仇所致深爲可憫白爾赫圖等無罪誅戮尤爲冤屈其蘇克薩

哈及白爾赫圖等均復原官于是公得還官復一等男爵仍晉

三等子子白爾肯襲爵尋賜祭葬如典祀諡公曰忠勇而蘇

克薩哈亦復原官及世爵三等子命其幼子蘇常壽襲

蘇納海公姓他塔喇氏滿洲正白旗人性慈祥才識尤明敏于

順治三年由王府護衛擢內宏文院學士歷吏部侍郎綠事罷

尋起國史院學士充經筵講官遷禮部侍郎加太子少保再遷

工部尙書十八年

聖祖卽阼。擢國史院大學士兼管戶部尙書事。時鼉拜等擅權。蘇納海不背阿附。康熙五年。鼉拜因已隸饜黃旗。蘇克隆哈隸正白旗。遂欲以正白旗屯莊。改撥饜黃旗而別圈民地。以與正白旗。使旗人訢請。以牒戶部。公力持不可。謂旗人安業已久。民地曾奉旨不許再圈。宜罷議。鼉拜銜之。矯旨遣貝子溫齊等履勘。旋以饜黃旗地不堪耕種。疏聞。遂遣公會同直隸總督朱昌祚。巡撫王登聯。經理其事。昌祚登聯交章言。兩旗人較量肥瘠。相持不決。而旗地待換。民地待圈。所在荒廢不耕。農人環訢失業。請停止圈換之命。公亦以屯地难于丈量。候明詔。

進止鰲拜遂坐以藐視

上命械付刑部議罪部議律無正條擬鞭百藉沒家產

上覽疏。召四輔臣詢問鰲拜極言情罪重大。索尼遇必隆附

和之。獨蘇克薩哈不對。

上仍以部議不按律文弗允鰲拜出矯旨。即子處絞。八年。

上親政以鰲拜罪惡衆著。命遠泊既伏辜。特旨爲蘇納海

昭雪。敕部予恩卹。賜祭葬。予諡襄愍。以其子瓦爾達爲

三等待衛

朱公昌祚字懋功號雲門高唐人隸漢軍鑲白旗順治初任宗

人府敕心郎十八年以二部侍郎巡撫浙江會旱災捐金倡首

煮粥以活飢民復疏請賑卹時海寇未靖有旨令頻海居民
遷移內地公疏請酌撥荒田令開墾爲生俟三年成熟照例起
科其舊所棄之田畝請蠲其賦均下部議行巡按御史旣撤重
案悉歸巡撫逮繫者數千人公盡數月之力判結之得釋者甚
衆復多設方畧以歸順之利導賊黨聞者多解散大軍征海寇
公厚犒諸將約以秋毫無犯并嚴飭有司不得藉軍興可斂于
民浙人德之康熙三年擢福建總督以丁憂未之任四年特
詔起直隸直東河南三省總督請終制不允五年抵任正己率
屬遇事執法無少媢要會齎拜罔地議起遣部臣會同督撫經
理旗民囂然咸泣訴失業公上疏極陳其不便齎拜怒革職逮

間部議律無正條擬鞭責籍沒竊拜入奏應置重典

上未允山矯旨竟予立絞八年鼇拜伏罪特諭昭雪復原

官賜祭葬如典禮勸愍祀直隸浙江名宦祠子紱以廕入

監官至大理卿

王懋愍公諱登聯奉天人隸漢軍鑲紅旗順治初由貢生授鄭

州知州巡撫吳景道薦其有德有才遂擢濟南道累遷通政司

參議順天府丞大理卿順治十七年擢保定巡撫時海宇初定

伏莽尚多官吏勇于緝捕互相容隱公請嚴縱盜之法重高士


之律厚捕首之賞由是盜賊屏息康熙元年裁順天巡撫以公


兼理其事加工部尚書銜河間大名所屬災先後奏請發粟賑

濟全活者多五年冬以撥園墓地接民密疏請令各安舊業言
甚痛切忤輦拜意輿總督朱公同論死旗民哀之八年特旨
復原官諭賜祭墓謚蒸懇祀直隸名宦嗣子盛唐以廕入監
授督捕理事官

卷之四終

此書之體裁與前卷無異其間亦多
 論及於世道人心者然其筆力
 較前卷為稍弱且其間亦有
 重複之處然其間亦有
 論及於世道人心者然其筆力
 較前卷為稍弱且其間亦有
 重複之處然其間亦有





DS
734
.L39
v.4

國朝先正事略卷之五

名臣

平江李元度次青纂

費襄壯公事略

公諱費揚古姓棟鄂氏滿洲正白旗人父剛毅公諱鄂碩剛毅之祖曰掄布

太祖時率四百人來歸賜名魯克素授其長子錫罕騎都尉世職卽剛毅父也錫罕隨大貝勒阿敏征朝鮮帥八十人先驅遇敵戰歿

太宗軫悼晉輕車都尉以剛毅公襲尋授佐領隨大軍入明境至崞縣遇敵斬首率二獲馬四由平魯衛出邊敵兵邀戰剛毅

公與都統圖爾格擊卻之擢前鋒參領崇德元年率兵百人偵明邊事至冷口斬哨卒三獲馬十有五三年隨睿親王伐明由青山口入擊敗太監高起潛兵六月隨大軍圍錦州別將兵略甯遠遇明兵六百騎引軍薄之大破敵軍虜二獲馬六十有奇七年隨饒餘貝勒阿巴泰從界嶺口毀明邊牆人敗總督范志完兵於豐潤敵自密雲出劫我輜重奮擊卻之遂越燕京趨山東所嚮克捷師旋出邊明總兵吳三桂遣步騎邀戰復擊走之我軍乘夜掩襲擊虜三斬級數十擒明卒二十九獲馬二百有奇順治元年從大兵入山海關敗流賊李自成追至望都十一月追自成至陝州距漳關立營賊據山爲寨重關夾隧伏火器

待糗糧以拒王師。剛毅公與前鋒統領努山率兵奪其寨。二年，陝西既定，大兵由河南下江南。帥前鋒兵先行至睢甯，敗敵兵千餘人。復隨端重親王博洛分兵征蘇州，擊明巡撫楊文驄。舟師獲戰艦二十有五，趨杭州。敗明魯王朱以海兵，擒其總兵一尋，搗湖州，克其城。累進二等男。擢副都統。時明桂王朱由榔據湖南，廣西剛毅公隨鄭親王濟爾哈朗往征。有功，授前鋒統領。擢內大臣。晉二等子。復以其爲皇貴妃父。晉三等伯。十四年九月薨。贈侯。賜祭葬。予諡剛毅。明年襄垣公襲伯爵。康熙十四年，隨安親王岳樂帥師赴江西討逆藩吳三桂。時賊將黃乃忠糾眾萬餘自長沙犯袁州。公與總兵趙應全等擊敗之。

擒偽官童聖功復萬載十五年走賊將夏國相於泮鄉毀寨十
二進圍長沙戰屢捷十八年敗賊將吳國貴於武同凱旋擢領
侍衛內大臣列議政大臣二十九年

聖祖以噶爾丹劫掠喀爾喀又數擾我邊境命裕親王福全

爲撫遠大將軍而以公參贊軍務往科爾沁調兵隨征是年八

月大敗噶爾丹於烏蘭布通破其駐城三十二年命公爲安

北將軍駐歸化城明年五月噶爾丹使人至歸化城言將入貢

公偵其踵至者男婦幾二千人遣兵迎詰且邊之馳疏請旨

上知噶爾丹陽修好實潛蓄窺伺意命侍郎滿丕諭責其使

遣之逼七月謀報噶爾丹將逼圖拉詔公及右衛將軍希福

帥師往禦尋以圖拉無警慮噶爾丹趨歸化城有詔命旋師
三十四年噶爾丹至哈密公帥師往禦尋竄去授公右衛將軍
兼管歸化城將軍事疏言噶爾丹見踞巴顏烏蘭距歸化城二
千里宜預徵土馬芻糧於來年二月進勦
上授公撫遠大將軍召入覲面授方畧三十五年二月詔
黑龍江將軍薩卜素帥師出東路命公及振威將軍孫思克
西安將軍博濟帥陝甘兵出西路
上禡牙親征躬統大軍由獨石口出中路約期夾攻四月公帥
師抵察罕和碩噶爾丹悉驅賊眾趨克魯倫河當是時東路兵
尙未至科圖而

上已由科圖進逼賊境五月公師抵圖拉疏言賊盡焚草地我軍迂道秣馬又遇雨糧運遲滯師行七十餘日士馬飢疲乞

上緩軍以待會噶爾丹登克魯倫河之納蘭山望見

御營黃幄龍燻環以慢城又外爲網城軍容山立大驚拔營宵

遁翼日大軍至河則北岸已無一帳克魯倫河者起車臣汗西

界東北入黑龍江橫亘瀚海東北二千里乃內外蒙古之界也

上初意賊必扼河拒戰故兩路出師攻其腹背及是知賊已喪

膽乃密諭公等邀擊而親帥大軍追之三日至拖諾山不

見虜而還命盡運中路之糧以濟西師公聞噶爾丹遁卽遣

前鋒統領碩岱副都統阿南達等率兵先往挑戰且郤誘

賊至昭莫多蒙古語大樹林也在肯特嶺之南土臘嶺之北汗山之東平曠饒水草爲自古漢北戰場時敵軍至者近萬皆首戰之賊我軍飢疲馬僵其半公以馬力不能馳擊非反客爲主以佚待勞不可距敵三十里卽止營其地有小山三面皆距河林木蒼蔚可設伏公率左右翼步騎先據小山陣於東餘沿土臘河陣於西邊

上所授方畧各軍皆下馬步戰約聞角聲如上馬將軍孫思克總兵殷化行以綠旗步兵居中據山頂臨之賊爭山鋒銳甚我軍據險俯擊礮矢壘發每進輒以拒馬列前自固賊背矢石鏖戰自未至酉不退日暮賊騎相離二十步公吹角者三左右俱

國朝文獻通考卷之五
鳴角沿河伏騎盡起一橫貫其陣一襲其後隊輜重賊始崩潰
乘夜追北三十餘里詰旦收軍斬級數千降二千獲馬駝牛羊
廬帳器械無算并殪其可敦阿奴可敦者準部稱其汗之妃也
頽暫敢戰披銅甲腰弓矢騎異獸臨陣精銳悉隸麾下至是亦
斃於礮噶爾丹以數十騎遁捷奏至 御營 詔班師畱公駐

守科圖

上親撰銘勒石拖諾山及昭莫多山還次歸化城親勞四路凱
旋之師輟膳大饗士獻兀魯特之俘彈箏笳歌者畢集有老胡
工箏口辯有膽氣兼能漢語
上賜之潼酒使奏伎音調悲壯歌曰雪花如血撲戰袍奪取黃

河爲馬槽。滅我名王。今虜我使。歌我欲走。今無駱駝。嗚呼。黃河以。北。奈。若。何。嗚。呼。北。斗。以。南。奈。若。何。遂。伏。地。謝。

上大笑着。手書以告。皇太子。六月。駕還京師。七月。詔公由

利圖移駐喀爾喀。遊牧地甫至。噶爾丹潛使其黨來肆掠。公遣副都統祖良璧擊走之。追勦至翁錦。賊敗遁。公尋以馬疲移軍

喀喇穆倫。會噶爾丹使其宰桑等來請納款。

上再幸塞外。駐蹕棟斯圪。命公馳赴行在入對。諭獎昭

莫多戰功。公奏曰。軍中機務皆遵

上密諭。以底成功。臣不能生擒噶爾丹。以獻臣之罪也。

上曰。噶爾丹窮蹙實甚。朕不忍悉誅。欲招降其衆。撫而治之。公

頓首曰

聖意非臣等愚昧所能測。真天地好生之仁也。翼日賜御佩

橐鞬弓矢。遣還軍。三十六年正月。阿南達奏報哈密回人擒獻噶爾丹之子塞卜騰巴珠等。

上以其疏錄示公。賜胙肉鹿尾等物。諭曰。時當上元令節。

眾蒙古及投誠厄魯特齊集暢春園。適阿南達疏至。眾皆喜躍。卿獨居邊塞。不得在朕左右。殊深軫念。故以疏示。知並賜物。問卿無恙。卽如與卿相見也。二月

上幸甯夏。命公及內大臣馬思喀兩路進兵。駕由黃河西

岸。駐蹕達拉布隆。頒賜上駟院馬五十。駱駝十。公進次薩

奇爾巴勒哈遜時噶爾丹窮蹙甚左右親信數臺吉多面對聞
大兵將至先後望風款附其兒子策妄那布坦復擁勁兵伏阿
爾泰山將擒以獻功噶爾丹進退無地每夕或數驚遂仰藥死
厄魯特部眾降者相繼車駕方自甯夏循賀蘭山出邊公以
噶爾丹自伏天誅奏其下丹濟拉以其屍及子女來獻中途爲
策妄那布坦奪而獻諸朝所部悉降於是自阿爾泰山以東皆
隸版圖拓喀爾喀西境千餘里朔漠平四月
上復勒銘狼居胥山而還回鑾御撰碑銘告成太學六月公
駐師察罕諾爾有疾詔還京以昭武將軍馬思喀代領其眾
晉封一等公領侍衛內大臣如故公以噶爾丹未經生擒疏辭

封爵。優旨令勿辭。諭閣臣曰。塞外情形不可肌度。必身歷其境。乃有確見。朕親征噶爾丹。眾皆不欲。惟費揚古密抒謀。畧與朕意合。卒能大敗積寇。累年以來。統兵諸將。未有能過之者也。四十年六月。

上幸素約勒濟公扈從。中途疾作。

聖祖停蹕一日。親往視疾。賜白金五十兩。及御帳蟒緞。

鞍馬等物。遣內大臣侍衛等護送還家。尋薨。賜祭葬。予

謚襄壯子辰泰襲一等侯。兼一雲騎尉。雍正十年。詔入祀賢


良祠。公性樸直。貌竒偉。待人以和。無疾言遽色。好在

上前自言所短。人多笑之。在軍中。與士卒同甘苦。事無大小。皆

親決有求見者立召入好讀左氏春秋手不釋卷尤工詩雖尊
門家自以弗逮。
聖祖嘗御箭亭命諸大臣校射公奏臣臂痛不可以弓許之
出語人曰我會爲大將軍儻一矢不中有損國威且爲外藩所
笑故不與諸將軍角伎也人服其雅量。

以吹雨田丙五四

皇朝文獻通考



賚襲毅公重畧

公諱資塔。姓那穆都魯氏。滿洲正白旗人。和碩額駙康古里第
四子也。年十四。授三等侍衛。崇德六年。隨大軍圍明錦州。擊松
山杏山敵兵。屢有斬獲。明年。隨貝勒阿巴泰入明邊。越燕京。趨
山東。攻新城高陽霸州壽光博興等城。皆先登。身中五鎗。賜
人葭牲畜銀幣。授前鋒侍衛。順治元年。隨大軍討李自成。敗賊
將唐通於一片石。追擊自成至安肅望都。授護軍參領。隨豫親
王多鐸由河南征陝西。連敗自成賊眾於潼關。明年。隨豫親王
征江南。攻克揚州。取江甯。追敗明福王朱由崧於蕪湖。予雲
騎尉世職。三年。隨端重親王博洛征福建。明唐王朱聿鍵遁汀

國朝先正事略卷五
州率兵破其城。晉騎都尉。五年明桂王朱由榔據湖南。公隨鄭親王濟爾哈朗往征。六年夏師至衡州。敗僞總兵陶養用於青草橋。又敗僞伯胡一清萬餘衆於府南山。進攻祁陽。僞總兵周進唐於大忠橋拒敵。擊敗之。又敗之於王公嶺。一清旋與僞總兵王進才各率馬步數千人拒河岸。亦敗潰。公進擊僞總督譚宏於道州。又擊一清及僞伯焦連等於全州。皆聞風竄遁。七年晉輕車都尉。初公叔父哈克都哩獲罪。額駙公之世管佐領亦坐革。

太宗諭以後有功。仍給還。至是公請於部。得賜復。卽予公承管。十一年張獻忠餘黨李定國犯廣東。公隨都統珠瑪喇等往。

征屢敗賊兵。解新會圍。定國遁走。追敗之。興業及橫州。晉爵三等男。十三年。擢護軍統領。十六年。海寇鄭成功犯江甯。命安南將軍達素同公率師往征。至則賊已敗遁。遂移師福建。明年。同都統索渾勦賊廈門。官軍不習水戰。失利。坐罷任。革世職。康熙二年。署前鋒統領。靖西將軍穆哩瑪征流賊李來亨等於茅麓山。屢戰皆捷。凱旋復授護軍統領。兼佐領。八年。擢都統。十三年。逆藩耿精忠叛。上命公為副將。率統兵赴浙江。勦禦賊黨犯金華。公遣副都統瑪哈達等擊走之。復義烏。諸壘。五年。衢州偽都督周列率賊二萬由常山來犯。公遣將邀擊。擒斬過半。偽總兵桑明旋率五萬眾犯衢州。公與總督李之芳師兵迎。

擊復敗之斬級萬餘十四年擊敗僞將軍馬九玉等於黃潭口
等處僞副將李廷魁屯衢州城北元山口公督兵乘夜攻圍破
之焚其木城九玉同賊將林福等退據大溪灘時康親王傑
書爲大將軍駐金華公奉一命參贊軍務并分駐衢州仍佩平
南將軍印屢擊卻來犯賊眾十五年秋康親王進衢州公循例
歸將軍印以都統任參贊先率兵馳擊大溪灘斷賊糧道復江
山縣馬九玉遁尋同瑪哈達等率兵破仙霞關進拔浦城又與
副都統吉勒塔布等敗賊於建陽克其城進復建甯府十月隨
康親王抵延平精忠窮蹙乞降時漳泉興化俱爲海賊鄭錦所
踞十六年同甯海將軍拉哈達勦賊興化連破三十六營陣斬

偽總督趙得勝等復興化。偽總兵郭維藩以仙遊降。三月，同位哈達討叛鎮劉進忠於潮州。進忠降。康親王奏復授公平南將軍，即守湖州。十七年四月，鄭錦遣偽總統劉國軒陷平和。犯海澄。

上命公赴援。賊斷江東橋及長泰同安諸小徑。師弗克進。六月，賊陷海澄。漳平同安惠安犯全州。九月，公與總督姚啓聖合兵進討。大敗賊兵於蜈蚣山，破其七營，斬四千餘級。復長泰。十月，復敗賊於漳州萬松關。十八年，偽將軍吳淑何佑等犯長泰。公與提督楊捷等分道進擊，斬二千餘級，生擒偽總兵副將三人。國軒復犯江東橋，公迎擊，敗之。賊走太平寨，追斬千餘級。十九

年二月。同啟聖。捷勦賊海澄。招降僞總兵蘇堪。復其城。聞水師提督高正色取海壇。公由松嶼進征。僞將軍陳昌率眾降。鄭錦遁臺灣。廈門金門相繼定。四月。命移駐廣州。會尙之信獲罪。逮繫其藩下長史李天植等。怨都統王國棟發難。誘殺之。藩兵咸畏罪思亂。公密承詔旨。以罪不株連。撫慰藩兵。自率兵圍之。信第收捕天植及同謀者。繫獄候旨。餘釋。勿問。時逆孽吳世璠尚擁重兵據雲南。定遠大將軍貝子彰泰自湖南進征貴州。上以公在福建廣東勞績素著。授平南大將軍。赴廣西調遣滿漢兵。由南甯直進雲南。公率兵由田州泗城進西隆州。僞總兵

周應龍迎降僞將軍何繼祖等擁賊數萬拒於石門坎石門坎者距安籠所三十里地峻隘稱天險公令都統貝勒希福瑪奇等率師直前日與副都統宏世祿總督金光祖分兵爲二由閒道躡其後二十年正月度賊無備飭前軍進攻賊倉猝出禦後軍履險上前後夾攻大敗賊衆奪其隘口復進安籠所城降僞總兵陳義魁繼祖復糾僞將軍詹養王有功等率二萬人據黃草壩列衆拒戰二月二日公督兵奮擊自卯至未奪賊營二十有二生擒詹養王有功及賊衆千餘獲其象馬無算

上以公自廣西深入雲南獨先諸路大破賊溫旨嘉獎師抵曲靖降僞總兵尹士元僞道劉世忠等隨遣兵取霑益州斷賊

中路僞將軍線絨等皆遁歸。分遣希福瑪奇等復雲龍州。易龍所及楊林城。營總碩塔等克高明州。餘賊望風解散。遂會合彰泰軍。壁歸化寺。僞將軍胡國柄等離城拒戰。公與彰泰分兵進擊。自卯至酉。賊大潰。斬國柄及僞總兵九生。擒賊六百有奇。逆孽吳世璠嬰城守。陰調賊將馬寶。胡國柱。夏國相等還救。大軍併力環攻。賊內亂。欲擒世璠。出獻世璠。自殺。線絨等開城降。遂磔僞大學士方光琛等於軍前。戮世璠屍。傳首京師。國柱竄廣南。公與彰泰檄士官僧明總兵李國樑率師追勦。擒之。西板橋。又遣希福等追勦國柱於雲龍州。國柱縊死。其黨王敘。李匡白。焚餘眾悉降。雲南平。二十一年十月。大軍凱旋。

聖祖親率諸王大臣郊勞於蘆溝橋西二十里外。御黃輿。彭泰及公行抱見禮。二十二年以隱匿尙之信藩下。應入宮媵女。事覺當勘問。

上曰賚塔自福建廣東雲南宣力勤勞樹立大功。勿因細事遂加以非禮。致失朝廷眷顧。功臣之意。下所司集質擬奪職治罪。詔從寬。鑄級罰俸。明年十二月薨。賜祭葬如典禮。加祭二次。諡襄毅。二十四年。

上諭王大臣曰。平定雲南賚塔功最大。縱有他過。爲人訐告。朕究不加罪也。諸臣同聲感戴。未幾明勲子一等男子費葉楞襲雍正五年。

世宗諭曰原任都統賚塔當三逆變亂時統兵征勦克復雲南
功最著彼時因坐事功過相抵是以未封公爵在當日之不優
封賚塔者欲使立功之人咸知儆惕不敢驕肆妄爲耳今事歷
多年後人已知鑒戒奉法其追封一等公俾其孫博爾屯承襲
八年建賢良祠 詔公與大學士圖文襄公並入祀九年加公
號曰褒績

施濟惠公事畧

公諱維翰字及甫一字研山江蘇上海人順治八年進士授臨江府推官有異政以卓異徵擢兵部主事明年選授御史公體貌秀偉在班行中頎然俛視諸同列

世祖見而異之出巡按陝西未訖事以裁缺還京康熙二年請告其明年復補江南道公在臺嘗劾偏沅巡撫周召南曲庇貪吏又劾福建總督劉斗徇情題建故靖南王耿繼茂祠皆奉旨嚴議一時僂然懼伏六年巡監河東十一年有詔內陞仍以四品服俸管江南道事疏言登聞鼓之設原以伸士民冤抑請令滿漢科道司之如所請明年遷鴻臚少卿再轉光祿少卿

大理丞累遷太僕卿宗人府丞十八年晉左副都御史協理院事公性穎敏通古今尤諳前代典故章數十上所言皆關大計未嘗毛舉人細過以沽名塞責素嫉貪吏以謂禁貪之法甚備而州縣多以賄聞者監司爲之囊橐也監司取諸州縣州縣不得不取諸吏民惟懲大貪則小貪自止又言士民各有定業今文武各官或兼事商賈質庫連肆佔船彌江旣奪閭閻之利復脫關市之算不可不加禁止又言考察糾舉之法密於文臣疏於鎮帥悠忽養癰此由國家令甲無督撫甄別鎮帥之責故也請自今有婪賕肆虐者督撫不入告則事發同罪庶幾軍肅而民安矣是歲方奉新例凡言官所糾不實准反坐論公力爭之

且言督撫不能覺察州縣致爲科道所糾已有隱徇之咎矣今仍發與審鞫彼欲卸前責安得不益庇私人乎況乎陰肆營求陽騁狡辯彌縫掩飾何所不至言官身在中朝復非兩造又何從而折證之臣恐言路從此結舌矣聞督劉斗復題補總兵官公言總兵一方重鎮非

上命卽廷推從未有地方官題補之例以朝廷推轂授鉞之權倒付大吏其弊豈可長乎時海上諸降卒日至無可安插公言投誠之眾不能計日而給食也一遇水旱恐爲隱憂臣思各提鎮官歲有汰兵簡其丁壯以補缺額使降者不以遊手長奸缺者不以召募滋擾亦杜漸防微之策也東南賦役煩重民力

不支。公言民間大役五年一僉，小役十年一僉，此定式也。比來官吏好會，每役止編一年，僉番頻繁，用邀賄賂，宜復舊制，俾小民得盡力耕桑，以安南畝。又請減蘇松重賦，又言江南租入必俟九十月，是以舊制十月開徵，今民未東作而催科已迫，何以給之？又勸

天子親耕籍田，以重農事。又入旗犯罪者，例先墩鎖各城門，公言民人重罪監禁，莫不居有囚室，食有囚糧，而旗下墩門之害，未易枚數。暴露寒暑，莫之飲食，請得與民人一體羈監。至於罪婦亦先墩門，男女淆雜，貞淫無辨，宜另行羈候，以別嫌疑。崇風化，公前後所言其善，持大體悉類此。雖下部議或從或否，又有

始格於議。其後卒見施行者。以故章每上。京師士大夫率傳錄其諫草。以相稱說。而

天子亦甚器之。既長御史臺。適浙撫陳秉直薦舉學道程汝璞。為魏敏果公所劾。例應降調。而竟以所加級抵銷。公首劾之。曰。秉直與汝璞見聞最近。乃徇情妄舉。顛倒是非。非尋常註誤可比。請勅部定議。凡保舉非人坐降調者。不許抵銷。

上善其言。著為例。已而巡撫山東之命下。公既荷上殊遇。甫至官。則勸懲彰瘕。一奉憲綱。以行屬歲大祲。願公賑恤。有方境內。遂得無事。又請截留漕米五萬石。以活羸餓。又因青萊距臨清倉遠。辦解維艱。請永行改折。以息轉輸。又因米豆

翔踊請一應兵馬支應悉照價估辦以甦賠累由是士民悅服
三年政成遷浙江總督其爲政一如山東前督劾軍士鼓譟一
案繫累二百餘人 陛辭

上諭曰兵丁鼓譟乃惡習宜嚴禁公奏曰祇因督撫提鎮不和
遂致兵丁生變臣當同心協力調劑軍民

上曰文武協和地方自安戢矣及抵任卽日會讞多所平反不
數月

聖祖以兩浙內地易治惟福建險遠其民甫脫湯火且地瀕海
奸人易生心非具幹畧有文武威風識大體者不能制臨而綏
馭之會總督闕乃度廷臣而調公往焉公時已病會方遣滿大

臣巡視海上。公力疾偕行。二十二年春。始逾嶺。病革。未抵會城。而薨。年六十有三。事聞。天子驚歎下詔。稱公操履清慎。懋著勤勞。命所司賻卹。有加。賜諡曰清惠。公爲人孝友。肫至。與人交坦易。不設城府。撫幼弟及諸甥。有恩。其幼也。弟甥皆喪之。如父。仕宦三十餘年。慎於取子。無攀援骹骹之習。朝野重之。祀鄉賢。

國朝先正事略

卷五

三

郝雪海中丞事畧 楊素蘊

郝公諱浴字冰滌號雪海直隸定州人。生平負氣節，棘棘不阿。順治六年進士，授刑部主事。八年遷御史，奉命巡按四川。時流賊張獻忠餘黨孫可望、李定國、刘文秀等降附明桂王朱由榔，踞川南。寇掠九年，平西王吳三桂與都統李國翰分兵復成都。嘉定敘州重慶駐師，綿州公在保甯監臨鄉試。可望、文秀等合眾數萬薄城，公遣使告急。綿州逾月，三桂乃發援兵。危城得全。公因陳善後策，畧言大兵勦賊，借陝西運餉道遠，餉繁宜移陝西。駐防屯成都，並招流民間墾，借給土司牛種屯耕一年，可抵輸運三年之利。又言賊寇善騰山越嶺，蜀中土官土兵習

尙相近宜簡精銳爲前茅以滿洲驍騎繼其後疾雷迅霆之下寇必鳥獸散

上嘉其奏可採下部議部臣以戰守機宜應由三桂酌籌寢其議公又言土賊投誠給劄授官恣行劫掠爲民害請嗣後願歸位者聽其願爲民者卽令有司造冊編丁以資生聚又請九牛租除雜派惟就熟地開征俾民賦有定額疏皆下部議行又劾奏永甯總兵柏永福臨陣畏縮廣元副將胡一鵬驕悍不法狀並奪職逮訊方保甯之奏捷也詔頒賞將士三桂因以冠服與公公不受疏言剪平賊寇平西王責耳臣司風憲不預軍事而以臣預賞非黨臣則忌臣也因疏劾三桂擁兵觀望狀

上命三桂以賞物別賞有功將士大學士成公克鞏召公宮等
疏奏公固守保甯出入營伍奮不顧身卒轉敗爲功宜擢用三
桂因摘公保甯奏捷疏中有親旨矢石語劾公欺罔冒功吏議
革職逮訊尋論死命免死流徙奉天之尙陽堡當是時三桂
開邇滇黔海內財賦輦輸軍餉歲亡慮數百萬計守令得自
辟署珍貝犀象明珠南金之寶悉歸私室羣臣及亡賴
多歸之疆吏搜其鋒者禍立至公以一御史首發其奸直聲震
天下康熙十年駕幸奉天公迎謁道左
上親垂問焉十二年三桂反明年尙書于公熙劉公浦先後交
章薦公爲部議所格十四年魏公象樞兩疏薦公才學識兼優

不宜終棄。且曰：臣自愧不如願，以職讓。遂得旨，召用復原官。
時陝西提督王輔臣叛，應三桂公疏言：大兵進勦平涼，宜於西
安、潼關用重兵屯駐，以待策應。調鄖陽兵攻興安，調河南兵入
武關，直取漢中，則逆賊計日可擒。疏下，統兵大臣相機施行。又
言：民間納糧多額外征求，致正額反缺。至招買軍需，名爲市易，
實則攤派里民，比及發價，官役互相侵和。又於解餉時多索收
餉之費，任意遲延。請勅督撫嚴察。又言：京通各倉積貯已多，
請留山東、河南額征耗米折銀濟軍需。疏並如所請。十六年巡
視兩淮鹽課，明年兩遷至左副都御史。十九年，部更新例，凡死
罪減等及軍流人犯，俱發黑龍江。公以天旱民飢，恐遣犯道斃。

者多。疏陳新例未便。下所司議。惟職吏照新例行。餘仍舊。又疏言出身非正途者。雖經保薦。不得選科道。又言部院長官。歲終宜舉劾屬吏賢否各一人。以示懲勸。均從之。尋命巡撫廣西。賜御廩良馬一。疏言粵西錢糧改折。乃一時權宜計。今軍餉既停。請仍舊。又請御書清慎勤字額。頒發各疆吏。俾官民咸得瞻仰。得旨。俞行。又言粵西外控土司。內制猺獞。撫標兵不宜裁減。部議許。畱其半。又爲故死事撫臣馬公雄。鎮傅公宏。烈請祠。爲故知府劉浩。知縣周岱生。請卹。又請復賑濟貧生銀米。均從之。二十二年卒。於位年六十一。士民奔走巷哭。氏三日喪歸。熱香送者數千里。不絕語。及公皆實。涕云。初。傅公宏。烈以軍需

移取庫金七萬有奇米七千餘石公涖任擬以庫項扣抵及李
護印者劾公侵欺詔遣部郎察審坐侵銀九萬有奇吏議奪
職追補特旨以公清廉免追用示優卹廉吏至意二十五年
子林爲父訟寃請還職部議不可特旨許追復林旋請卹
賜祭葬如例林以進士累官禮部左侍郎加尙書銜致仕烏虜
聖祖之於公旣簡諸生前又卹諸身後曰廉曰潔襄許再四儼
然家人父子其知公深矣然三桂兇醜方張公以一書生不揣
而與之抗微
世祖保全則公之元已喪而骨已朽矣迺謫公於遠示薄譴以
稍殺三桂之怒而緩其反畱公以爲異日股肱之用其恩誼

爲何如哉。同時以御史劾三桂得罪後，且大用者爲楊公。素蘊與公齊名。

楊公字筠湄，一字退菴，陝西宜君人。順治九年進士，除東明知縣。地當河決後，敗城郭民廬，且盡。居民依邱阜，僅數十家。公設法灑濬完聚，三年間復業至萬餘戶。山東盜發，眾數千剽掠旁郡。制府密以屬公，設計招降之。餘黨解散。十六年，以治績預行取，入爲四川道御史。公抗直敢言，前後上章以十數，皆切中時弊，而尤著者在直糾逆藩一疏。時三桂以分巡上湖南道，胡允等十人題補雲南各道，并及奉差部員，無復顧忌。公疏略言爵祿者天下之大柄，綱紀者國家之大防。前此經略用人，奉有吏

兵二部不得掣刷之旨亦惟以軍前效用及所轄五省各官酌量題請耳從未聞敢以他省不相干涉之處及見任京朝官公然坐缺定銜者也且疏稱求諸滇省旣苦索駿之無良求諸遠方又恐叱馭之不速則湖南四川去滇猶近若京師山東江南距滇不下萬里不知其所謂遠者將更有何方

皇上特假便宜不過許其就近調補耳若盡天下之官不分內外不論遠近皆可擇而取之則何如歸其權於吏部銓授爲名正而言順乎縱或雲貴新經開闢料理之人諸臣才品爲藩臣所素知亦宜請

旨令吏部籤補乃徑行擬用不亦輕名器而褻國體乎古來

人臣忠邪之分莫不起於一念之敬肆。在藩臣敷歷有年，自應熟諳大體。此舉卽從封疆起見，未必別有深心。然防微杜漸，當慎於幾先。所申飭藩臣嗣後惟力圖進兵加意緩輯，一切威福大權俱宜秉自朝廷，則君恩臣誼兩盡其善矣。疏入閣，臣昨舌持其章不敢下，詔下部知之會。

世祖皇帝晏駕，輔臣出公爲川北道。以前疏也。而三桂猶銜公不置，具疏辨試其意，含影射語，伏危機有旨令回奏。公奏防微杜漸，古今通義。臣但期藩臣每事盡善爲聖世純臣，非有他也。故事外吏拜疏必先具揭，巡撫佟公見疏語直懼且得罪。強公竄易二語奏上，坐含糊巧飾，應降調。公拂衣歸，閉門不出。

者十年論者謂古今事變所伏每患深識之士知之而不敢言
或言矣而不用語曰熒熒不救炎炎奈何嚮使公與郝公言獲
用曲突徙薪之功可勝道哉三桂既反人始服公及郝公先識
於是尙書郝公惟訥冀公如錫侍郎楊公永甯交章薦公可大
用以外艱辭服闋赴湖廣軍前題補鄖襄道當是時賊軍據川
東襄陽總兵楊來嘉副將洪福相繼以城叛肆掠房保間與賊
相犬牙而王師餽餽自襄至房保路險隘舟車不通歲調安襄
德三郡丁夫擔負率餽十致一夏秋霖潦溪水漲冬雨雪徑滑
顛溺死者相望丁夫缺仍檄郡勾補三郡大困而餉若不繼公
訪知穀城有小溪可通舟乃親按行川谷燒石翦木數十里開

漕船道。於是水運通利。省三郡丁夫十九。而軍興無乏。遷山西提學道。以公明尤著。列薦章內。陞通政司參議。遷奉天丞。晉順天尹。康熙二十六年。巡撫安徽。會歲饑。甫拜疏請賑。卽檄州縣開倉發粟。吏難之。公曰。若待報則需時。日是棄民也。且皇上仁聖。必得請。尋報可。所全活無算。明年夏。叛卒夏逢龍據武昌。全楚震動。而安慶當三省衝。訛言屢驚。婦女爭出城走避。有司呵之不止。公大書榜四門曰。願出城者聽。而徐以塘報殺賊狀曉示。遠近數日。人情安堵。出城者復歸。十月。移撫湖北。時逢龍雖誅。脅從者尙眾。人情恇擾。或一夕數驚。公至首巖告許之禁。以安反側。會上元節。許民間張燈。火陳魚龍百戲。元夜坐。

堂皇朝門洞開令士民出入縱觀明日市井熙然矣公定變大
畧多類此是歲旱疏請緩徵漕糧又請兵餉免搭放制錢先後
得報可二十八年十月薨年六十先是湖北郟縣疾苦最甚者
若沔陽衛之沈塌田地江陵之沙壓空壓漢陽嘉魚之崩坍咸
甯黃陂景陵之穀折江夏武昌崇陽通城漢陽漢川雲夢孝感
應城之穀田科重監利之一年兩賦凡六事而受害者十七州
縣蓋積數十年矣公廉得其實條爲兩疏未及上會病甚遂口
授於遺疏中切陳之就枕上作叩首狀曰此疏行臣目瞑矣嗚
乎孳孳爲國知無不爲公殆無媿宜與郝公並磊磊軒天地歟

湯文正公事略

湯公諱斌字孔伯一字荆峴號潛庵河南睢州人父祖契州學生母趙氏明末流寇陷州城罵賊死被旌建專祠公少避兵流寓衢州順治九年成進士授國史院檢討十三年應詔陳言請廣搜遺書修明史且言史宋修於元至正特傳文天祥之忠元史修明於洪武亦著巴顏布哈之義我朝順治元二年間前明諸臣亦有抗節不屈臨危致命者宜令纂修諸臣勿事瞻顧大學士馮銓金之後謂公誇獎抗逆之人擬旨嚴飾世祖特詔公至南苑溫諭移時是年詔選翰林出爲監司公授潼關道大兵下滇蜀關中當孔道總兵陳德以師過檄車

五千兩實。二千餘糞以金代。公密具車二千自坐。閔上。揮士卒升車。盈十兩。卽出之夜。漏四鼓。盡出。閔總兵不得已。亦出。至洛陽。留而月軍變。而閉城。以公故。得晏然。於是嚴保伍。行鄉約。建義倉。立社學。流民復業數千戶。會歲旱。無麥。兵餉例給麥。價浮於谷。公請以倉穀代。主兵者不可。曰。如是兵且變。公曰。民且餓死。獨不能變乎。兵有變。吾自任之。卽與兵約。以穀餉。明年補餉。以麥。而令還穀於官兵。皆帖然。公涖事。精敏。訟無留獄。環禁五十里。聽質者。不齎宿糧。常出勸荒。遇雨。止大樹下。民朱欄其樹。時以比甘棠云。十六年。調江西。嶺北道。甫三日。清積獄。入百有奇。李玉庭者。明舊將也。有衆萬人。踞雩都山寨。詐約降。會海。

寇鄴成功犯江甯遣請來贖公獲謀斬之策玉庭且中變急移
兵守南安玉庭果至擊走之復遣兵扼其歸路卒就擒平南軍
過南安殺人有司以鬪殺論公曰力侔者謂之鬪今軍無寸傷
而民以兵死與律不應卒抵軍於法尋乞病歸里丁父憂服除
聞容城孫徵君講學夏峯往受業歸與同人爲志學會杜門將
母有同年生來爲方伯見郡守問公近狀守對言實未聞有此
人方伯嗟歎康熙十七年召賜博學鴻儒授侍講與修明史
復疏請順治元二年前抗拒本朝臨危致命諸臣皆摺事
直書毋瞻顧

聖祖嘉與頒之史館爲成命由是明季諸義烈皆得表章二十

年典試浙江轉侍讀明年充明史總裁官直經筵遷左庶子。公
為講官每進講先一日齋肅潛思經義嘗言君心正則天下治
如天樞之運眾星故務積誠以動

上二十二年擢內閣學士河南災閣臣議遣官往勘公曰無益
也使者所至苛擾州縣一聞遣使輒輟耕以待勘是再荒也不
如令有司自勘便已而河南果畏勘災諱者半給事中任辰旦
議阻巡狩封禪事閣臣擬旨切責公曰給事言是李沆云邊
患既息恐人主漸生侈心相公當以為慮或議改法令公曰官
之失德寵賂章也不此之懲而恃區區之法乎時江甯巡撫余
國柱內召廷推代者

聖祖曰朕聞學士湯斌曾與孫奇逢講明道學身體力行可特授巡撫瀕行。請曰朕非忍出卿於外顧吳俗奢靡以卿耐清苦冀有所變革。賜御書三鞍馬一表裏十日金五百兩并撤御饌賜之十月

上南巡至蘇州。蘇城道狹總督將毀民居廣馳道。公曰此非聖主勤民意也。止之。再賜御書及蟒服。時滯獄山積。公就舟中判決。不假寐者六晝夜。初國柱疏言淮陽二屬水淹。涸出者。令次年輸額賦。至是公遣官履勘。水如故。疏入部。議令再勘。公仍以實奏。事乃寢。於是除耗羨。禁私派。清漕政。汰蠹役。行保伍。革鹽商匣費。自總督以下皆相戒。不得受所屬一錢。京朝官奉

使過者不敢有所搜索所部肅然蘇松常苦賦重積逋相仍而
江北諸州縣又屢被水旱公以爲民氣未蘇教化未易行也乃
奏緩蘇松積欠請分年帶徵從之又請蠲十八十九兩年災欠
請除邳州版荒田賦又請蠲明萬曆時所加九釐餉又極陳蘇
松浮糧之困元後突免額賦數十萬兩二十年淮揚徐水災條
上蠲賑事宜請發帑銀五萬告糴江西湖廣先借所屬州縣倉
穀散放不俟詔下遣官遽行又言饑民流亡者多請飭漕臣
徐旭齡河臣靳輔分督淮安賑務臣卽至清河桃源諸州縣察
賑

上命侍郎素赫往助災民咸就撫輯乃與學以善民俗令城內

外及鄉鎮二百家以上皆立社學就學者與之擇諸生中賢者爲之師月會明倫堂講孝經小學朔望集上民講上諭十六條皆身涖之重修秦伯祠及范文正周忠介二祠朔望往謁禁婦女遊觀胥吏倡優毋得衣裘帛燬坊刻淫詞小說諸無賴爲民害者悉痛除之禁火葬及淹柩者令下一歲報葬三萬餘棺奏劾知府趙祿星知縣張協潛等常州守祖進朝有異政以失察屬吏降調公疏留吳縣令劉滋吳江令郭琇皆廉能稱最以積欠未徵不得與行取公疏薦皆格於部議特旨允行監生王某有奴竊贖逃數年突引弓刀二十騎稱鬻身王府訴言索金公立擒付獄論如律常熟奴某持其主父國初所

得隆武劄迫主遠逃將據其主婦公追劄燔之立斃奴杖下蘇
州府城上方山有祠曰五通禱賽甚盛凡少年婦女感寒熱巫
覘輒謂五通將娶爲婦往往羸瘵死歲常數十家前有大吏擬
撤其祠遇崇死民益神之公收妖像投水火盡燬所屬淫祠請
旨勒石永禁公夜治文書常至四鼓日中始一食或勸以少休
慨然曰君命卽天命也日監在茲敢自暇逸乎居二年吏治蒸
蒸民俗丕變時執政明珠方樹黨招權利引國柱長戶部先後
蠲漕及緩征以部費爲名索金四十萬布政使累以爲言公弗
許及大計兩司治行有所需憚公不敢發遂徒手入都以是諸
要人皆不便公所爲明珠有家隸言事多效所至大府常郊迎

過蘇。畏公威聲，弗敢謁。自監司以下，朝夕候其門。公聞使召之，將命者用故事以客禮請。從騎數十至轅門，公辟大門，傳呼隸大窘脫，廝輿服被之入。至階下，見公南向坐，乃跽而聽命。公犒以酒食，命門卒爲主人，隸大慚沮去。歸訴之，珠謀致難於公，而公聲績甚偉。

上方嚮公，念公在外無從得事，端會東宮出閣讀書，乃薦公輔導皇太子。

上然之，授禮部尙書管詹事府事。將行，百姓號呼如見失母罷市。三日，各繪像以祀。去之日，窮鄉下邑，士女童，雙手瓣香來會，送共閤城門。且以農器塞水陸道，不可行。公揭示：吾在外不能

爲父老德。往者屢請核減浮糧。並爲廷議阻。今入見。天子當面陳之。民皆羅拜泣良久。乃得行。徹籠數肩。不增一物。於舊人朝。溫諭褒其廉。問路所由。及地方利病。公以鳳陽災。

對

上遽遣近臣往賑。時國柱已爲大學士。兼管戶部。得公所出示。以告明珠曰。曩議皆

上所可也。今市恩推過。號於眾。以爲名使。

上知此。立廢矣。比公至。語已。上聞而公未之知也。進講東宮。

首陳大學財聚民散之義。畢講東宮入侍。

上問所肄具以聞。

上曰此列國分疆時語也若海內一統民散將安之試詢之公
具陳秦隋土崩狀且言一統而民散禍更烈於分國時
上聞猶諒其忠先是淮泗水溢山陽鹽城寤應高郵泰興化如
皋七州縣蕩析離居
上南巡命濬海口洩積水敕按察使于成龍主工植尋以廷
臣議使受河督靳輔節制成龍議工費八十餘萬輔議海口沙
淤非起高郵車邏鎮築高隄東內水高丈餘不能出海估費二
百七十八萬
上召輔及成龍面詢成龍力排輔議淮南士大夫懼傷廬墓亦
廷爭之乃命尙書薩穆哈學士穆成格會公及總漕徐旭齡合

國朝先王精製

勘兼問七州縣耆老云何輔議本執政主之

上心頗是成龍廷臣知輔議勢不可行欲並罷成龍工役公力

爭使者曰公言吾當口奏既而匿不以聞至是公內召

上語及海口公對開一丈有一丈之利一尺有一尺之利

上愕然曰爾時胡不言公具陳前事詰旦召二人與質對二

人強辨公徐曰某固知有此也汝行後即彙士民呈牒並某議

具文書印冊存漕臣所漕臣亦具牘存巡撫所可覆視也二人

語塞

上怒立黜之遣工部侍郎孫在豐往濬下河如公議時始設太

子講官以公及詹事尹泰鄂棻少詹事舒淑中允閻世繩贊善

妄荐舉朝多爲不平。而達哈塔獨上疏請與斌介同罷。並下部察議當奪職。詔公與達公仍畱任。許介去。公適聞繼母疾。乞歸省。

聖祖手詔慰畱。而忌者意未已。國柱宣言。

上將籍公內府。或勸公委曲。諸公閒以自解。公曰。六十老翁。尙何求。吾安之矣。或又勸發忌者陰事以紓禍。公曰。吾不屑爲也。九月。改工部尙書。九卿會議。公以入講不至。坐降二級。畱任。尋得疾。敕御醫就視。十月。疾少閒。度材於通州。某日日下。晡忽返。招鄉人某官與語。客退。獨坐一室。嚮晦。語家人。吾腹不甯。夜半。遂薨。年六十有一。臨終。戒其子溥曰。孟子言。乍見孺子。皆有

恍惚惻隱之心。爾等當養此真心。時時發見。久之可達天德。若襲取於外。終爲鄉愿。無益也。又曰。吾數月來。心無一綫放逸。得力深於平時。遺疏入。

上遣大臣奠茶酒。詔由驛歸櫬。下所司議卹。部臣以曾降七

級奏。特旨仍視尙書例。予祭葬踰月。

上與諸大臣語曰。吾遇湯某特厚。而怨訕不休。何也。眾曰。無之。上曰。廷議董漢臣。彼昌言朝無善政。君多失德。大臣不言。故小臣言之。尙不爲怨訕乎。眾乃知公爲執政所傾也。非上寬仁。夙重公。必無倖矣。公之爲巡撫也。其夫人及諸公子。衣皆布。行李蕭然。夏從質肆中易苧帳。自蔽。春野薺。生日。采取和。

豆羹。民間至以諺語呼爲豆腐湯。偶閱簿。見某日市隻雞。公憐
曰。吾至吳未嘗食雞。誰市者乎。僕叩頭曰。公子怒。立召公子
跪庭下。責之曰。汝謂蘇州雞賤如河南耶。汝思喫雞便歸去。惡
有士不嚼菜根而能作百事者哉。拜答其僕。遣之。公生日。搢紳
知公絕餽遺。惟製屏爲壽。公辭焉。啟曰。汪琬撰文在上。命錄以
入。而返其屏。公見屬吏。必霽顏告以君恩。不可負民命。不可殘
懇懇如家人語。又以州縣爲親民官。愛民必恤吏。立意培護。故
皆畏而愛之。爭自勉於爲善。所發公移。皆手定。數月後。屬吏參
謁。必面詢始末。辨論以求至當。有門下士以給事中奉使過蘇。
力言東南鹽政大病於商民。因條舉數事。每發公詰難。正言其

非其人。快快出。比使歸。踰月。次第禁革。壹如所言。給事語人曰。吾師至誠。而或以術馭人。賢者固不可測也。蘇之巨室。有優伶。恃姿容。結黨行強。有司不敢問。公迹而得之。痛予杖。戒無傷筋骨。故瘡將合。更薄笞。朔望。縛載以徇於市。逾年。膚剝見骨。始瘦死。由是竒。褻浮淫者。心悸相勸。改前行。公又嘗上言。歲祲免租。民困少蘇而已。必屢舉於豐年。富乃可藏於民。又凡免當年田租。皆中飽於官吏。故每遇國有大慶。或水旱形見。不肖者轉急徵。以待賜除。必豫免。次年田租。然後民不可欺。吏難巧法。聖祖深嘉與之。遂定爲經法。凡免地丁。編折銀。必於前一年頒諭。康熙三十年。特諭戶部。自今以往。海內農田。正賦編折銀。

通三年輸免一年。週而復始。直省均以徧。皆豫免。不問豐凶。其
後雖以西邊事起中輟。而天訓炳然。籍藏於故府。
世宗。

高宗當重熙累洽之餘。繼志述事。屢蠲天下全租。皆先一年除
出。以次輸免。是公之訐謨實受其福者。非一世也。公薨。都城士
民奔走長號。其歸也。哀音過車。相屬。初。吳民有妄傳公訐者。輒
相驚巷哭。有司曉之。乃止。毋何訐果至。則益哭曰。官給我。共建
祠。祀公。水旱有祈。輒應。瞻拜者無不淚下。陝西江西江南皆祀
名宦。雍正十年。詔入祀賢良祠。乾隆元年。賜諡文正。道光
三年。詔祀從孔子廟庭。公與陸清獻公俱號醇儒。清獻之學。

篤守程朱。攻陸王不遺餘力。公之學源出夏峯而能持新安金
谿之平大指。主於刺勵實行。以講求實用。無王學杳冥放蕩之
弊。故爲異趣而同歸。官侍讀時。

聖祖命進所著詩文。中有王守仁論。

上閱之。問爾意云何。公曰。守仁致良知之說。與朱子不相刺謬。
且稱其直節豐功。不獨理學。

上首昔曰。朕意亦如此。公所著有洛學編。睢州志。潛庵語錄。詩
文集。孫之旭字孟升。康熙丙戌進士。甲午以編修典試浙江。初
文正公主浙試。力疾衡校。不爽銖兩。孟升克繼之。改御史。出爲
霸昌道。丙遷左通政。在官不尚威猛。而風采懍然。憂歸。以毀卒。

靳文襄公事略 子治豫

靳公諱輔，字紫坦，遼陽人。隸漢軍，鑲黃旗。順治九年，由官學生考授國史院編修。改中書，累遷郎中、右通政。康熙二年，擢國史院學士，改內閣學士。十年，巡撫安徽。皖屬類旱，民多流亡。公撫郵招徠，復業數千戶。奏臨淮、靈璧二縣虛報開墾田四千六百餘頃，請免其賦。從之。又言：爲政首在足民。足民有道，在因民之力而教以生財之方。大江以北，如鳳陽等屬，盡失溝洫之舊。一遇水旱，卽成石田。今欲足民，莫如力行溝洫之法。溝田者，古井田遺意也。然井田法制繁重，溝田但鑿一溝，修浚甚易。其法以十畝爲一畦，二十畦爲一溝。以地三畝有奇爲二十畦中之經界。

二十畝之外。圍以深溝。溝道廣丈八尺。溝廣丈二尺。深七尺五寸。開溝之土。卽累溝道上。使溝道高於田五尺。溝低於田七尺五寸。視溝道深一丈二尺五寸。澇則以田內之水。車入溝中。旱則以溝中之水。車灌田內。溝田一行。其利有四。水旱不虞。一也。溝洫通而水有所洩。下流不憂驟漲。二也。財賦有所出。三也。經界旣正。無隱占包賂之弊。四也。疏方下部。議行而滇閩變作。十三年。吳耿二逆寇江西。公練標兵募鄉勇。嚴斥埃。遠偵探。武備大振。巨寇宋鑣。踞歙郡。山中爲亂。公遣兵躡勦。以計擒之。於巢湖上游。以安。部議省驛遞費。以佐軍餉。事下。各巡撫議。公以謂省費莫先省事。今督撫提鎮。每事必專。弁馳奏糜費實多。計惟

事。關。軍。機。必。專。騎。馳。奏。餘。悉。彙。奏。以。三。事。爲。率。是。一。騎。足。供。三。事。之。役。矣。議。上。著。爲。令。歲。省。驛。遞。金。錢。百。餘。萬。加。兵。部。尙。書。十。六。年。授。河。道。總。督。時。黃。水。四。潰。不。復。歸。海。清。口。運。道。盡。塞。公。上。下。千。里。泥。行。相。度。喟。然。曰。河。之。壞。極。矣。是。未。可。以。尺。寸。治。之。也。審。全。局。於。胸。中。徹。首。尾。而。治。之。庶。有。瘳。乎。遂。條。上。河。工。事。宜。分。列。入。疏。大。畧。謂。事。有。當。師。古。者。有。當。酌。今。者。有。當。分。別。先。後。者。有。當。一。時。並。舉。者。而。大。指。以。因。勢。利。導。爲。主。廷。議。以。軍。興。餉。絀。難。之。姑。令。量。修。要。害。公。又。疏。言。清。江。口。以。下。不。濬。築。則。黃。淮。無。歸。清。口。以。上。不。鑿。引。河。則。淮。流。不。暢。高。堰。之。決。口。不。盡。封。塞。則。淮。分。而。刷。河。不。力。黃。必。內。灌。而。下。流。清。水。潭。亦。危。且。黃。河。南。岸。

不隄。則高堰仍有隱憂。北岸不隄。山以東必遭衝潰。故築隄岸。疏下流。塞決口。但有先後。無緩急。今不為一勞永逸之計。屢築。屢圮。勢將何所底止。疏上。廷議如前。

聖祖以河道關係重大。下前後廷議。令再具奏。公堅持前議。上特如所請。蓋

上深知公忠勇沈毅。可任大事故。排羣議用之也。公感激知遇。

听夕。不遑開通清口爛泥。淺引河四道。濬清江浦。至雲梯關外。河身築束水隄萬八千丈。塞王家岡。武家墩。高家堰。諸決口。河隄外加築縷隄。及格隄於徐州宿遷。築減水壩十三座。清水潭。廣隄。潰最號險工。公用棄深就淺計。築西隄九百二十餘丈。東

隄六百餘丈。更挑新河八百四十丈。奏改名永安河。又浚甘羅城西運河凡十里。請裁冗員。專責成。嚴賞罰。改河夫爲兵。領以武弁。畫地分疆。日稽月考。著爲令甲。而諉卸中飽之弊。絕凡公所爲。懲因循。謀經久。皆此類也。方功之未竟也。公以時閱三年。自請議處。部議奪職。詔遣尙書伊桑阿等來閱。上并令布政使崔維雅隨往。維雅奏上河防芻議兩河治略二書。并條列二十四事。欲更改公所行減水壩諸法。公疏陳海口大闕。腹心之患已除。蕭家渡決口亦易塞。不宜有所更張。因詳辯維雅所上二十四事不可行。章並下廷議。工部尙書薩穆哈欲令賠修決口。

上不允。且曰：維雅所條奏，朕初以爲可取。及覽靳輔回奏，知所陳一無可行。因召公入覲，公下方言維雅所言之謬。上題之。特旨免賠修，仍發帑堵築。二十二年四月，疏報蕭家渡丁成，河歸故道。上嘉悅。優詔批答，還公職。二十三年，車駕南巡，閱河。天顏甚喜。御書閱河詩賜之。弁賜公佳哈御舟。上用帷幙異數也。明年疏請添建黃河南岸毛城埔減水閘一，王家山減水閘三，北岸大谷山減水閘二，以保徐州上流隄上。並於歸仁隄添建石壩二，欄馬河及清河運口各添建石閘一。又請添築考成儀封陽武三縣河隄七千八百丈有奇。封邱縣荆隆口

月隄三百三十丈。滎澤縣埽工二百一十丈。以坊土流異漲。又請增設蘭陽儀封滎澤河員免開歸二府民採辦青柳均從之。聖祖垂念高寶諸州縣湖水泛溢爲災。命安徽按察使于成龍經理海口及下河事宜。仍聽公節制。公疏言下河低於海潮五尺。疏海口則引潮內侵。大不便。請自高郵城東車邏鎮築長隄二。歷興化白駒場至海口。東所洩之水入海。隄內澗出田畝。丈量還民。其餘田招民屯墾。以抵經費。廷議如所奏。召公及于公入都。于公力主開濬海口故道。公持議築長隄高丈五尺。卓水敵海潮。大學士九卿俱從公議。通政司參議成其範給事

中王又旦御史錢珏從于公議侍讀喬萊寶應人也極言公議非是乃命尙書薩穆哈等往勘尋以開海口無益奏會湯公斌入爲尙書奏下河宜疏濬

上命孫侍郎在豐往董其事公議遂寢二十六年詔諭下河田疇何策可紓水患公疏言杜患於流不若杜患於源高家堰隄外正東爲下河東北爲清口當自翟家壩起歷唐堽古溝周橋閘高良澗高家堰築重隄一道長一萬六千丈需費七十九萬兩有奇此工一成束堰隄減下之水使北出清口則淇澤湖水不復東滄下河其下河十餘萬頃之地可變成沃產而高寶諸湖俱可涸出田畝數千頃招人屯墾可裕河庫且高堰原爲

最險之工增。此則永資保固。洪澤湖廣濶非常。舟行遭風多覆。溺行此隄內之河。避險就夷。有便於商民者甚大。先是公過邯鄲。見題壁詩。異之。蹤跡其人。則布衣陳潢也。潢字天裔。秀水人。饒學識。公禮之。入幕。深資贊助。

上聞工時。嘗從容問曰。爾必有通今博古之人爲之佐。公遂以潢對。至是言此議。若行。非陳潢協力。區畫不可。疏下。廷議如所請。并一賜陳潢僉事道銜。當是時。于公成龍巡撫直隸。上以公疏示詢。成龍言。下河宜開。重隄不宜築。詔遣尙書佛倫侍郎熊一瀟與總督董納漕督慕天顏會勘。慕公及孫侍郎議與公左。佛公等以應從公議。還奏。仍下九卿議。二十七

年御史郭琇疏劾公弁及潢給事中劉楷御史陸祖修繼之天
 顏在豐亦疏論屯田累民及公阻撓下河開濬事詔俟于成
 龍至會議嚴察公尋得請入覲先疏論成龍天顏在豐朋謀傾
 陷狀又自薊受命治河之日正當兩河極敝之時自碭山抵海
 日兩岸決日七十八處高家堰決口三十四處翟家壩成河四
 道清水潭久潰下河七州縣一望汪洋清日運河變為陸地臣
 書夜奔馳盡復其故又剗開旱河俾槽船無阻久在聖鑒之
 中至濬築經費初蒙特遣部臣勘估計需六百萬兩臣苦心
 節省自徐州起直抵海口兩岸隄工弁高家堰清水潭及前所
 未估之阜河監堵塞楊家莊修築歸仁隄改移運口止用帑二

百五十一萬不及部臣估計之半而諸臣詆爲糜帑營私奪田屯墾必欲陷臣殺臣而後已倘蒙聖駕再巡親閱隄工更命重臣清丈隱佔地畝則是非功罪可以立明上覽疏謂閣臣曰近因靳輔被劾議論其過者甚多輔若不陳辯朕前復何所控告耶其並下九卿察議三月上御乾清門命公與于成龍郭琇各陳所見成龍言海口必應開濬琇言屯田奪民產業上因屯田之事因取民餘田致民嗟怨靳輔當無可置辯公奏河旁田畝向被水淹臣任事後將決口堵塞其田盡皆涸出臣將原納租稅之民田給與本主其餘丈出之田作爲屯田抵補

河工錢糧因屬吏奉行不善致招民怨臣無可辯乞賜處分
上曰各省民田未有不溢於額者以餘田作市誠擾民無庸
復議至下河作何開濬重隄應否停築其令九卿公同詳酌尋
允九卿議停築重隄奪公職並奪陳漬職銜初漕艘出清口入
黃河行二百里始抵張莊運口公奏開中河一道俾漕艘既出
清日截流徑渡北岸避黃河百八十里之險由仲家莊開內進
中河歷阜河泃河北上及工竣學士開音布等往勘稱善
上諭廷臣曰前于成龍奏靳輔開中河無益反爲民累今開音
布等則云河漕兩利謂靳輔治河無功微獨輔不服朕亦不恆
於心矣乃命尙書張公王書等確勘還奏應如輔所定章程無

庸改二十八年

上再南巡公迎駕淮安。顧問河工善後事宜甚悉。特詔

復公官以原品致仕。有實心任事之褒。公家居三載

上念公不忘。凡三命閩河一賜。召對三十一年

上論閣臣曰。朕聽政以來。以三藩及河務漕運為三大事。夙夜

塵念。曾書之宮中柱上。至今尚存。河務倘不得人。漕運亦必貽

誤。聞繫匪輔。其令靳輔仍為河道總督。公以老病辭。不許。會陝

西西鳳二郡災。有旨截南漕二十萬石。沂河而上。貶蒲州以

賑秦民。仍命公董其役。公不敢復辭。力疾就道。再賜佳哈

御舟。以旌異之。公至。即經畫西運。自清河至榮澤。達三門砥柱。

國朝名臣

三

安流無恙事竣以病狀聞。

詔公長子治豫馳驛省視公抵淮

疏陳兩河善後策及河工守成事宜幾及萬言又請豁開河築

隄諸廢田之糧並清淤出成熟地畝之賦均從之再疏乞解任

命內大臣明珠往視十一月薨於位年六十遺疏至

上臨軒太息視歸特命入都城治喪漢大臣前此所未有也

尋命大臣侍衛奠茶酒命禮部議賜祭葬命內閣議易

名賜諡文襄公所著有河書十二卷奏疏若干卷嘗論古

今治河成敗之效略曰經生家論河莫不侈賈讓三策其實不

然讓上策欲徙冀州之民自宋時河徙已非漢之故道中策多

張水門旱則開東方下水門以漑冀州水則開西方高門以分

河。流。不。知。黃。河。所。經。卑。卽。淤。高。數。年。之。後。水。從。何。放。且。禹。貢。言。九。澤。旣。陂。所。謂。陂。卽。今。之。隄。也。蓋。水。流。甚。平。而。地。勢。有。高。下。使。非。約。之。以。隄。水。經。由。卑。地。能。不。漫。潰。乎。讓。以。繕。完。故。隄。增。卑。培。薄。爲。下。策。是。故。與。禹。貢。相。反。矣。故。公。治。河。盡。矯。讓。言。專。主。築。隄。束。水。績。用。告。成。其。詳。具。載。治。河。書。實。于。古。河。防。龜。鑑。也。公。性。孝。友。九。歲。喪。母。執。禮。如。成。人。居。家。整。肅。言。笑。不。苟。而。其。精。力。獨。瘁。於。河。工。中。河。之。役。尤。國。家。百。世。之。利。論。者。謂。功。不。在。宋。禮。開。會。通。陳。瑄。鑿。清。江。浦。下。云。三。十。五。年。河。督。董。國。安。以。江。南。士。民。籲。建。專。祠。入。告。允。之。四。十。六。年。

上三巡江南還。論獎公功績且云。勦輔經理之法。雖後任河。

臣互有損益而規模措置不能易也。至開創中河有功，運道民生尤大。且遂朕每蒞河干，徧加諮訪，沿淮居民皆感頌治績。久而不衰，其加贈太子太保、子騎都尉世職，用彰朝廷追念勲臣之典，爲矢忠宣力者勸。雍正三年

世宗以治豫向隨父任，明晰河務，由副參領加工部侍郎協理江南河務五年。

上覽治河方略，嘉公勞績，追贈工部尙書，予祭一次。七年，詔江撫尹繼善擇地建祠，祀公及齊蘇勒公有司。春秋致祭。八年，詔建賢良祠京師，以公入祀。

伊文端公事畧

公諱伊桑阿。姓伊爾根覺羅氏。滿洲正黃旗人。順治九年進士。授禮部主事。康熙三年遷員外郎。尋出刑部郎中。遷內閣侍讀。學士。擢內閣學士。充經筵講官。十四年擢禮部右侍郎。調戶部。十五年冬。命同工部尙書龔如錫。往視淮揚等處河工。十六年擢工部尙書。調戶部。時逆藩吳三桂踞湖南。廷議製鳥船。沙船。由岳州入洞庭。橫亘湖中。以斷賊糧道。因敕公赴江南督造。明年復偕刑部侍郎禪塔海。赴茶陵。督造戰艦。二十一年黃河決。敕公往勘。兼籌海運事宜。公疏言黃河運道。非獨輸挽天庾。卽商賈百貨。賴以運達。國家在所必治。若海運先需。造

船所費不貲。且膠萊諸河久於塞開通，匪易似屬難行。

上是其言。是年冬，俄羅斯犯邊，公奉命往甯古塔督修戰艦。

明年調吏部尙書。二十三年四月旱，命同大學士王熙等清

理刑部繫囚。九月扈蹕南巡，奏諭閱視海口。公疏言車路

患場諸河及白駒草堰丁溪諸口宜救河臣靳輔詳閱地勢

挑濬深濶，引流入海。

上以靳輔督理黃河隄岸勢難兼顧海口，命按察使子成龍

分董其事。二十四年調兵部尙書，明年轉禮部。二十七年拜文

華殿大學士兼吏部尙書，充三朝國史總裁兼管兵部。三十

五年以臺站馬匹斃，部臣不預嚴飭又不劾奏，部議公應奪

職得 旨降三級畱任明年

聖祖親征噶爾丹 命公徃甯夏安設驛站事平充平定朔漠

方略總裁官三十七年以老乞休

上諭大學士阿蘭泰曰伊桑阿厚重老成宣力年久爾二人自
任閣務以來凡事推誠布公不惟朕知之天下無不知之者伊
桑阿雖以年老求罷朕不忍令去也四十年復以疾請告得
旨卿品行端凝才識敏練勤勞歲久倚臬正殷令以老病乞休
情詞懇切可原官致仕仍加意調攝以副朕篤念老成至意四
十二年七月薨年六十有六遺疏上 優旨下所司議卹 賜
祭葬如典禮諡文端公在政府十五年鎮靜和平實心任職尤

留心刑獄每侍直句本

上有所問輒能舉其詞不待按冊而得同列服其精詳

上嘗御批本房公與大學士王公熙吳公璣及學士韓公菼

以春本請 旨

上夫人命至重今當句決命在須臾尤不可不詳慎爾等於各
讞詞即經閱過苟有所見皆當盡言公乃舉可於疑者十餘人
以對遂皆得緩死每岳問奏對悉稱 旨

上徐曰此等所犯皆當死朕猶於當死之中曲求其可生之路
不忍輕斃一人因念淮揚百姓頻被水災死亡不知凡幾何罪
何辜罹此慘酷朕恚然傷之河患不除夙興夜寐不能暫釋於

懷也。公隨陳災民困苦狀。

上曰：百姓既被水災，存者必至流離轉徙，田多不耕，賦安從出？今當預免明年田賦，俾災黎於水退時思歸故鄉，粗安生業。上又曰：天下黎元皆朕赤子，其中朕最慨念者有三等人：一、讀書寒士，一、飢寒窮民，一、無知犯法之人。於是公等稽首奏曰：聖心與天地同德，卽今斷獄之時，念淮揚百萬生靈之苦，而預籌蠲恤，又普念天下士民之不得其所者，仰見仁心惻愷，無所不用其極也。既出，卽擬旨預免。淮推由租聞者，莫不感頌。此雖一端，可想見明良一德之盛矣。乾隆十二年，詔以公及大學士馬齊並入祀賢良祠。

公大德也。有德必有土。此言德與土之相資也。德者本也。財者末也。外本而內末。自不可及也。故君子必先慎乎德。德薄而土不附。德盛而土自歸。此言德之足以資財也。德者本也。財者末也。外本而內末。自不可及也。故君子必先慎乎德。德薄而土不附。德盛而土自歸。此言德之足以資財也。

此言德之足以資財也。德者本也。財者末也。外本而內末。自不可及也。故君子必先慎乎德。德薄而土不附。德盛而土自歸。此言德之足以資財也。德者本也。財者末也。外本而內末。自不可及也。故君子必先慎乎德。德薄而土不附。德盛而土自歸。此言德之足以資財也。

宋文恪公事略

宋公德宜字右之江蘇長洲人父學朱明進士官御史公登順
治十三年進士進庶吉士授編修選司業侍讀祭酒晉侍登學
士充日講起居注官康熙十年擢內閣學士充經筵講官尋擢
戶部右侍郎龍江閔大使李九宮解銅赴京圖給門票以銀四
十兩賞夜餽夜公私宅公劾之
聖祖嘉公舉首餽遣不負簡任議九宮罪擬其職未幾調公吏
部十五年充會試副考官十六年擢左都御史疏言逆賊吳三
桂勢窮計蹙已如斧底游魂而尚敢逆我師行者所恃不過鎗
礮而已夫鎗礮專藉硝磺而磺乃河南山西所產必奸民圖利

私販賊營請嚴敕督撫提鎮於附近賊境之隘口間道遺將
弁巡緝奸販庶窮寇之接濟可杜得古下兵刑二部詳議飭
禁又言捐例係萬不得已而開然開例三載所入止二百萬有
奇而捐納最多者莫如知縣至五百餘人始因缺多易得踴躍
爭趨今見非數年不得選授亦觀望徘徊請敕部限期停止
以示慎重名器之意又言從前海禁甚嚴特慮內地奸民勾引
島寇貽誤邊疆耳近者天威遐布薄海蕩平宜及此時撫卹
流移合沿海商民願採捕及通販海島者許造船官給印票照
舊例輸稅其人口貨物往來出入咸稽核之則弛禁仍可防奸
裕民生兼資軍計矣疏並下所司議行又言各路統兵大將軍

王貝勒以下多玩寇殃民。越省購買婦女或擾奪民間財物。稍不如意卽指爲叛逆。請嚴飭禁絕。從之。又疏言遐方未靖。宵旰憂勤。天顏視昔。減神理之間。蘊結未舒。尤宜珍惜。保護。昔唐太宗銳意勤學。其臣劉洎諫以多記損心。宋儒程頤亦曰。帝王之學。與儒生異。伏願皇上於細繹羣書時。略方名象數之繁。祛月露風雲之豔。擇其有闕政治裨益身心者。乃講習而討論之。稍節耳目之勞。用保中和之德。

上嘉納焉。時山東提督柯永綦縱兵鼓譟。刃傷知縣吳闡。改復隱匿不報。公疏劾之。詔罷永綦。任公尋擢刑部尙書。調兵部。

十八年典會試。先是詔舉博學鴻儒。公薦主事汪琬。生員陳維崧。及廷試。並列一等。琬。維崧。授編修。檢討有差。會廷准江西接察使議。論未決。公以異議爲憲臣所劾。當奪級。詔免其處分。當是時。大兵方攻滇黔秦蜀之餉。彼此互推。侍郎趙璟等言。四川過於苦累。公奏陝西四川互相推諉。皆由總督分設之故。若併川陝總督爲一人。則痛癢相關。隨地可以調撥。上從之。會靖逆將軍張勇以甘肅邊防緊要。請緩裁所添兵額。部議如所請。公別爲一議。言前因河東賊亂。添設馬步戰兵。原議事平。裁汰者。應卽裁汰。其將軍麾下前以步兵二千。改爲馬兵。宜仍復馬六步四舊制。惟因防邊添設之兵。可無庸議裁。

上遣尙書哲爾肯。往會將軍督撫提督閱核酌留河州甯夏所
添防兵。餘仍復原定經制。如公議。二十一年調吏部尙書。二十
三年拜文華殿大學士。充政治訓典一統志總裁。先是重修
太祖實錄。公亦爲總裁官。及告成。加太子太傅。二十六年六月
薨於位。年六十有二。優詔悼卹。遣官護送。由驛歸櫬。禮臣議
卹典。翰林院撰代言之文。以祭以葬。內閣以易名請得。旨諭
文恪公。河目海日。風度端凝。學殖尤淵。博訥於言。然每議國家
大事。必侃侃獨據。所見常邀特允。大軍之平黔滇。蜀粵也。所
俘獲婦女。無數皆隸旗下。驅之北行。公疏言。婦女何辜。宜聽收
贖。一時得贖者約數千人。如脫湯火。民尤德之。性孝友。年十七

以文學朱巡按山東死事狀伏闕上書明莊烈帝允加贈卹兄
德宸字御之弟德宏字疇三早著文譽時有三宋之目于駿業
由副貢授待詔官至兵部侍郎大業官至內閣學士

國朝先正事畧卷之六 名臣

平江李元度次青纂

王文簡公事畧 兄士祿 士祐

國家文治軼前古。於雅揚風。鉅公接踵出。而一代正宗必以新城王公稱首。公以詩鳴海內五十餘年。士大夫議與不識皆尊之為泰山北斗。當開國時。人皆厭明代。王李之膚廓。鍾譚之纖仄。公以大雅之材起而振之。獨標神韻。籠蓋百家。其聲望足以奔走天下。雖身後詆譏者不少。然論者謂本朝有公。明宋之東坡。元之道園。明之青邱。屹然為一代大宗。未有能易之者也。公官郎中時。遭遇

國朝先正事畧卷之六 名臣

二

聖祖留意古學嘗召對閣臣從容問在廷中博學能詩文者孰爲最於是李公霽馮公溥陳公廷敬張公英交口薦公特詔公賦詩稱旨次日傳諭王士禎詩文兼優著以翰林官用遂改侍講尋轉侍讀入直南書房嘗徵其詩錄進三百篇曰御覽集國朝漢人由部曹改詞臣自公始公薨後五十餘載當乾隆之三十年高宗特旨以公績學工詩在本朝諸家中流派較正從前未邀易名之典宜示褒榮以爲稽古者勸遂賜諡曰文簡可謂不世之遭久益論定矣然公歷官諸改蹟及生平風節實與其文章足並垂天壤未可軒輊論也公之司理揚州也朝命侍郎

葉成格駐江甯。治通海寇獄羅織甚衆。公力保全良善。嚴反坐以息誣陷。揚政有欽。穢積逋二萬餘金。前任以考成故重督之。逮繫者衆。公至惻然曰。此溝中瘠耳。雖日敲朴何益。悉縱遣之。而手疏募諸當事。自監司郡守及屬邑。悉割條代輸。不足則募諸商人。諸商故以海寇獄德公傾貲。恐後又不足。則言於巡撫。其疏請豁免。於是積逋一清。在揚五年。完大案八十有三。雪高郵居烈婦向氏冤。人稱神君。公既由司理起家。復以人司寇。致政與刑官相終始。每讞獄必多方以求其生。嘗會議閔煥郭振羽賈子章獄。三人皆以救父故持金刃殺傷人。論重辟。公曰。此當論其救父與否。不當以槌刃論輕重也。遂得改緩決。在副憲

時又嘗爭楊成獄。貳戶部時復爭聊城于相元。太平王訓齊河房得亮獄。諸減等而衡陽左道蕭儒英則又爭而必致之法。徐起龍爲曹氏所誣則釋徐而罪曹。案其所與私者皆伏法。其慎於用刑多類此。公爲政能持大體以和平養士氣。清不戾俗。和而有執。故長成均則整飭教條。杜請託所獎拔如金居敬湯右曾查昇陶元瀉惠周惕輩皆時名人。又疏請定文廟祀典。舞用八佾。籩豆十二升。增從祀先儒。一時皆韙其論。及掌邦憲則繫持綱維。戒言者不得毛舉細故。會廷議裁御史員額。公力爭以謂天子耳目官。可增不可減。奏上卒從公議。在計部時。秦中方大饑。開入粟例。公預戒所司不得以一呈一稿至前。先後

七年曠然無所與其筦理錢法也。例故有樣錢公立禁革之。其
權關清江浦也。船廠有陋例言於漕師盡罷之。公與睢州湯文
正公初未識面。會徵博學鴻儒。公言於魏公。象樞曰。公以學行
聞天下。薦士不當以文藝。必如湯君者乃可應。詔人知湯公
之薦由魏公而不知自公發之也。生平自重其詩。不輕爲人作。
丙大臣明珠稱詩有大僚某手金箋。請得一詩以侑觴。公曰。曲
筆以媚權貴。君子不爲也。力辭之。公之幹濟風節若此。而世不
盡知。爲詩名所掩耳。公諱士禎。字貽上。號阮亭。別自號漁洋山
人。世爲新城右族。年十八中順治八年鄉試。祖方伯公象晉。年
九十有一猶及見之。以家藏刑太僕書白鸚鵡賦賜公十五年。

舉會試。越三年，選授揚州推官。康熙三年，總督郎公廷佐、總河朱公之錫先後疏薦，公擢禮部主事。累遷郎中、權清江關。十一年，與四川鄉試，母憂歸。旋補戶部郎中。十七年，封擢侍讀。尋遷祭酒。二十三年，晉少詹事，奉命祭告南海。明年，丁父憂。二十九年，由原官遷左副都御史，充經筵講官。晉兵部督捕侍郎。三十年，充會試副考官，調戶部侍郎。三十五年，命告祭西嶽。西鎮江瀆。三十七年，擢左都御史，復命直南書房，編御製文集。明年，遷刑部尚書。前後賜御書帶經堂、信古齋匾額各一。四十三年，坐讞獄，失出，罷官。時公年七十一矣。四十九年，上眷念在籍諸老臣，命復職。五十年五月薨於里第。年七十。

有八公八歲能詩。頻夢五色小鳥。如鳳凰飛遶左右。又屢夢人
贈古墨。嗅之有異香。人以為又字之祥。少游歷下集。諸名士有
明湖賦。秋柳詩。和者數百人。在京師。與汪若文。程周量。劉公戲
梁曰。緝葉子。吉彭。羨門。李聖一。董文驥等。以詩相倡和。在揚州
與林茂之。杜于皇。孫豹人。方爾止等。修禊紅橋。又與陳其年。邵
潛夫等。修禊如泉。甯氏之水。繪園。每公暇。輒召賓客。泛舟載酒
平山堂。吳梅村云。貽上在廣陵。畫了公事。夜接詞人。蓋實錄也。
迄官禮部。復與李湘北。陳午亭。宋牧仲。及汪程。劉梁等。為文社。
時宋荔裳。施愚山。曹顧庵。沈繹堂。皆在京師。與公兄弟酬唱。無
虛日。又嘗奉使南海。西嶽。徧將秦晉。洛蜀。問越江楚。閒所至訪。

其賢豪考其風土遇佳山水必登臨融懔蒼翠一發之於詩故其詩能盡古今之奇變蔚然爲一代風氣所歸公典順天試與韓文懿共事典辛未會試與張文貞陳文貞李文貞共事所得士爲楊文定名時陳恪勤鵬年黃侍郎叔琳惠研溪周惕等晚直南書房與張文端陳文貞共事皆極九等人表之最可想見一時之盛云公所著有帶經堂集九十二卷漁洋詩話三卷蜀道驛程記二卷皇華紀聞四卷粵行三志三卷池北偶談二十卷隴蜀餘聞二卷秦蜀驛程後記二卷古權錄八卷居易錄二十四卷浯溪考二卷感舊集香祖筆記分廿餘請北征日記各如于卷又有唐賢三昧集唐人萬首絕句唐詩十選諸書皆

行世兄士祿字子底號西樵順治十六年進士官考功員外郎
康熙癸卯典試河南坐磨勘罷官以母憂哀毀卒嘗病二十一
史尤駁乖舛三國志並列爲非謂宜廢陳氏而用謝陞季漢書
倣晉書例列魏吳爲世家去宋齊梁陳魏北齊周七書而用李
延壽南北二史其宋遼金則用柯維騏宋史新編合爲十二史
旣正史體復省繁複擬上書不果又謂坊本子貢詩傳申公詩
說皆僞書李維禎序行津逮秘書改之皆誤也所著有司勳五
種集士祐字子測號東亭康熙九年進士並能詩有古鉢集

本朝文獻通考卷之六 職官考 職官考 職官考

職官考 職官考 職官考 職官考 職官考

職官考 職官考 職官考 職官考 職官考

職官考 職官考 職官考 職官考 職官考

職官考 職官考 職官考 職官考 職官考

職官考 職官考 職官考 職官考 職官考

職官考 職官考 職官考 職官考 職官考

職官考 職官考 職官考 職官考 職官考

熊文端公事畧

公諱賜履字青岳湖北孝感人順治十五年進士選庶吉士授
檢討十七年充順天鄉試副考官康熙二年遷司業管宏文院
侍讀六年夏詔臣工極言得失時內大臣鼐拜輔政自專公
應詔上書畧言民生困苦已極私派倍於官征雜項浮於正
額一旦水旱頻仍蠲豁則吏收其賈而民受其名賑濟則官增
其肥而民重其瘠民情實天可憫矣雖然此非獨守令之過也
上之有監司又上之有督撫朝廷方責守令以廉而上官實
教之以貪方授守令以養民之職而上官實課以厲民之行故
督撫廉則監司廉守令亦不得不廉督撫貪則監司貪守令亦

不得。不貪。此又理勢之必然者也。伏乞將督撫大加甄別。以民生之苦樂爲守令之賢否。以守令之貪廉爲督撫之優劣。督撫得人。則監司自得其人。守令亦得其人矣。雖然。內臣者外臣之表也。京師者四方之倡也。本原之地在乎朝廷。而其大者則在立綱陳紀。用人行政之間。今政事極其紛更。而國體因之曰傷。職業極其惰窳。而士氣因之曰靡。學校極其廢弛。而文教因之曰衰。風俗極其奢僭。而禮制因之曰壞。宜急思所以補救之。乞皇上申飭滿漢諸臣。虛衷酌理。實心任事。化情面爲肝膽。轉推諉爲擔當。漢官勿阿附滿官。堂官勿偏任司官。宰執盡心獻納。勿以唯諾爲休容。臺諫極力糾繩。勿以鉗結爲將順。庶職業修。

舉官箴日肅。雖然猶非本計也。根本切要之地。則端在我。皇上之一身矣。蓋皇躬者。萬幾所受。裁萬化所從出也。我皇上聖明天縱。豈常情所能窺。然生長深宮。春秋方富。正宜慎選左右輔導。聖躬薰陶德性。優以保衡之任。隆以師傅之禮。又妙選天下英俊。使之陪侍法從。朝夕獻納。毋徒事講幄之虛文。毋徒應經筵之故事。毋以寒暑有輟。毋以晨夕有閒。於是考諸六經之文。監於歷代之迹。實體諸身心。以爲敷政出治之本。若夫左右近習。必端其選。綴衣虎賁。亦擇其人。佞倖不置於前。聲色不御於側。非聖之書不讀。無益之事不爲。內而深宮燕閑之間。外而大廷廣眾之際。微而起居言動之恆。凡所以維持此

身者無不備。防閑此心者無不周。周主德清明，君身強固，舉立政
敷教，知人安民，無非天德所流行。天則所昭著，由是直接二帝
三王之心法，自足措斯世於唐虞三代之盛。又何吏治之不清，
民生之不遂哉？疏入，鼂拜惡其侵已，曰：是劾我也。遂請治公妄
言罪，且請申禁言官，不得上書陳奏。

聖祖弗許，曰：彼自陳國家事，何預汝等耶？七年，遷秘書院侍讀
學士，復上言：朝政積習未除，國計隱憂可慮。年來災異頻仍，饑
荒疊見，正宵旰憂勤，徹縣減膳之日，講學勤政，在今日最爲切
要。乞時御便殿，接見羣臣，講論政治，設誠而致行之，庶可轉咎
徵爲休徵。疏入，鼂拜傳。旨詰問積習隱憂實事，以所陳無據。

妄奏沽名議降二級用

聖祖原之八年鼇拜賤

聖祖手書前事付廷臣命康親王等勘鞫鼇拜罪狀讞詞有鼇拜銜賜履劾已意圖傾害一款論如律方鼇拜初用時黜陟生殺惟其意或在

上前忿爭或呵叱部臣張威福劫眾大臣稍異同其聞立致死惟公以一詞臣論事侃侃無所避用此直聲浩氣震天下公又以。上。卽。位。後。尙。未。舉。經。筵。大。典。疏。請。慎。選。儒。臣。資。啟。沃。並。請。設。起居注官備記言訛動之職會

國朝先正事錄卷六名臣

上欲巡幸邊外。公疏言水旱頻仍。聖駕不宜輕出。詔罷前

命。並嘉其直。俾繼今以後。事有未當。其悉陳所見。朕不憚改焉。

九年四月。擢國史院學士。召入內廷。命作楷書。大書敬天法

祖。知人安民八字。以進。復承命講大學中庸。

聖祖昔昔者數四。十月。改內三院為內閣。設翰林院。以公為掌

院學士。會復設日講起居注官。以公充之。遂以明年二月。肇舉

經筵大典於保和殿。以公領講官。經筵事頌之。

聖祖以春秋兩講為期。濶疏。遂命公日進講。宏德殿。

聖祖有疑。必問公。上陳道德。下達民隱。引伸觸類。竭盡表裏。蓋

公自初應詔。上書即力言聖學為第一要務。其後屢以為言。

會

聖祖日益勤學。既開經筵，益盡心於堯舜義孔之道。監周程張朱五子之學，咨諏討論，達於政事。仁浹而義炳，其端緒自公發之。及公去後。

聖祖每諭侍學諸臣，未嘗不稱公之忠益也。十年夏，乞省母疾歸。命勿開缺。十一年，命教習庶吉士。十二年，充會試副考官。時有詔撤三藩。

聖祖舉以問之。公奏吳三桂年已老，俟其身後撤之。其勢易宜緩圖。

聖祖以語諸大臣，惟明珠、米思翰力言三桂僅一子，質於朝可

勿慮其他。又安能爲未幾三杜反。明年耿精忠反。十四年春授公武英殿大學士兼刑部尚書。公疏辭不許。既受命。參畫軍機。及諸道糧餉。並請嚴飭軍行。所過不得蹂踐禾稼。使兵不病。民不失業。十五年陝督哈占有開復疏防官一疏。內閣誤票三法司核議。既檢舉大學士索額圖。索初擬票稿。不得謂公有改寫情弊。請察議。免歸家於金陵。二十三年。

聖祖南巡。召對行在。賞賚有加。尋書經義齋三字題其居。二十七年夏。起禮部尚書。冬。丁母憂歸。先是公因進見。言西夷噶爾丹且有變。宜爲備。至二十九年。邊人告警。聖祖念公言。趣起前官。三十年。充經筵講官。典武會誠。明年春。

命往江南鞠獄冬調吏部尙書會河督靳輔請豁近河所占民田額賦詔公會督撫察勘還奏免高郵山陽等州縣額賦三千七百二十八頃有奇三十三年典會試屬九卿會推兩江總督以侍郎布彥圖等十二人列奏

上詰問保布彥圖者何人閣臣以公對

上察知尙書庫勒納與布彥圖有私特諭切責之而置公弗問三十五年春

聖祖親征噶爾丹公言內大臣費揚古可重任

聖祖命爲撫遠大將軍御史龔翔麟劾吏部選補不公謂公竊道學虛名負恩溺職疏下都察院察議以回奏含糊矛盾公與

國朝文正公集卷之六
廬勸納等並應降三級用

上命從寬畱任三十六年復典會試三十八年拜東閣大學士
知經筵如故嘗進言海內又安休養化導正在此時宜益崇學
校廣教化豫積貲戒奢汰則萬世太平之業也每人見輒陳四
方水旱官方得失推古聖人所以憂民保治之意竭慮無隱
聖祖輒改容稱善三十九年典會試四十一年復典會試明年
春以老乞休優詔許解機務畱京師食俸備顧問四十五年
疏辭食俸乞歸金陵陛辭御書壽考二字賜之召入講
論累日公因言巡幸所至官民供辦不無煩費唯
上畱意

聖祖領之。命馳驛歸官爲護送。明年

聖祖視河工幸金陵。

賜御用冠服。會纂朱子全書。詔李文

貞與公移書往復商定。公平生論學。以默識爲真修。以篤行爲

至教。由程朱之塗而上溯孔孟。其言曰。聖賢之道不外乎庸庸

乃所以爲神也。所著書有學統、學辨、學規、學餘、經義、齋諸集。四

十八年十月薨於家。年七十有五。命禮部遣官視其喪。賜

賻金千兩。祭葬如制。贈太子太保。諡文端。當公之薨也。遺疏至

京。其同姓編修熊本竄入薦語。

上察其僞。命江督取其疏草以進。果無是語。罪本如律。五十

一年。諭吏部曰。朕初立講官。原任大學士熊賜履。日以内聖

外王之道。正心修身之本。直言謹論。務得至理。而後已。且品行
清正。學問優長。身後屢加賜恤。至今猶軫於懷。可錄用其子。以
示不忘耆舊之意。其後侍郎方苞疏請。以公祀賢良祠。初格於
吏議。後卒從之。

顧文端公事畧

孫顧琮

公諱顧八代字文起姓伊爾根覺羅氏滿洲鑲黃旗人父顧納禪天聰九年隨征明大同攻小石城先登。賜號巴圖魯子騎都尉世職任參領順治初從征流賊平定陝楚江浙皆在事有功嘗以十人夜遇賊騎數萬大呼馳之眾矢齊發賊不測多寡驚潰晉輕車都尉世襲罔替公其次子也好讀書兼資文武能引十二石弓順治十六年以廕生充護軍隨征雲南凱旋授筆帖式累擢文選司郎中銓次守法賄不得康熙十四年聖祖御試旗員列第一改翰林院侍讀學士異數也會逆藩吳三桂踞湖南遺賊將掠兩廣鎮南將軍莽依圖由江西進廣東

駐韶州十六年

上命公傳諭莽依圖規復廣西并授方畧卽命畱營隨征

軍中多用其謀嘗與傅宏烈等議軍事策其必敗未幾吳世琮兵至諸將皆敗鎮南兵援之賊乃敗退公料賊且復至除夕益戒嚴世琮果以三萬人夜犯我軍公奮擊大敗之進勦雲南莽公疾公代治軍與賊再戰皆敗之世琮窮蹙自殺莽公疾愈具奏其功公以讓諸將馬承蔭再反與吳逆合軍十萬諸軍屢卻公直前突陣或挽之公怒曰諸將軍不併命戰安得勝我雖文臣當率先赴敵死諸將愧憤合擊遂大敗賊眾十八年京察公爲首輔索額圖所忌改注浮躁例降調莽公疏言公襄辦軍務

竭誠奮勉。三年中運籌決勝。動合機宜。請留軍營以副都統參贊軍務。得旨以原銜隨征。十九年廣西定莽公卒於軍。公隨平南大將軍賚塔進征。二十年師至雲南。公與勇略將軍趙良棟等定攻取策。賚公從之。遂殄滅逆孽。吳世璠雲南平。諸將多以匿財貨及婦女獲罪。公獨以廉慎免。凱旋補侍讀學士。入直上書房。二十四年擢內閣學士。充經筵講官。二十六年授禮部侍郎。二十八年擢尚書。

聖祖親征噶爾丹。公侍帷幄。平生所敷奏皆本仁義。而性沈密。雖妻子不令知。尤以守正爲權要所忌。三十二年秋坐事免。以世職隨旗行走。仍在內廷。三十七年以疾休。四十七年薨。家貧。

不能殮身後。子孫不免飢寒。雍正四年。

世宗特諭曰。原任禮部尙書顧八代。品行端方。學術醇正。當征。

動吳逆時。以學士協贊軍務。克復粵西滇南。勞績茂著。

皇考因其品學優長。足爲模範。特命爲朕兄弟之師。朕自幼。

與其朝夕講論。忠孝大義。研究經書。施誠周至。獲益良多。嗣以。

註誤罷職。仍在內廷課讀。數載。戊子冬。物故。朕親臨其喪。本欲。

陳情。

皇考之前。求加恩賜卹。值。

聖體違和。不敢瀆奏。迄今。回憶當年。誦讀情景。死然如昨。應優。

加贈卹。以展朕篤念師資至意。遂復禮部尙書。加贈大傅。予。

祭葬如典禮。諡文端。立碑墓道。

上復念其子孫貧。賞白金萬兩。八年七月。命建賢良祠京師。特諭應入祀滿洲大臣。凡五人大學士圖海都統賚塔次。則及公尙書瑪爾漢總河齊蘇勒也。公乞休後子顧儼襲輕車都尉。由參領擢任副都統。

顧琮字用方。顧儼之子也。少習兵農書算。不屑章句之學。

聖祖開算學館。公與焉。議叙得吏部員外郎。

世宗登極。稽榷財賦。開會考館。以公領職。有書吏行賄某官。某官首之於總理局務怡親王。王命公訊。吏狡抵公筭之。忌者誣公欲殺吏以滅口。王疑公亦受賂。遂奏劾公。交刑部。并訊。吏證。

公無纖毫染。公得無罪。特旨授戶部郎中遷御史出爲河南
觀風正俗使。巡視長蘆鹽政。疏言州縣於私鹽案每監斃人命
請定議處之例從之。旋授坐糧廳遷太僕卿充霸州營田觀察
使協理直隸總河。晉太常卿署直隸總督。雍正十一年授直隸
總河。明年四月奏報永定河口久淤。正議挑濬仰蒙天賜引
河二十餘里。顯著嘉祥。諭虔誠展祀以答靈貺。尋疏言直隸
向無額設囤糧多致飢饉。請併給以廣。
皇仁得旨俞允。又言直隸河道紛歧廳員應改撥就近管轄。
并於要處增河官八缺以專責成。至天津清河二道向無搶修
物料請照通定通永二道例酌工程險易預爲採辦大名道無

歲修銀亦請於清河道庫撥用。均下部議行。乾隆元年，署江蘇巡撫。條奏海塘善後事宜六則，並請增海防道一駐松泰，適中地專管下九。卿議行。十月，父憂回旗。二年，協辦吏部尚書事。七月，永定河提決。命公偕總督李衛等搶修，遂署河道總督。明年代者至，仍協同辦理。十月，授河督。五年，疏陳青縣之興濟滄州之捷地，兩減河善後事宜六則，皆議行。六年秋，以題銷永定河修築銀被譴，命回京候旨。十二月，授漕運總督。七年，疏陳漕務十則。上可其奏。尋奏獲匪徒劫盜船，並於安東山陽各增浮汛，撥兵防察。

士嘉其留心經理。十一年春署南河總督。九月回本任。十二年浙閩總督喀爾吉善劾浙撫常安貪婪各款。一命同大學士高。歲往。訛卽授公浙江巡撫。嗣又一命大學士納親往會審論如律。公坐不能安款窮究。部擬奪職。一詔畱任。尋調東河總督。十七年。疏言。運隄尙無堡房。兵夫遊巡。兩夜難以棲止。請照黃河例。每二里建堡房一。共四百所。撥司庫耗資銀興造。每年酌給歲修銀。十九年。因河南任內浮費。部議再奪職。一諭來京候旨。十二月薨。年七十。公剛正孤寡。百折不回。有顧鐵牛之稱。嘗上書力言培本根持大體。不屑承順風旨。奏開損非善政。永宜停止。洋。洋數千言。又嘗入朝天旱多風。

上有憂勤之旨。公徐曰：洪範云：蒙恆風。若今風色過厲，慮朝臣有蒙蔽君父者。上爲之動容。嘗持議欲行限田法，以均貧官與用事大臣動色爭於上前。素以不欺待人，而不虞人欺。恤下犒勞必厚，而自奉極儉。轂在京師，小車微帷，至不能僦屋以居。其爲觀風正俗使也。有密奏豫省歲荒者。世宗命山東運米十萬石賑之。總督田文鏡諱災，以謂歲熟民無需米。仍令運官帶回。公爭曰：此時民未必不需米。就使不需，然旣運以來，存之亦有備無患之義。若仍令運回，則運費不能

動官項仍取諸民。民何以堪。且王者有分土。無分民。預省官民。卽山東官民也。爲臣子者。當同心共濟。不宜自分區域。粉飾太平。以希恩寵。田滋不悅。密奏公倨傲。氣凌其上。意滅其下。上以問公公曰。觀察爲一欽差官。與督撫平交。無所爲上也。地方吏皆隸督撫。非觀察屬吏。無所爲下也。旣無上下。臣何浚滅之有。世宗笑曰。奏卿者。田文鏡也。母乃爲爭米事。忤汝乎。公於友朋風義尤篤。督東河時。前任完顏偉病劇。將出署調治。公止之曰。我與公北。履事主。卽兄弟也。公之眷屬。雖先行。然弟在。兄何憂一切湯藥事。躬爲料理。完顏公氣息纔屬。猶戀戀呼公公。公應聲。

卽至身後事皆公任之後巡漕御史伊靈阿亦病乘死歎曰有
顧公在死何憂公亦與衣物治喪如送完顏公時與朱文端徐
文定及方侍郎苞交甚篤以道義相切劘嘗言人如高安乃真
無近名之念當

聖祖崩時守官者各次其守方侍郎次於佛寺將歸語同官曰
事君猶事父在禮公等居倚廬宜再期今旬未三終歸至家止
於外不入室焉可也聞者皆變色易容公時方喪耦十一載旣
得仕納徵於李氏以國卹故踰年弗親迎或詫焉其官適罷
日吾貧未能也卽而起家爲部郎遷御史出監政詫者滋多
日吾道公事未暇也其聚以雍正三年冬十一月蓋謂三年中

不宜有空日也。問焉而不自祿，不以人之所不能者愧人也。公督漕時，與前在魏公交代。有文覺禪師者，方自都門出，騎從如雲，勢烜赫。大吏率屬郊迎，恐後。公與魏公若弗聞也。若此，雖小節亦可見二公之所守。云魏公名廷珍，字君璧，直隸景州人。以清德重於時，亦與方侍郎善。

此亦可見二公之所守云魏公名廷珍字君璧直隸景州人

以清德重於時亦與方侍郎善

此亦可見二公之所守云魏公名廷珍字君璧直隸景州人

瑪恭勤公事畧 桓僖公馮國相

公諱璠，爾漢姓，兆佳民，滿洲正白旗人。順治十一年，由繙繹舉人，授筆帖式。累遷內閣待讀、刑部員外郎。康熙十三年，陝西提督王輔臣叛，應吳三桂。

上命揚威將軍阿密達自江甯移師往討，公隨征，署驍騎參領。十四年，同副都統鄂克濟哈穆等由涇州進勦，連破賊寨，斬級數百，復甯州城。十五年夏，撫遠大將軍圖海統兵圍平涼，輔臣降，公還京。十二月，圖公請調涼州甯夏固原等鎮兵，進定興安漢中。

上命副都統烏丹赴諸鎮，經理征調事，並詢緩急機宜。甘肅提

督張勇言興安漢中山峻路險糧運維艱宜暫緩進征

上是其言令圖海駐守鳳翔秦州諸要隘分兵助湖廣大軍

命公隨征南將軍穆占規復湖南十七年授御史仍留軍營十

九年穆占征貴州二十年進征雲南公俱隨正有功是年命

巡視河東鹽務會御史許承宣羅秉倫先後劾奏前山西巡撫

圖克善勒令平陽所屬十三州縣增報鹽丁加課累狀狀下巡

撫穆爾塞同公確核復奏虛報餘丁萬有七千應豁免課銀萬

五百四十餘兩得旨允行二十五年以審理歸化成都統固

穆德罪案不實降三秩調用二十六年補理藩院司務尋遷月

部郎中擢侍講學士晉兵部士郎三十五年

上親帥大兵。由中路征噶爾丹。余公經理驛站。劄士木。過西路軍營。奏報遞送。御營以迭解軍營馬匹多斃。吏議奪職。詔從寬。畱任。三十八年。擢左都御史。尋遷兵部尙書。充經筵講官。兼議政大臣。四十三年三月。

上諭入旗都統曰。聞京城就食災民。近自河間。遠自山東。來者日衆。已於五城給食。恐尙未遍及。著入旗各分三處煮粥。派家計殷實。家人衆多之。大臣監散。凡就賑之民。病則醫。治効則棺。殮於給粥時。察明務令周徧。於是公同內大臣佟國維。明珠。阿密達等。並奉命監賑。四十六年。調吏部尙書。逾年。以老乞休。許之。五十七年冬薨。年八十有五。遺疏入。優旨。下所司議卹。

遣內大臣往奠。

賜祭墓如制。雍正八年。

世宗諭閣臣曰。原任吏部尙書瑪爾漢謹慎。小心老成。忠厚在聖祖時。宣力多年。完名引退。中外皆稱爲善人。可加贈太子太傅。賜祭一次。以示眷念耆舊之意。是年。詔建賢良祠。以大學士圖海都統賚塔尙書顧八代等與公並入祀。乾隆元年。詔九卿核議已祀賢良諸臣。應予追諡。特賜公諡曰恭勤。其後滿大臣續祀賢良者。白桓僖公馮國相。

馮公諱國相。漢軍鑲白旗人。父有功。崇德八年。從征。明中後所前屯衛。凱旋授佐領。順治元年。隨征山西。以紅衣礮攻克太原城。二年。隨征湖廣。擊敗僞總兵馬進忠於武昌。獲賊船十有三。

子雲騎尉世職授杭州協領晉三等輕車都尉十八年卒公襲職康熙十三年逆藩吳三桂踞湖南公隨順承郡王勒爾錦往征賊將陶繼智等犯宜昌公領隊發礮擊卻賊衆尋隨貝勒密尼敗賊於岳州十八年隨都統根特敗賊於虎渡口遂進征澧州常德屢立戰功十九年授參領擢副都統三十四年噶爾丹侵擾邊境公率兵至阿爾丹蘇台偵賊聲息明年聖祖親征駐蹕克魯魯倫河公運礮至軍前隨撫遠大將軍費揚古等由西路督兵敗賊衆於昭莫多俘獲無算晉二等輕車都尉四十一年擢都統五十七年薨賜祭塋子毅襲職由參領授副都統六十一年擢廣東提督雍正元年薨於位諭賜祭

葬如初。三年

憲皇帝以八旗公庫事務惟國相辦理時綜計明晰下部議卹
加一雲騎尉十年

上諭九卿曰原任都統瑪國相謹慎小心樸誠自矢服官辦事
從無過愆向來各旗公庫俱有虧空惟國相所管正藍旗全無
欠缺此卽其出納謹嚴操守潔清之明驗伊係朕藩邸中人知
之有素可入祀賢良祠乾隆元年 賜謚曰桓僖

李文定公事畧

康熙三十八年十月大學士合肥李公薨於位。遺疏聞。聖祖軫悼。命大臣侍衛至邸第奠茶酒。禮臣舉卹典。閣臣議諡法。翰林院撰文以祭。且最其平生立朝行己之大者著之碑。先是公寢疾。

上自塞外聞之曰胡不早奏。卽遣學士特默德執問所苦。賜

禁方上藥。諭御醫調理。日視朝畢輒問病勢。增減狀。蓋上臨御久嘗屢易執政大臣。深惟政本之地爲治化樞。恆難其選。試公者歷有年所。益信其可大任。而公入閣末期。月卽以憂去。

上特虛席以遲其來。公益慎乃位。屬海內久安。持大體不求赫赫名。惟清靜和平。化百僚紛更異同之迹。歸於無事。以仰稱聖天子休養元元。含宏廣大之意。情在位五年。善始善終。而天下猶以年未篤老。不獲竟其施爲。惜云。公諱天馥。字湘北。號容齋。先世自黃岡遷合肥。公自少穎異。七歲卽能詩。稱神童。始公家有別子。占衛籍。永城。公卽以其籍登。順治十四年。鄉薦。明年成進士。選庶吉士。在館。益閱覽四庫書。淳浚。迤演。蓋經世之學。基此矣。尋授檢討。父憂歸。服闋。補故官。康熙十一年。遷司業。晉侍講。充日講起居注官。歷講讀學士。少詹事。十六年。擢內閣學士。充經筵講官。曲武會試在

上前有所見。必直陳無隱。多見從會。爾澤愆期。特命偕大學士明珠等會同三法司。詳鞫已成諸獄。皆減等發落。二十年擢戶部左侍郎。部故利藪。有以苞苴謁者。公拒之曰。吾一日在部。爾曹無望。茲事之行也。皆動色縮手相戒。明年充會試副考官。二十三年調吏部。尤以揚清激濁爲已任。前後在戶部四年。吏部五年。而壹無所私。上自是器公深矣。二十七年擢工部尙書。當是時。上召總河靳輔。巡撫于成龍。面詢河工事宜。靳公以高家堰外宜築重堤。截水使出清口。不令歸下河。庶淮揚七州縣之田可出。若開濬下河。恐有海水倒灌之患。于公以修下河。開海口。係

遵特旨行。令高家堰築重提。停開海口。縱上流水不至。而秋霖暴漲。天長六合等處。水無所洩。海口仍應開。二人各堅執一說。

上下九卿詳議。公建議。下河海口宜開。高家堰重提宜停。

上從之。尋調刑兵二部。三十年。遷長吏部。曹司吏素不便於公。者。畏公復來。而選人稔聞公名。則喜甚。公遂吏之。尤黠者。以公選人。曹部爲一清。皆當補大學士。已逾年。一日。

上諭閣臣曰。機務重任。必不可用喜事之人。李天馥老成清慎。學行俱優。朕知其決不生事。遂拜武英殿大學士。時三十一年十月也。明年丁母憂。諭曰。李天馥入閣未久。倚毗方殷。未及

展施遠以憂去深軫朕懷遂 賜御書貞松二大字兼 賜書

一福曰儒者當學探本原行迪醕茂循序進德守已冲虛一言

一勤罔有不謹嘉諛嘉猷必以入告斯廣譽翕然爲周行之士

蓋因公之所已能而益屬其加勉也出都後一日

上曰李天馥侍朕三十餘年未嘗有失三年易過此官不必補

人三十四年 召入閣視事公感

上知之深益退然若不自勝威福歸之於朝毀譽不出於日凡

宰物應機悉以虛公處之一不以已與也

上三征朔漠還偃兵息民公尤以簡易爲主謂欲變法不如守

法欲救弊未必無弊奉行成憲不敢失尺寸此乃所以報也昔

宋李文靖公爲相，真宗問治道何先，對曰：「不用浮薄喜事之人，此最爲先。」公之深慮遠識，絕類文靖。

上之器，公亦以此公旣薨，特旨賜諡文定。按諡法，安民大慮曰定。公之不喜事，所以安民也。人咸以受大名爲當，云公惟至孝，執親喪，毀甚，杖而後起，扶母襁歸。當取道巢湖西，日省冬月水涸，及舟至水驟，涌數尺如送喪者。舟過卽落如故。旣葬，廬於墓側，手植松楸，淚血沾漬墓門。忽有白燕雙飛，掠水至，久之不去。人以其爲孝感，遂名公所居爲白燕廬。遠近歌而和之。友愛二弟，白首無閒。尤好爲德於鄉，廬墓後窮民歸之，遂成村落。高歲旱苗將槁，公爲壇墓前齋三日，禱於天，方蒲伏可大作。及秋，忽

飛蝗蔽天公禱如前未幾蝗盡去鄉民德之公在位尤留意人才詔徵博學鴻儒公舉李檢討因篤趙參政進美泰檢討松齡及吏部行取知縣爲科道詔大臣各舉所知公舉陸御史隴其邵參議嗣堯彭巡撫鵬世稱其有人倫鑒下至單門寒賤聞聲相思惟恐其不登用蓋汲汲於以人事君其心好之誠而非有強也公所活人尤衆爲學士時冬月慮囚嘗請生其死者知縣李方廣坐法當死公曰其人素有才名得緩決尋以赦免又有殺人抵罪者公獨言乃仇人先折其父足爲父報仇可赦也遂得減等兵興民多被俘贖而歸之者凡數百人在刑部有縣令負官錢數萬產盡應赦而吏持之急公至卽與寬免其子

之係累者皆釋之念囚多瘦死庀屋材多爲之所別罪之輕重以居囚有大獄下部議者皆曰應死公察其寃獨議曰不當死上竟從公議貳吏部時韓學士葵同與廷議遇事有不平者輒厲詞色公微笑曰君何至是凡事平其氣可耳僕初亦爾後漸熟漸平也韓深佩其言如在翰林名藉甚雅以文章爲已任與葉文敏陳文貞王文簡諸公倡復古學刊僞體每朝罷讌集條然如林下人既登相位乃不復狎主齋盟而望其風神局度皆書卷之氣所積也著有容齋集年六十有五子孚青字丹壑康熙己未進士官編修孚蒼己卯舉人

陳文貞公事畧

陳公廷敬字子端號悅巖山西澤州人順治十五年進士選庶吉士公初名敬以是科有同姓名者

世祖加廷字別之遂改今名十八年分校會試受秘書院侍講累遷司業侍講學士充日講起居注官康熙十二年典武會試尋擢詹事內閣學士充經筵講官改翰林院掌院學士教習庶吉士十七年命與學士葉芳藹同直南書房母憂歸服闋補原官二十一年充會試副考官。歷禮吏二部侍郎。管理戶部錢法。擢左都御史。二十五年遷工部尚書。明年調戶部。尋遷吏部。二十七年法司遠問湖廣巡撫張沂。沂嘗遣人齎銀赴京。詰

國朝文獻通考卷之二十三
其行黷何人初以分餽甚衆不能悉心數對既而牽引公及徐尙
書乾學高詹事士尙

上察其誣不問公以父年八十有一疏乞日養得旨覽卿奏

情詞懇切許原官解任仍管理修書總裁二十九年起左都御

史選三部尙書三十一年丁父憂服除授戶部尙書調吏部四

十二年典會試拜文淵閣大學士兼吏部尙書四十九年冬以

耳疾乞休許之五十年夏大學士丹徒張公卒安溪李公疾未

愈詔公入直視事五十一年四月薨此公歷官階級也任講

官皆

聖祖稱其啟迪朕心甚有裨益以天氣漸寒與學士張英等各

賜範皮五十張。表裏緞各一。丁母憂。

上遣學士二人慰問。賜奠茶酒。特旨照學士階。賜卹。泊

遭父喪。溫旨慰卹。如例。滇南平定。命撰朝會宴饗樂章。下

所司肄習。嘗與徐公乾學纂鑑古輯覽。諭嘉其勸戒昭然。有

裨治化。此外若三朝聖訓。政治典訓。平定三藩方略。皇輿表

一統志。明史。公皆為總裁官。故事大臣入閣。不復侍經筵。兼之

者。惟張公英及公二人耳。

聖祖南巡。召試江浙諸生。公與大學士張公志書等。三次皆

奉命閱卷。公初以賜石榴詩受知。

仁皇帝後進所著詩集。

上賜以詩上題云大學士陳廷敬作各體詩清雅醜厚非積字
累句者所能窺也爰作五言近體一律以表風度其夢也命

皇三子允祉率大臣待衛奠爵賚白金千兩治喪令各部院滿
漢大臣俱往弔御製詩挽之論稱公夙待講嵬海摧綸扉

學問淹洽文采優長恪慎清勤始終一節下所司優卹賜祭

葬如例加祭一次予諡曰文貞此公前後所承恩遇也

聖祖畱意古學嘗召對羣臣從容問在廷中誰最能詩公以

王公士禎對詔舉博學鴻儒公疏薦汪公琬之二公者一為

詩伯一為古文家而皆由公言以達天聽後十餘年

聖祖復以後進詩人垂詢公公以史給誅由義周宮詹起渭對

皆之時之傑也。公尤夙知靈壽。令陸公清苑。令邵公賢。袖疏草。將列薦會。上御宮門。亟召九卿舉廉吏。既進。升階。未盡一級。上獨目公。班定。又數日。若詔使言者。蓋是時。公方掌御史臺。以進言爲職。又嘗數薦人以故。數日。公使言。公自念。班六卿。下既未承明詔。當以次對。已而六卿有言。他守令賢者。詔未竟。上特問公。廉者果爲誰。公奏言。知縣陸隴其。邵嗣堯。皆天下清官。雖治狀不同。其廉則一也。於是兩公皆擢御史。始公嘗亟稱兩公廉。或謂曰。兩人者。廉而剛。剛者易折。且多怨。恐及公。公曰。果賢。雖雖折。且怨。庸何傷。是可謂能以人事君者矣。公在官所。

建白皆得大體。嘗疏言。貪廉者治理之大綱。奢儉者貪廉之根。祇欲教以廉。先使之儉。古者衣服輿馬器用之具。婚喪之禮。賤不得踰貴。小不得加大。今或等威未辨。侈靡相高。轉相慕效。富者黷貨無已。貧者恥其不如。因而冒利。觸禁其始。由於不儉。其究至於不廉。如水之矢。隄防而莫知所止。請嚴由定制。以挽頽風。又言。去年九月。山東巡撫題報濟甯等屬水災。部議令委官履勘。十一月。以勘定成災。分數具題。部議令分晰地畝。高下。今年四月。題覆。部議始許蠲免。德音下逮。近者已逾半年。遠者將不止一載。如此其遲迴者。所行之例。則然耳。臣愚謂既有被災。分數即可。知地畝高下。拘文牽義。何救死亡。請破例以求實。

濟又言督撫之職在察吏。吏果廉，能毋敢加派火耗，毋敢黷貨。於詞訟，毋敢朘削富民。然後能一意行上之教化，而民不罹於刑。今吏或不能誠有罪焉，然非盡吏之罪也。上官廉，則吏自不敢貪。上官貪，則吏雖欲爲廉而不可得。方今要務首在督撫得人爲督撫者，不以利欲動其心，然後能正身以董吏。吏不以曲事上官爲心，然後能加意於民。民可徐得其養，養立而後教可行。請自今督撫保薦州縣吏，必具列其無加派火耗、無黷貨、詞訟無朘削富民及月吉宣講。

上諭：實蹟俾知功令所重，在此而。

皇上之考察督撫，則以潔已教吏。吏得一心養民教民爲稱職。

庶幾大法而小廉。又言臣再領臺垣。每誡科道官。凡有建白。不許預聞於堂。官僚友以茲指使屬託之弊。如中外臣僚。果有奸貪不法。及灼知時事。因革所宜。先者則當切實指陳。否則與其生事以塞責。不若省事而擇言。蓋毛舉細故。則摘成例。易至刻薄煩碎。誠能持重養銳。言不輕發。發而必當。使不肖者有所警戒。顧忌而不敢恣意爲非。所謂省事而擇言也。公所陳切中時弊。棘棘不苟。同多此類。此前後薦拔敷奏之大端也。生平內行薦修尤好學。未嘗一日去書。少與汪公以文章切劘。與王公以詩相唱和。皆能得其深處。而面目各不相假。固翔鶴閣出入禁闈。凡五十年。值文運昌隆之日。從容戲筆。人望攸歸。燕許大手。

筆海內無異詞焉所著曰尊聞堂集午亭文編

子部內無及此等文字以爲問答者予有文辭

徐立齋相國事畧

公諱元文字公肅號立齋江蘇崑山人父開法恩貢生明季兵亂嘗救難婦數十人有隱德生四子公其叔也母顧太夫人夢神授玉尺而生公年十四補諸生順治十六年賜進士第一世祖召見乾清門達啟

皇太后曰今歲得一佳狀元

賜冠帶服物視舊典有加除翰

林院修撰嘗從幸南苑

賜乘御馬

命學士折納庫爲執鞚

館師也公遜謝乃假使侍衛又嘗晚對便殿夜分

賜饌

世祖問從者得無飢乎郎

命賜以食一日同諸詞臣入見

命撰孚齋說孚齋

士讀書處也。文成。

世祖稱善命刻行之。偶問以釋氏書公謝不習。

上亦不之強。十八年。

世廟晏駕公號慟若私喪歲以國諱日齋居蔬食。戚終其身。

康熙初元江南奏銷案起坐罣誤謫鑾儀衛經歷。閱四年事白。

復原官丁外艱與兩兄日居喪次酌古禮行之。從父官汀州推

官卒公往迎其喪靖南王耿繼茂慕公名餽金二千願一見公。

曰是貨取也卻其金卒不往見。八年補國史院修撰遷秘書院。

侍讀典試陝西明年遷祭酒充經筵講官自是每御經筵必

命公講至登政府猶然公之在成均也毅然以師道自任疏請

準順治開例令直省學臣選接文行兼優之士復鄉試副榜額

並送監肄業得旨下部著為令復請廣監生中式之額並請

永停納粟一途言其不可者有四章下所司納例自河工外得

一切停止位學四年端士習正文體條教大飭後公在酉臺

上語閣臣曰徐某為祭酒規條嚴肅滿洲子弟不率教者輒加

擢責至今猶畏之後來那得如此人其為實錄副總

上見思如此十三年進內閣學士兼禮部侍郎充

裁明年改掌院學士兼官如故尋充日講起居注官教習庶吉

士曾公弟秉義方與館選公疏辭不許惟特免秉義教習而

已先是熊文端狂講筵累稱說孔孟程朱之道及是

聖祖益欲博覽前世與亡得失之所由。詔公用歷代通鑑與四書參講。公與桐城張文端取通鑑綱目擇其事之關主德裨治理者逐一進講。博採先儒之論以己意附之。旁推交通一以仁義爲本。及歲終彙進講義。公具疏。尤以心法爲請。論其責難。陳善多此類也。尋充孝經衍義總裁。典試鄉試。是科武闈考官。改用二人直車駕。方出封音。旨雷閣中曰。朕自與一好主考。及發視。乃公也。十五年母憂歸。十八年。特召監修明史。學士充監修。非故事也。秋赴闕辭。新命不許。因請講遺書徵遺獻。薦故給事中李清。主事黃宗羲。及原任副使曹溶。主事江懋麟。布衣黃虞稷。諸生姜宸英。萬言。部議不允。特旨從之。有詔。

召清等宗義溶並以老不至而各上所著書 詔並付史館

補內閣學士吏部題禮給事中

上擬分省均用科道官公言地均矣如才不均何乃止九卿會
推江西按察使有舉張仲舉者御史唐朝彞力言仲舉在閩無
善狀科道公疏劾朝彞副都御史李仙根給事中李宗孔不願
署名遂並劾之部議當二李降級朝彞奪官

聖祖曰此處分太過公奏會推本欲公之廷論何嫌異同今科
道公疏必不許一人不列各愆啟舊持之漸流弊無窮

上曰當免處分公曰凡言免者謂名罪而竟之也臣愚謂諸臣
實無罪但降 旨云不必處分則所全多矣後之御史有言宜

遣大臣巡方者。公曰。巡方向遣御史。以有憲長彈壓也。若遣大臣。或妄作威福。誰能禁之。

上是其言。罷不遣。公感激知遇。益思自披瀝。每隨閣臣於

上前陳奏。取進止。

上每問。必具言本末。務達己意。乃止。尤留意刑獄。當秋決。抱牒具陳所宜。決宜曹者。及他所條對。甚悉。

上多從焉。十九年。超拜左都御史。入謝。賜御書。又傳。諭曰。

朕久不作書。頃試筆得蒼飛鳥躍四大字。並以賜卿。時滇南將定。諸逆黨多率眾歸附。耗餉不訾。公請。是行散遣。安插以寬民力。又請除三逆虐政。在粵東者五。曰鹽。曰渡。曰稅。曰總店。曰市。

加日魚課。在閩中者四。曰鹽稅。曰報般。曰冒擾。驛夫曰牙行渡稅。在滇南者四。曰勳莊。曰圈田。曰礦廠。曰冗兵。疏上。俱下所司議行。初。御史劉安國請察隱占田畝。州縣吏利其升敘。多捏報累民。公力陳其弊。謂名爲加糧。實耗糧。戶名爲清弊。實長弊源。請飭督撫各自檢舉。若始終擁覆者。科罪。有加部議從之。又言督撫之優劣。當以民生愉戚。戶口增耗爲斷。其小事註誤。宜寬免。至於教養有方。治效顯著。方予加銜增秩。若督催捐助。察逃墾荒。諸政績。但予紀錄如此。則賞不僭。罷不濫矣。又言藩臬貪污。督撫不問者。宜以徇庇罪之。貴部例捐納官到任三年後。稱職者。具題升轉。不稱職者。罷之。已復令捐銀者。免其具題。公言。

國家大體所關。惟賢不肖之辨而已。今吏途甚。惟所以。今三年。具題者。欲使賢者勸。不肖者懼。若輸銀可免。具題是金多。與稱職同科也。臣謂稱職非可捐納而得。此曹以見任之官。營輸人之計。何所不至。所宜急停止者也。歲貢本屬正途。自開捐納。生員之例。遂得並捐。歲貢。言濫正途。臣謂正途非可捐納而得。其由捐納。歲貢得官者。仍須保舉。方可一體升轉。所宜急更正者也。總之。捐納係一時權宜。願於收復滇南之口。卽賜明詔。概止不行。則聖政一新。而人心可大快矣。公自爲祭酒時。屢言捐納非便。至是益切云。雲南平告。廟肆赦。羣臣稱頌功德。公獨言。聖人作易於泰豐。旣濟。諸卦。垂戒尤切。願

於景運方新之會。倍切堯咨舜徽之心。兼論大小臣工。聚此治定功成。相與洗心滌慮。毗贊大業。如政體宜講。也不妨詳考舊章。國用急節也。不宜過加綜核。行一事必謀久遠。勿狃目前之淺圖。爲百姓必留餘務。培國家之元氣。之於振紀綱。以崇大體。核名實。以課吏才。崇清議。以定國是。厲廉恥。以正人心。端教化。以固治本。抑營競。以儆官邪。敦節儉。以厚風俗。正名分。以絕奸萌。並當今急務。望存震動恪恭之意。力去因循苟且之習。天下幸甚。疏將上。有以太直爲言者。不顧也。二十一年。天子有事春蒐。鹵簿已集闕下。公率御史三十人進諫。上溫言論。公方春省耕。不出旬日。回非遊畋也。明年大計八

令藩臬得面陳章奏

吞訪以觀其才

上題公言至日。御乾清門科道官侍班通政司引藩臬官以

次面奏著爲令。明年詔藩臬勿舉卓異。自公掌計典門不通

謁語人曰。當考察貴直。省大吏皆長跪堂下。自陳履歷。其嚴重

如此。使少有所私。不內愧耶。舊例八旗漢軍文職官任漢缺者

丁憂任旗缺者不得丁憂。又滿洲任督撫藩臬者守制而京朝

官三戶後卽出供職。公謂官一體丁憂。以宗孝節且言外官聞

赴者宜卽日奔喪。毋得治事。候代並申士庶居喪釋服從吉之

禁。皆報可。先後疏劾閩督姚啟聖。巡鹽御史堪泰。杭州副都統

高國相御史蕭鳴鳳姚上疏引罪高交部察審兩御史俱罷斥
是年冬湖北按察使缺廷推副使王埏胡悉甯皆山東人
士疑之問舉者爲誰或以公對公不與辨遂降三秩用明年春
詔留公專領史局故事監修官不與編纂公以書久未成手自
排纂既而纂修一統志
上曰此事須徐家兄弟爲之於是公又爲副總裁其年秋公子
樹聲及兒子樹屏同舉順天鄉試九卿磨勘當黜並請下法司
質訊詔除二人名餘弗問二十五年考選科道掌中書科者
以舍人王緝植咨送吏部緝植公外兄女婿也言者誤以爲公
壻劾公實陰主之部議奪職
詔鑄四秩留史局如故二十七

年二月公兄乾學自總憲遷大司寇

上難其代久之不補七月復還公故官兄弟相代爲亞相海內

榮之入臺一月四上疏請禁科道官勿交關督撫並結納諸外

吏仍設建言牌俾輪班奏事又請停臺灣官販嚴海防又言知

府缺多吏部延不補又劾巡鹽御史陶式玉貪黷狀事多施行

而式玉竟抵罪前御史李時謙表充美以伉直罷官公論薦之

時謙得復用十二月遷刑部尙書甫旬日調戶部故事銷算錢

穀悉假手胥吏事關外省索賄動千萬公銳竟釐剔旬稽出納

吏歛手奉法時江南福建藩司庫缺銀四五十萬公請 敕督

撫歲一盤查禁有司毋得私派部費旋奉 詔清理刑獄言減

死諸因發黑龍江者多不得存活宜復舊例發內地從之二十
八年拜文華殿大學士辭不允命掌翰林院事充政治訓典
方畧一統志總裁明年春李時謙條奏失旨公自引咎降二
級留任時謙得不坐尋充國史總裁官公與兄健庵俱好士延
攬獎借如不及累散千金赴人之急然健庵性豪放食客滿門
下頗招權利致彈劾而公介然謹禮法門庭闐如有沈生者中
表兄弟也一日從容言某總兵得罪出重寶求減死公能一援
手乎公變色曰是何言速去毋污我遂搯沈生公既以廷議數
與滿大臣忤而郭僉都瑋之劾明珠也健庵實陰夙之明珠旣
罷相其黨徧布中外欲殺公兄弟以洩憤於是江督傅臘塔劾

公子姪交結巡撫洪之傑招搖競利。公具疏力辨求去。

上許原官致仕。即日辭朝舟過臨清。閩吏大索雖醬瓿之屬皆發。視僅得圖書數千卷。光祿饌金三百而已。皆嘖嘖歎清官不置。公自領史局。積勞氣逆。上及歸家。復發。三十年七月薨於里第。年五十有八。公少受知世祖。卽以天下自任。及遭

聖祖委任之重。誓竭忠不爲利害禍福毫髮計。兩總內臺凡事涉入。旗同僚多咋舌。公持之甚力。時方重窩逃之律。將軍馬哈達請令奴亡者得自刎。攝勿闕有司。公不可。曰是量擾民也。滿大臣曰當令將軍會同督撫行之。公曰如此則仍將軍爲政。當

令督撫會同將軍。

上以公言爲是。京師奸人多掠平民賣旗下。故逃者日衆。公請由地方正印官驗問。給印契爲憑。否者坐之。人於家人以投水自經報部者。歲至于人。公請凡驗有傷痕及一家中前後死三人者。酌予處分。後之。府部寺院筆帖式。近三千人。求開例捐納。與州縣公不可滿。大臣好言勸公。公曰。諸公旣不謂然。某當別爲一議。不以相累也。卒從公議。而罷其以京察大計罷者。謀人貲復官。公亦持不可。旣罷議。侍郎項景襄留揖公曰。徵公正途無入仕望矣。晚年官逾貴。常戚戚。如有憂者。嘗言。吾在樞密未得稍展布。反不能發舒。如戶部時。每聞進一正人。或行一善政。

則喜刑於色內。行修潔。苞苴之使不及門。御家人嚴整。退食之暇。匡坐讀書而已。待兄弟極友愛。然恆以道義相規切。著含經堂集若干卷。明史稿未成。嘗疏請準宋史益衛二王例。以福唐梈三王事蹟載附傳。其明末諸臣盡忠所事者。直書無隱。詔曰。可。乾隆初。明史告成。頗用其例云。

葉文敏公事略

沈文恪公荃
高文恪公士奇

吳文恪公士玉

葉公方藹字子吉號訥菴江蘇崑山人父重華明進士官太常少卿有才望公胚胎前光厲學行舉順治十六年一甲三各進士授編修康熙十二年充日講起居注官屢被顧問應對敷陳忠樸無飾語嘗賜宴瀛臺從官皆進詩賦公獨撰八箴以獻

聖祖善之

命撰太極圖說稱

旨

賜貂裘文綺遷左庶子

侍讀學士十七年晉掌院學士兼禮部侍郎入直南書房充鑑古輯覽皇輿表總裁會召試博學鴻儒命與馮杜李三相國同閱試卷所拔皆名宿人服其公明年充會試副考官教

習庶吉士總裁明史。又明年尚書講義成。公奏請頒發。得旨

尚書紀載帝王道法。閔切治理。講幄諸臣。疏解明晰。深於典學

有裨。其即刊行。並予優敘。遂加公禮部尚書銜。十月

上親講易噬嗑卦辭。公與同官進所撰乾坤二卦總論

上覽畢曰。卦爻義各不同。即如噬嗑一卦。中四爻。主用刑者言。

初上二爻。主受刑者言。必得總論發揮。庶全卦之義可了。諸卦

可照此撰進。又嘗通鑑講義。

上問諸葛亮何如。伊尹公對曰。伊尹聖人。諸葛亮大賢。大約伊

尹可比孔子。諸葛亮可比顏淵。

上首肯。一日講中庸。

上問知行孰重。公對曰。宋臣朱熹之說。以次序言。則知先而行。後以功夫言。則知輕而行重。

上曰。畢竟行重。若不能行。則知亦空。知也。尋遷禮部右侍郎。二

十一年卒。優詔議卹。特遣侍郎庫勣納侍衛常保往。賜

奠。知公貧不能殮。賜金營其喪。尋議加祭一次。特諡文敏。

公釋褐後。卽以文章受知。

世祖其授學士紀。恩詩有云。敦道齊賢。留異日。屢稱蘇軾是

奇才。記是事也。後蒙

聖祖召入內廷。矢音質和。歌詠昇平。詩格亦進而益上。所者曰。讀書齊偶存稿。同時有三文恪曰。華亭沈公。吳縣吳公。錢塘高

公皆以儒臣被恩眷與公埒

沈公名荃字貞蕤一字釋堂順治壬辰一甲三名進士授編修出爲大梁道以憂去服闋補通薊道左遷甯波同知未行特旨召見復四品冠服仍入翰林補侍讀康熙十二年典試浙江充日講官知起居注遷祭酒再遷詹事直南書房晉禮部石侍郎二十二年卒於官賜祭墓如典禮予謚恪著有充齋集公學行醇潔好獎進士類書法尤有名

聖祖嘗詔入內殿

賜坐論古今書法

御製碑版及殿廷

屏障輒

命公書之每侍

聖祖書下筆卽指其弊兼祈其由

上深嘉其忠益。其後公子宗敬以編修入直。

上命倂大小行楷。猶憶及前事。使內侍傳諭安溪李公曰。朕初學書。宗敬之父荃實侍。屢指陳得失。至今每作書。未嘗不思荃之勤也。其身後見思若此。然公之風節不蕩。以能書重也。公巡大梁時。劇賊董天祿等。聚眾千餘。剽掠許潁。闕公督兵殲其魁。餘悉解散。禹州盜以竹園爲窟穴。公收捕按誅之。學宮圯。捐俸鼎新。并修復聖賢祠墓。頻年河夫柳束及軍需。供億過繁。民困甚。公爲申請禹鄭十二州縣。得減三之一。去之日。士民爲建碑立祠。順治十八年旱。詔求直言。時新例罪當流者。皆徒烏喇極北。公謂烏喇距家古三四千里。地不毛。極寒。人畜凍輒死。

罪不應死者不應驅之死地乃獨爲疏上之有

持前議益堅且此議行三日不雨者臣願伏欺罔罪

聖容納之越二日大雨盈尺例竟罷

吳公士玉字荆山吳縣人爲諸生卽以文名天下康熙丙辰進

士選庶吉士授編修充宋金元明四朝詩集纂修再擢侍講督

順天學政

上巡幸畿甸公扈駕至玻璃口召試律詩十二韻獎賚有

加雍正癸卯遷內閣學士經筵講官入直南書房甲辰典試江

西稱得士由侍郎左都御史累遷禮部尚書癸丑二月薨於位

優詔賜卹諭祭墓予謚法公學無涯淡闊通儒雅好扶植

人倫與徐健庵韓慕廬均以宏獎爲已在方百川望溪賞贊以文公與慕廬擊節不去口由是二方之名震天下詩宗韓蘇所著有映劍集

高公士奇字澹人號江村世居錢塘以國學生就試京闈不利賈文自給新歲爲作春帖子自爲旬書之偶爲

聖祖所見立召對旬日中三試皆第一遂命供奉內廷授詹事府錄事遷中書賜居西安門內康熙十七年賜敕曰爾侍直有年凡密論及講章請文等類纂輯書寫甚多特賜表裏十疋白金五百兩以旌其勞十九年特擢翰林院侍講二十二年充日講起居任官等遷右庶子晉侍講學士少詹事公

國朝夕... 卷六
以布衣膺殊遇。屬車豹尾。開唐如不可勝數。再奏一篇。上未嘗不稱善。公素敬慎。口不言温室樹。徒以不由科目驟躋華要。朝士多仄目。二十六年。以蜚語疏乞骸骨。許原官解任。仍充一統志副總裁。二十八年。從

上南巡至杭州。駕幸公所居之西溪山莊。賜御書竹窗額。九月。都御史郭琇疏劾之。命休養回籍。三十三年。詔閣臣舉長於文學者。大學士王文靖、張文貞薦公。及徐公乾學、王公鶴緒並召來京。修書。仍直南書房。二十六年。以養母乞歸。特濯詹事。允其請。四十一年。受禮部侍郎。以母老未赴。四十二年。大駕復吉巡。公迎謁淮安。及回。變道扈至京。憂。卒。以


歸是年六月卒。詔給全葬。子輿時爲庶吉士。特旨授編修。越三年。特旨照侍郎沈荃勵杜訥例。賜諡文恪。所著有經進文稿天祿識餘讀書筆記扈從日錄隨輦集城北苑西等集。春秋地名考畧左國輯註諸書。


[Faded vertical text, possibly bleed-through from the reverse side]

[Faded vertical text, possibly bleed-through from the reverse side]

[Faded vertical text, possibly bleed-through from the reverse side]

[Faded vertical text, possibly bleed-through from the reverse side]





DB
734
L39
v.5

國朝先正事略卷之七 名臣

平江李元度次青纂

吳文端公事略

吳公諱瑄字伯美山西沁州人也順治十六年進士知河南穰山縣邑遭明季流寇殘破公招徠戶口墾田歲日益以方略捕獲盜魁戴騰于杖殺之大軍征雲南邑當孔道與馬糧餉先事嚴辦而民不煩康熙十三年以卓異入爲吏部主事歷遷郎中十六年遷鴻臚少卿尋轉光祿少卿通政司右參議魏敏果公象樞亟稱其賢二十年特擢右通政二十一年任太僕卿越三月擢左副都御史請復 敕督撫巡方疏曰令甲督撫于

命下之曰。卽杜門謝客。泣任守令不得奏謁上官。凡有舉劾。不
過據道府揭報及胥吏訪聞。愛憎毀譽真偽相亂。督撫無由知
章。火耗而火耗愈甚。禁私派而私派愈增。請 敕直省督撫親
慮各屬。以知守令賢否。或謂巡方恐勞擾百姓。夫督撫賢則必
能禁送迎。卻供應。如其才肖。雖端坐會城。而暮夜之饋踵至。次
豈獨巡行足以勞民哉。又疏曰。巡撫及巡守道無一旅之衛。而
提鎮各建高牙。前日撫臣如馬雄鎮。道臣如啟泰。雖懷忠秉義。
空拳莫施。向使各有兵馬。奚至束手。宜及此時復舊制。使巡撫
巡守道仍各管兵馬。減提督增總兵。分一鎮爲數鎮。以聽督撫
節制。則無尾大不掉之患矣。二十八年。除兵部右侍郎尋 命

巡撫湖北。湖北自戡兵之變，黠猾率指仇人爲賊黨，株連不已。公概不究，訛懲其妄，訐者人心大定。淬勵所屬郡縣，俾爲良吏。恬終則糾繩無少貸。陝西飢，流民入湖北，令有司分賑，全活數萬人。三十一年。

上念陝西西安兩水不調，襄陽地近西安，命截留湖北漕米十萬石，賦荆州備賑。旣而命以荆州兵船載運至襄陽。公與糧道王道熙議，以兵船彎泊大江，必由漢口溯流西上，方抵襄陽，計程二千餘里。今原運漕船將次撤回，莫若乘夏水，令原船順道運赴襄陽，僅七百餘里，卽以便宜行具奏。上嘉之。八月，以丙憂去任。賻一無所受，曰：非吾母志也。三十

二年

上以公有守有才。特用爲湖廣總督。三十四年。奉旨酌裁湖廣額兵。公區畫得宜。人情帖然。武岡州牧任三益。激民變。立捕其爲首者。置之法。而劾罷州牧。故事。土司見州縣吏。不敢抗禮。後大吏稍稍優遇之。漸以陵夷。公至。絕饋遺。飭謁見。長吏如故事。無敢肆者。奏增湖廣鄉試解額。上命並增各省解額。三十五年。陞左都御史。旣視事。自戒曰。昔賢有言。司風紀者。當養人廉耻。不專以彈劾爲能。吾謬掌臺端。要正正己。率屬。其可見事風生。以褻憲體乎。三十六年。典會試。是歲五月。

上下伍回鑿顧迎。駕諸臣襲左都御史吳璵及河道總督張鵬翮居官之廉翼日。又諭諸臣曰吳璵居官卽爲所參劾之人亦以清官好官稱之。百姓尤深感服。閱數日以公爲刑部尙書而以張公爲左都御史。三十七年進保和殿大學士兼刑部尙書。公熟於朝廷故事。中外章奏可否見輒洞然。其有往事可援據者雖久而不忘。奏對皆竭忱悃。

上每稱善所荐引皆廉能。庚三十九年會試。公以右臂偏枯引疾。特命爲總裁官。六月御書風度端凝。額賜之。四十一年具疏乞休。同官代奏請。

上曰吳璵爲人誠實豈可聽之去。嘗以御臨米芾千字文賜

公題其後曰吳璵寬厚和平持己清廉先任封疆軍民受其實惠朝中之事面折廷爭必得其正朕甚重之故書於後以紀其能得大臣之體四十四年薨於位公居政府室無妄媵口不言清每語任外吏者曰地有遠邇俗有良澆然愛財惜命民情則一也能體此念自爲良吏矣遺疏入

上遣重臣奠茶酒

予祭墓如典禮諡文端所司奏天學士缺

上以公喪未歸縣缺弗補

諭曰朕心殊不忍也翰林院進所

撰祭文

諭曰大學士吳璵賢行甚多敕改撰其文有曰潔已

奉公正身率屬總憲綱而丰裁卓立掌邦禁而讞獄持平慎以

居躬清能容物其知公也深矣初沁州薦飢公糶米賑之全活

其知有司議增沁糧一千三百兩公力爭改正沁人德之立祠
以禮雍正十年詔入祀賢良祠子四長時謙康熙三十三年成
進士

張文貞公事略

公諱玉書字素存江南丹徒人父九徵字湘曉順治二年舉鄉試第一九年成進士博學礪名節歷官文選郎出爲河南提學僉事以公清著兄玉裁字禮存九歲通五經康熙丁未廷對直刺部院督撫陋弊譴卷者歎曰此長沙痛哭書也遂以一甲第二人授編修有名於時弟仕可想可皆進士公以順治十八年進士選庶吉士授編修康熙十五年擢司業遷庶子充日講起居注官十九年進講乾清宮

上問理學之名始於宋否公奏道理具在人心宋儒講辨加詳耳

上曰。日用常行無非此理。自有理學名目。彼此辨論。而言行不
符者甚多。若不居講學名。而行事允合。此卽真理學也。公以講
幃奏對稱。旨加詹事銜。陞侍講學士。三十年擢內閣學士。充
經筵講官。教習庶吉士。二十二年遷禮部侍郎兼掌翰林院。二
十三年丁父憂。特遺學士王鴻緒。奠爵。服闋擢刑部尚書。二
十七年。開音布監督高郵州石工。奏請開塞支河口爲中河蓄
水。仁皇帝命公偕圖納往勘。並徧閱毛城鋪高家堰及海口情形。
詳加審度。瀕行。上謂公曰。此行是非可否。當秉公陳奏。不可效熊一瀟託故推

諉也。公叩頭領。訓先是開音布疏劾高郵州河員擅開減水三壩。請議處。比公至。卽馳奏河員開壩。乃循舊例。無罪。開音布瀆奏。應議處。八月還京。疏言奉。合勘閱河形。黃河西岸出水頗高。年來大水。未曾溢岸。則河身淤塞之說。非也。海口岸寬二。三里。河流入海。縮無阻滯。諸減水壩。應如舊。閉塞。惟中河一道。利濟舟楫。得此。免涉黃河。百八十里之險。俱闕緊要。但形勢逼近黃河。卽不可挑寬。而太狹。又不能容納運河及駱馬湖之水。謹按蕭家渡楊家庄。新庄口。有衝決舊河之處。請飭河臣。增建減水壩。相時宣洩。則中河舟楫。可以長通。其支河口。應如開音布所奏。永行閉塞。奏入。均如所議。是年冬。奉。特旨往浙江按

事調禮部尙書明年二月

上南巡駐蹕蘇州公自浙江還復

命又明年拜文華殿大學

士兼戶部尙書三十年冬

命閱河工還朝繪圖以進時河臣

靳輔請於高家堰增築小堤

上問公另築小隄有益否公奏曩者黃漲時淮流被逼故洪澤

潮水視昔爲高今擬築小隄之處去高家堰不遠河湖水漲卽

高家堰之大隄且不可保築小隄何益不如其已又言高家堰

一帶河工惟史家刮至周橋最爲衝要不急於此處重設隄防

雖多築隄數重無益臣度史家刮至周橋約一萬四百餘丈請

節河臣迅速加築此今日河工急務也

上深以爲然二十五年

聖祖親征兀魯特。駕臨克魯倫河。賊聞風奔竄。敕大將軍

費揚古扼要路邀戰。斬殺幾盡。時公從征沙漠。預擘幄之議。

上曰。朕愛養元元。以率土又安。爲念噶爾丹旣受重創。從此邊

境甯謐。必永享星平之福。公奉王公以不文武百僚賀表以進。

行慶賀禮。尋充方略正總裁。先是公聞母疾。請假三月。得歸省。

御書金剛經五部。賜其母。并賜天廚鹿尾供。廿旨。至是丁母

艱。復蒙賜奠。御書松蔭堂額。賜之。爲其母何太夫人身後

光也。三十八年。

聖祖南巡。公跪迎道左。賜賚有加。時

上親酌明太祖陵大書治隆唐宋四字。命公從兩邵王捧。

安陵廟三十九年服未闋奉 詔入閣視事時河臣張鵬翮奏

河工事宜

上問公奏對甚悉乃降 旨諭河臣曰昨問大學士張玉書據

稱河水尚大高家堰俱為湖水所侵如是則四州肝貽安得不

被水災河身之淺深以洪澤湖水之高下為驗今聞洪澤湖之

水比甲子年尚高數尺可見河身未曾別深恐高家堰之隄過

此以往未可知也四十年扈 駕南巡 賜銀千兩並 皇輿

表等物四月 駐蹕蘇州 命偕學士揆敘閱召試諸生卷得

汪泰等等五十三人等 駐蹕江甯又偕揆敘等閱卷得錢榮

世等五人及御舟次高資港公奏曰前去京江不遠臣之弊
廬在焉苦城中無駐蹕之地輿情雖切未敢恭迎
請行幸江天寺留駐數日與親臨鐵甕城無異也得旨
張王書懇求請切姑再畱一日賜御書恭儉爲德匾額一楹
聯一尋賜金山月夜詩一幅又頒御用東珠涼帽及各種
服物四十六年張公鵬翮請開溜淮套河恭懇聖駕親臨相
度二月聖駕自京起蹕及御舟泊清河口
上親往武家墩周視良入見所樹標竿多屬民塚非掘塚不能
開瘡
上惻然乃召河臣極斥其非河臣語塞頭請罪公奏曰向者

老人白英曾有引汶水分南此之議策之善也不若別作埝引
汶水通漕其下流專以淮水敵黃蘗水趨此萬世之利也
上善其言四十九年以疾乞休 溫旨慰留五十年五月從
上幸熱河南至疾作數 遣御醫調治不能起未及繕遣疏而
薨壽七十薨之日 賜帑金千兩庀喪具又 命內務府監製
帳幔沿途護送至京 御稱公耆舊老臣久任機務直亮清勤
下所司優卹 御賜挽章 親書頒發加賜太子太保諡文貞
五十二年奉 旨大學士張王書久任機務小心恪慎懋著勤
勞朕追念難忘伊惟一子張逸少可從優陞侍讀學士以示篤
眷舊臣之意公學問淵雅風度巖然年二十登仕籍受

聖祖知遇。凡五十年。爲太平宰相。二十年。朝夕啟沃。得大臣體
在講幄。每據經義。納忠莫由。得其猷替之迹。詞臣曹禾疏請封
禪。公謂非古禮。建議駁之。事遂寢。公退清齋讀書。盟匪無妾媵。
友愛之篤。比於蘇氏。性淡薄。不食肉。夜臥未嘗解衣。辨色卽起。
每食。粥一甌。麤糲一盂。或山藥少許。封公貽書戒之曰。此非養
生之道也。食不厭精。汝未讀鄉黨耶。公悚然爲加餐。封公研精
三傳。於明代人物。能縷舉其世系。與其門生姻戚。公總裁明史。
多稟承家學焉。所作古文辭。及制舉業。皆春容典雅。颯颯乎盛
世之音。文集。中拖諾山狼居胥山二碑敘述。
聖武神功。最爲詳贍。足以昭示萬世。紀平定江南。滅闖獻二賊。

及三路進師下雲南平水西賊等事皆得諸耳聞目見足以彰
開國之鴻猷其餘碑誌亦多國初將相事跡可備考核燕許
大手筆蓋無愧云雍正中詔入祀賢良嗣

三藩以內平人於滇辦事其功最著與其同坐師凱公德業與
是公之德也外不州以功未竟而歸公亦於茲歲歲矣昔公而
其公之德一則端端一在石山築公若姓公類書所云日與在

人未嘗不與公同也

公之德也外不州以功未竟而歸公亦於茲歲歲矣昔公而
其公之德一則端端一在石山築公若姓公類書所云日與在

公之德也外不州以功未竟而歸公亦於茲歲歲矣昔公而
其公之德一則端端一在石山築公若姓公類書所云日與在

于清端公事略 孫準

公諱成龍字北溟山西永甯人。順治十三年以副貢知羅城縣。年四十有五矣。臨行與友書曰：某此行絕不以溫飽爲念。所自信者天理良心四字而已。羅城烟瘴地，官廨在叢箐，閉插棘爲門。虎白晝行庭中。公累土爲几，案旁置爨釜一，盂一，召吏民從容問疾苦，皆感公至誠，益樂就爭輸田賦。初，鄰獠歲率三四至，殺掠人畜。公嚴保伍，勒鄉兵將搗其巢，獠懼自投，不敢復犯界。數遺子女問安，每春時命兩獠舁竹輿行田野中，見力耕者輒呼與語，相勞苦。民率婦子羅拜，或坐樹下與飲食笑語，歡如家人。公獎勤，扶惰民，大勸始至，從僕皆死亡。羅人憐公，閔歛金錢。

跪進曰。知阿翁苦。聊供鹽米資。公笑謝曰。我一人何須此。可持歸市。甘旨奉若父母。一如我受也。居數年。家人來。羅人則大喜。又進金錢如初。公仍卻之。眾泣。公亦泣。在羅城七年。招流亡。修學校。增墾浚隍。定昏喪之制。以章異遷。知合州。羅人遮道呼號。追送數百里。一眇者獨留不去。公問故。曰。民習星卜。度公橐中裝不能及千里。民技猶可資以行也。公竟賴其力。達合州。州領縣三。遺黎才數百人。正賦十五兩。而供役繁。重府帖下取魚。公曰。民窮極矣。安所得魚。卒不與。且極陳民困狀。盡裁革之一。僕一羸馬自隨。賃牛種。招集流亡。旬月。闕得戶千計。再遷黃州。同知駐岐亭。地多幽壑。江湖爲盜窟。公捕得九人。大集諸父老曰。

能保後不爲盜者貫之保二人其七人卽諸父老前取大索斷繫悉坑之衆股栗又獲巨盜彭百鈴貫其罪令捕盜白贖無脫者巡撫張公朝珍器之舉卓異吳三桂反檄攝武昌府事問禦亂策公言安人心莫先下令停徵張公已草奏與公意合遂盡以兵事屬公時大軍雲集供億皆叱嗟辨惡少憑禁旅爲姦公立置之法白大將軍申軍令甲士擁公譁公不爲動徐歛去謀指武昌大姓通賊以藏兵器爲徵公言巨室多避兵梁子湖藏械備他盜無足怪跡之果無他遷知建甯府奏改武昌大兵征岳州檄造浮橋於蒲圻賊驟至公入城守橋以山水暴漲圯坐罷職會東山寇作張公命討賊公請得便宜從事許之司馬兵

幾何曰。前守蒲圻數人足矣。先是大治賊黃金龍亡匿劉君孚家。君孚素黠。獨收召亡命。亦閉爲官吏。擒盜賊嘗隸公岐亭役。至是得三桂。僞劄與金龍潛結。周鐵瓜等期七日起事。事泄。君孚恐。遂以五月反於曹家河。官兵爲所敗。公行次陽邏。偵知君孚雖反。衆未合。遂直趨賊寨。未至十里。止。宿。榜示脅從者。許自首。免罪。過三日。以從逆論。投首日。千人。賊勢孤。欲卽降。懼誅。公遣一人持檄往諭。而自騎一羸。一人張蓋。一人鳴鉦。前導。命行呼。太守來救。爾山中。人君孚匿後山。夾道伏鎗弩數百。公疾驅抵賊舍。坐廳事。賊衆環列。公問老奴安在。君孚舊隸麾下。故呼以暱。易之。又問山中雨水禾稼若何。若良民何爲作賊。取屠戮。

時方酷熱若父母何所得毋苦耶賊皆羅拜泣公曰熱甚須少憩遂熟睡鼾聲如雷移時寤又謾罵君孚老奴何爲久不至客至乃不設酒脯君孚初懼見絀及是出叩頭受撫郎曰降其眾數千問金龍安在曰在望花山卽令導行掩其不備擒斬之捷聞張公持露布語僚屬曰人謂我不當用醉漢今定何如公常褻事秋闈大吏觴公抵掌論時務飲數十巨觥吏人竊笑公酒狂故張公及之也八月復職調黃州甫抵任湖北大亂何士榮反永甯鄉陳鼎業反陽邏周鐵瓜鮑世庸反白水畷劉啟業反石陂各擁眾數千號十萬逼趨黃州時援軍皆赴湖南黃州吏民才數百至不能備闔析或議退保麻城公曰黃州七

郡咽喉也。棄之則荆岳瓦解矣。吾誓死不去。然坐困亦非策。當
勦之。賊雖眾皆取士榮進止。先破士榮餘可不戰下。遂集鄉兵
得二千人。別遣黃岡知縣李繼政擒卽業。士榮已據黃土均。遣
把總羅登雲武舉張尙聖巡擊前鋒。戰少郤。公疾驅抵尙聖營。
日午鄉兵大集。有眾五千。屯箔金寨。與賊對壘。詰旦士榮率賊
數萬分東西路來攻。東路賊少登雲領千人禦之。而公率千總
李茂昇當其西。尙聖攻右。把總吳之蘭攻左。戰始。合之。蘭中駿
死。賊聞益急。火燎公鬚。或勸少避。公叱之曰。今吾死日也。敢言
退者斬。遂鞭馬直前。回顧茂昇曰。我死可歸報張公。茂昇恐失
公急發矢殪其大旗。軍隨進。茂昇馬被鎗。棄馬射殺二人。易馬。

進戰復手刃數人而尙聖自右山繞出賊後夾攻賊大敗斬首
數千士榮左臂斷就擒登雲擊東路亦追奔數十里公得賊各
籍立焚之乘勝至呂王城眾欲少憩公曰破竹之勢不可失也
方炊覆釜以進公據鞍草檄馳諭有能擒賊獻者重賞投誠者
待不以死脅從歸者但閉門坐家無軍器卽從賊概不追問藏
兵伏者卽良民亦誅死於是賊眾聞士榮擒名籍已燬各解散
至白水畷鐵爪世榮等欲趨保石子寨公已遣人守隘不得上
悉擒之又分眾平石陂賊乃勒石岐亭班師自誓師至此二十
有四日公以鄉民數千破賊數萬不費公家絲粟黃州平時康
熙十有三年十一月也次年秋大飢發廩賑卹全活數萬人十

五年水旱災訛言復起公故示暇豫修赤壁亭榭日與寮吏歡
詠飲射其閒民皆曰我公如此復何憂會丁繼母艱士民苦留
者數萬有 詔奪情視事十六年總督蔡公毓榮等奏復江防
迨以公在之明年遷福建按察使民遮送至九江凡數萬人哭
聲與江湖相亂十八年春抵閩時耿精忠亂後康親王駐軍省
會閩民多以通海獲罪公力白王言諸案所牽引多平民宜省
釋覆錄時大吏有難色公指庭前婦孺三此書豈能反皇天在
上獨不爲方寸地耶王久聞公名至是益重公悉從其請巡撫
吳公興祚荐公廉能第一遷布政使禁軍月徵生夫數萬公爭
於王前罷之滿兵掠浙東女子役爲奴者數萬公贖歸之各屬

納賦皆應時收。不增銖黍。署中薪米不給。至無衣可典。日或不
再食。隨征滿漢大臣朝使者。有時來過。徑入臥內。或繞署周行。
凡案閱。蛛絲鼠跡。文卷書冊。外無長物。咸歎曰。子公清苦。天下
一人而已。外番貢舶有所獻。悉屏之。或呈樣香一嗅。卽持去。貢
使齧指作禮曰。天朝有此清官。吾儕所未聞見也。十九年。遷
直隸巡撫。知縣某經道府揭報。具牘訐告。公疏請嚴定反噬挾
制律。著爲令。又疏請豁免宣府所屬東西二縣及懷安蔚州二
衛。水衝沙壓荒糧三千餘石。銀千餘兩。從之。又因災疏請緩征
並平糶。詔卽以平糶之米作賑。會旱。步禱雨立沛。禾黍重岐。
三穗。民號曰于公穗。尋劾青縣令趙履謙。食贖狀論如律。二十

年春。陛見。賜坐。賜茶。回諭曰。爾爲今時清官第一。朕所深知。因問。勦撫黃州土賊時事。又問。屬吏中亦有清廉者否。公以知縣謝錫衮同知何如玉羅京對。

上曰。爾所劾趙履謙甚當。公奏。履謙過而不改。臣不得已劾之。上曰。爲政當知大體。小聰小察不足爲。且人貴始終一節。其勉旃。旋賜食。御書房又賜帑金于良馬一馬。

上所乘也。越數日。御製詩。手書賜之。尋遣官助公賑宣府各屬飢。詔蠲免本年額征。及積年帶征。秋。公請緩真定府屬房

稅銀。又請破格全蠲霸州。本年田賦。均報可。冬。乞假歸葬。優詔許之。未幾。調兩江總督。源行舉直隸守道。董秉忠。通州知州。

于成龍南路通判陳大棟柏鄉知縣邵嗣堯阜城知縣王燮高
陽知縣孫宏業霸州判衛濟賢並堪大用得昔俞行抵江
甯官吏皆望風改操知公好微行遇白鬚偉貌者羣相指自攝
檄郡縣條上便宜皆爲興舉會江甯知府闕詔卽以通州牧
于成龍擢補成龍漢軍人由廕生起家後官河道總督諡襄勤
者也南中風俗侈麗公至人爭衣布謁布價驟騰士民有歡笑
無管絃游惰不空手櫬坊無鎖公自治官書夜申且不寐性喜
飲至是累月不一醉嘗中夜苦飢索少米作糜不得笑而止時
苞苴盡絕午日遣視察吏無敢以角黍相遺者建虹橋書院擇
高才生講習其中親往訓課副都御史馬世濟還自江南劾公

年衰爲中軍田萬侯所欺蔽。部議奪職。侯職。公休致。特詔公
畱任二十三年春。巡海還。兼攝江蘇安徽兩巡撫事。四月十八
日疾作。召屬吏與訣。端坐逝。至夜漏盡。坐不欹。顏色如生。年六
十有八。公自服官後。未嘗攜家屬入署。至是將軍都統監察使
入其寢室。見周身布被袍一襲。鞵帶各一堂。後瓦甕米數斛。盥
鼓數盞而已。訃聞。賜祭葬。予謚清端。七月。學士錫任勘海
疆還。

上詢公在官時聲績。錫住奏其清廉。但因輕信。或爲屬僚欺罔。
上曰。此與成龍不合者。造爲此言耳。居官如成龍者。有幾。十一
月。南巡至江甯。諭知府于成龍口爾務法。前總督于成龍。

正直潔清乃爲不負。又諭閣臣曰。原任總督于成龍。朕博採
輿評。咸稱爲古今第一廉吏。可加贈太子太保。廕一子入監。會
御試詞臣作理學真偽論。納卷旨

上特諭曰。理學無取空言。如于成龍不言理學而前官至廉。斯
卽理學之真者也。白

天子廣厲風節。恩禮始終。由是士皆慕效。公吏治。烝烝一變矣。
公薨後。軍民爭繪像祀。江甯蘇州及黃州皆有祠。御書高行
清粹四字爲祠額。并書楹聯。賜之公軀。幹修偉。紅頰隆準。美髭
髯精神炯炯。四映與人交。不擇貴賤。談燕終日。一語涉私。卽正
色斥詰。每稱曰。上帝臨汝。又曰。日監在茲。屬吏畏公威。若負霜。

雪。及論事，輒霽顏，商推用此。雖嚴，渾愈益親。樂之年，飢，公屑糠雜米爲粥，與僮僕共之。屬吏至，亦以是進。曰：如法行之，可得雷餘以賑也。性強毅，而臨事應變無方。當黃金龍就擒，公亟賞劉君孚百金。眾疑其過，公曰：「黃金龍之擒，實由君孚密計，君等不知耳。」於是其黨疑君孚賣金龍，各散去。又以閒離其親屬，君孚遂鬱鬱以死。公狀如鄉里學究，而用兵如神。尤善治盜，所用游徼及降盜，恆撫以恩威，輒先來報。知武昌時，營弁某弟素無賴，適遠歸，是夜餉被劫，弁告弟所爲，已誣服獄。具公破械，縱之巡撫。驚問曰：盜寃真盜，何在？公指堂下一校曰：是真盜也。餘黨進香木蘭山，今晚獲矣。尋獲盜賊，尙在校家，封識宛然。江甯盜號魚。

壳者拳捷倚駐防都統。爲解有司莫能擒公。抵任。官吏遠迎。日
旣不至。方驚疑而公已單車入府矣。羣吏飾厨傳饋餼。率皆木
受。按察使某年家子也。請具一餐爲推壽。公笑曰。以他物壽我。
不如以魚壳壽我。按察使喻意出。乃以千金購名捕。縛置獄。是
久。公秉燭坐。一男子持匕首。自屋梁下。公叱。何人。曰。魚壳也。公
解冠几上。指其頭曰。取壳。長跪笑曰。取公頭。不待公命也。方下
采時。如有物擊我手。不得舉。乃知公神人。某惡貫盈矣。自反接
銜。匕首以獻。公曰。國法有布。曾在遲明獄。吏報失盜。人情洶洶。
而公已命中軍將魚壳斬決西市。孫準。康熙二十五年。由廕生。
授臨清州知州。累官至江蘇巡撫。有賢聲。

雲南嶺南賊匪... 雲南嶺南賊匪... 雲南嶺南賊匪...

... 雲南嶺南賊匪... 雲南嶺南賊匪... 雲南嶺南賊匪...

... 雲南嶺南賊匪... 雲南嶺南賊匪... 雲南嶺南賊匪...

... 雲南嶺南賊匪... 雲南嶺南賊匪... 雲南嶺南賊匪...

... 雲南嶺南賊匪... 雲南嶺南賊匪... 雲南嶺南賊匪...

... 雲南嶺南賊匪... 雲南嶺南賊匪... 雲南嶺南賊匪...

彭古愚中丞事略 郭琇

彭公名鵬。字奮斯。號無山。一號古愚。福建古田人。順治十七年。舉人。康熙十三年。逆藩耿精忠叛。逼公受僞職。乃卻粒飲水。椎齒出血。堅臥三年。不起。逆平。授三河知縣。邑地瘠。當要衝。旗民雜處。公拊循。釐剔。不畏強禦。有中夜矯傳。內旨者。公察其詐。延與語。陰遣人發其橐。具得奸狀。寘之法。每治獄。發摘如神。吏民不敢欺。鄰邑死獄。不能決。憲司檄公往。輒白其寃。二十七年冬。聖祖東巡。駐蹕三河。召問公。不從。耿逆及在籍。在官狀。賜浴金三百兩。諭曰。爾居官清正。不受民財。以此養爾廉。勝民

閒銀數萬兩多矣。明年順天尹許三禮劾公讞獄遲玩。詔巡撫于公成龍察核。白其枉部議落職。詔降二級畱任。尋以盜案積降十三級皆得。旨畱任。又明年詔舉天下廉能官。李尙書天馥首以公薦。與嘉定令陸公隴其並行。取請假歸葬。卽家授給事中。會閩中旱蝗赤地千里。公一日上三疏言秦晉豫三省有司不恤民狀。先是西安鳳翔及平陽等郡飢。詔發帑賑。又命河南運米十萬濟陝西。至是以公䟽下。所司確議令指實。再奏公復指涇陽令劉桂。剋扣籽粒聞喜夏縣匿災不報。猗氏令李澍故斃災黎。眩州牧陳成郊濫派運價。夏邑令尙報震派銀包運。南陽守朱璘暖昧分肥狀。詔各巡撫察審。不皆

實議處如例得。旨寬免。三十三年劾順天學政李光地。問都
命。枉任守制。不哀痛。力請終喪。僅乞假九月。悖理乖情。應罰令
離任。留京終制。疏下。力。卿議從之。初。公劾癸酉順天鄉試舉人
楊文鐸等。文理荒謬。磨勘官馬士芳有通賄情弊。乞
上親訊。下九卿察議。以文鐸卷有疵。應罰停一科。別無情弊。公
奏涉虛。應奪職。有旨。令回奏。公奏會議諸臣聽考官徐倬彭
殿元飾說。故入言官罪。上特免公處分。俾殿元休致。至是。公猶以論文鐸。文與廷臣忿
爭。詔解任。以原品頂戴。効力南河。三十六年。召補原官。明
年授貴州按察使。明年擢廣西巡撫。墨吏望風解綬去。既抵

任。劾免貪酷令喻兆紳棄之。萃粵西舊未設武科。公始奏行之。會湖廣總督郭公琇請除學政積弊。臺臣鄭惟孜等條陳順天鄉試事宜。九卿未盡議。行辨論。直撫李光地。河督張鵬翮。與郭琇彭鵬並著清廉。命各抒所見。勿瞻徇。公條覆。多見施行。時豫撫徐公潮之任。

上諭之曰。爾能如張鵬翮李光地郭琇彭鵬。則不但爲當今名臣。卽後世亦足取重矣。三十九年。調撫廣東。下車日。收民詞。五千紙。公愀然曰。堂上一點硃。民間千點血。健訟何爲。民咸感悔。值歲旱。步禱烈日中。親詣獄。慮囚發倉穀平糶。甘霖立沛。奏免粵西解京銅鐵七萬斤。歡聲載道。又言粵西州縣私派巧立名

色曰均平大食費於饋送如臣未入境之先購備撫署器物皆
出諸此臣當堂發還俛自悔艾其不派均平者又取盈於火耗
有明加暗加等弊疏下部嚴禁時肅公永藻代爲廣西巡撫
上諭以效彭鵬所行又諭閣臣曰彭鵬前任三河時但聞有
賊卽帶刀乘馬往擒治毫無畏懼朕深知之御史王度昭劾公
撫粵西受藩司欺家及掩覆浮銷狀詔下公回奏公疏辨
論責其忿激粗戾且曰凡被劾回奏止應辨晰是非不應支離
牽引彭鵬爲言官時亦曾劾人今爲王度昭所劾乃訐奏度昭
曲庇親戚又未指出實據雖操守清廉殊失大臣之體其嚴飭
行四十二年奏免追積欠兵米價銀從之四十二年冬病篤

特詔遣中書往視明年正月薨年六十有八遣疏聞

天子軫惻有實心供職克盡勤勞之衷賜祭塋粵人肖像祀之尋入名宦祠著有古愚心言八卷當是時公與郭公直聲震海內天下並稱曰彭郭

郭公名琇字華野山東卽墨人少時勵志清苦讀書深山絕壑中四無人跡公蘊火中宵讀弗輟齏鹽糲飯皆手任之康熙九年成進士越十年授吳江知縣賦煩俗悍號難治公蒞事七年弊絕風清循聲爲東南冠二十五年巡撫湯文正公薦其居心恬淡蒞事精銳宜與行取部以催征未完議格特旨允行授御史時河督靳輔請別築高家堰重隄行屯田法與按察使于

成龍議不合。詔尙書佛倫等往勸。從靳議。公劾靳治河無功。詔九卿察議。忝上會靳入覲。命與廷臣會議河工事宜。公復劾靳。派累擾民。靳坐罷任。江淮人誦公疏。皆額手稱善。擢僉都御史。先是公劾大學士明珠。余國柱結黨私行。皆公納賄。及尙書佛倫等會議。會推附和。要索狀。請加嚴譴。於是明珠等降黜。有差。尋遷太常卿。晉內閣學士。充經筵講官。吏部左侍郎。二十八年。擢左都御史。疏劾步詹高士奇。都御史王鴻緒。編修陳元龍。王頊齡等。招搖依附狀。皆罷之。時輦下栗然。居無何。御史張昇。法劾山東巡撫錢珏貪黷。珏奏辨所劾。皆誣。由公會致書於珏。屬薦卽墨。高令未允。遂挾嫌使星法。誣劾事。下法可察治。

獄未具。公奏都御史馬齊於會訊時。多方煅鍊。必欲坐公。指使誣劾罪。


上責公疑揣法司。尋法司以星法誣珥。公致書屬實。奏並應黜。詔星法降二級。畱任。公降五級。調用。尋休致。公自是跼伏荒鄉。足不入城市。見者不知其爲掌憲大僚也。明年以牽連吳江漕項虧空事。應赴質時。佛倫巡撫山東。誣劾公。父景昌。原名爾標。曾入賊黨。伏法。公私改父名。濫請封典。部議追奪。并奪公冠帶。逮赴江甯勘治。議遺戍。得旨寬免。三十八年春。聖祖南巡。公迎駕德州。諭閣臣曰。郭琇前令吳江百姓。至今感頌。其人有胆量。無朋比。可授湖南總督。一時貪墨吏皆投

劾去而公益以鎮靜爲先。滌除煩苛。務持大體。疏陳黃州武昌
二郡兵米二萬七千有奇。請改折色運荆鄖。以利輸挽。又江夏
等十三縣有故明藩產。賦過重。請照民糧起征。並請豁免江夏
漢陽嘉魚瀕江水。墾地租三百餘頃。皆命俞行。三十九年。入覲。
具疏訟冤。言臣父郭景昌係縣庠生。邑匪郭爾標合邑皆知伊
無妻室。安得有子。不知佛倫何所聞而誣。巖若此。佛倫時官大
學士。上親詰問。以悞疑舛錯對。命仍給誥軸。及謝陛辭。奏請清丈
地畝。且云。湖南地廣民稀。恐清查後賦額較前少減。宜嚴加
上曰。果於民有益。所減雖多。亦所不惜。若不清丈。而以荒田派

征有累窮黎斷不可也。命公具疏以請。公復條上三事。一修築隄塍。嚴定處分。一無用糧。艘宜停修。一苗疆官吏宜通融調補。又疏言錢糧攤費包收之弊宜除。雜派之陋規宜去。征糧之滾單宜行。訟棍宜治。濫刑宜革。捕役誣盜宜懲。屍親抄掠宜禁。強族阻墓宜責飾。論嘉其實心除弊。四十一年給事中宋駿業劾公衰廢不職。詔侍卽傳繼祖甘國樞浙撫趙申喬前往察治。坐徇隱諱飾罷歸。抵里門盡出俸金周族黨。歲旣竭貲。倡賑鄉閭。德之五十四年卒。年七十有八。入祀鄉賢。並祀吳江名宦。當康熙朝公與彭公由縣令起家。並以抗直聞。趨死不顧利害。賴。

聖祖寬容。屢排羣議。持簡用彭公。所劾之李文貞。公所劾之
靳文襄。陳文簡。王文恭。諸公皆號稱賢者。二公以春秋法責備
之。上既不以為非。用作敢言之氣。而為所劾者亦未嘗以一肯掩
大德。鑑空衡平。悉付諸公論。大哉。聖人執兩用中之盛軌。誠
超出前古万万云。

此藥性平味甘... 治一切瘡毒... 凡患此症者... 宜早服之... 功效如神...



此藥性平味甘... 治一切瘡毒... 凡患此症者... 宜早服之... 功效如神...

此藥性平味甘... 治一切瘡毒... 凡患此症者... 宜早服之... 功效如神...

此藥性平味甘... 治一切瘡毒... 凡患此症者... 宜早服之... 功效如神...

張文端公事略 子廷瓚 廷璐 廷瑑

公諱英字敦復號樂圃安徽桐城人父秉彝字孩之明季諸生
爲文一本經術以兄秉文官山東左布政二親年老遂絕意仕
進家居侍養能爲孺子歡秉文殉難山東泣走數千里携孤扶
櫬歸及親喪廬於墓上墓樹交花人以爲孝感云公以康熙六
年進士入館選丁父憂歸十二年以編修充日講起居注官累
遷侍讀學士十六年九月

上以公及掌院學士陳公廷敬每日進講甚有裨益天漸寒特
賜貂皮各五十張表裏緞各二十疋十月諭閣臣曰朕不時
觀書習字欲得文學之臣朝夕置左右講究文義給內廬居之

不令與外事。遂設南書房。命公入直。賜第西安門內。詞臣賜居內城。自公始。當是時。逆藩播亂。三方征討。凡出師。運餉。發謀制勝。無一不斷。自

聖心而

上益孜孜於經史之學。公首供奉南書房。故專經筵。有常期。而上日御乾清門聽政。後即適懋勤殿。召公入。請辰而進。終酉而退。暫退輒復。宣召或當食。吐哺趨宮門。漏下十許刻。迺歸。公小心慎密。久之。上益器重。每幸南苑。及巡行四方。未嘗不以公從。公立朝數十。年。未書。一曰去。

上左右一時典誥之文多出其手十九年晉翰林學士兼禮部侍郎銜明年以葬父乞假優詔許之特賜白金五百兩表裏二十疋資墓田之用又特予公父秉彜卹典如公階二十五年教習庶吉士遷兵部右侍郎明年調禮部充經筵講官二十七年給事中陳世安劾公遇

孝莊章皇后六喪一切典禮不詳慎參稽不與滿堂官面商疏稿部議鑄五級調用特旨畱任明年擢工部尙書又明年調禮部公自踳卿貳至典秩宗皆兼掌院學士並管詹事府蓋二職上所甚重難其人以爲非公莫屬也尋以編修楊瑄撰擬論

祭都統佟國綱文引用特謬公坐不詳審更正議降調得 旨
罷禮部尚書仍管翰林院詹事府三十年教習庶吉士明年復
禮部尚書兼管翰詹如故先後充 國史方畧一統志淵鑿類
函政治典訓總裁官三十六年與熊尚書賜履同爲會試正考
官尋乞休 溫旨慰留疏辭兼管翰詹 允之三十八年拜文
華殿大學士兼禮部尚書公少清貧癸丑分校禮闈家人猶經
旬乏食姚夫人糶得麪數斗遂舉家食麪湯將一月其蒞官隨
地自盡不務表襮不列密事不訐人過失汲引人才如不及然
有所薦舉終不使其人知以是所居無赫七名及觀南書房記
注然後知公在講筵凡生民利病四方水旱知無不言造膝前

席多社稷大。聖祖嘗語執。張英老成敬慎終始不渝有右大臣風然則公之立身與所以自結於上者居可知矣。公爲人忠實無畦畛外和內剛一私不染白同官及後進之士皆傾心相嚮公退惟手一編蒔花鼓琴自娛雜賓不敢至其家居族黨鄉鄰下逮臧獲皆得其和雖好僉小人無所寄怨惡用此知與不知皆推爲鉅德長者然性實介特義所不可雖威重不能奪與物無忤而黑白較然自壯盛卽有田園之思作芙蓉雙溪圖記屢見諸詩歌往往流連不已。上亦曲鑒焉四十年冬請召。優詔許致仕瀕行。賜宴暢春。

園諭部令沿途馳驛毋限常額公致政後嘯詠於林泉者凡七年自言生平無他嗜好惟酷好看山及種樹著恆產瑣言聰訓齋語諳諳以務木力田隨分知足爲誠先是御書篤素堂額賜公名所著曰篤素堂文集又著易書衷論二十卷四十四年

聖祖南巡迎

駕淮安疊拜

御善謙益堂葆靜匾額並聯幅

畫卷白金之

賜隨駕至江甯

上將返蹕以在籍官庶攀轡命畱一日公復奏請得旨念

老臣懇求諳切許再畱一日啟行四十六年迎駕清江浦仍

扈蹕江甯

賜御書對聯世恩堂額及書籍人蔭亦允公奏請

留一日四十七年九月薨年七十有二遺疏至

上震悼。優詔議卹。賜祭葬加等諡曰文端。

世宗御極有甘盤舊學之思。贈太子太傅。賜顏曰師模如

在。又曰忠純貽範雍正八年。詔入祀賢良祠子廷瓚字貞臣

康熙十八年己未進士。累官少詹事文行為館閣推重己卯典

試山東與同事先矢於神所拔皆宿學士乙亥六月廷瓚任侍

讀學士。

上召翰詹八人至暢春園。賜宴。賜扇文端及廷瓚皆與焉。

又兩。賜御書額曰玉堂。曰傳恭堂。先文端公卒。廷玉官太保。

大學士自有傳廷璐字樂齋康熙五十七年一甲二名。賜進

國朝文正公集卷之十一
士及第授編修雍正元年典福建鄉試累遷侍講學士督河南
學政以封邱生員罷考事落職尋授侍講擢祭酒疏請 敕將
軍提鎮轉飭所屬將弁每朔望集兵丁宣講

聖諭廣訓從之遷詹事七年督江蘇學政十年典浙江鄉試十
一年擢禮部侍郎再督江蘇學政會文端公入祀賢良祠 諭
祭於家 命廷璐就任所回籍舉襄典禮乾隆元年開博學鴻
詞科拔劉文定公綸爲第一人廷璐所薦也六年典浙江鄉試
九年自陳年老 予告歸明年卒廷瑒字桓臣雍正元年進士
由編修累遷侍講學士督詹事乾隆元年遷工部右侍郎充會
試副考官初在翰林嘗充日講起居注官起居注向無條例所

司繁簡任意充漏不稱史體廷瑒精思爲之在館十餘年編載
詳贍稱旨雖擢侍郎仍兼起居注官事本朝官不爲翰林而
仍職記注者獨廷瑒爲然五年提督江蘇學政九年調補內閣
學士兼禮部侍郎典試江西十一年乞病歸性誠篤細微必慎
每當入朝自書職名請之曰某官張某又屈指計之曰幾字視
紙上三四而後敢出督學試士日公服竟日雖燕處不脫人間
之曰取士國典也敢忘共乎旣告歸則益以舊德篤行自守其
自奉甚陋或人所不堪雖其家人皆竊笑之然至族黨有緩急
出千百金不吝也未嘗私受人一錢門生某巡撫江西過桐城
奉數百金爲壽曰吾幸足衣食安用金爲又有饒後者曰吾生

平無病焉。用此其乞歸也。兩兄皆先後請告而廷瑑最後歿。上聞顧謂左右曰。張廷瑑兄弟皆舊臣賢者。今盡矣。安可得也。因歎息久之。其卒以乾隆二十有九年。年八十有四。廷璐子若需。官翰林院侍講。若需子曾做。官至少詹事。桐城張氏四世皆爲日講起居注官。而曾做尤講正體例。能繼桓臣侍郎之業。掌院劉文正公嘗歎異之。俾獨任一館之事云。廷瓚子若需。康熙戊子舉人。任嚴州同知。攝義烏篆。捐金造東門巨橋。邑人名張公橋。建祠橋側祀之。遷梧州知府。有異政。擢鹽驛副使。卒。官特贈按察使銜。雍正九年。祀廣西名宦。

李文貞公事略

弟光坡 子天寵

鏡儁等

光型 子鍾倫

鍾佐

公諱光地。字晉卿。福建安谿人。祖先春。字克建。年十二。父以非。率陷繯綆。詣郡哀訴。守寄之。立出其父。山寇肆掠。傾囊贖歎。民全治。甚衆。南安洪氏女陷賊。以重賂贖回。復以計脫其父。歲大飮。設法賑濟。賊圍其寨。力戰得金。義俠聞鄉里。父兆慶。字賴甫。明諸生。性至孝。究心程朱之學。順治十二年。避難山岩中。全家十二人被賊虜。獨兆慶得脫。其兄日燦。自遠歸。慷慨詣賊乞釋。此十二人。賊義之。具飲食慰遺。然故弗釋也。明年夏日。燦募壯卒。合家敢行人。夜緣山背上路。峭險登者才二十八人。吹螺劫賊帳。會天大霧。不辨衆寡。賊人驚奔竄。出其季弟弟子二人餘。

國朝正事錄卷之七 名臣

元

國朝文正公集卷之六十一
禁他山不能得。賊徵其黨萬餘來。日燦用百人守險。日與戰。自
夏至秋。大小百餘合。賊散走盡。十人者先後歸。而公與其弟實
服公。以康熙三年試策論。舉於鄉。九年成進士。選庶吉士。授編
修。十二年分校。噲試。尋乞假歸。十三年耿精忠反。海賊鄭錦踞
泉州。公奉親匿山谷。問錦精忠。並遣人招之。以死固拒。十四年
夏。密疏陳破賊機。宜言閩疆褊小。白。二賊割據以來。誅求鞭朴。
民賴塔盡。賊勢亦窮。南來大兵宜急攻。不可假以歲月。恐生宅
變。方令耿逆悉力於仙霞杉關。鄭賊并命於漳潮之界。惟海州
小路與贛州接壤。賊所置守禦尤過千百。疲卒竊聞。大兵南來
皆於賊兵多處塵戰。而不知出奇。以禱其虛。非此也。宜因賊防

之疎選精兵萬人或五六千人詐爲入廣之兵由贛達汀爲程七八日耳。二日聞急趨救。非月餘不至。則我軍入閩久矣。大軍果從小路橫其其腹。則三路之賊不戰自潰。乞密勅令兵官偵諜虛實。隨機進取。仍恐小路崎嶇。更使鄉兵在大兵之前。步兵又在大馬兵之前。庶幾萬全。可必勝。置疏蜡丸中遣使間道赴京。因內閣學士富鴻基上之奏入。

聖祖嘉公忠。下兵部錄其疏。令領兵王六臣知之。時廣東叛亂。大兵防守贛州南安。未能入閩。會康親王傑書自衢州克仙霞關。復建甯廷平。精忠降。康親王駐師福州。令都統拉哈達賴塔等進剿海賊。並訪問公。十六年正月拉哈達復泉州。遣人往宣

國朝事考工專卷之三十一
論公就見拉哈達於漳州。康親王疏言：光地矢志爲國，顛沛不渝。官予褒揚，下部議敘。授侍講學士，行至福州，丁父憂歸。十七年閏三月，同安賊蔡寅結衆萬餘，掠安谿。公募鄉兵百餘人扼守，戒前鄉毋資糧賊，飢解去。六月，鄭錦遣僞總兵統劉國軒等陷海澄、漳平、同安、惠安諸縣，犯泉州，斷萬安江東二橋。南北援絕，泉人恟懼。公遣善泅者從水閘入，令堅守待援。時拉哈達駐漳州，公遣使告急。值江水漲，道阻，乃導之由漳平安谿小路。公叔父日烜率鄉兵百餘度石珠嶺，闢荆棘，架木橋以濟。公出迎十里外，具糧餼，牲牢犒軍。又使弟光垵、光良以鄉兵千度白鶴嶺，迎巡撫吳興祥軍於永春。大兵達泉，灼大破賊，賊走入。

海拉哈達上其功。再下部議敘。遷翰林學士。公上疏推功將帥。辭。新命不允。日烜。後積功官至永州鎮總兵。御書方重。醕深額。賜之。十九年。公至京。授內閣學士。因面對言。鄭錦已死。子克。穰。幼弱。部下爭權。宜急取之。又言內大臣施琅習海上形勢。知兵。可重任。

聖祖用公言。卒平臺灣。復疏言。編修陳夢雷。當耿逆之變。有七旬。父母不能脫逃。致被逼脅。夢雷雖陷賊中。托病支吾。受臣密約。圖反正。請贖其從逆之辜。既法司坐夢雷斬。詔從寬免死。閏八月。

聖祖命公奏進家居所著文字。公彙其讀書筆錄及論學文字。

爲一卷敘而進之。略言道之與治。古者出於一。後世出於二。孟子敘堯舜以來。至於文王。率五百年而統一。續此道與治之出於一者也。自孔子後。五百年而至建武。建武五百年而至貞觀。貞觀五百年而至南渡。夫東漢風俗一變。至道貞觀治效。幾於成康。然律以純王。不能無愧。孔子之生。東遷。朱子之在南渡。天蓋付以斯道。而時不逢。此道與治之出於二者也。自朱子以來。至我。皇上又五百年。應王者之期。躬聖賢之學。天其始將復啟堯舜之運。而道與治之統。復合乎臣。雖無知。或者得衣附末光。而聞大道之要。蓋隱然以見。知自任矣。二十一年。乞假送母歸里。二

十五年至京補前官尋授掌院學士直經筵二十六年以母病乞歸省命縣缺以待二十七年夏至京時值

孝莊文皇后喪禮部劾公在涂遷延弗及叩

梓宮請下吏部議議降五級得旨勿問初公嘗奉侍讀學士

德格勒有學行善占易而德格勒亦稱公有文武才宜膺封疆

重寄會天旱

聖祖命德格勒揲耋因面論大學士明珠過失誅聞而大惡之尋有言德格勒與同官誹議朝政者

聖祖召試諸廷臣德格勒以文劣削五級畱任尋又以私抹起居住爲掌院庫呼納所劾下刑部議罪有旨以前奏詰公公

引罪乞處分得。旨從寬免罪。九月典武會試。二十八年改通
政使。擢兵部右侍郎。三十年充會試副考官。九月偕侍郎博霽
徐廷璽河道總督靳輔往江南視河工。二十三年提督順天學
政。四月聞母喪。有旨令在任守制。公請給假。九月回籍治喪。
不允。給事中彭鵬劾公忘親貪位。請令解任。俾在京守制。下九
卿議。如鵬請。服闋仍督順天學政。二十六年遷工部左侍郎。督
學如故。二十七年授直隸巡撫。公在官以清勤自勵。卹民隱。尤
盡心於農田水利。二十八年。詔以漳水與滹沱合。易泛濫。其
導漳河由運達海。以分滹沱之勢。公疏言漳河現分爲三。一支
自大名經魏元城。至山東館陶入衛。歸運。一支名老漳。河自山

東邱縣經南宮及青縣與完固口合至鮑家嘴歸連一支名小
滄河自邱縣經廣宗鉅鹿合於滏。又經東鹿冀州合於滹沱。由
衡水出完固口。復分爲兩支。小支與老漳河合流而歸。蓮人支
經河間大城靜海。入子牙河而歸淀。今入衛之河與老漳河流
淺而弱。宜疏濬。其完固小支應築隄。逼水入河。以達於蓮。更於
靜海閘閘二莊挑土築隄。束水歸淀。俾無汎濫。報可。次第訖工。
因奏霸州永清宛平良鄉固安高陽猷縣濬新河。占民田百三
十九頃。請豁其賦額。從之。三十九年。疏定清釐鬻空之法。又應
詔條上科場事宜三則。學政事宜四則。均下部議行。特
聖祖以子牙河屢汎濫。自河間以北。靜海以南。皆被害。遂親

臨相視發帑金。命公於猷河兩岸築長隄。西接大城。東接靜海。亘二百餘里。又於廣福樓之焦家口開新河。引水入淀。由是下流益暢。無水災。公以隄工既成。請開諸州縣水田。引漳滏濟。比大陸諸水資灌溉。薦同知許天馥爲河閒知府。同其役。從之。畿屬因有八旗牧地。與民田相錯。歲久。民多占牧爲田。方奉部牒。按驗。公令民自首者。按則輸糧。而免其隱漏罪。其隙地願耕者。聽民便之。四年。修永定河工。自郭家務至柳全口。開河築隄。四十年。飭所屬州縣。廣興水利。近山者導泉通溝。近河者引流。導渠去水遠者鑿井。溉田。其水道應修濬者。俱借帑與工。四十二年。爾善表美。擢吏部尙書。巡撫如故。是年冬。以畿輔破

水請發倉賑貸命富人出粟平糴明年給事中黃鼎楫揚右曾
許志進宋駿業王原等合疏劾公撫綏無術致河閒飢民散入
京城又墮甯津縣災疏下公回奏公言知縣陳大經報災不時
已劾罷至民有流離臣不敢辭咎請從重處分詔原之再疏
辭尙書不許十四年疏劾前任雲南布政使張霖假稱詔
旨鬻私鹽得銀百六十萬兩得旨卽令公審墾霖論斬籍沒
十一月授文淵閣大學士時

聖祖臨御久日潛心六藝之文河圖象數之學下逮瀟洛閩閩
書苑及歷算聲音之道反覆研索山源達流公故篤信程朱因
以上窺義文之秘所奏進文字發舒心得

聖祖未嘗不稱善。凡御纂朱子全書及羣經性理諸編，多命公參訂。中有洊願往復陳請不倦，親承指授，所造益深。聖祖嘗詔廷臣知光地者，莫若朕。知朕者，亦莫若光地。嗚呼！豈偶然哉！然公自初入朝，卽中立畏遠，權勢其後，位益高，忌者益眾。凡公所稱薦，多見排擠。因以撼公撫，在隸時，御史呂履恆劾公任意斷獄。

上察其誣，還其奏。給事中王原劾文選郎陳汝弼受贓，法司論絞。汝弼公所薦也。上察知供證非實，下廷臣確核，得刑誅。選人逼俟行賄狀。汝弼免罪，承獻官隆黜，有差。原以囑託私書爲汝弼舉首削職，公恐。

啟門戶之禍益慎重寡言其有獻納空見於章奏獨與公共事
內廷者時能道之

聖祖嘗召編修沈宗敬命作行楷書因傳諭公曰朕初學書宗
敬之父荃實待每下筆卽指其病兼析所由至今每作書未嘗
不思荃之勤也公因奏對因此卽成湯收過不吝之心也苟自

是而惡直言則無由自鏡矣四十七年冬

上以廢皇太子狂疾漸愈欲復立之命諸大臣集議保奏時

尙書王鴻緒附和內大臣阿靈阿等保奏皇八子允禩

上切責之論公曰爾今何無一言公奏前者

皇問臣廢太子病宜如何醫治臣曾奏徐徐調理天下之福也

各臣

三五

國朝典章... 臣未嘗告諸人也。每內閣奏事畢，獨留公南書房，服則召入，使殿語移時。

上嘗問近臣民情若何，公對曰：方三藩播亂，民心搖搖，未知所歸。今

上恩德顯信於天下矣。往歲閩中旱荒，羣吏不能體

上意，所發帑粟多乾沒，民饑且死，獨歸怨於有司，而鮮不信。

上之志在矜恤者，嗣問礦事，公請著令止。上著貧民無產業者，許人侍一銚以注，而越境者有誅，則姦民不致聚徒山澤以生事端矣。議遂定。一時大豪輦金謀首事者，皆齧指自悔。先是江甯知府陳鵬年爲總督阿山所劾，問重辟，辟無何。

上問及江督公言阿山勤敏其犯清議獨効陳鵬年一事耳於
是鵬年遂丙召兩江總督噶禮與巡撫張伯行互糾遣大臣
往訊獄久不決

上忽罷噶禮復伯行官公實贊之語秘世莫能詳載各世以南
山集下獄

上震怒吏議身樂族夷集中掛名者皆死他日

上言汪霖死無能古文者公曰惟載名世案內方苞能叩其次
卽以各世對左右聞者無不代公股栗而
上亦不以此罪公已而苞得釋且召入南書房公之護持善
類因事設辭以迪聖聰皆此類也公柄用時听夕入對

上所誦度惟尚書周易及朱子之書而一時海內所號爲廉吏
無論公所習與否皆得安其位焉四十八年典會試五十年以
疾乞休辭甚切報曰覽卿所奏朕心慘然當時舊臣如卿等
者不過一二人今朕亦老矣實不忍言也五十四年六月再疏
乞休且以母喪未葬爲言優詔許假二年賜詩龍其行明年
三月詔促公以是冬赴京且云南方暑溼善自保荔枝性
極熱毋多喫也五十六年四月還朝明年三月具摺以老病乞休
聖祖以大學士王掞在告俟其還具疏請五月薨於位年七十
有七駕在熱河降詔憫悼遣恆親王率內大臣奠茶酒
貲銀千兩令工部尚書徐元夢護其喪櫬歸復道皇子臨送

子祭葬諡曰文貞雍正元年追贈太子太傅十年入祀賢良祠
公平生釋經之書甚具其言曰茂訓詁者無師滯章句者無得
故學以能擇爲先其於程朱之說篤信之而時有異同論大學
宜還古本而以知本爲格物第一義易兼綜象數禮兼采大戴
記論子雲仲淹書有格言節取焉可也康節象山所造高明慎
師焉可也知言者以爲然公門下士楊名時李紱陳鵬年趙申
喬冉覲祖蔡世遠並以德望重於時宅若張昺張瑗惠士奇秦
道然王蘭生何焯莊宮陽之徒類有清節通經能文章故本
朝諸鉅公稱善青材者必以公爲首焉所著有周易通論周易
觀彖大指尙書解義洪範說詩所孝經全註古樂經大學古本

說中庸章段中庸餘論論語孟子劄記離騷經註參同契註握
奇經註陰符經註歷象本要二程遺書朱子語類四纂韓子粹
言古文精藻榕村語錄榕村講授榕村制藝榕村全集行於世
長子鍾倫字世得康熙癸酉舉人性至孝治經史性理旁及諸
子百家熟貫而析其義志氣卓然復從其叔父耜卿治三禮於
周官戴禮尤精卒年四十有四著周禮訓第二十一卷皆標舉
要義簡明質實不以考辨爲長其家學然也世得子清藻字信
侯少遊徐壇長何岷瞻之門學博而醇康熙丁酉舉人己未舉
鴻博尋知與國縣決獄平允以勞卒官爲文踴厲風發於歷代
典江制度沿革莫不切究尤精於音學書法著有經史新記壁

經梅書辨應及文集。次子清馥質厚安雅其氣度於文貞爲近。由任子宮郎中出爲大名知府以廉正著稱。次子鍾佐字世諧年十三張文貞公見其文大奇之曰吾畏友也。尋補諸生精中西歷算法指陳根柢千支萬湊不可胚胎皆能冥悟其子清植字穆亭雍正甲辰進士由編修官至禮部侍郎。清植子宗文字郁齋乾隆戊辰進士亦由編修官禮部侍郎。典試廣東陝西江西督學河南順天皆稱職能傳其家學。弟光坡字耜卿性至孝父病篤炷香執掌禱於天果愈家居不任潛心經學著二禮述注六十九卷光埏以軍功授通判光垠官左都統。

季弟鼎徵康熙庚申舉人月部主事鼎徵子天寵字世來號鑑
堂康熙乙未進士官編修生平勵節操遂於經學在史館二十
年與弟鍾僑鍾旺相依以注經講道爲業皆不取室人自隨子
清時乾隆壬辰進士官編修官山東運河道鍾僑字世邠號如
亭康熙壬辰進士官編修天性孝友嗜學能文章閉戶窮經術
嘗兩校順天鄉試典試雲南視學江西以實行課士高安朱文
端每日百年中無或並也左遷國子監丞著有論語孟子講蒙
十卷詩經測義十卷易解八卷尙書周官皆有說子清載清江
清芳清愷能世其家學清載雍正庚戌進士兵部主事官知府
清江雍正癸卯舉人爲文援筆直書頃刻二百言奇趣天溢莫

能窮其巧清芳乾隆丙辰進士由編修歷官兵部侍郎清懋雍正乙卯舉人均以文名鍾旺字世黃鼎徵三子也康熙戊子舉人考授中書潛心洛閩之學以薦充性理精義纂修官著有憶訓錄重印錄周官劄記諸經雜解等書

同堂弟光型字儀卿少問學於公研究有心得雍正丙午舉人癸丑詔舉理學朝臣以儀卿薦特賜進士官彰德同知有循聲改刑部主事充律呂館三禮館纂修著有崇雅堂文集亭潛私議趨庭錄光北字士卿康熙戊午舉人官教諭精春秋內外博著有春王正月辨及伏窗文集

收刺者亦亦至耳其後亦亦

漸近前鼓風器大非定注脚其則以不掛人字燒能辨亦殊內

前在如厥然上亦必官區時之新備候計他亦亦是也定之是也

不備候計他亦亦是也定之是也

亦亦是也定之是也

亦亦是也定之是也

亦亦是也定之是也

亦亦是也定之是也

亦亦是也定之是也

傅清端公事略

公諱傳臘塔。姓伊爾根覺羅氏。滿洲鑲黃旗人。康熙九年。由筆帖式授內閣中書。遷內閣侍讀。擢御史。時海寇未平。福建提督萬正色以總兵與定方等攻奪賊船。擄賊十二人。疏請議敘。部議以所獲有木汛奸人出境貿易者。不允所請。公疏言。不議敘官弁。恐巡緝懈怠。且有受賄隱縱諸弊。非所以安民弭盜。請敕部酌定章程。得旨。奸民出海貿易。情罪重。其本汛拏獲者。亦應議敘。著爲令。二十五年。授陝西布政使。明年。內擢副都御史。遷工部侍郎。尋以商人採輸柁木。工部監收遲延。議降調。土念公在部未久。寬免之。二十七年二月。命同侍郎多奇社

雲南按提督萬正色與總兵王珍互訐事。既啟行，調吏部侍郎。四月，授兩江總督。公至滇，鞫訊得實。正色、珍均論罪，有差。八月，公陞辭。諭曰：爾此行當滌已奉公，前任兩江總督無如于成龍者，爾效其所行可矣。公抵任，薦賢能，斥貪墨，獄明慎，謫伏如神。請免江甯號房逢搭地利銀八千兩。先是贛縣民控告知縣劉瀚芳私征銀米十餘萬，並蠹役不法事。總督董納發司道集勘，公至，劾布政使多宏安，按察使吳延貴，贛南道鍾有德，於吏役婪贓事不卽勘鞫，復從輕定擬，曲爲庇護，請敕部嚴擬多宏安及延貴，有德並罷任。二十八年，上南巡。諭江浙爲人文之地，學額應加增，下督撫詳議。公議

就大中小各學取入原額。每二名加增一名。二十九年春淮徐所屬飢。公先發常平倉積穀賑恤。入奏稱。旨。五月疏劾大學士徐元文。原任尚書徐乾學。縱子弟爭利害民。巡撫洪之傑。徇私袒庇事得。旨免究劾款。令元文休致回籍。沐陽縣民周廷鑑。叩闕訟降職。侍郎胡簡敬。佔產誣良。及巡撫洪之傑。贍徇狀。公奉命勘勒得實。簡敬及其子弟治罪。有差之傑免。先是給事中尙楷奏定科舉額數。部議每中額一名。準生員六十名。應試。是年八月公署巡撫。監臨鄉試。入場時諸生千百成羣。以未得預試。環訴而泣。公以定額未敢私增。慰諭散去。明年疏言江南上子。每科應試者萬餘人。今限以額數。驟減三分之二。多

土擔囊負笈而來不獲一展所長殊深憫惜請廣增科舉額俾
益加砥礪以副作人之化疏下部議增六十名爲百名三十二
年廣東巡撫江有良與巡撫太常少卿沙拜日許 命公往察
勘得受賦不法各狀有良沙拜俱削籍三十三年疏言惟楊所
屬多版荒田撫臣宋犖曾疏請緩征格於議臣履畝詳斯鹽城
高郵等州縣因遇水災業戶逋逃者眾今田有涸出之名人無
耕種之實小民積困之餘熟田額糧尙多懸欠何能代賠盈萬
之荒賦倘拘責地保里鄰逃亡益多是使熟田盡變荒田於
國課毫無裨益請 恩賜蠲除則逃戶聞風懷歸安居樂業矣
部議不許

上特諭曰。糧從地出。地爲水浸。若征錢糧。則於民甚若。其令免。征閏五月薨於位。遺疏上。詔稱其廉潔。自持實心。奉職懋著。勤勞。命從優議卹。復諭閣臣曰。兩江總督居官善者。自于成龍以來。惟傅臘塔一人。能和而不流。不畏權勢。愛恤軍民。深副朝廷委任之意。特遣太僕卿楊舒赴江甯致祭。傅諭江南官民曰。爾等悲感傷痛。朕亦聞知。向來外官溘逝。從來未有此遣祭之例也。部議賜祭葬。復命加祭一次。贈太子太保。謚清端。子騎都尉世職。子雙喜襲。兩江士民爲建祠。江甯四十四年。駕幸江甯。經兩花臺。上指其祠曰。傅臘塔居官甚優。大有氣節。人雖被劾。無怨者。

特賜額曰兩江遺愛雍正十年入祀賢良祠

十四年

...

... 人... ...

阿文清公事畧 子文恭公富甯安

公諱阿蘭泰姓富察氏滿洲鑲藍旗人由筆帖式累遷郎中康熙十九年議政王大臣等疏薦公練習部務自吳三桂叛後專司軍機文檄日夕勤勞詳慎無誤得 旨以三品卿用明年擢光祿卿遷內閣學士又明年充方畧館副總裁兼明史總裁教習庶吉士二十二年擢兵部侍郎兼管佐領 上欲釐定戶部鼓鑄章程察除積弊 特命公及侍郎陳廷敬副都御史馬世濟管理錢法二十五年夏擢左都御史十一月上閱平定三逆方畧論贊多舛錯 諭閣臣曰平逆始末阿蘭泰知之甚詳可令酌改務期紀事得實二十六年遷工部尙書

國朝先正言行錄卷之二
以商人採輸楠木監收遲延部臣並坐降調

上念公任事未久貸之二十七年調兵部尚書尋調吏部二十

八年閏三月。

上以雨澤愆期。命公同尚書徐元文慮囚湊減罪可矜疑者

四十五人甘霖卽大沛四月充三朝國史總裁。五月擢武英

殿大學士三十一年陝西飢公遵

諭同河道總督靳輔議運

江淮糧米自黃河沂西安以備積儲明年噶爾丹侵擾哈密

上飭令預備公與內大臣索額圖等議增撥京兵一千及陝西

兵三千付提督孫思克相機勦禦二十三年復議噶爾丹逼近

圖拉請遣右衛駐守大臣費揚古郎坦等往勦尋以逆酋遠遁

奏撤塞外新增驛站。詔費揚古還軍歸化郎坦兵亦罷明年
上出古北口 巡歷塞外 命公司留鑰綜理章奏三十五年

二月

上親征噶爾丹於克魯倫河公仍畱京與尙書馬齊佛倫直宿
禁城 特諭公曰朕巡行後蒙古事情及一切章奏爾可閱視
奏聞九月隨 駕出歸化城 駐蹕黃河西界經理軍務十月
以扈從勞 賜內廐馬奉 命赴右衛御賞隨征官兵奏免名
軍借支銀兩俱稱 旨三十六年充奉定期漠方畧總裁官八
月噶爾丹之台吉丹濟拉來降
上駐蹕翰特穆爾嶺 御輦幄屏左右 召丹濟

郎中阿爾法隨入侍

上命之出及丹濟拉退。召公諭曰。爾偕降人入以防不測。此意甚善。朕令爾出欲推誠以示不疑耳。三十七年公與人學工。伊桑阿均以年老善忘奏辭閣務。

上曰大學士最爲重任必公正和平任事謹慎者方稱職。至於記事學士可分任之。三十八年夏因伊公乞休。諭公曰爾與伊桑阿自任閣務以來凡事推誠布公不惟朕知之天下無不知者。雖以年老來罷朕不忍令去也。九月病劇。上欲臨視。遣皇子先往而公已薨矣。

上輟朝一日

賜銀二千兩

皇子及內大臣奠爵

諭曰

阿蘭泰存心端誠。持守廉潔。官力年久。懋著勤勞。可贈少保兼太子太保。予祭葬如典禮。諡文清。四十六年冬。

上與大學士馬齊評論內閣。舊臣稱公能強記且善於辨事。云。雍正十年。詔祀賢良祠。

子富甯安。初襲騎都尉。由副都統遷倉場侍郎。晉左都御史。吏禮二部尚書。兼入旗公庫。庶務清聲著聞。康熙五十四年。策妄阿喇布坦侵我哈密。命馳驛赴西甯視師。總統調度五十六年。授靖逆將軍。駐巴里坤。命同振武將軍傅爾丹。副將軍祁里德分界覘賊情形。卽親率兵襲擊準噶爾邊界。屢敗賊眾於皮禪城。俘斬甚眾。阿克薩爾坦等俱率眾迎降。進屯烏魯木齊。

賊避不敢犯。五十九年進兵烏蘭烏蘇，遣將分道襲擊，擒賊哨卒奪馬百餘，破其所踞山隘，獲其台吉，俘斬百餘人。別遣將諭降關展城回人，進擊吐魯番，降其酋長，獲馬駝甚多。疏請率所部萬七千人各持三月糧分兩路進剿，詔傳爾丹濟師三千併其軍。明年有旨暫停進剿，時策妄阿喇布坦遷其所屬吐魯番回人而行。回人多不願往，中道遁回，且擊敗賊所遣宰桑。赴我軍乞降，富甯安以聞，命率兵二千赴吐魯番收撫。安擒未幾，賊眾來犯，乃遣將率兵四千往援，而自率兵四千進駐伊勒布爾和碩，調遣策應會官軍屢敗賊眾，遠遁乃復還，駐巴里坤。疏言嘉峪關外布隆吉爾之西爲古瓜沙嫩煌地，濱河土

沃若駐兵屯牧設總兵官一人統之可阨黨色爾騰之路又疏請專遣大臣領屯田諸處儲根事宜又請以巴里坤牧駝運糶乘炎熱草盛時分起領運免至臨事張皇

上並可其奏。

世宗御極授武英殿大學士仍駐巴里坤管理軍務雍正三年賜勅獎諭并賜帑銀二萬兩四年冬還朝賜御用冠服並溲眼孔雀翎黃轡鞍馬及朝珠銀帑諭王大臣曰富甯安任將軍時一心肫篤諸務井井有條且行止端方廉潔年來領兵將軍聲名無出其右者益彰皇者用人之明朕實嘉賴焉其錫世襲侯爵以示殊異於是

騎都尉晉一等侯五月夏

諭獎其公勤忠實加太子太傅管

鑲白正紅二旗都統事是歲

命往西安署駐防將軍六年五

月坐苟且推卸奪世爵仍畱大學士六月薨於西安

諭稱其

人品端方操守廉潔勤慎小心始終一致下所司優卹櫬歸令

陝西督撫料理所過地方官均於櫬前奠醑及抵京遣郡王

及內大臣侍衛奠茶酒

諭賜祭葬予諡文恭十年秋與文清

公同入祀賢良祠

國朝先正事略卷之八 名臣

平江李元度次青纂

高忠烈公事略

子其佩

交恪公其位

猶子文良公其

高公諱天爵字君寵漢軍鑲白旗人後以子其位任大學士時
改隸鑲黃旗先世居鐵嶺父尚義隨征松山杏山及太原有功
子輕車都尉世職公少讀書善騎射慷慨重義順治四年田貢
生除知高苑縣躬擐甲捕巨盜謝干等博興縣為賊所陷公夜
率眾馳救之賊皆遁走遷知信陽州以經略洪承疇薦擢長沙
知府大兵進攻明桂王公奉檄理軍餉聞父病力請去官十六
年再授江西建昌府先是廣昌山賊王昂傳勝等聚眾數千踞

國朝先正事略卷之八 名臣

羊石、簡水、二砦爲老巢。時出劫掠。砦勢險峻。官軍仰攻。輒不利。因罷攻。招之降。王昂勝傅佯就撫。仍伺隙煽亂。官軍擒之。斃于獄。餘賊益負固抗拒。乃依山立柵。困之。十八年夏。公與巡道張永祺等定計。乘風雨交作時。分布官軍直搗滴水砦。破之。進攻羊石砦。並截賊去路。斬馘千餘。傷斃及墮崖死者無算。因赭山鑿險以絕後患。生擒賊渠。幸連升。周由義等。及王昂之父王尙智所掠丁口悉還其家。事聞。得優叙。在建昌最久。多善政。康熙十三年。遷兩淮鹽運使。未行。狄精忠據福建叛。出兵攻建昌。或謂可亟去。公慨然曰。吾守此土十六年。雖受代。豈可遽去。當殉此城耳。時城中將吏多陰從賊。公知事不可爲。乃命其子奉母。

從間道出自跨馬率家僮數十人禦賊萬年。樞賊不能越守將趙印以降賊。乘公力戰時從後縛之。遂執以入閩。累誘降皆不屈。繫獄中。越歲餘。公與副將王進等謀遣千總徐得功出仙霞。關請大兵入閩。陰結死士爲內應。謀洩被害。時十五年九月四日也。詔贈太僕卿。廕一子。三十五年福建巡撫卞永譽請以公及福甯總兵吳萬福。福州知府王之儀。邵武知府張瑞午。建甯同知喻三畏。邵武同知高舉。侯官知縣劉嘉猷。尤溪知縣李堦。福州城守參有功等。合祀省城西門外。得旨允行。四十六年。子其佩。官浙江溫處道。爲父請匾額。御書蓋臣義烈額。其家詞復請諡。特賜諡曰忠烈。雍正四年。長子其位。官大學士。

其佩官都統同奏請。諭察得旨高天爵捐軀殉難大節可

嘉高其位高其佩乃現大學士都統大臣爲父請卹甚是可加

贈禮部尙書銜追賜卹典七年入祀昭忠祠

其佩字韋之一字且園公第五子也由宿州知州內遷員外郎

出爲溫處道坐署運使虧鹽課奪官尋開復五十四年補四川

永甯道就遷按察使雍正元年内遷光祿卿擢刑部侍郎晉都

統仍兼刑部侍郎三年夏命同侍郎史貽直往西川審理年

羹堯誣罰茶商私佔鹽窩各款又陝西邵陽縣因私鹽致死無

辜八百餘人事皆得實五年坐讞獄失入奪侍郎仍留都統任

尋罷其佩天資超逸工詩兼善指順畫海內珍之

其位字宜之一字韞園初由筆帖式管佐領康熙十三年吳三桂陷湖南順承郡王勒爾錦統師征之其位從征至襄陽會總兵楊來嘉叛命其位率二十騎覘虛實猝遇賊衆二萬人于土地嶺其位出其不意衝突之賊驚潰且斫且馳至南漳入城守禦衣上血模糊刀刃盡缺叛賊譚洪率舟師三萬向鄖陽其位以百人扼楊溪埔賊蜂擁至其位據崖射賊矢無虛發相持七十日糧盡煮馬鞍以食誓必死會副都統李麟隆擊破賊乃全師歸由是每戰必先登前後給功牌十有二薦擢襄陽總兵五十二年擢湖廣提督賜孔雀翎及橐鞬鞍馬五十六年自陳乞罷諭嘉其和輯兵民聲望素著令供職如故六十年調江

南提督明年。特命署兩江總督。雍正元年入覲。命仍回提

督任。四月疏請保護。

聖躬得旨。此奏字句之外。實有一片愛君之心。發乎至誠。非

泛泛虛文可比。尋疏言松江之泖湖澱湖澄湖港汊紛歧。與浙

江錯壤。與太湖毘連。經兩省督撫與臣委官勘議。防奸法計。松

江所屬通般要口百十有三處。釘椿立柵。以時啟閉。官捐工料。

百姓樂趨。事已將次告成。手勅報曰。權宜措置。必無礙商民

乃善。尋賜御製詩。有裨益軍民資偉畧。剏調文武在和哀之

句。二年奏進黃浦漁人所網得雙夔龍。組未刻玉印。諭曰。此

事若出自他人。朕不信也。卿乃忠實老臣。斷不至有捏造虛誕

之舉。今賜卿四團龍補服等物。以示嘉悅。三年夏。

世宗諭廷臣曰。高其位前。署總督時。年羨堯。奏其年老衰憊。兩耳重聽。恐貽悞地方。及朕卽位。猶記羨堯之言。特召來京。陛見。觀其人。老成忠厚。善氣迎人。雖已老而精力尙可用。卽此可見羨堯之險詐也。九月。拜文淵閣大學士。兼禮部尙書。加太子太傅。公以衰老不勝機務。辭。弗許。四年五月。至京。改隸鑲黃旗。尋乞休。諭以跪拜艱難。高年長有之事。不必遽求退。十月。公八十生辰。賜匾聯及服食等物。白金一千兩。十一月。復乞休。得旨。卿宣力年久。老成練達。著賢聲。是以簡任機務。用昭優眷。前次乞休。朕未忍俞。允。今復奏請。情詞懇切。可原官致仕。五年。

正月薨。命王大臣侍衛奠茶酒。賜祭葬如例。諡文恪。十二年。詔入祀賢良祠。次子纘。勳襲世職。長子起由。任子授茂州知州。遷漢中知府。荆南道。內遷光祿少卿。康熙三十一年。擢副都統。晉兵部右侍郎。雍正十三年。擢兵部尙書。尋以都統銜在雍和宮行走。未幾卒。

其倬字章之。號芙。沼忠烈公猶子也。父廕爵。任口北道。其倬由康熙三十三年進士。選庶吉士。乞假歸。閉戶讀書數年。始就職。授檢討。

聖祖奇其貌。欲試以外事。會四川有獄未決。命往訊歸。上問打箭爐形勢。口陳手畫。沈詳不煩。

上器之。命典試四川。遷中允侍講。督山西學政。再遷侍講學士。擢內閣學士。五十九年。巡撫廣西。會鄧橫苗叛。單騎入寨諭以朝廷威德。衆棄刃羅拜。受約束而還。逾年。擢雲貴總督。土司承襲。向有陋規。吏胥每因文結舛錯。藉端需索。公嚴行禁革。先是青海台吉羅卜藏丹津肆逆。謀進西藏。公以雲南中甸爲進藏咽喉地。請調鶴麗劍川兵鎮之。墾田陸涼州積谷備邊。改哀牢土司爲流官。苗民蠢動。遣兵迎勦。大小三十二戰。平魯魁茅洞諸寨。逆渠先後就俘。二年春。青海平。中甸諸番口攜三千五百戶。繳偽劄。納土歸誠。公疏聞。并條奏中甸善後事宜五則。魯魁山善後事宜九則。

上嘉其妥協。璽書褒美。賞騎都尉。世職。尋勅平貴州狎家。

苗叛。曾阿近等。諭部優叙。復條奏貴州苗畧事宜八則。下部。

議行。三年。加兵部尙書。太子少傅。十月。調閩浙總督。瀕行。奏請。

豁除雲南鶴慶府鄧州嵩明騰越三州六和浪穹二縣重輸軍。

賦。允之。行抵浙東。聞福建饑。卽請撥溫台倉谷七萬石。運閩平。

糶。四年。疏陳福興漳泉等府地狹人稠。自平定台灣以來。生齒。

日繁。無田可耕。勢且流爲盜賊。從前海禁過嚴。請弛禁以廣謀。

生之路。詔下。怡親王會同大學士九卿議行。五年。尋勅台灣。

兇番骨宗等二十名。各社相繼歸誠。十年。詔以李衛爲浙江。

總督。命其倬專督福建。六年。條奏福建鹽政事宜四則。部議。

從之。又以原任御史蕭震當耿逆叛時。與邵武守張瑞午等合謀討賊。事洩被害。妻妾媳婢皆死之。瑞午業蒙卹典。而震獨遺疏請入鄉賢祠。致祭旌其門。詔如所請。七年秋入覲。賜御製詩。有操慄冰霜功帶礪。匡時重鎮眷良臣之句。八年晉太子太保。調督兩江。先是。命諸上以其倬通曉堪輿術。福陵恭視形勢。工程至是復命來京。隨怡賢親王相度。萬年吉地于易州之太平峪。諭嘉其悉心籌度。實出于忠愛至誠。特授輕車都尉。并前所得騎都尉。爲三等男。尋署雲貴廣西總督。九年疏言雲南昭通府四面環山。請委官專辦墾務。定

爲水旱生熟四項分給兵民。獮土各戶墾種。按年收谷還本。後起科輸米。以省兵米運費。下部議行。十一年。命仍回兩江任會。普洱府屬思茅土目刀國興等煽亂。遣將討平之。擒其酋并賊屬五百餘人。九月。詔以總督銜管江蘇巡撫事。尋坐瞻徇左遷。巡撫十三年。疏劾淮閩監督年希堯庇縱玷職黜之。乾隆元年。以疾。召還京。未幾授湖北巡撫。調湖南。二年。湖南城步綏甯獮糾黨焚劫。遣將分勦之。賊黨平。命優叙。三年。擢工部尙書。調戶部。十月。薨于寶應舟。次年六十三。遺疏入。優詔悼惜。沿途遣官奔護。送回旗尋。賜祭葬。子諡文良。公揚休玉色。進止嚴重。目不能遠視。無事輒睽開。則精光射人。爲人淵深。

凝靜每奏事。天語褒嘉或忤。旨旦夕禍不測而公施施如
平時。人欲窺公顏。卜主眷盛衰不可得也。
世宗知公寬不能掖之。使奮代人匿瑕藏疾。至累及終不悔。然
于國憲民瘼大綱必舉。中外推鉅人。長德無異詞。故雖
追責而封疆重任。十三年如一日。西師大事必密與謀。青海降
會和羅爾遇逃。

上以問公公奏有之不爲多無不爲少宜撫其不逃者愧其逃
者。

上嘉納焉。孫文定嘉淦少時殺人報仇。公督學時脫其罪。終身
執弟子禮甚恭。李敏達衛任滇藩時與安南爭鉛厰河有旨

切責公引為已咎李慚感次骨松江提督補熙將之任

上慮公在江久不無裨政命補察劾自甚嚴及抵江聞眾

稱公賢以實奏

上曰補熙不迎合樸誠可嘉則擢總漕嗚呼公與補皆不可及

而

世宗之神聖為何如也所著奏疏十卷味和堂詩集八卷公少

以詩名稱一代作手繼配蔡夫人綏遠大將軍毓榮女亦能詩

甘忠果公事略 朱國治 李興元

甘公文焜字仲明其先江西豐城人後徙遼東父應魁從世祖入關隸正藍旗漢軍官至副將公幼事母至孝稍長好讀書精騎射負志節以父廕讓其弟由筆帖式擢啟心郎改大理少卿康熙二年遷順天府尹以法繩下貴幸家皆斂迹崇文門稅苛露章奏之六年巡撫直隸先是郝都憲惟訥以督撫親巡屬邑官吏因緣派累民間奏罷巡歷例公疏言巡撫不巡視所屬則吏治民隱無由悉知如其不賢則雖坐守會城而苛屬擾民之事不一若果賢自愛名節輕騎滅從織毫不以累其民而年歲豐歉民間利病有司貪廉悉無遁情請仍 敕令巡視但

申嚴苛擾例。禁疏下部。寢其議。

聖祖特詔允行。著爲令。公單騎巡所部。禁暴郵郵。緝姦除盜。知無不爲。疏報保定真定等屬。秋雨爲災。請全蠲歲賦。其已征夏稅。流底來年。部議止。按例減免。特旨全蠲。其已征者。許抵來年之數。公復劾昌平順義懷柔密雲文河各州縣遲報水災。論如律。七年。擢雲貴總督。奏禁各驛站子額。役夫役外。派民協助。時吳三桂駐雲南。總督駐貴陽。三桂蓄異志。久僭侈踰法。公持大體。多所裁抑。又以時訓練部兵。申嚴紀律。思制其孽芽。三桂頗憚公威名。未卽發。乃詭報土番康東入寇。又陰嗾凱里諸苗煽亂。羽檄交馳。以覘公措置。公料康東無能爲。凱里近在肘腋。

先督兵進勦陣斬賊酋破其巢餘黨悉平旋以進勦康東師期移檄雲南而三桂果以康東遠遁告公以滇疆遼闊疏請巡視因徧慰所屬疏言黔滇山路崎嶇且多瘴癘凡官吏卒于任者請給勘合由驛歸其櫬下部議行十年秋以疾求罷溫旨慰留尋丁母憂命在任守制逆苗阿福倡亂遣兵搗其寨擒斬之再疏乞假歸葬許之三桂請以總督印交雲南巡撫署理因假訓練爲名盡調督標兵赴滇厚結之十二年十月公還貴陽任事標兵被扇誘莫聽調遣當是時朝廷方允三桂撤藩之請三桂期以十一月廿四日起行陰結黨羽將謀反先期三日戕雲南巡撫朱國治分遣逆黨逼貴陽公聞變卽遣族弟文燭賈

疏入告中有云。城存臣存。城亡臣亡。急牒提督李本深。使領兵扼盤江上流。拒賊。適本深以書來。覘公意。中多遁辭。公手書答之。曰。吾輩忠孝。自失。建樹正在今日。尙其同心協力。手足相依。萬一不濟。惟有效。張巡南霽雲以身殉國。若稍二三。其德遺馨。遺臭千里。毫釐也。而本深與滇撫曹申吉。已從賊。公見諸將吏。無一可與謀者。度貴陽不能守。惟鎮遠地勢險阻。外可號召。荆楚之兵。內可抗拒。黔滇之隘。力過兇鋒。事猶可爲。是日妾盛氏率婦女等七人。自經死。公卽馳赴鎮遠。至則守將江義已反。戈相待。公揮鞭渡河。抵吉祥寺。義以兵環之。公下馬歎曰。封疆之臣。義死。封疆過此。則非黔地矣。整衣冠。望闕再拜。遂自刎死。

年四十有二子國城及筆帟式和善雅圖從死焉公殉節後髻鬢蝟張雙目猶視生氣慄慄士民見者皆隕涕遂其殮瘞于寺側後數年吳逆既平黔撫楊公雍建疏陳公政績及死事狀得旨優恤并允直隸巡撫于公成龍請遣其長子宣化同知國均迎觀至京至之日

上遣大臣迎奠盧溝橋贈兵部尚書賜祭葬如禮子諡忠

果詔立碑表其塞廕子國璧入監貴州士民請建專祠於貴

陽御書勁節二字額其祠雍正初詔祀昭忠祠國璧官至

雲南巡撫

朱公國治漢軍正黃旗人世居撫順國初入包衣籍順治中

國明正官錄卷之八名臣

由拔貢除知回安縣以政最再遷霸昌道入爲大理卿擢江甯
巡撫亡何以憂歸服闋起雲南巡撫康熙十二年爲三桂所執
罵賊不屈死事聞贈戶部侍郎優詔議卹命由驛歸櫬尋
賜祭葬雍正七年入祀昭忠祠卹其子孫令出包衣籍同時死
難者爲雲南按察使李公興元字若始直隸遵化人也以康熙
十年涖雲南方正執法嚴抑藩兵毋許違禁取利及準折民間
子女部民德之吳逆之變脅授僞職不從杖之下獄尋安置蒙
化府拘禁六年終不屈與雲南知府高顯辰同知劉崑先後遇
害子廕秀奇秀從死卹贈太常卿廕一子人監讀書

傳忠毅公事略

公姓傅氏諱宏烈字仲謀號竹君。江西進賢人。父應期。明季令廣西。鼎革後阻寇不能歸。公少負大畧。王師定兩廣。以人材應募。順治十四年。總督王國光薦授韶州同知。康熙二年。遷慶陽知府。七年。疏陳平西王吳三桂陰謀不軌狀。請早爲之所。部議坐公離閒王大臣。逮繫論斬。聖祖特旨減辟。戊梧州十二年冬。三桂反。廣西將軍孫延齡提督馬雄叛。應之。遣提督郭懋禕捕公甚急。公投水求死。懋禕出之。送延齡所。公以忠孝說延齡。且言三桂必敗。母與其禍。延齡有悔心。其妻孔四貞定南王有德女也。亦與公言感。

太皇太后恩不願從賊時吳逆偽黨四布延齡令公往南甯聯
合交趾接應大兵圖反正公因陽附三桂受偽將軍職得出入
賊黨中且密約平南王尚可喜共圖恢復十六年春遣人至贛
州致書鎮南將軍舒恕言孔四貞不忘國恩孫延齡可昭撫
狀先是廣西巡撫馬公雄鎮爲延齡所害朝命麻爾吉督辦
廣西軍務公復致書麻公言大兵若速進南安宏烈從韶州策
應則兩粵可計日定舒公麻公先後陳奏得旨傅烈宏圖報
國恩忠誠懋著可卽授廣西巡撫會將軍莽依圖復南安進克
南雄抵韶州公迎見拜巡撫之命疏言逆賊吳三桂蓄謀不
軌臣首發其奸廷臣惟恐激變凡供詞涉三桂一字不錄臣憤

激願死自引罪蒙 特恩免死安置梧州嗣三桂反廣西布政使李迎春等苦勸臣從臣憤不欲生自投江水誓爲厲鬼殺賊漂流十里遇救不死因思不入虎穴焉得虎子乃投身賊地從中反閒又假地事赴南甯入思州泗城廣南富川諸土司及交趾界聯路義勇助平南王尚可喜軍可喜病篤猶執手相勛令速復肇慶遂與其子之信合謀討賊擊敗僞將軍楊鎮邦僞總兵古元隆等乃得由龍南達贛州歸命 朝廷以展夙志三桂自聞肇慶規復百計欲殺臣而終不得遂計者隨臣義勇五千人實賴其力請留爲援勦營量給糧餉馬匹並請 勅尙之信遣兵合勦得 旨覽奏詞意忠懇可加授撫蠻滅寇將軍廣西

巡撫如故。尙之信速遣所屬官兵與傅宏烈同定廣西。並命總督金光祖給銀十萬兩。俟秋涼再發馬匹。尋命戶部加撥銀十萬解赴軍前。公率兵敗賊于韶州。擒斬僞總兵王雲龍等。遂進征廣西。擊走僞將軍趙天元。復梧州。分遣總兵曾大熾等攻克昭平賀縣。又招降鬱林州博白北流陸川興業等縣賊眾。會逆黨復犯梧州。公遣總兵楊國泰等水陸夾擊。陣斬僞總兵張元。乘勝復潯州。尋遣知府劉鹿賁疏。縷陳進勦機宜。諭獎公謀畧優長。忠貞夙篤。恢復梧州潯等處。屢奏膚功。覽所奏進勦機宜。矢志滅賊。深堪嘉尙。可加太子太保。所屬將吏同心報國。其各加叙一級。初馬雄之叛也。公家屬百餘人盡陷賊中。叛逆。

李迎春。執送吳三桂與總兵楊國泰及諸將士家屬並遇害。主是公疏聞。諭獎其爲國忘家。下所司優恤。時馬雄方踞柳州。三桂逆黨分踞平樂南甯橫州。勢張甚。公欲借尙之信兵力。其取平樂。乘孫延齡已謀歸順。赴桂林駐守。請勅之信遣兵繼進之。信以防守廣東爲辭。公向借大礮及營馬。皆不應。三桂知延齡不附。已遣其從孫世琮及賊將馬寶等掠桂林。給延齡出城殺之。旋陷平樂。何公方赴南甯招撫土司。遂襲梧州。公移師擊斬賊。乃遁。十七年。與將軍莽依圖進圍平樂。賊水陸抗拒。我兵失利。退保中山鎮。莽奏公所部先卻。江水泛漲。孤軍難久留。公奏莽公所部不相應援。仍自請議罪。

上諭王大臣曰。傅宏烈所領官兵。從未支領俸餉。奮勇收復諸路。嗣以規取黔滇。請發大軍並進。因令莽依圖協力進取。不意莽依圖抵平樂。藉口綠旗兵失陷。退至賀縣。又稱糧乏。退保梧州。致傅宏烈所復城池盡棄。與賊其嚴筋痛。改前非以圖後効。公尋奏戰守事宜。諭曰。賢所奏安人心。固內地。勦賊之策。悉備。其勉爲之。尋疏報勦賊容縣之西山。大捷。復北流縣。五月疏報。偕都統貝勒等。率兵自北流。陸川。博白。進勦。斬僞總兵梁子玉等。復鬱林州。及興業。陸博白等縣。又疏報招降僞總兵何興及所部萬餘人。均下部議叙。六月。賊兵數萬渡左江。我兵與戰。失利。退守藤縣。十月。賊併力來犯。藤縣失守。遂逼梧州。十八年。

五月吳世琮犯梧州。公分布水陸官兵奮力夾擊，殲賊二千有奇。世琮棄營遁，遂遣總兵譚昇等復藤縣，進定平樂、桂林，並招諭僞總兵王定邦等五人，各率所部降。時賊將范齊、韓等尙踞粵西。公遣游擊鄧林材會合馬承廕兵進勦，遂復柳城、融縣。馬承廕者，故提督雄子也。雄叛降三桂，踞柳州病死。承廕領父眾封僞懷甯公，見公擊敗吳世琮，乃請降。公以所部驕悍，奏請仍以承廕統轄。詔授承廕伯爵，給昭義將軍印。是年冬，公疏辭巡撫任，願統兵進勦黔滇。疏言：進征雲貴，多山險，騎兵未可專恃，必用綠旗前驅，而進兵之路。廣西爲要，湖南次之。今兩廣綠旗皆爲朝廷捨命殺賊者，惟臣標兵逆賊未滅，臣不敢偷安。

見遣參將溫紹賢等選精兵三千五百從小路進取貴州之黎平湖南之靖州斷賊楓木嶺餉道又調馬承廕兵四千駐慶遠以分賊勢臣俟命下卽率兵進發會合湖南兵努力前驅詔如所請行十九年二月公至柳州疏言柳州兵不下三萬逆賊百端煽誘人心不一近以乏餉鼓譟臣欲擒誅首惡恐激變是以暫示姑容此軍積成驕悍必俟賊平後陸續解散見在馬承廕所部乞勅盡給糧餉先收七千人心鼓勵從征庶不爲內地變患疏上未及報聞而承廕請公往申號令衆謂承廕反覆不可信公曰人已降奈何疑之率數十騎往諸將慮有變率兵尾行公不知也承廕見兵踵至疑執已遂激衆再叛執公送

貴陽時三桂已死其孫世璠僭號居貴陽也世璠夙重公威名誘以僞職公罵白爾祖未反時吾卽劾奏知爾家必作賊恨不早滅爾家肯從賊耶旋復百計說之罵益厲遂遇害十一月將軍穆占攻復貴陽收骸骨以聞

上曰傅宏烈宣力廣西陷賊不屈徇難捐軀忠節可憫下所司優卹令由驛歸櫬贈太子太師兵部尙書陽祭葬子謚忠毅廕一子七品官公前後請留中密疏如預陳尙之信反狀及安置投誠官兵籌畫勦撫鎮守機宜皆中昔蔡沒後奉聖祖特旨盡出其前後密奏宣布中外昭示忠悃焉其論劾尙之信也言之信歸正後怙惡不悛在廣東賣官虐民抄家充餉

重歛橫征。時而疏請出兵。湖南時而疏請平定廣西。及命下。則一兵不發。目中竟不知有君命。臣前此隱忍調停。欲導其爲。朝廷出力。既而知其反覆變詐。故厚集兵力。以爲東西未雨之防。今三桂已死。餘孽蕩平。在卽之信必無能爲。請于肇慶設滿洲將軍。或易滿洲總督。帶旗兵駐守。彈壓削之。信藩封。遣散所屬。設水帥提督。以分其權。庶兩廣得以久安。其論安置降軍也。言臣甫至桂林。孫延齡舊部請糧。請餉。呼告盈門。野性難馴。養之必無益。然又未可猝散。宜仍立藩旗。照額支餉。以滿洲將軍駐省。署理藩旗。俟賊平後。撤回京師。至投誠賊將。各帶兵馬。若不用。則必生心。且無以勸來者。用之則名器太濫。不成體。

制宜各照僞銜給劄。今僞將軍赴部補用。其總兵副參游及文職等官。或願赴部。或願在督撫將軍軍前補用者。聽庶各僞官。可以解散。其論鎮守事宜也。謂長治久安之策。凡衝要地均宜。照江南陝西例。設滿洲將軍駐防。以制反側。文臣事權不宜太輕。藩臣兵權不宜太重。趁此軍威大振之日。宜善爲布置。密爲解散。以固億萬年不拔之基。奏入。

上並聽其言。以密疏示議政王大臣。後皆如公策。當康熙初三。藩分鎮勢傾朝野。吳逆尤鴟張。擁兵數十萬。分十鎮。運七布政使。司錢糧。協濟之將。吏遷除。號曰西選。詔吏兵二部不得掣肘。在廷皆知其有異謀。然無敢明言者。公以一知府抗疏發其

奸瀕九死不悔斯已奇矣。及三桂反黔滇川楚閩粵并爲賊。有浙江陝西湖北亦被兵失陷郡縣。察哈爾布爾泥復反于漠北。山西駐防蒙古兵叛。應之其安靖者京師及山東河南而已。當是時天下震動。藩王如尙之信耿精忠將軍如孫延齡總督如鄭蛟麟金光祖巡撫如劉秉政羅森曹申吉提督如王輔臣李本深馬雄線國安嚴自明等並從賊。此外若吳之茂譚洪楊來嘉祖澤清劉進忠祖宏勳阿爾泰郭義張星耀苗之秀佟國卿等並降于賊。巡撫盧震華善等則棄城走。督撫死節者范公承謨甘公文焜馬公雄鎮朱公國治數人耳。然殉難而未能擊賊也。總督如蔡公毓榮李公之芳能擊賊矣。又皆與王師并道。

禁旅之功爲多。獨公以戎卒倡義。以賊攻賊。未費公家斗粟。寸刃。恢復桂林。梧潯地于餘里。厥功尤爲奇偉。亂之初。生闔門死。難至百四十餘人。功在垂成。誤被賊治。大罵不屈。以死。公可謂義烈奇男子也矣。二十一年。勅建雙忠祠于廣西。以公與馬公雄鎮並祀。從巡撫郝浴請也。雍正中。詔入祀昭忠祠。子明垣由廕生官知州。

出山劉主官職



縣志卷之八

縣志卷之八

縣志卷之八

縣志卷之八

馬文教公事略

于世濟等

馬公雄鎮字錫蕃號坦公漢軍鑲紅旗人世居遼陽祖與進官訓導明天啟辛酉遼有兵禍訓導公率鄉民捍城甚力妻趙氏聞訛言城破遽驅女孫入井領家人四十餘口同日死父鳴佩字潤甫從龍入關順治元年由部郎出爲汾潞道數立戰功流賊一隻虎犯岢嵐州設伏擒之尋逸去授計郡將馳騎縛歸羣盜駭散超擢戶部侍郎王師征江南督餉不乏總督宣大開屯地二千六百餘頃加兵部尙書任兩江總督拔梁化鳳于偏裨中薦其有大將才使破賊于崇明使南贛兵敗僞伯陳其倫于瑞金威明旣著招降海寇甚眾以疾乞休薨于一卽公也順

治十三年田任子授工部副理事官累遷左僉都御史國史院
學士康熙八年擢山西巡撫未之在改廣西巡撫時左江奸民
楊其清等妖言煽眾謀不軌右江妖僧假明宗室爲亂羣道莫
扶化等結崗竄掠梧平二郡公悉討平之疏請定邊俸陞遷之
例除兵糧運費去採買之累皆得 旨允行十二年吳三桂反
雲南明年二月廣西將軍孫延齡叛應之殺都統王永年孟一
茂等圍巡撫署以僞命遣公衣冠脅降時巡撫無標兵公督家
丁拒戰移檄梧州趣提督馬雄赴援雄不至公朝服自經爲家
人救免乃以蠟丸馳疏遣僕賀微遁入京告變尋遣承差楊啟
祥引長子世濟遁又託募客李子燮朱昉挾次子世永孫國楨

遁先後由閒道歸京師。且疏言：人心不甘從逆，若大軍速至，恢復廣西，則三桂腹背受敵矣。延齡瞰知之，繫公及家屬四十餘人于土室，公絕粒數日不死，拔刀自刎，守卒奪刀落，卒四指，又不得死，遂闔室被幽，歷四載。三桂遣使招之，公麾其使，誓不屈。先是慶陽知府傅公宏烈以豫發三桂逆謀，坐誣謫戍梧州。至是，勸延齡反正。延齡猶豫不決。十六年十月，三桂遣從孫世琮收兩粵，斬延齡，擁公至賊壘，百計誘降。且肆盛筵，示祇敬。公大罵曰：吾奉命巡撫廣西，義守封疆，恨不能寸斬汝以報國。今討賊不遂，死吾分也。賊不能堪。十月十二日，押公至烏金埔，戕公幼子世洪。世泰以懼之，公罵益厲。且曰：吳三桂能舍其父，我能

獨不能舍其子耶。手奪兩兒頭擊賊。遂被害。時年四十有四。從者馬雲皋。唐進寶。諸應兆等九人見公死。交口躍罵賊。駢戮之。咸引頸受刃。時眷屬尙羈土室。聞變。世濟妻董氏先就縊。純絕。仆地觸首面俱碎。復投繯死。公妾顧氏。劉氏。女二人。世濟妾苗氏。以次縊。夫人李氏坐觀之。使各就衾殮。然後北向再拜自縊。時年三十有九。僕婢十有八人皆殉焉。守卒感其義。私記各尸焚瘞。廣福寺後。公尸暴露數十餘口。賊將趙天元過之。見公展兩臂枕兩兒尸。下馬再拜亦殮。葬寺側。傅公宏烈時爲撫。蠶滅寇將軍。駐梧州。幕客孫成。陳文煥乘閒脫走。由平樂達蒼梧。具公死事狀。丐傳公入告。並以公所著笏擊樓遺稿及彙草辨疑。

歸之世濟傳公疏聞

聖祖嘉公忠烈下所司議卹

贈太子太保兵部尙書

賜祭

葬謚文毅李氏董氏各

子誥贈公之在士室也家屬以飢寒

死者凡十九人公若弗聞也者日以賦詩臨池自遣姬顧氏本

吳中女士精小學說文公撰策草辨疑十二卷姬皆手爲旁訓

其遣世濟行也全州人易友亮實導之出及世永國楨之行年

俱幼賊伺之甚密友亮復與州人唐守道唐正發謀穴垣出之

初公 陸辭

上解御衣以賜及聞延齡被殺度必死乃以衣授友亮使先遁

懼汚 君賜也世濟至粵西友亮獻衣述遺命世濟歸奏

上仍以衣賜世濟。授世濟大理少卿。友亮守道正發，及楊啟祥授游擊守備，孫成、陳文煥授同知，知縣有差。十八年，世濟請赴廣西收父母骸骨，命馳驛往。明年喪至京師。

上遣大臣奠醑，並賜御書碑文立墓道。又允巡撫郝浴請建雙忠祠于桂林，祀公及傅公宏烈。二十一年正月，宴羣臣于

乾清宮，以濟世爲殉難撫臣子。特命至御座前，賜酒。世

濟時官光祿卿，累遷吏部侍郎、貴州巡撫、漕運總督。世永官至鹽運使，國楨官江南常鎮道。雍正中，詔祀公昭忠祠。乾隆十

六年

上念公爲國効忠

特子雲騎尉世襲罔替

陳忠毅公事略 葉忠節公映攝

陳公丹赤字獻之號真亭福建侯官人順治十七年由舉人授重慶推官歷權重慶夔州二府有能名康熙元年卒卓異遷刑部主事再晉郎中時有冤獄宜未減者公與同官議不協主者以兩議上

上卒從公議十二年授浙江溫處道寬海禁民慶更生旋權按察使事十三年四月入覲還至東昌聞逆藩耿精忠叛瞿然曰溫州與閩接壤為浙東門戶脫有失如封疆何乃舍舟登陸兼程至維陽乘舩三晝夜至杭州入白大吏馳還治所繕城堡練丁壯為固守計人心以安五月平陽逆弁司定猷倡亂執

總兵察朝佐攻瑞安海寇乘閒肆掠鄉民爭入城總兵祖宏勳欲禁之公曰城所之衛民也有民不衛安用城命納之曰馳牒乞援已而賊大至攻南門甚急公擐甲登陴用礮死殺賊無算會宏勳有異志擁兵坐視與公城守者惟麾下及鄉丁各數百人而已越二日援師至營于江岸公趣使濟師宏勳恐六月初一日集在城文武官至大官亭要公計事左右或沮之公不顧策馬竟去至則慷慨陳說大義聞者皆感動一時將弁有自懷中出白書者耿逆招宏勳獻城檄也公大聲曰吾輩受國厚恩誓死不貳此物奚宜至哉宏勳執手好言慰之曰彼眾我寡耳獨不爲闔城生靈計乎且公閩人也骨肉墳墓皆在閩宜熟思

公神色愈峻。麾宏勳，手曰：「吾知以死報國耳，不知其他。」起裂之。宏勳目于總高魁，持斧擁公出，公罵曰：「逆賊汝殺我。」朝廷必寸磔汝。魁以斧斷公右臂，遂遇害。永嘉知縣馬瑛抗聲曰：「擅殺道臣，竟反矣。」亦被戕。役林義者聞變，馳而上，持槩大呼，擊傷數人，力竭死。十六年，浙撫上其事。詔下所司議卹。尋議贈光祿少卿。上少之，語大臣曰：「漢官盡節，惟陳丹赤一人，宜優卹。」議贈光祿卿。仍命再議，乃議贈通政使，廕子一夔，入監讀書。賜祭葬。三十三年，特賜諡曰忠毅。逾年，勅建雙忠祠于溫州，祀公及馬瑛等。三十八年。

聖祖南巡駐蹕杭州一變時爲湖州守迎駕諭曰爾父

爲國殉難朕至今憫之賜御書名垂青史額一變守湖州有

善政人方之陳幼孝以註誤免官特旨改甯波守會湖郡饑

大吏以一夔舊得民心遣督賑百姓遮道譁曰還我太守事聞

詔從之尋擢參政卒喪歸湖人士奔號泣奠數百里外立祠祀

之方耿逆之初變也浙督李文襄屢使人詢閩虛實者不返以

忠毅閩人遂屬遺家僕羅世安往公殉節後世安歸于軍前悉

以其實告文襄得所向有功後十四年上海葉忠節公有殉難

湖北之事

葉公映禱字炳霞號蒼巖江蘇上海人順治十八年進士選庶

吉士以江南奏銷案註誤降補。國子博士。遷戶部主事。康熙十一年充陝西副考官。晉郎中。十七年擢陝西提學僉事。以公明登薦。廣二十四年授湖廣糧儲道。二十七年五月督標裁兵。夏逢龍作亂。巡撫柯永昇禦賊。被劾。自益按察使丁焯棄家奔安慶。時公署布政使。賊迫受僞職。公給以無殺掠百姓三日。後當如所言。乃令其妻奉母自水竇出避難。以司道等五耶付其僕葉華林。令付所向衙門呈繳。遂繕遺疏朝服。望闕謝恩。訖升公座。罵賊拔佩刀自刎。疏畧曰。臣一介迂儒。幸中進士。叨受皇上高厚深恩。將擢今職。嘗以潔已奉公。自矢。但愧才具庸劣。未効寸長。茲值裁兵。夏逢龍倡亂劫奪。撫臣勅令分兵圍

臣衙門露刃逼脅臣幼讀詩書粗知節義雖斧鎖在前豈肯喪
恥偷生彼時卽欲率同妻女闔門殉節第念臣母七十有六在
臣任所臣長子葉粵遠在原籍其餘二子尙未成童熒熒孤弱
死將安歸因遣妻女奉母潛逃臣如微服匿影或可倖免以圖
後効伏念臣守土之官也城存與存城亡與亡義所應爾今勉
盡一死以報國恩所恨事起倉猝旣不能先事綢繆默銷反
側復不能臨時捍禦獨守孤城上孤三十載之君親兩負死有餘慚雖么麼小醜
皇臨下棄七旬餘之老母指日掃滅不能忍死須臾以觀蕩平也

上覽疏事

諭曰城存與存城亡與亡人臣之義也朕寬葉映

留遺奏五六，傷悼王大臣等，其其听之因。命展讀奏疏，聞者皆感泣。遂諭吏禮二部曰：集映樞捐生殉難，遺疏情詞慘烈，朕心惻然，不忍披覽。其從優賜卹，以表忠貞。部議贈通政使廕一子入監讀書，蓋援陳忠毅公例也。特旨贈工部侍郎，賜祭塋如典禮。次年二月，聖祖南巡，葉勇迎駕謝恩。特命子謚以彰異數。御書忠節二字，賜之。四十二年，湖北巡撫年遐齡請建專祠于武昌，賜御書丹心炳冊額。學政胡潤請許公後裔建祠本籍。有司春秋致祭，從之。雍正二年，入祀昭忠祠。子勇，官廣州知府，公所著曰葉忠節集。

禮部

禮部之職掌凡禮儀之節度皆歸於此

凡有朝會之儀皆由禮部擬定

凡有祭祀之儀皆由禮部擬定

凡有婚嫁之儀皆由禮部擬定

凡有喪葬之儀皆由禮部擬定

凡有學校之儀皆由禮部擬定

凡有鄉飲之儀皆由禮部擬定

凡有燕享之儀皆由禮部擬定

凡有賓客之儀皆由禮部擬定

莽襄壯公事畧

公諱莽，依圖，姓兆，佳氏，滿洲，鑲白旗人。父武達，禪崇德三年隨睿忠親王伐明，攻直隸任邱、山東濟陽，並先登。賜號巴圖魯，予騎都尉，加一雲騎尉。順治七年冬，公襲職兩週。恩詔晉輕車都尉。十五年，隨征南將軍卓卜特，征明桂王，至貴州。明年，自都勻進師盤江，僞晉王李定國據雙河口，悉眾爲三十營，列象陣拒戰。公率步兵衝擊破之。隨大軍定雲南。康熙二年，隨靖西將軍穆哩瑪征湖南流賊李來亨等。賊據茅麓山，列寨拒守。公冒矢石進攻，毀寨二。賊大敗，來亨自經死。凱旋，授協領。十三年，具三桂陷湖南，公隨征南將軍尼雅翰率師進勦岳州，用紅夷

礮擊沈賊舟敗賊。七里橋多斬敵。十四年三桂遣賊將董重民結廣西叛鎮馬雄犯廣東平南王尚可喜。上疏請兵。詔尼雅

翰率師至廣東。公時署副都統駐守肇慶。十五年可喜子之信

叛降三桂。受偽爵。三桂遣將范齊韓等逼肇慶。總督金光祖降

賊公率步兵突圍出。且戰且走。還駐江西。偽將軍黃士標等糾

眾犯信豐。公率兵往援。與城內兵奮勇夾擊。大破之。賊遁走入

山。復追敗之。圍遂解。十六年授江甯副都統。時廣東尚為賊將

董重民所踞。

上命公為鎮南將軍。率師恢復。以副都統額赫誦穆成額參贊

軍務。四月自南康至南安。偽將軍嚴自明以城降。遂偕額赫誦

等進征南。雄偽將軍宋思政等迎降。尚之信亦擒。重民率藩屬歸順。公進韶州。疏言：南安南雄韶州所屬文武官弁昔雖迫于賊勢，致汚偽職。今既望風款附，請令暫留原任，綏撫殘黎，以安反仄。

上特允所請，且嘉其進兵迅速。尋命侍讀學士顧八代赴軍前傳諭，擇便而行。時賊將胡國柱、馬覺糾賊衆萬餘犯韶州。公擊卻之。九月，賊復據河西，斷我水運，餉道。列營運花山，以瞰城中。會將軍額楚率江甯兵至，與城內軍夾攻，破其四營，斬獲甚衆。賊敗竄帽峯山，我軍乘夜追擊，大敗之。河西賊亦遁。水運遂通。十月，追擊至樂昌，賊據風門澳，拒守。我軍三路仰攻，別令

猺兵由間道奮擊擒斬二千有奇，乃撫定仁化，仍回駐韶州。疏言將軍傅宏烈以五千兵獨當西路，恐力不支，已遣額赫訥赴梧州協勦。諭獎其智勇兼優，應機適變。十七年春，三桂遣其孫世琮陷桂林，馬寶亦由宜章陷平樂。

上命公赴廣西，與傅公會師勦賊。二月，疏言臣抵平樂圍其城，賊水陸抗拒。宏烈所率綠旗兵與戰不勝，臣孤軍難久留，因退駐中山鎮。宏烈亦以公所率滿洲兵不相應，援入奏。

上念擊賊失利，因江水泛漲，故並免其罪。諭令和衷協濟，公尋以賊逼賀縣，回梧州乞罷將軍任。


上切責之，仍留任。圖功贖罪。期年二月，吳世琮犯梧州，公同傅

公率師拒戰。賊大敗。棄營遁。先是，僞將軍馬承蔭以南甯降。至是，賊山梧州敗竄，糾衆犯南甯。六月，城中食盡，旦夕陷。公方臥病，聞之，督師倍道進。賊悉銳聚新村，列鹿角。西山拒戰，額赫訥等引前鋒軍擊之。賊稍卻。公與將軍舒恕、磨大軍進而預遣左翼兵潛出山後，截賊歸路。盡殪之。世琮負重創，以數十騎越山遁。南甯圍解。

上以廣西底定，命進攻雲貴。九月，公以馬承蔭雖降，心懷回測，恐爲肘腋。患上言，湖南大兵在武岡，禦賊。臣等一軍先向雲南，恐諸路軍不相應。援且廣西新定，若無兵駐守，恐有他虞。請暫駐南甯，相機進剿。

上命簡親王喇布鎮桂林。公侯都統希福兵至，取道恢復疆土。十九年，授護軍統領。五月，馬承蔭叛于柳州，公帥師進剿。次來賓，承蔭驅象陣迎戰。我軍以勁弩射之，象回奔賊陣，亂麾軍奮擊，賊大敗，棄甲狂奔。公自率輕騎追擊，獲象三，斬馘無算。會簡親王遣將分路勦賊，皆大捷。承蔭復降，柳州平。八月，公薨。子軍年四十有七。二十二年，議政王大臣等追論公征廣西時，自平梁失機，退梧州，應籍家產之半奪。恩詔所得騎都尉。上曰：莽依圖在行間，甚著勞績，且屬下兵民俱稱其善，凡所過地方亦不擾害，百姓可免籍家產。奪恩詔所加世職，其原襲之騎都尉加一雲騎尉，以其弟博和哩襲。五十九年入祀廣西名

宣統元年 詔入祀京師賢良祠乾隆元年追諡襄壯



佛恭靖公事畧 子忠勇公額稜特

公諱佛尼勒姓科奇哩氏滿洲鑲紅旗人。世居瓦爾喀。父索勒和諾。少孤。其兄瑚里納撫之。成立。瑚里納爲仇所害。索勒和諾手刃其仇。祭兄墓。崇德三年來歸。任驍騎校。七年隨饒餘貝勒阿巴泰攻明河間府。首緣雲梯登城。戰歿。子世職。騎都尉。公襲職。順治五年授佐領。時流賊李自成餘黨竄踞陝西。湖北。錯壤山峪。公隨大軍征勦。擢協領。晉輕車都尉。康熙八年擢西安副都統。十八年春。命同西安將軍瓦爾喀由四川進討逆藩吳三桂。師行至棧道。聞曰川郡邑皆附賊。叛鎮譚洪據陽平關。公同瓦爾喀及前鋒統領穆占等。率兵自野狐嶺進。征斬賊三千。

餘賊棄關遁。繼敗賊將吳存禮于朝天關。追至沙河驛。偽總兵彭時亭舟師逆戰。擊敗之。奪其戰艦。四遂進征保甯。吳之茂糾賊抗拒我軍。鑿壕塹與相持。尋以糧艘爲賊所劫。饑不繼。移師還駐漢中。賊中途邀阻。公同興安總兵王懷忠擊走之。又敗賊于槐樹驛。小鄠嶺。十二月。提督王輔臣叛于甯。羌據平涼秦州。十四年。公擢西安將軍。加振武將軍銜。隨貝勒洞鄂進征賊將高鼎。聚賊四千于閔山河岸。立寨拒守。公同穆占等整軍接戰。自巳至午。斬獲甚衆。遂大破賊寨。乘勢追擊。復敗賊于渭河橋。進薄秦州。賊伺我師壁壘未定。猝從城內衝出。冀掩我不備。公率軍遮擊。賊不能犯。旋攻克東西二關。有夜犯正黃旗。

者奮擊。虻之賊以眾數千掠仙遊關。公分兵赴援。賊聞我軍至。即踰山遁。公追躡之。搜勦畧盡。因令參領嵩祝留守仙遊。關而自率兵趨隴州。賊縱火山澤閒。公曰。賊謀欲燒絕我軍進路耳。若不增兵策應。則軍食難以輓運。因駐兵隴州防賊黨窺伺。時大兵攻秦州數月不下。賊在四川平涼者挾眾萬餘來援。城中賊出應者亦八千餘。公還自隴州與大兵合擊。擒斬偽總兵李國棟。胡茂白。光。永。王。元等。殪賊三千餘。遂復秦州。下禮縣。西河。清水。伏羌。諸邑。

上命公領兵開棧道。援將軍錫。卜。臣于漢中。賊于長甯。驛。滴水崖及插屏嶺。屢抗我師。擊之。皆潰。竄招撫。陷賊村寨。居民三千。

餘人。十五年二月吳之茂糾賊萬餘犯秦州。公同提督王進寶督兵禦戰斬級二千餘生擒偽總兵徐大仁獲輜重器械無算。三月偵賊由禮縣運糧因遣兵邀擊于鹽關及羅家堡牡丹園擒斬護糧賊眾獲馬羸盡焚其糧尋擊敗偽總兵李國良等于清水縣復靜甯州六月復擊敗吳之茂于牡丹園進勦至西河北山之茂僅以十餘騎遁十六年追論前此白保甯退歸漢中諸將罪降世職爲騎都尉削振武將軍銜仍署西安將軍事十七年同副都統吳丹等連敗賊眾于牛頭山香泉等處引兵駐守寶雞防棧道諸險要賊窺棧道之益門鎮擊卻之十八年隨撫遠大將軍圖海進征興安偵賊在梁河關公領隊先驅至火

神崖擊走偽總兵王遇隆遂渡乾玉河拔梁河關復興安城尋
 會王進寶軍於保甯十九年同總兵王朝海招降潼川府城反
 鹽亭中江射洪諸縣又敗賊於豹子山諸處賊渡江遁遂復瀘
 州冬逆賊吳世璠使胡國柱等糾賊踞敘州陷永甯詔授公
 建威將軍調遣永甯兵一路勦賊二十年春賊眾二萬餘犯寶
 霸大溪口諸處公率兵進擊敗之賊將宋國輔詣軍門獻永甯
 府降國柱亦棄敘州遁公奉命駐守敘州八月命統西安
 滿兵征四川者還鎮漢中二十一年九月薨於位雍正十年入
 祀賢良祠乾隆元年追諡恭靖第三子托琉襲世職官至黑龍
 江將軍

次子額稜特當公卒時。特旨留西安補用。二十三年補佐領。
三十年厄魯特巴圖爾額爾克濟農劫掠喀爾喀扎薩克丹津

部眾

上遣將軍尼雅翰率師往宣。詔旨令還所掠人畜率部眾徙

居察哈爾地。巴圖爾額爾克濟農不從。以其眾奔竄。額稜特隨
大軍追之不及。擒獲蒙古二人。復隨將軍郎坦出嘉峪關追獲
蒙古七人。三十五年

上親征噶爾丹。額稜特隨大將軍費揚古由西路進。大敗賊眾
於昭莫多。子雲騎尉世職擢協領。四十二年。駕幸西安。閱
武設宴。特召額稜特近御座前。親賜之酒。尋遷副都統。

四十九年授湖廣提督

上復念其奉職清貧

詔總督巡撫等量爲資助五十二年擢

湖廣總督宣布德威紅苗歸化

上諭閣臣曰額稜特殷泰皆朕特用之人也初用時人不知其善後乃稱朕有知人之明時江蘇巡撫張伯行亦以廉潔著諭廷臣曰天下督撫惟額稜特張伯行操守最優耳旋奉命與戶部郎中幹瑄奏屢勘湖南諸州縣廢壤共四萬六千餘頃疏請聽民墾闢俟六年後科以丁則下部議行五十四年山西太原知府趙鳳詔貪墨不職公奉詔往勘得實疏言枉法受賕例應纒首鳳詔爲左都御史趙申喬之子受恩深重法應加

等擬監候斬九卿擬改立決鳳詔遂伏誅時厄魯特策妄阿拉
布坦率賊眾犯哈密

上遣尙書富甯安等調兵進勦擊敗賊眾策妄阿拉布坦遁走
於是領兵大臣等定議先取烏梁海土魯番諸部而後進征厄
魯特五十五年命署西安將軍事同總督鄂海協理軍餉十
月策妄阿拉布坦驅賊眾過沙拉執青海臺吉羅卜藏丹濟布
而遠遁

上慮賊酋由噶斯口復犯青海乃詔公統重兵移駐西甯爲
青海諸部應援五十六年奉諭行巴里坤與將軍富甯安會

議集擊準噶爾邊界及留後接應事宜十月策妄阿拉布坦令

宰桑領賊眾由阿哩克路潛去公奉 敕回駐西甯。上遣侍衛諾爾布等至青海令諸臺吉協力勦禦且 諭曰將軍額稜特方畧過人其同心會議既而青海親王羅卜藏丹津疏言策妄阿拉布坦遣其屬策凌敦多布往掠西藏欲滅拉藏汗公奉 旨與內大臣策妄諾爾布統兵駐守青海防歸途擄掠。上復敕西甯松潘各路備兵爲拉藏救援 詔額稜特青海王臺吉等會議屯軍形勝之地公疏言西甯抵藏之路有三惟庫庫賽爾嶺及拜都嶺二路較珠爾肯一路寬廣易行請與侍衛色凌分道進勦若賊眾一路拒敵則我師別有閒道可以直入

藏地攻其後。若賊分路拒我。一勢既分。亦無難於翦滅。

上命與諸將定議以行。五十七年夏。偵知賊衆戕殺拉藏汗於

布喇城。執汗子蘇爾咱而踞其地。西藏人來歸者。公妥爲安撫。

六月。與侍衛色稜分路進師。親帥大軍自穆魯斯烏蘇啓行。至

圖勒哈。以皮船濟因。取道庫庫賽爾嶺。七月。抵齊諾郭勒。賊乘

夜侵我軍壘。遣將擊敗之。次日。賊復從東路來犯。公親率弁兵。

緣山接戰。自寅至巳。賊潰遁。追擊十餘里。多所斬獲。得。旨優

叙。未幾。賊首托布齊等以衆數千。潛由喀喇烏蘇來拒我師。公

率所部疾趨。欲先渡河。扼狼拉嶺之險。以禦賊。比至喀喇烏蘇。

侍衛色稜等。亦以兵來會。併力進擊。屢敗賊衆。賊復聚衆數萬。

環集來攻。公領兵奮擊。身被重創。戰益力。與賊相持。月餘。至九月。自知衆寡不敵。仍厲兵進戰。射殲賊衆。無算。矢盡。持刀奮呼。斫賊賊益。兵圍之。公中傷。猶力戰。遂歿于陣。五十八年。櫬還京。命親王及貝子公等迎至城外。復遣內大臣侍衛至其家。奠茶酒。雍正元年。特予三等輕車都尉。賜祭葬如典禮。下忠勇入祀昭忠祠于愛山。襲職。

大抵以恩歸于受山趙師

其間亦近元季。亦于二君。其間亦近元季。亦于二君。其間亦近元季。亦于二君。

命王。其間亦近元季。亦于二君。其間亦近元季。亦于二君。其間亦近元季。亦于二君。

命王。其間亦近元季。亦于二君。其間亦近元季。亦于二君。其間亦近元季。亦于二君。

命王。其間亦近元季。亦于二君。其間亦近元季。亦于二君。其間亦近元季。亦于二君。

命王。其間亦近元季。亦于二君。其間亦近元季。亦于二君。其間亦近元季。亦于二君。

楊清端公事略 子文乾

楊公宗仁，字天爵，漢軍正白旗人。父朝正，語在循良傳。康熙三十五年，公由監生授慈利知縣，調藍山。巡撫趙申喬疏薦，卓異。累遷階州知縣、蘭州同知、總督殷秦巡撫鄂奇復疏薦。五十年，夏，遷臨洮知府。五十二年，巡撫岳拜薦公老成練達，有守有才。擢西甯道。累遷浙江、廣西按察使，署廣西巡撫。五十七年，擢廣東巡撫。上以直省錢糧虧空多，令各省撫立法清理。公疏請令督撫司道府廳交相砥礪，無論正雜錢糧，知府不時盤查，庫銀隨征隨解，米穀實貯在倉。若州縣自行挪用，知府豈肯代爲彌縫。甘肅

楊清端公事略 卷之三 名臣

三

分賠之咎州縣既無由挪移掩飾卽虧缺諒必無多補足亦易
若地方有不得已之公務難責諸州縣獨賠又難使倉庫虧缺
應以督撫等公項銀抵補如不敷仍設法公捐總不使庫帑有
虛懸之弊下部議行六十一年十一月

世官御極授湖廣總督雍正元年丁母憂 命在任守制公疏

請停給 恩詔應得封廕爲父母求 諭祭得 旨兪允仍給

封廕尋 賜孔雀翎四月疏言湖廣素稱俗簿民刁兵驕吏玩

細究其故皆由文武百官向所屬官弁索取陋規節禮州縣必
致私派橫征武弁必致虛兵昌餉兵民挾此逞奸員弁遂不敢
過問臣今擬行禁革庶兵民不得藉詞逞私驕悍之習可杜又

言兩湖鹽價逐漸增長窮民怨嗟揆厥所由各官多貪鹽規漸
次加至四萬從前一錢一包之鹽今則昂至一錢五六分不等
臣今盡革鹽規令商人減價出售以惠窮民地方漸有喜色
手詔曰覽所奏朕深嘉悅在他人猶聽其言而規其行至于爾
則信而不疑矣斯乃全楚地方否極而泰之機也五月疏薦南
海知縣宋瑋陞寶慶府左衛知縣范宗堯改補漢陽縣得旨
姑允其請後勿踵行又疏言俸工一項乃朝廷祿養官役之恩
豈可任意飾指以填貪壑湖廣州縣以土俸工報指已經十有
餘年致官役枵腹從事焉能禁其儒索閭閻今自雍正元年起
凡官役應支俸工俱各照額編支領俾均沾實惠從前凡有公

國朝先王其...
事無一不令州縣分指實皆派累百姓。臣通盤核算。但令州縣
子所得加一耗羨內。節省二分。解交藩司。以充一切公事費。此
外。糸毫不許派捐。至節禮陋規。已概行禁革。則州縣從前虧空
亦易于補苴矣。得旨。所言全是一無瑕疵。勉之。尋因病請以

于榆林道文乾隨任終養。詔加文乾按察使銜。馳驛赴楚。並

遣御醫診視。七月。疏言湖北糧道。掌全省漕運。兵糈一歲中計
有半年。公出。舊設驛鹽道。管驛遞。應付勘合火牌。及淮鹽到楚。
盤驗。察私督運。額銷引日。職守甚繁。前督臣涵不奏。以驛鹽道。
月。併糧道。似未妥協。請復設。以專責成。下部議行。九月。疏言襄
陽府屬樊城鎮。五方查處。商賈輻輳。奸宄易潛。縱請移襄陽同

知駐樊城彈壓從之。又言清盜源察窩賭窩逃法莫善于力行保甲。臣通飭所屬鱗次挨編聯絡守望并專委本管道員稽察如州縣奉行不得法。卽令指示照式編次擇其善者予優獎。手敕報曰此論甚當。凡舉行一法必示以勸懲方期有效耳。二年疏言社倉實係美政。臣與各官加意講求先擇地建倉然後勸捐穀本出納聽民自主不許官吏會計侵肥并立獎掖尙義之典。士民咸踴躍爭先。江夏武昌蒲圻等二十州縣各建倉三五十所不等。其捐納谷本將三十萬石效驗已著。臣又飭湖南如法施行。得旨社倉先成創始之功殊可嘉尙三年諭獎督撫申居官行已可風有位者加公太子少傅。七月薨于位年

六十有五遺疏入得旨楊宗仁敬慎持躬廉能供職自簡任
總督以來潔已奉公孤介端方始終一節忽聞溘逝朕追念良
臣深爲悽惻難釋于懷應沛特恩以示優眷其加贈少保並給
騎都尉世職仍察例子卹賜祭塋諡清端御製像贊有廉
潔如冰耿介如石之句八年詔祀賢良祠公在湖廣久廉潔
勤敏鹽察歲餽數萬金及諸餽遺櫬屏絕每春輕騎出郊勸農
出私財充賞諄諄教以孝弟忠信瀕水隄防歲時巡行修築年
獲屢豐鄰境偶有饑民入楚先賑以粥繼卽按名給米寒子衣
歸給糧所全活無算馭屬吏嚴而不殘尤加意武備考核精核
標兵按期親閱賞罰公而明士卒競奮疾革前數日猶閱兵不

少息士民立祠祀之仍入祀湖廣名宦

子文乾由監生効力永定河工康熙五十三年授曹州知州遷
東昌知府旋擢翰林道雍正元年隨父任侍疾三年授河南布
政使擢廣東巡撫賜孔雀翎及冠帶鞍馬尋丁父憂命在
任守制十二月奏言臣自楚赴粵途中聞告休布政使朱絳倚
總督孔毓珣如親屬帑三萬餘兩交代未清卽嚴飭作速賠補
上諭此項挪用曾經孔毓珣奏明爾等宜以和爲主勿聽離間
之言又奏言盜案塵積已飭屬檄爲速結諭以秉公嚴催詳
情度理爲之四年疏陳舉保甲以弭盜風奉旨嘉獎又疏劾
將軍李枚囑令縱釋鼓衆搶谷之旗兵乞

上遣大臣來粵定讞。詔侍郎塞楞額等往訊得實。枚等論如

律。又疏請將廣東丁銀盡歸地糧。以免無疆徵銀之累。

上允之。十二月疏言廣東地狹人眾。米不敷食。宜預先積儲。應

酌量要地。加貯谷石。以便撥運。疏下九卿議。以濱海地不宜收

貯。恐致沍爛。惟惠潮瓊三府僻處海隅。难于挽運。可酌貯五年。

乞假葬父。允之。福建巡撫常賚疏劾文乾貪婪各劣蹟。

上以所奏銀數未晰。著將楊文乾見小漁利之處。據實入告。常

賚復將例外求索處具奏疏入。

上切責之。八月。

上以閩屬虧帑甚多。命文乾同浙江觀風整俗使許容等往

查文乾疏報委員署印盤查并將名員離任調用以免挪新掩
飾得旨勉力爲之旋報素產米谷之州縣現已買足餘請寬
限陸續買足逾限參究

上諭將通省人員于此次倉谷案内察其善者留之劣者去之
并勉以秉公辦理十二月文乾查明福建倉庫官虧者勒追補
完民欠者陸續催徵無可著追及平糶存價採買不敷者令前
任巡撫毛文銓償補詳悉入奏詔嘉其秉公辦理毫無瞻顧
命優叙又疏稱閩省八府一州知府同知通判州縣共八十員
前後參革改教休致五十餘員其倉庫無虧官聲尙好之縣令
十餘員已交錯調用不使回原任致滋弊端所出缺于先後命

發人員。內量才。是補。惟是瀕海重地。俗悍民刁。新補各官。皆係

初任。責其典守。倉庫則有餘。資其治理。繁劇則不足。乞

皇上再將熟諳民事者。發數員。交替撫于緊要縣缺。補用得

旨。此奏可嘉之。至。尋諭各省督撫。除川陝雲貴廣西外。每省

于。歷任年久。知縣內。擇謹慎敏練者。員一。面具奏。即行咨送

閩省交楊文乾等酌補。緊要縣缺六年。疏劾廣西布政使官達

用。幕友招搖。納賄及署巡撫阿克敦。勒索邊羅船戶。規禮銀

詔革官職。命文乾同總督孔毓珣會訊。未及訊。以疾卒。得

旨。楊文乾才識優長。辦事勤敏。自閩回粵。五月閒。即患畏風心

煩之症。而急公心切。不以病狀奏聞。洵屬殫力封疆之臣。應得


卹典所司察例具奏其靈觀起程日著省城官吏齊集奠送所
過廣東地方文武官親往奠醑並遣人護送其經過別省亦著
地方官照料尋 賜祭葬如例子應 堪由任子授員外郎出爲
山西河東道乾隆十四年擢甘肅按察布政使就遷巡撫調山
東署河督十九年署兩廣總督二十二年調閩浙加太子太保
逾年調督陝甘辦理伊犁等處屯田稱 旨嗣因西陲辦理回
務改甘肅總督駐肅州晉太子太師二十九年 詔裁甘肅巡
撫令總督移駐蘭州拜東閣大學士留督陝甘如故三十一年
以征莽匪故調雲貴總督尋爲提督李時升總兵朱崙所誤致
債事削籍逮問 賜自盡


禮部
刑部
工部
兵部
戶部
吏部


禮部
刑部
工部
兵部
戶部
吏部

禮部
刑部
工部
兵部
戶部
吏部

禮部
刑部
工部
兵部
戶部
吏部







國朝先正事畧卷九 名臣

平江李元度次青篋

姚燮之尙書事畧

姚公啟聖字熙之一字憂庵浙江會稽人。生而倜儻以豪聞。少
 客松江趙太守所。午睡大鼾。僮僕竊窺之。則雖虎也。車冠以諸
 生遊通州。得權知州事。杖土豪殺之。尋棄官去。遊蕭山。遇健兒
 掠二女子。行其父隨之。哭牽持。洵洵公怒。奪佩刀殺二健兒。縱
 翁與女子去。亡命隸漢軍。鑲紅旗。
 聖祖登極。公以布衣上疏。請入旗。開科。遂舉。康熙二年。鄉試第
 一。知香山縣事。歲比不登。前令坐負。課繫獄者七人。公嘆曰。明

國朝先正事畧卷九 名臣

DS
734
.L39
v.6

年增吾爲八矣。乃張樂置酒，出七人，手獄，痛飲之，爲治裝遣歸。而通牒大府曰：「七令名下，應追金十七萬。」已于某月日收庫訖。大吏疑公巨富，代償帑行善，不知公故寒士，實未辦作何償也。時澳門賊霍侶成猖獗，督撫不能制，公以計擒之，論功當上賞。督撫忌之，反誣公通海，將置之死。公夜見平南王，尙可喜，訢之，可喜疏陳其枉，督撫皆以是自殺，而公亦削官。時年五十矣。居亡何，吳三桂反，尙之信耿精忠，應之，而精忠且約鄭錦同反。錦者，成功之子，據臺灣者也。臺灣自古不通中國，明末鄭芝龍居之，順治丙戌降于朝，其子成功不從，率所部據廈門、金門二島。己亥大舉窺江甯，敗去，始定臺灣爲巢穴。王寅，成功死，其將

施琅、黃梧等來降，錦遁台灣二島。平及精思反，乞師于鄭氏。錦亟渡海而西，精忠部將劉國軒等皆附。錦遂取泉州及潮州。次年取漳州。精忠人悞，明年三桂令之信，割惠州。賂錦，錦復取汀州。勢大振。當是時。

天子命康親王傑書南征。公以家財募兵，率長子儀赴軍前效。力先命。其友吳興祚說王，王與語大悅。命攻諸暨。進擊紫狼山，賊破之。又敗賊于楓橋。遂以公權知諸暨縣。又斬賊渠朱得福，招撫數千人。超擢溫處道。僉事精忠以重兵踞石塘，阻我入閩之隘。公偕諸將攻拔之，奪楊梅岡。乘勝取雲和縣。又擒賊將曾養性于溫州。時精忠已爲浙督李公之芳所困，且震于鄭氏汀。

州之逼會大兵已奪仙霞關公爲前鋒乃遣使說之降精忠猶
豫公單騎入其營說之精忠饗公公劇飲健啖指畫伉爽精忠
曰此李抱真之流也必不欺我遂降論功擢福建布政使精忠
之降也諸將多畏罪歸錦錦乘虛盡取興化邵武而三桂驍將
韓大任號小淮陰自吉安突圍出由贛入汀將與錦合公復單
騎說之降簡其兵得死士三千養爲親卒汀州平十六年公復
使大任說潮州守將劉進忠進忠亦降賊棄惠州走于是邵武
興化漳泉皆復公曰二島未平未能高枕臥也十七年錦大舉
入犯公以所部敗之于壁炉亡何嗣海澄公黃芳世都督伯穆
黑林遇賊灣腰敗副都統胡克激賊鎮北山又敗提督段應舉

竹祖山敗奔海澄。劉國軒取平和。遂乘勝圍海澄。于是天子震怒。將逮督臣郎廷相。諭康親王求可代者。王及將軍以下合辭薦公。遂總督福建。且命節制諸軍。急援海澄。而以按察使吳公興祚爲巡撫。助公會海澄。以食盡陷。矢官兵三萬有奇。國軒取漳平。長泰。同安。及南安。惠安。安溪。永春。德化。諸縣。圍泉州。號稱十萬。公分兵救泉。密疏陳方略。上降璽書褒勞。且諭閣臣曰。閩督今得人。賊且平矣。公令平南將軍賴塔稱兵。抄其饜道。復漳平。總兵林賢等敗賊水軍于定海。國軒乃解泉州圍。併力攻漳州。大會二十八鎮兵。爲十九寨。請與大軍決戰于龍虎蜈蚣二山間。時漳城兵止八千。公五

檄泉州兵不至。諸將欲棄城走。精忠悔其降。大慟。公曰：賊恃勝而驕，謂我不能軍也。請不戰以解之，而出奇以破之。平海在此，役矣。命閉城門，韜弓臥鼓。一日，天大霧，公吹篳篥者三壯士，鍾寶、張黑子等突出，持長矛先登。前軍接戰不利，公自率精兵繼之。賴塔以後軍夾擊，國軒敗。前軍還攻之，自辰至酉，連破十六營，斬其將鄭英、劉正璽、吳潛等，生擒千二百有奇，斬首數方溺。死者萬計。國軒泗水奔海澄。公復長泰、同安，進海攻澄。海澄者，濱海地也，峻而險，賊築塹高數丈，排列艤艦，與廈門、金門、海壇相首尾，堅不可猝拔。乃請復設水師提督，開修來館于漳州。凡言有鄭氏來者，皆盛供帳，金帛恣所求，卽亡去，不問謀，至不殺。

且厚款之。諜反以情告。戰有日矣。或填館舍。飭供具。大書某鎮某官公館。聲言某月日某將當來降。賊以此互猜。甚且疑而相殺。十八年三桂死。魏五鎮大將黃靖。廖瑛。賴祖。金福。廖興。各以所部降。鄭奇。烈。林翰等。繼之。鄭氏勢益孤。公簡降卒爲水師。驟增二萬人。乃令巡撫吳公與水師提督萬正色進攻二島。明年正月。賊將朱天貴以戈船降。遂復海壇。公待天貴厚。竟用其兵。盡破十九寨。國軒棄海澄。入廈門。復棄金廈。歸台灣。閩疆既定。吏兵部列上公功。應加者四百餘級。

聖祖晉公太子少保。兵部尙書。世襲輕車都尉。公子儀授總兵。世襲騎都尉。先是濱海居民輸賦外。又私餉成功。以求免劫掠。

國朝文獻通考卷之八十一
當事遂定沿海之界而內遷其民越者死民多蕩析離居滿兵
復奴其老稚箠楚不忍聞公任總督力與驕兵悍將相持屢奏
禁兵不服水土宜撤歸又奏康王休尊不宜久暴露宜先頒師
疏三士天子許可兵歸者猶驅子女北行公涕泣啟王令軍
中敢私攜良民者死而私傾家財贖之凡捐金二十方兩贖難
民二萬餘人又請開海界復民業聽除卒墾荒兼收魚鹽蜃蛤
利而分屯列戍以衛之詔遣侍郎某來勘不敢主議公力任
之乃報可閩人皆肖像祀焉力施琅之內附也
世祖用爲水師提督成功死施頗以平台自任旣而不克或疑
其貳召入京不復用公爲布政使嘗疏薦之不報至是請改

正色陸路仍以水師任施且曰臣願以百口保琅又奏鄭錦死子少國內亂時不可失

聖祖乃遣琅與公同進兵琅至密疏請以公駐廈門而獨任進師時公已出海見疏不懌自陳請行詔公還廈門二十一年夏施公請乘南風攻澎湖公欲待北風直趨臺彎彼此見不合師不果出明年六月施公竟以師行會颶風與潮俱發前鋒爲急風飄散國軒以精兵二萬出牛心灣別將出雜籠嶼夾攻矢集施公目幾失利忽天雨颶風止公所約賊將呂翰等聞使適至施復進澎湖翼曰大戰朱天貴先進水驟長一丈舟並行如鳥張翼而上國軒掀案起哭曰夫也夫何言遂自吼門遁台瀉

初，鄭克塽有降意，而偽行人傳霖反復爲奸，公以計去之。又遣漳浦黃性震招國軒，曾密報書未達，降也。至是，性震故洩之主，臣互相猜，眾莫爲用。大兵遂自鹿耳門入。八月癸亥，克塽以台灣降。自康熙十三年用兵，至二十二年，福建平時，北風正利，施由海道奏捷。七日抵京師，公由驛馳報。後施二日。

聖祖得施疏，大喜，策勲在平滇諸將上，封施公靖海侯。將以次及公，公自陳無功，乃召掌中樞。是年十有一月，疽發背，薨。年六十。論者謂戰功雖首，施公然實公所疏薦。至平日運籌設問，攻賊心，公之力尤獨多。云公身長七尺，廣額，修髯，目閃閃如巖，下電，手勒奔馬，用弓至二十石，麾下所養奇才劍客皆能得其

死力臨陣。應變如神。而性慈。不妄殺戮。生平慷慨。仗義揮金。如泥沙。尤恤文人。各屬皆置學田。培寒畯。喪歸軍民。哭送者數方。當芝龍起事時。廈門有石文云。生女滅雞十億。相倚解者謂十億。兆也。加女姚也。鄭從西雞也。滅雞滅鄭也。鄭氏初踞海上。公始生。傳四世六十年。而爲公滅。公平廈門之歲。卽病疽。召鼓山異僧治之。曰天生公。以靖閩疆也。今事尙有待。疾不足憂。果應手愈。台灣既定。疽復發。曰全閩底定。公疾不可爲矣。夫人何氏。絕有力。不第能舉白公。奇之。娶焉。是生長子儀。雄偉與公埒。嘗驅駟馬。駕奔車。白後掣之。馬前卻不日出。挽強弓。百步外。可洞四札。每戰。閩人望見前鋒。曰此姚公子旗也。以功授知縣。擢刑

部郎出知開封府。詔以京堂用自請效力從戎改總兵終雲

南鶴慶總兵官公所著有憂畏軒遺集

宋牧仲尚書事畧字至

宋公名燁字牧仲號漫堂河南商邱人大學士女康公權子也少從賈誼子侯朝宗遊立雪園六子社順治四年公年十四應詔以大臣子弟列侍衛考試優等康熙三年授黃州通判十六年補理藩院判遷員外郎出權贛閩遷郎中二十二年授通永道二十六年擢山東按察使尋遷江蘇布政使明年擢江西巡撫會湖廣裁缺兵夏逢龍作亂陷二十餘城羽檄十四五至人心惶惑公行抵彭澤適江西兵調赴湖廣勦叛卒次九江以乏餉譁公檄發湖口縣庫銀千西遣官賫給眾兵乃前進及抵南昌甫數日舊裁督標兵李美玉袁大相等煽誘三千餘人謀劫

倉庫興。夏逢龍合。有上穰者。公佯不省。而陰授游擊趙永吉。方
畧。卽夜縛二渠魁。鞫實。斬以徇。餘黨悉不問。四境帖然。于是條
列病民者十數事。先奏除之。然後緩征弛力。通商惠工。除豪猾。
興學校。政以大成。會甯州宜春等十二州縣旱災。疏請蠲緩。又
言各省罪囚。俱有支給口糧之例。其起解囚徒。應按每日五十
里爲一程。每名日給升米于常平倉支給。又言近奉諭旨。每
歲終。令巡撫察盤藩庫法。至善也。其糧驛二道庫。請于每年奏
銷及離任日。令藩司察盤。至府庫宜責成。道員察盤。可永杜虧
挪弊。又言近來漢軍外官解任。裁缺者。并其家口。驟催歸旗。旣
立限期。復取經過地方官結狀。逐程遞至。竟與罪犯無殊。請免

遽諸跡並下部議行三十一年調江蘇巡撫去之日萬姓迨留
雨泣及抵任疏報江甯府屬之上元六合句容松江屬之士海
鎮江屬之丹徒因山陴陡發成災又疏報淮陽徐三屬二十餘
川縣水災其田畝被淹者請破格全蠲額賦並請截漕米十方
石移江甯倉米三十萬石鳳陽倉麥六萬六千石分途散賑並
得旨俞行前後賑餓民五百萬有奇

上嘗隨問閣臣以各直省巡撫賢否大學士伊桑阿奏送擘清
廉爲天下巡撫最

上曰朕久知之三十八年春

聖祖南巡至蘇州賜

御衣冠及

御書懷抱清朗額又

賜

額曰仁惠誠民公進所刻綿津詩集

上尋諭近臣口居官入大學士吳興總督張鵬副巡撫宋學朕
可以無憂四十二年春

上再南巡 諭嘉公居官安靜和平深得大臣之體公而奏云
昔宋臣范成大蒙宋孝宗賜石湖二字後世傳爲美談在孝忠
不過南渡偏安之主我

皇上乃堯舜之君相去霄壤臣功業雖不其成大然遭逢之盛

不啻過之臣家有別蒙在城西陂乞 賜書西陂二字

上領之時諸臣競進求書公奏曰臣老矣以齒當先 賜臣

上大笑走筆作西陂二大字 賜公少選 命侍衛取大重書

以賜又別賜御書八種回鑾復賜書額曰清德堂

賜聯曰官箴三命懍家學一經傳四十四年夏

上駐蹕蘇州賜福壽二大字題云江甯巡撫宋犖年逾古稀

步履壯健故特書以賜之又賜額曰魚麥堂賜聯曰兒

孫歌舞詩書內鄉黨優游孔讓申又允公請御書世有令

儀四字額其家祠瀕行復賜聯曰地聯江海屏藩重賦甲東

南節鉞維公以老乞休溫詔不許是年冬命公子庶吉士

至偕御醫馳驛往視疾賜人蔭三斤公在江蘇三值巡方

召對皆稱旨溫諭移時寵賚至不可勝數嘗諭閣臣曰

江蘇繁劇之區五方雜處相安無事皆巡撫坐鎮之功也先

是公請豁吳縣太湖旁埒地千七十餘畝。額糧百八十石。銀百八十兩。有奇。部議令再詳察。至是復力請。特旨豁除。尋疏言蘇松常鎮四郡州縣所徵錢糧有完及九分以上。因接徵前任舊欠未完被議者。請解降調爲降留。部議不可。特命九卿再議。從之。是年十一月內。遷吏部尙書。遇會議。輒侃侃持正。四十七年。以衰老乞罷。優詔許之。將行。知賜御製詩。有句云。久任封疆事。蘇台淨點塵。五十三年春。入京祝聖壽。召對。敕次。款語如家人父子。賜宴日。上命諸臣八十以上者至。御榻前各親賜酒一杯。時受賜者六人。公居首。詔加太子少師。賜詩有世家耆德自天。

全之句九月薨于里第年八十遺疏聞得宋準準才品優長
勤勞夙著宣力年久敬慎自持下所司議卹賜祭葬如例公
在官能持大体以清節見推兩淮鹽商歲餽萬餘金公皆謝卻
尤具人倫鑒三河令彭公鵬治行爲畿輔最公官通永時力薦
諸巡撫于清端公得超擢撫吳時復面奏其賢請補江蘇布政
使卒爲名臣陳恪勤公鵬年由山陽令擢海州牧公器之凡陳
民所不便與以所欲爲者許不拘常格
上嘗面問陳鵬年居官何若公力稱其賢自公去後恪勤乃屢
爲大吏所齟矣公雖以任子入官不由科目而掩通典籍且練
書掌故詩文皆爲當代所推少時嘗繪蘇文忠公像貌已侍側

及筮仕竟得黃州宮部曹時與龔芝麓孫北海吳梅村熊次侯
王漁洋宋荔裳計改亭陳其年尤西堂朱竹垞相唱和列十子
詩選中又嘗選江左十五子詩及三家文鈔以提唱風雅三家
者侯氏方域魏氏禧汪氏琬十五子者王氏式丹吳氏廷楨宮
氏鴻歷徐氏昂發錢氏名世張氏大受楊氏掄吳氏士玉顧氏
嗣立李氏必恒蔣氏廷錫繆氏沅王氏圖炳徐氏永宣郭氏元
鈺也公名亞于漁洋尙書有漁洋綿津合劾詩吳中邵長蘅與
公爲布衣交客公所最久以文史相切劘施元之蘇詩註久無
傳本公得殘帙爲讐補刊行之其法宗可想見已著有西陲類
稿簡廊偶筆其四十六卷子至字山言有學行癸未進士由庶

吉士人武英殿纂修佩文韻府授編修辛卯主貴州鄉試壬辰授浙江提學道著有緯簫詩集筠官檢討致官四川布政使

陸清獻公事略

陸公隴其字稼書浙江平湖人六世祖溥官豐城縣丞嘗督運
夜過采石舟漏勢危甚跪祝天曰舟中一錢非法者願葬魚腹
漏忽止且視之則水荇裏三魚塞之始遷居柳上笑堂曰三魚
公文集杯三魚堂者以此公少貧力學以聖賢自勵非義不取
嘗授徒嘉善有李氏欲延之公曰固願往但館谷不可有加庶
有以謝主人康熙九年庚戌成進士廷對極論時務其畧曰法
者治之迹而非所時以爲治也爲治而專恃法自古及今未有
能治者臣欲非

陛下癸法而治也竊以爲法之及人也淺德之及人也深法之

禁人也。難教之禁人也。易今日之治苟非崇德教以正人心。雖曰議法無益矣。伏願

陛下曰新其德。以堯舜禹湯文武之心爲心。以堯舜禹湯文武之學爲學。有明言言則必使天下其法也。有弗動動則必使天下其則也。于是務敦教化。一如古者司徒黨正三物六行之制。其實物徒徇其名。天下之人既動于上之德。而又習于其教。則自然相漸以仁義。相尚以忠厚。相勸以正直。不待法之驅而人皆有君子長者之風。由是立法以興利。莫不安于上之所興。立法以去弊。莫不安于上之所去。使不先正人心而徒恃區區之法。議法者日益精。而刑法者日益巧。法之弊未有已也。雖然。

臣猶有進焉。人之相遁于法也。始于其心之不正。亦由於用之不足。書曰。凡厥正人。既富。方谷。管子曰。衣食足而禮義生。今之大吏。祿薄不足充其費。則思借法以自肥。小吏俸微不能養其家。則思干法以爲姦。其罪可誅。而其情可憫。是在陛下仿古待臣之禮。稍重其祿。使有以自給。而又定其車輿服飾之制。官室飲食之節。勿使耗于無用。夫既有以養之。又無以耗之。則皆充然有餘。自然奉公守法。竭心力以效忠于上。然後德教行。人心正。而邇治可復也。由二甲用知縣需次歸。益肆力程朱之學。乙卯知嘉定縣。嘉定賦多而俗侈。公以清介自持。上官嚴憚之。往時令餽遺上官。動千百計。公遂時起居。通書問而

已○有○大○賈○汪○姓○橫○行○里○中○里○人○患○苦○之○數○以○利○墮○令○長○至○是○餽
千○金○公○弗○內○則○求○公○故○人○爲○之○游○說○公○與○故○人○談○謗○極○歡○祭○其
言○涉○汪○事○卽○變○色○易○容○竟○不○得○申○其○說○會○汪○僕○古○賣○薪○者○妻○被
訐○匿○汪○所○公○捕○治○如○法○汪○以○是○膽○落○折○節○改○悔○爲○善○人○民○有○宗
族○爭○者○令○族○長○逮○之○鄉○里○爭○者○令○里○長○逮○之○又○有○自○追○牌○則○兩
造○要○而○來○不○煩○吏○也○衙○胥○舊○以○干○數○至○是○去○者○過○半○其○在○者○無
所○得○食○公○令○更○番○給○事○退○則○爲○耕○販○以○自○活○有○所○遣○攝○計○日○與
錢○遠○者○許○就○民○閒○一○飯○括○索○者○必○痛○懲○之○尤○務○以○德○化○民○不○事
刑○威○民○告○其○子○不○孝○訊○得○實○公○泣○涕○自○訟○曰○吾○德○薄○不○能○宣○教
化○令○汝○父○子○至○此○因○委○曲○誠○諭○父○子○皆○大○哭○去○子○歸○卒○善○事○其

父有弟以盜訟其兄。公廉知其弟婦翁所道也。杖而數之曰：爲子婚計，乃忍斷其手足耶！兄弟皆感泣，好如初。邑多逋賦，公立甘限法。令應輸者自爲限，屆期輸半，卽免杖。一士人經月無所輸，公曰：是非故逋賦者，察之則薪遭憂也。卒不追呼而糧辦，舊有行杖錢，月數千緡。自公不是敲扑，而正供外，民不費一錢矣。其餘雜派悉除之，民得休養。益輸將，惟恐後時。南方用兵，徵餉十萬，公爲文輸，民激以大義，不一月而數足。公生日：老稚數千拜堂下，有百歲老人求一識。公曰：自民有知識以來，未見有官如翁者也。丙辰，廷議暫抽市肆錢一年，任餉例不如巷舍。公如例報徵，巡撫慕天顏不悅，疏言時方多事，陸令非應變才，請調

簡部議遂引材力不及例鑄三級調用嘉定民大賊罷市日號巡撫門乞留巡撫不自安再具疏請復而公以盜案落職矣盜案者邑張某與汪姓訐訟汪赴理夜被盜殺其弟以讎殺告公疑小隙無殺理牒大府請俟獲犯定擬尋獲真盜七獄具部議以初報不直指爲盜疑諱匿引例奪職或謂公盍辨諸公曰縣有盜長吏不知黜宜也何辨爲士民相率詣大府爲辯卒莫省鄉民扶老攜幼獻薪粟涕泣請受公悉慰遣之北行委巷結綵炷香以送建生祠尸祝之或刻木爲位旌幢鼓吹迎歸以祀者日數輩凡兩月乃已卽嘗所懲艾者咸謂有再造恩亦不自知涕泗之何從也會懲博學洪儒工部主事吳元起以理學純深

文行無愧薦公未及試奔父喪歸終喪不飲酒不食肉不入內
寢報除牒部請改教官弗許魏總畫象樞抗章訟公寃再疏舉
廉吏十人公其一也有旨復原官癸亥授靈壽知縣縣于真
定最爲禱瘠俗強悍善鬪輕生公勸課耕耨以盡地方請于上
官與鄰縣更役以蘇民困革火耗絕私派以養民財又反覆曉
譬化鬪很輕生之習其爲民厚生正德若謀其子弟也光申明
鄉約保伍之制舉鄉飲酒禮朔望詣學宮與諸生講論導以躬
行著松陽講義諄諄子義利邪正之辨會歲饑公牒大吏以聞
得旨免徵額賦有大姓爲盜劫巡撫不欲奏聞命改爲窳公
不從曰甯以誠去官不欲以僞苟祿知府乃取盜魁杖殺之公

惻然曰盜可殺而殺之不以法吾不忍也作勸盜文遣吏往獄中爲諸囚誦說之聞者多痛哭越三年復大饑詔發三千金以賑公徧歷山谷親審其戶口府檄發限單不許逾額公不顧卒盡散之所全活者多巡撫文清公格爾古德特疏薦公下部議叙嘗以公事至都門政府欲以見之接浙行卽魏敏果屢薦公于朝亦不往謁甲子夏兩江總督于清端公薨上臨朝痛悼問九卿詹事科道今天下清廉官如于成龍者有幾于是廷臣以直隸巡撫格爾古德部郎范承勳蘇赫江南學道趙崙揚州知府崔華兗州知府張鵬翮靈壽知縣隴陸其對丙寅巡撫于襄勤成龍訪民間利病公陳六事一正月闕倉太

急宜緩一開荒起科爲限宜寬一水利宜興一積谷宜廣一州縣存留公使錢宜復一審丁溢額宜裁大畧謂自古稅斂必俟稼穡登場今正月開征民間尙未播種也且四方安謐司農不至告匱自可以前歲所餘暫抵本年春夏之餉俟秋成徵補于國賦無損而民力則可以大紓唐虞三代之政此其首務也餘五事皆切中時弊于公䟽薦公爲大學士余國桂所阻庚午科道員闕

上面諭在廷各舉所知于是工部尙書張公英左都尉史陳公廷敬兵部侍郎李公光地禮部侍郎王公澤宏交口論薦與清苑知縣邵嗣堯三河知縣彭鵬並舉遂奉 俞旨行取公念靈

壽頻年災正公不支而雜徭未盡減將受代乃申請緩征量減
房地稅又言上官供應久奉裁宜永革除又請將倉庫不時借
放饑民于公報曰謝事時猶力爲災黎請命仁人哉臨行邑民
哭送者數方立碑志遺愛如去嘉定時是年秋補四川道試監
察御史疏請將畿輔災區錢糧悉蠲免勿帶徵特旨不行未
幾湖廣總督丁思孔請令偏沅巡撫于養志在任守制舉朝頌
右之公疏言天下當承平之時湖南非用兵之地若因督臣請
而留後將爲例其不奪情者鮮矣臣不知議者以養志爲何如
人其非賢者耶則固不當使之在任守制其誠賢耶則固不肯
在任守制矣疏入養志遂解任辛未夏大旱遵旨陳言一請

詔免直隸被災帶征各錢糧一言直隸編審人丁宜求均平一
請停捐免保舉之法。謂捐納州縣賢否錯雜。故立保舉法以防
之。近并保舉亦得捐納。則賢否全無可憑。且保舉所重在清廉
以有清廉字樣爲合。刻保舉可捐免。則是清廉之目可納。賢得
也。劣以爲不但保舉之捐納宜急停。而保舉之限期更當酌定。
請 敕部察捐納之員。凡到任三年而無保舉者。卽開缺。俟致
庶吏治可以澄清。時御史陳某請停保舉而開先用之例。公再
疏言捐納先用。大抵皆奔競躁進者也。故多一先用之人。卽多
一害民之人。又申三年開缺之請。詞加激切。及奉 命會議。公
持前議益堅。謂捐納一途。惟恃保舉以防其弊。今併此而捐之。

且待次年三月停止此輩有不捐納者平澄叙官方之典然
掃地矣議者或以三年無保舉卽令休致爲太刻夫以貲得官
踞于民上者三年亦已甚矣又不能發憤自勵其貽害于民可
知况休致歸仍在薦紳之列爲榮多矣卽云設立期限反生營
求此在督撫不賢則誠有之臣不敢謂天下必無賢督撫也時
大兵餽餉亟計臣方恃捐納濟國用而豪右希進者指率慶彈
冠內外諸臣亦多由捐納進公獨于疏議中痛斥之眾大譁部
議以公拘資格致捐納規望誤軍需負言官職擬削籍請奉天
安置庶吉士張昂嘗欲從公受學未果至是恐遽失之卽日執
贄爲弟子而順天尹衛公旣齊巡畿輔還入對言民心惶惶惟

恐陸御史遠謫

上特宥公俾還職尋

命巡視北城公凡有獻納必齋宿竭誠

上每趨其言以爲與朕意合故雖以議捐維事府眾怨而聖

明經鑒其誠也是年秋以試俸滿都察院注公不稱職應外調

遂移疾歸足跡不一至城市茅屋數椽布衣蔬食益以明道覺

世爲已任王由館虞山席氏歲暮還家感未疾卒年六十有三

時康熙三十一年十二月十七日也後二年江南學政許汝霖

任滿

上曰原任御史陸隴其學問由長操守清潔可代其任大臣奏

公已故

上嘆嗟久之曰。本朝如此等人不可多得矣。乃以直隸守道邵
嗣堯代之。公尋祀直隸江南名宦。浙江鄉賢。雍正二年。臨雍
釋奠。命增從祀賢儒。禮部尙書張公伯行請以公入祀。制
曰。可。乾隆元年。特賜諡曰清獻。並加贈內閣學士兼禮部侍
郎銜。公教人必授以朱子小學及程氏讀書分年日程。俾學者
循序致功。其葺以居敬窮理爲主。謂窮理而不居敬。則玩物喪
志。而失于支離。居敬而不窮理。則將掃見聞空善惡。其不至師
心自用。墮于佛老者。幾希。所著葺術辨力闡陽明爲禪學。謂陽
明之病在認心爲性。顧涇陽高景逸之病在忘動求靜。論者謂
程朱之統自明薛敬軒胡敬齋後。惟公能得其正忠云。公所著

有四書大全。困勉錄。續錄。松陽講義。古文尙書考。讀書志疑。讀禮志疑。禮經會元。戰國策去毒。呻吟語質疑。衛湏日鈔。問學錄。靈壽縣志。三魚堂文集。其門人曰王前席。趙裳旂。席永恂。侯開國。

... 臣等謹將... 奏為... 事... 竊以... 臣等... 伏乞... 聖鑒... 謹奏

起恭毅公事略 弟申季 子熊詔

公諱申喬字慎旃一字松伍江南武進人父繼鼎明進士官兵部主事公生之日紅光滿室申康熙九年成進士需次歸資授徒以養得金未嘗啟封輒以奉父母嘗遠出忽心動卜諸神不吉疾馳歸而父已得疾尋丁憂二十年授商邱知縣在官刻苦自厲案牘悉手治每中夜不寐日出視事無留獄有投牒者一識面數年不忘釐畝稅戶給照單書四至隱古者許自首荒者除之歲饑捐俸爲粥食餓人不足括縑數匹易米以濟鄰縣民踵至嘆曰使吾縣得此好官吾煩遠涉耶命諸生舉窮鄉嫠婦爲請旌樹坊過之必下輿拜二十五年行取入京授刑部主事

遇事彊直。會湖廣有獄。失入引律。駁還。得減死。三十三年。遷員外郎。引疾歸。四十年。以安溪李公薦。特旨召見。授浙江布政使。及。陛辭。溫諭有加。公受事三日。首革南糧布袋之弊。故事。發兵糧石。給口袋錢四十。歲費銀四千兩。悉徵之民間。至是。照京倉例。營兵自備口袋。弊遂絕。謂欲使州縣無虧帑。當先革藩司陋規。凡錢糧加平。時節餽送兵餉。掛發奏銷部費。諸欸一。禁革僚屬斂手奉法。外營兵餉。舊解府撥發。公令歸本州縣。支給省費。不費在官。常自家運米以食。曰。吾不欲以口食累民也。四十一年。擢浙江巡撫。賜御書。潘庫有羨銀二千兩。封識以授代者。曰。吾前奏銷不費一文錢。後將難繼。得此足辦一歲。

事矣。勿更擾民也。自藩次巡撫。解襪被一肩。書數箠而已。尋奏築錢塘江口隄。易海塘土以石。將施工。齋戒三日。率屬赴江干。爲文以祭。忽風任潮。九至浪搏人。若弩注。覩者奔辟。公朝服屹立不動。潮遽止。公跪禱。願假赦旬以畢事。嗣是潮不至者七旬。而塘成。且而塘外擁沙成洲。可數里。自是潮不爲害。又請修葺禹陵。增鄉試中額。並從之。九月。湖南鎮筸土民叫閭言紅苗反。給事中宋駿業。眉新總督郭琇。巡撫金璽。提督沐本植。衰廢。上命公往湖南。會同侍郎傅繼祖等。察勘。遂調偏沅巡撫。四十二年秋。疏請征紅苗。爲先撫後勦之計。上命粵黔楚三省提督會同湖廣督撫進勦。十二月。有龍叔洞。

分路進勦斬馘千餘降其寨三百有奇紅苗平移辰沅進駐鎮
其地尋諭曰近征紅苗貴州提督李芳述親冒礮石力戰遠
研數寨聞趙申喬亦甚強毅也先是

上南巡公朝蘇州行在

賜御書督撫箴及綏輯撫安四字

上以湖南道遠而官吏私征加耗倍他省特頒諭旨申飭公

還建勒亭詔書檄告屬吏且言澄源端本必自巡撫始若稍

有不法爾官民等即共聲其罪是子屬吏惴恐禁革一切私派

定頒漕米斗斛官爲收解驛傳夫馬銀于本州縣坐支及革鹽

商規例酌道里遠近平鹽價請以上年兵米所餘留抵春夏餉

有餘乃折銀解部永停預徵之令州縣列上貞節婦有逾月具

請者卽按懲胥吏復請準舊例給建坊銀葺古賢嗣奪還侵地
見屬吏必霽容使得盡言利弊惟嫉惡如仇不少貸疏劾巴陵
知縣李可昌等舉賢能吏楊宗仁伍士琪張仕可王朝恩尤加
意文教遇學道必以清慎相勸袁學道者試常德縱衙胥攬賄
公覆試諸生黜荒謬者十七卷劾罷學道四十五年疏言清浪
平溪二衛僻處山隅請改征本色爲條銀以免運費又言湖廣
教職選缺遠者馳數千里請就湖南北分省選授均下部議行
四十六年饑發倉平糶明年

聖祖復南巡公迎謁淮浦 賞賚有加遂奉 旨赴荊州勘同
知王侃等侵蝕木稅事鞫實論罪疏請裁港口渡私稅其荆關

稅務仍歸部差管理。又請以靖州屬鸕鷀關稅併入辰州征解。以杜侵漁。均從之。是年湖南復饑。不待奏。卒糶如前。布政使董昭祚受商人賄。出論令米船南下。價益踊。已聞親喪。復屬人爲保留。公案問得實。劾罷之。會南岳廟成。內閣學士宋大業奉

詔賁。弼書題額往。還劾公不敬。及諸溺職狀。且爲昭祚訟寃。

疏下。公回奏。公因發大業前後恐喝婪金狀。詔黜大業。追金

入官。明年疏刻提督俞益謨。冒抽兵餉。致銀伍空。缺益謨亦劾

公苛刻。命尙書蕭永藻赴楚察審。諭閣臣曰。自趙申喬參

俞益謨。武弁始知敬畏。今天下兵額缺。而空名食糧者多。所關非細故也。永藻尋以劾疏實皆回奏。

上命益莫休致而公還職。十三月召授左都御史尋論曰趙申喬撫偏沅時甚清廉但負氣人皆畏其口直與俞益謨互訐彼時亦有以申喬爲非者朕細加察訪公論乃彰清官固所當惜其言儻不可行朕亦不從惟言雖未當而並無私見且能實心任事者朕必加護惜焉公之去湖南也士民夾道焚香號哭自長沙至岳州數百里送者不絕各屬多建生祠祀之入都疏言河南瀕河荒稅宜豁且請勅撫臣凡河水衝決及浚河築堤所占民田皆除其稅籍五十年典順天鄉試疏劾編修戴名世所著南山集子遺欵有大逆語下刑部鞠實正決又疏言直省寺廟衆多易藏奸請勅禁增建從之五十一年典會試疏

請禁營兵預名食糧以清虛在。又言奉旨普免各省地丁錢糧。惟潼關衛大同府征改本色不列蠲例。請援奉天台灣例一體蠲免。並允所請行。五十二年春。萬壽禮成。公疏請建儲固國本。尋命赴廣東平糶。因請改電白縣解運瓊州等府兵米。仍征折色。免涉海洋之險。及回京。奏潮州知府張應詔清廉。上卽擢爲兩淮運使。是歲公七十。御書匪懈堂三字以賜。十月。遷戶部尙書。商人馬維屏呈送納銀萬兩。交部領大錢易小錢。送局改鑄。下內務府戶部會議將許之。公言收換小錢有司職也。商人圖利。恐籍蠲擾民。請勿許。特旨允之。公有部斲斲

治文書句稽錢谷無甯咎事關大体多與同官異議以是不悅于衆五十四年山西巡撫蘇克濟疏劾太原知府趙鳳詔受賍三十餘萬請革職寃擬公以不能教子致鳳詔居官不肖求賜罷斥得旨朕禮遇大臣甚優自始至終無不期其保全今聞趙申喬奏詞意忿激殊失大臣休著嚴飭仍令在任供職鳳詔尋伏法五十六年戶部奏銷鼓鑄錯誤公革職留任明年充會誠副考官五十九年夏以哀疾乞休優詔復原職令在任調理其應賻之項從寬免追十一月薨于位年七十有七賜祭葬如典禮論恭毅公生平清介剛直不可以私干論學以不欺爲本爲政嚴厲發奸摘伏如神名重天下而楚人尤稱頌之嘗

吳三桂據衡州時民苦征役公至始大減火耗免徭役一切無
藝之征悉罷民困獲蘇雖婦人童孺無不知有趙撫院者百數
十年來未之或衰也公于案牘皆手治在湖南時士民有實政
銖之刻書吏何祖柱復手鈔公奏疏文告彙爲二十卷又補輯
其蒞浙及入台總部時各稿爲四卷附焉官戶部時優人徐采
給事藩邸喉傭者殺人事下九卿議僉欲寬采以備抵公據刑
部讞論采主使應坐絞已而采竟減死戍邊及
憲皇帝卽位下詔哀公仍遠采丁邊論如律又以公與故大
學士阿蘭泰等並宣力東累追贈太子太保其應分賻屬員虧
帑銀特旨寬免雍正八年進諸入祀賢良祠尋祀湖南池江

商邱名宦公嘗言官清非僅不名一錢也。須兼廉明二義。廉者一塵不染。明者一毫不蔽。兼之斯可謂清。若惟一介不取而處事糊塗。人將安賴。吾自信差免糊塗而已。

世宗嘗與近臣追論異時名卿。較其才守。互有軒輊。惟于公無閒焉。弟申季字行瞻。丁丑進士。任遷江令。革除科派。禁獍豕劫掠。及豪強債利。舉卓異。改授編修。異數也。督山東學政。廉慎自矢。評文不假手。幕友以勞疾卒。官長子熊詔。字侯赤。康熙己丑一甲一名進士。賜及第。授修撰。入直南書房。因同官司奏。浙注事落職。仍留供奉。戊戌。以大臣子弟從軍。肅州出私財濟運。父憂歸。未市月。以毀卒。有詔復職。所著述多爲時所稱。

父... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

... 弟... 兄... 弟... 兄... 弟... 兄... 弟... 兄... 弟...

張文端公事略

張公鵬翮字運青四川遂寧籍。湖廣麻城人。康熙九年進士。選庶吉士。改刑部主事。遷禮部郎中。十四年分校順天鄉試。明年分校禮部試。十九年出知蘇州府。母憂歸。服闋補充州府。有廉幹聲。今克州府志其手編也。二十四年遷河東鹽運使。明年遷通政司參議。轉督部理事官。二十七年俄羅斯察罕擾邊。我兵困之于雅克薩城。悔罪乞恩。公奉使同內大臣索額圖等往定界。遠朝。聖祖器其能。擢大理少卿。明年巡撫浙江。清漕弊。覈鹽課。請建定海縣城池。賑餘姚。上虞。嶧。臨海。太平等縣。災。疏禁商船出洋。

私帶軍械。又因浙省旱災，請將三十三年輸蠲之漕糧予三十
二年免征，皆得。旨俞允。尋召爲兵部侍郎，提督江南學政。三
十六年，遷左都御史，疏陳淮陽所屬六州縣水災，巡撫宋犖未
聲明拯救之策，應請特賑。允之。明年，遷刑部尙書。未幾，授更漲
總督。三十八年。

上南巡，閱視河工。畢，命扈蹕入京，賜朝服鞍馬弓矢。先是

公偕尙書傅喇塔察審陝西侵蝕貧民籽粒銀一案，旣覆奏。

上諭閣臣曰：傅喇塔畏人懷怨，草率具覆。張鵬翮亦稍模稜。至
是，命復偕傅尙書赴陝西詳審，並鞫前陝撫布喀控前陝督
吳赫侵帑，及吳赫與甯夏道吳秉謙互訐等獄，分別論如律明。

年正月回京

上問各督撫。冠官狀公奏對稱旨。諭閣臣曰。張鵬。嗣往陝西。朕留心察訪。果一介不取天下廉吏。無出其右者矣。三月調河道總督。疏請撤協理河務徐廷璽。以專總河之任。撤河工隨帶人員。以免帑糜。並請敕工部。毋以不應查駁事。從中阻撓。均從之。尋疏請將攔黃。填照上流河面。拆挑使一律寬深。亟堵馬家港。使水勢不至旁洩。又言。清口爲淮黃交匯處。淤成平陸。應于張福口開引河。引清流水入運。使之暢達。庶可敵黃。又言。芒稻河兩岸過狹。宜濬使暢流。另建芒稻閘。以禦江潮。又鳳凰橋引河及雙橋灣頭二河。均宜加濬。疏皆下部議行。功成。

上易攔黃壩名曰大通口

諭閣臣曰前張鵬翮赴任時朕卽

指示謂必毀攔黃壩挑濬茫稻諸河今次第興修觀其奏牘詞
簡而意明其辦事精詳可知矣尋疏陳河工十九事一修工葺
柴多產海濱舊有運料河从淤應加濬便轉運一清水會黃入
海關鍵全在六埧六埧中又以夏家橋爲最要應俟水落時堵
塞一高家堰容納七十二處山河之水前河臣于成龍改六埧
爲四滾水埧地勢不遠宜併爲三仍鑿引河并築順水堤以衛
田廬一自武家墩至小黃河舊有石堤宜加高一古溝至六埧
以下俱係土堤宜改用石一清河縣運口至高郵州界首裏河
頻年黃水入運致河身日高宜加濬一高郵寶應江都西岸堤

多被水齧俟冬期加築一高郵城南石堤五改爲滾水堤四下
開引河漫水一歸仁堤石工應補砌一白運口至濱海兩岸堤
宜加倍高寬一王家營引河宜速挑濬一新中河堤岸單薄宜
完固一王家營減水堤宜酌開十丈餘以洩黃河漫水一桃源
縣南岸土堤宜加倍高厚一駱馬湖口對岸有竹絡堤節宜黃
湖大漲今黃河身高水灌駱馬湖口匯入中河致屢決宜堵築
以禦黃水一王家營缺口月堤單薄宜培修以作正堤一徐州
自楊家樓至段家莊宜築月城以作重門之障一黃運堤岸有
頌帑興修者有捐工興修者勤限完築一徐邳睢宿遷桃源
清河掃陽安東等處險工宜支歲修銀進飭防護飭河官于伏

秋二汎晝夜防守疏八 詔下部速議行又條奏區畫本有良
處。嚴定屬官考課章程九則。 詔嘉其詳悉周備。 命勸石河
干垂永遠。尋疏請于歸仁堤五堡建磯心石閘于引河兩岸策
束水堤。洩歸仁堤之水出黃河。可以衝刷河身。保護田廬。 諭
嘉其合理。又疏言武家墩至黃莊堤工除撥銀四十萬兩外尙
短銀十八萬六千有奇。得旨允給。且曰張鵬翮遇事精勤。實
能宣力。朕不之信。將誰信耶。漕艘進口。舊在駱馬湖旁鑿渠名
中河。後又改濟新河。淺隘不利。舟行公疏請將舊中河築堤一
道。改入新中河。則舊河上段與新河下段合爲一河。避黃河百
八十里之險。于漕運大有益。 優旨命行。尋疏言臣遵 聖授

方畧先疏海。口水有歸路。黃水不出岸矣。既排芒稻河。引淤水入江。高密等處水由地中行矣。再開清河。開張福曰。裴家場引河。淮水有出路矣。加修高家堰。堵塞六埧。逼清水使歸故道。今清水大半入黃。少半入運。一水兩分。若有神助。請加河神封號。下所司知之。又疏請于韓家莊。時家馬頭二處開引河。二使黃流直下。以免衝激。從之。四十年春。疏請于張福曰。裴家場中間開大引河。一併力敵黃。若黃水大發。則閉裴家場。自門使清水由文華寺入運河。儻運河水大三陽一帶。由涇澗二河。洩水寶應一帶。由子嬰溝。洩水俱歸射陽湖。入海。高郵一帶。仍山城南柏家墩。二大埧。洩水。江都一帶。由人字河。鳳凰橋等河。洩水入

江若遇黃淮並漲。清水由翟家堤。天然埧洩水。黃水由王家營。減水堤入鹽河。至平望河入海。若漕艘過完。黃水大發。則閉關。黃壩使不得到灌。黃水不漲。則堵塞運河頭堤。令清水全入黃河。此古人設天妃閘之意也。疏入。

上嘉其得治河秘要。並諭閣臣曰。張鵬翮自到河工。在署之日。少每日乘馬巡視堤岸。不憚勞苦。朕深知之。四十一年六月。黃水大漲。桃源城西煙墩堤。根基甚危。公加築月堤。護城八月。疏言。煙墩對岸河灘。挺出河心。逼留南行。請于邵家庄開引河岸。草埧分水勢。又顏家庄水勢。逼射北岸。亦宜開引河。使水順流。上諭閣臣曰。此奏若下部議。必致其延。卽照所請行。尋疏陳秋。

況情形。

上曰覽奏挑水埧築成黃河大溜直趨陶莊引河循北岸而行黃水從大通口暢出海口極其深通淮水從清日暢流敵黃絕無儲懼之患家堰埧工完固運河之水由涇澗芒稻河人字之河分洩河工大有望矣明年春

上南巡閱河

賜御製河臣箴淮黃告成時並

賜公父煨鮓

神清養志及松齡匾額二月山東饑

命漕臣桑額截漕米二

萬石交公選賢能官運至甯兗州等處平糶及賑濟尋動用出

倉谷二十八萬石十月

上以公殫心宣力不辭艱瘁又清潔自持

特加太子太保四

國朝正史名臣

三

十四年疏請增修除州城外石堤及山安黃河北岸堤工并建
月堤均從之。先是三十六年夏時家馬頭河決。至三十九年夏
堵築未就。公疏劾三東同知佟世祿冒帑誤工。應削職追償。

詔公嚴訊。嗣世祿叩閹訴公枉縱。交江督阿山豫撫徐潮會鞫
尋奏時家馬頭承修銀。應令佟世祿償補。馬家港東坦被衝。張
鵬翮雖經題報。未將承修官追償處聲明。應令鵬翮與疏防等
官償補。未幾世祿復叩閹控愬。

上遣戶部尚書徐潮等覆訊。係誣參。世祿復職。鵬翮巧飾供詞。
失人臣禮。應罷職。淮安道王謙附會欺隱。應罰償擬杖。徒工部
侍郎趙世芳議。公奏銷錢糧浮冒十三萬餘兩。應下法司治罪。

九鄉如所議奏

上曰。此案依前議張鵬翮量甚窄。斷不引咎。河工錢糧原不限數。水大則所需者多。水少則所需者少。謂張鵬翮小有所取。亦未可知。謂以十三萬兩入已。必無之事也。河工恃乎用人。鵬翮所用之人多不勝任。故如此耳。趙世芳奏事不公。本發還三月。聖祖南巡。諭之曰。爾居官固好。卻爲王謙張弼所欺。任其恣意妄行。致人心不服。朕非不知。爾能任勞苦。但聽信屬員。流于刻薄。凡大臣受朝廷委任。必須爲國爲民。事事皆有實濟。若徒飲食菲薄。自表廉潔。于國事何益耶。閏月。御舟渡黃河。閱九里岡。嘉公修理得法。賜御製詩。昷七月。淮黃並漲。古溝塘壞。

清水溝韓家莊四溢坐防險不力。詔奪職留任。公督河官盡力堵塞。于九月次第竣工。四十五年。疏言黃河萬里來源百川交灌。至清日與淮水合。總因來源多而去路少。致宜洩不及。若去路暢則不至橫決。惟有遵旨開鮑家營引河。藉洩黃河及洪澤湖異漲。庶河堤及高家堰工均可保固。下部議行。初公同江督阿山漕督桑額奏請開溜淮套河。屢請

上親臨指示。四十六年二月

聖祖閱視溜淮套。見地勢甚高。不能直達清河。所立標竿多在民間墳墓上。面責公曰。奏請溜淮套開河。非地方官希圖射利。卽河員妄冀陞遷。至河工效力人員無一方正者。何故留之。

公奏臣誤聽小人罪實難辭下部議奪職阿山革任桑額降五級調用

上諭閣臣曰聞驗視潘淮套之時張鵬翮桑額皆謂不可開阿山強謂可開其令阿山革任張鵬翮奪官保銜桑額降五級留任四十七年疏報修秋泚平安優詔開復處分免應追銀兩內遷刑部尙書明年調戶部又明年命往江南讞獄五十年次以父逾八十請假省親得旨聞鄉父精力尙健不必急請歸省明年冬調吏部命赴江南鞫賄中舉人程光奎吳泌等獄時江蘇巡撫張公伯行劾總督噶禮通同舞弊噶禮亦撫事劾自

上命公及總漕赫壽察審尋奏副考官趙晉實與程光奎吳泌賄通關節論罪如律噶禮刻伯行不能清理案件是實餘屬苛劾應降留伯行劾噶禮索金全虛應革職贖徒

上切責公等掩飾和解命尙書穆和倫張廷樞覆審先是伯行疏劾布政使牟欽元匿通洋匪徒張令濤

上奪欽元職下總督赫壽察審赫壽奏欽元署自並無令濤其人五十三年冬

上命公及副憲阿錫鼎赴江南訊理尋以伯行誣參奏

上責其不能盡心令再詳審尋奏伯行誣陷良民妄生異議欽元應復職

上命伯行免罪來京事。祥張清恪公傳。是年丁父憂。時尙書富甯安督剿西陲。諭公暫晉辦部務。俟富甯安回京日奔喪。五十七年典會試。明年復典會試。會汶水旱涸。運道梗。奉命勘視。請疏濬坎河。雞爪諸泉。分注南旺。濟運。而于彭口策堤障沙。水入微山湖。從之。又因河決武陟。往查勘。備陳引沁入運利害。謂地勢西北高而東南下。若引沁從高直下。而黃河躡其後。患且劇。山東運道有沙河馬場等湖。及諸山泉。本可濟運。祇因湖堤殘缺。民間竊種湖旁地。致諸泉壅塞。爲漕艱患。今已策堤蓄水。疏泉。運道自可通利。優旨俞行。不許稍有更改。六十一年加太子太傅。雍正元年授武英殿大學士。賜御書嘉謨偉量。

額六月河決馬營口銜。命勘策三年進明臣鄧鐘所著籌海重編。未幾薨。年七十有七。論稱其秉性孤介。持躬廉潔。贈少保。于卹典定例外。再加祭一次。命致祭日。大小漢堂官齊集。賜全葬。諡文端。八年。詔入祀賢良祠。初。公嘗疏請。敕下史館輯治河全書。

上卽以命公成。聖謨全書二十四卷子懋誠由主人仕至通政使。

徐健庵尙書事略

崑山徐健庵尙書。乾學八歲能文。十三通五經。爲顧公錫疇所賞。康熙九年一甲三古進士。以編修主壬子順天鄉試。拔韓公莼于遺卷中。遂大魁。天下文體爲一變。坐取副榜。不及漢軍鑄級歸。十四年復原官。擢贊善。丁內艱。葬祭悉遵古禮。著讀禮通考百二十卷。服除。以贊善充明史總裁官。異數也。累遷侍講學士。晉詹事。二十四年。

御試翰詹諸臣。公冠其偶。諭獎公暨侍講韓莼。編修孫岳頌。侍講歸允肅。編修喬萊。學問優長。文章古雅。陞賞有差。公尋直南書房。擢內閣學士。充會典一統志副總裁。教習庶吉士。會郎

中色榜額請禁用明代舊錢尙書科爾坤余國柱等議如所請公言不可因考自漢至明故事爲議以獻

上是公言事遂寢二十五年諭吏部學士徐乾學張英宜留辦文章之事勿開列巡撫尋授禮部侍郎充經筵講官公弟元文字立齋官總憲時疏言滿洲漢軍官宜一體守制二十有七月其外官丁憂不許候代治事又申律文居喪作樂筵宴嫁娶之禁及公貳禮部謂禮以教孝爲本百日釋服及舉殯演劇爲非禮之尤滿洲京朝官頗沿舊習請嚴禁蓋與立齋大指互相發也又請停歲貢廷試免遠涉時公被命纂修鑑古輯覽及古文淵鑑二十六年擢左都御史公語人曰我何敢遠希古人

近不愧吾弟足矣。乃疏劾江西巡撫安世鼎罷之。勸諸御史風聞言事。遇會議會推與。尙書科兩州佛倫等多不合其會議。河工屯田也。公與尙書張玉書並言屯田所占民間地畝。宜還舊業。科爾坤佛倫不從。御史陸祖修因劾科爾坤佛倫等偏袒河臣。靳輔不顧公議。御史郭琇亦劾靳輔興屯累民。詔罷靳輔。任于是。在廷多仄自公矣。二十七年總裁會試。卽闈中授刑部尙書。時立齋已鐫級去官。至是仍起左都御史。兄弟迭相代當世榮之。公出甫就職而張汧之事起。先是上命侍郎色楞額往鞫上荆南道祖澤深劾款。并察湖廣巡撫張汧有無穢蹟。色楞額悉爲開釋。又不察劾張汧。御史陳紫芝

旋劾汧貪黷。命副憲開音布往會直隸巡撫于成龍山西巡撫馬齊復訊。既鞫實。張汧祖澤深婪索事復得澤深交結大學士余國柱爲屬色楞額徇庇及汧未被劾時遣人赴京行賄狀下法司核擬。當是時國柱經御史郭琇劾其與大學士明珠尚書佛倫等營私附和罪已罷歸。法司請檄追質問并詰汧行賄何人。汧以不能悉數對。既而誣指公旋復吐實。

上命免國柱質問且諭就已鞫實者定擬勿株連。于是汧澤

深及色楞額並論罪如律。公得白。尋上疏乞放歸。

上不聽。公去。以疏辭懇切許解部務。仍領各館總裁。三日一直

丙廷初。甲子秋。公季子樹屏與立齋長子樹聲同舉順天鄉試。

上以是科所取南血卷皆江浙人而湖廣江西福建無與者下
九鄉磨勘。忌者遂坐樹屏等文。体不正議當斥。且送法司質訊。
上不聽。僅落二子舉人。而公兄弟任如故。至是考選科道公子
樹谷。燭俱在選中。立齋在閣。循故事乞迴避。

上不允。特用樹谷爲御史。而副都御史許三禮。遂緣是劾公。且
謂公潛住京師。部議坐三禮誣。鑄級三禮。益去復許公贖罪。

上仍嚴劄之。公再疏乞骸骨。

上允所請。命以書局自隨。諭曰。一統志記載須詳核。宋元

通鑑。原書牴牾舛錯。鄉學博才。優其殫心。參訂纂輯。進覽所奏。
俱依議行。時已仲冬。

上命且過冬行無觸寒爲也二十九年春抵家命樹谷齋疏謝
上命張尙書英傳旨問樹谷而父安否且傳齋奏家僮至午
門問途中起居狀

上蓋念公不置也公僦居洞庭東山而江督傳臘塔劾公兄弟
罪入子姓名幾盡

上寢其疏不問又一年而有山東濰縣令之事濰令朱敦厚者
故明死事巡撫之馮子也以加火耗爲巡撫佛倫所劾論死并
劾公會致書前任巡撫錢珏徇庇敦厚又以行賄狀瑄訊敦厚
冀傾公不承乃已然公與珏均坐是落職自是而媒孽公者不
已嘉定知縣聞在上坐私派得罪閱時二年美令忽承會遺公

子樹致金而卻之樹復坐原子罪論絞欲重危公會
聖祖詔論天下以內外臣工私怨相尋臺連報復逮于子弟殊
非朝廷保全體恤之意諸蔽公者乃稍稍解而樹敏得贖罪時
者局撒復奉命贖進所定草公避居嘉善已又栖息郡西華
山之益爲

上久益思公有旨召用而公不及聞新命矣以康熙二十
三年四月薨遺疏入復原官年六十有四公自爲翰林以文學
受知在南書房凡有叩問應如響既轉禮部

上特命凡內閣制誥文章仍令管理掌都察院時行幄適有表
啟不稱旨乃屬爲之公遂次伏地草奏

上善之問誰爲是者衆以公對時已有楚獄矣

上曰文字乃仍須徐某撰耶

上嘗出

御製文集四十卷

命公編校儒臣尤以爲榮嘗得

暈曠疾

上曰此疾惟虎胃可療如不痊朕何惜一虎在經筵御賜博

學明辨四大字及歸

御書光祿萬丈字以寵其行公他所建

白甚衆議論棘棘不阿不喜爲調停之說在禮部時山西巡撫

某以溺職逮延臣會議有言其居官安靜者

上詩責則諉之陳公廷敬公獨抗言無是語衆皆愕怡公出曰
我上不敢欺朝廷小不敢負朋友也公負海內重望一時者

宿山林遺老皆輕千里從公邨舍客滿僦別院居之如檢討陳君維崧見君燦吳君任臣及黃徵士虞稷吳孝廉兆騫死皆公所列墓公愛才若渴絕不爲私然文遊太廣其家人門下客不無緣之爲奸利而士之失職不平者書歎唇舌其間蜚語傳播致屢入彈章賴

天子明聖得保全公歸時送公者雖三館之吏皆哭失声曰公去誰活我者讀書過目不忘能五官並用嘗與姜編修宸英觀古碑碑甚高公令人技以上橫闕之已又橫闕其中下段遂能盡舉其詞編修大驚以爲絕才無對也所藏書極富

聖祖詔求遺書公疏進十有二部 温旨留覽今傳是樓書目

猶行世。公嘗言甯人負我毋我負人。又曰做官時小。做人時多。
做人時少。做鬼時多。故不特文學為時。山斗而風節。尤至老不
衰云。

徐文定公事略

徐元夢公字善長一字蛛園滿洲正白旗人姓舒穆祿氏舒與徐滿音畧同而字義亦近故天下稱蝶園徐公公年十九成康熙十二年進士選庶吉士時明珠索額圖枋政以權利相領公樹羽翼中朝士大夫非際自託有主張宦不得遂當是時顯與爲敵者惟湯文正魁敏果柴立中央而無所依附者韓文懿李文貞外可指數也索額圖生而盛貴性倨肆有不附已者當面折顯斥之明珠則與其黨深相結異已者陰謀陷之而務謙和輕財好施以招來新進及海內知名士公爲庶常李文貞掌翰林院事嘗薦公及德格勒公賢

聖祖時召見講論經義德公嘗扈從巡行明氏使人奉萬金爲裝固辭裝已治無所用之公散館列二等例以科道用索額圖惡公不附已奏改戶部主事用此明氏尤欲致公公爲童子試京兆與明氏子成德名相次成進士同榜屢相招皆不就爲部屬時以公事見珠必徧贊于廣衆中二十二年由主事遷中允尋遷侍講

上一日詢公之爲人珠以誠實對選講官列薦名先于學士公終不一至其門會天久不雨

上命德公筮卦遇夫問其古進曰澤上于天將降矣而卦義五陽決一陰小人居鼎鉉故天屯其膏決去之卽雨

上愕然曰。安有是德。遂以明珠對時。索自巳挫于珠矣。始聖祖親政。方冲齡。索首建謀。黜輔臣。專橫者百僚。壻伏而珠善結。左右親近爲腹心。其黨徧布中外。雖有賢者。慎自守。不求親媚而已。終莫敢齟齬也。惟康熙十有七年。京師地連震。上晝夜坐武帳中。魏果敏公直入奏。天變若此。乃二相植黨。市權。引用僉王。以剝烝黎之應。繼之者則德公。用此名震天下。而珠亦駭遠不自安。自是以後。蜚語時上。聞謂公父爲兩江總督。麻勒吉僚屬。黷貨不貲。公與德公比議朝政。適靈台郎董漢臣上書言時事。多所指斥。下內閣九卿議。大學士勒德洪公尙書達哈塔公及湯公。謂書中豫教太子崇節儉。宜施行。而衆陰撓。

之駁議至再三。以湯公尤殊所深嫉也。由是眾口喧稱湯公不欲。

上親教太子。覬爲師傅。公與德公亦然。先是

上嘗詢公所學。視德格勅。孰優。公自陳遠不逮也。至是復舉廷臣某與公相衡。而德公奏公遠過之。請

上面試。忌者遂言公及德公互相標榜。湯公實陰主焉。越日

召試。尙書陳公廷敬以下文臣十二人于乾清宮。公與德公方

屬草有。旨責讓德公。遂于試文後申辨。公詩亦未成。

上命同試諸臣校勘。眾相視無言。而湯公獨以公文爲是。又

命廷臣公閱湯公執前言。且謂德公品學素優。不宜以文字黜。

是日翰林院奏劾德公鑄五經留任時湯公爲東宮講官

上遂命爲師而公亦爲皇子師。殊復使所親謂公此非福也。

惟歸誠於執政。或少安。公不答。是秋。

上御瀛臺教諸皇子射。公不能挽強。

上怒。以蜚語詰責。公奏辯。

上震怒。命扑責。被重傷。命籍其家。父母皆發黑龍江安置。然

上意終憐公。其夜。命醫二人治其創。翼日復召詣。皇子

書堂。時大雨。裏瘡至宮門。跪泥中。見御前侍衛。即號泣求轉

奏。臣奉職無狀。罪應死。臣父廉諱當官數十年。籍產不及五伯

金望。

聖主察之。且臣父母皆老病。臣年正壯。乞代父謫戍。尙能勝甲兵。效命。衆皆掩耳去之。有關係者。最後卒斥公而入。盡以公言。奏。

上立赦公。父母則已。檻車就道矣。及諸途。觀者夾路。皆感泣。遂復公官。仍侍皇子。時二十六年四月也。冬。抄翰林院掌院學士庫呼納劾奏德公私抹起居法。有旨問公知否。會。

孝昭文皇后升遐。各以尉二人。甲士二十人。監守。可私室。次年二月。下獄。始至。卽以二木訊公。旁逮也。榜掠數十。脛大。姐股。禁親屬家僕。毋通。席地臥。求水。務不得。獄卒刻時。以至提木索而搖之。毒痛自知。必死。適侍衛某入視。族姪公辨其。声大呼曰。

上命問我非欲殺我也。其人就視出，謂典獄者曰：此人死，我必人告由，是家人得入進食飲而湯，公亦以議董漢臣事得咎。起居江故事，數易稿，然後登籍。德公所刪易，乃未登籍之稿。公農夕侍，皇子守官分局，無由與知，而獄辭上。當德公斬立決，公監候秋後絞。特旨改德公監候，公免死，鞭一百，荷校三月。盡于入辛者庫。逾年，公主出降，科爾沁公一子一女，主旗務者。善以公女媵。時德公遇赦出獄，歸本旗，遂使盡室以從。公素不善騎，公主疾，或請于上，遣公往視相去千餘里，刻日返命。從者二人，一道斃，公入反命，出昏踣，兼旬不能起。蓋自郭公琇劾奏後，珠璣落職家居而

所引用已盡列要津。每承進觀色以求厭其忿好。又善事貴勢。與相應如影響也。珠旣老其黨漸散。安溪李公日見親信。

上亦從而察公之忠誠。三十二年命入上書房課皇子讀。

書尋授內務府員外郎。四十一年充順天鄉試副考官。越四年

再奪職。五十一年起內閣侍讀學士。充會試副考官。五十二年

遷內閣學士兼禮部侍郎。特旨出辛者庫歸原旗。五十三年

授浙江巡撫。賜御製詩文集及鞍馬以行。明年疏陳杭紹台

金衢嚴處七郡災。請截漕米二十萬石平糶。并緩征以紓民力。

允之。五十六年入爲左都御史兼掌翰林院事。先是都御史員

缺。

上諭廷推學問好。不畏人。如徐元夢者。隨有是命。會
上以科場中積弊未除。凡主考及同考官。聲名之劣者。諭令
糾劾示警。乃劾罷編修儲在文。徐用錫。張起麟。沈宗敬。及任滿
學政王雲錦。林之虔。萬經。車鼎晉。鄭晃等。五十七年。晉工部尙
書。仍兼掌院學士。敎習庶吉士。自乙酉冬。李公入相。
上萬幾之暇時。召入獨對。同列無與班者。李公南還。公繼之。
恩遇幾與比。並六十年冬。駕幸南苑。公未及從。
上曰。徐元夢。乃同學。舊翰林。康熙十六年以前進士。止此一人。
矣。御製詩一章。并序。稱爲同學老友。副以食品。遣使于夜分。
呼正陽門。入郎家。賜之時。太夫人尙康。彊屢朝。

皇太后於慈寧宮。恩禮備至而德公已老死微外矣公每言

及未嘗不慘悽而顏變也。

世宗卽位以舊學故特重公。命入上書房課皇子讀書。雍

正元年五月署理內閣大學士兼著左都御史充明史總裁十

月調戶部尙書仍辦大學士事。賜御製詩四年坐繙譯訛誤

落職在內閣學士裏行行走八年坐撫浙時失察呂留良私書

應革任。命同繙譯中書行走十三年充繙譯鄉試副考官是

年八月。

高宗御極。命南書房行走尋授內閣學士遷禮部侍郎充

實錄館總裁仍命入上書房授書。皇子明年八月以老病

乞休。優詔許解侍郎任加尙書銜。照現任食俸仍在史館。

丙廷行走。乾隆四年加太子少保。六年秋。遘疾。遣太醫診視。

賜葠藥。十一月疾葠。

上命皇長子往視。及薨。

上痛悼。命和親王及皇長子往奠。賜銀二千兩治喪。

特諭稱公人品端方。學問優裕。踐履篤實。言行相符。歷事

三朝。小心謹慎。數十年如一日。可謂完人。贈太傅。入祀京師

賢良祠。賜祭。墓如典禮。諡文定。壽八十有七。公撫浙時。清約

若寒。素割俸葠。文書院書院。故號萬松。以公請。

上賜榜。易今名。買田聚書。以惠學者。高安朱公踵行之。兩浙人

文之盛自此始。公知名早。仕宦垂六十餘年。性剛介。負氣不爲威。忱。中年後精研理學。言貌溫溫。若惟恐傷人者。而中持黑白。卒無所依違。與人敬以和。貴賤老少如一。長翰林數年。物望所歸。鮮不薦達。老而篤學。與方望溪侍郎共事。蒙養齋暇。卽就望溪考問經義。時江浦劉无垢。泰州陳次園。常在側。交口責望溪曰。有是哉。子之野也。徐公中朝耆德。且爲諾王師。子抗顏如師。誨之如弟子。可乎。望溪曰。吾以忠心答公之實心耳。子視公。遂出孔道輔下乎。諸王侍衛。中有年。迄三十始讀大學。而請業望溪者。講至秦誓。作而曰。所謂一个臣。吾視徐公。良然。嗚呼。公之誠于中。而動于物者。可想見矣。孫舒赫德。官至大學士。自有傳。

恪文清公事略

公諱格爾古德，字宜亭，姓鈕祜祿氏，滿洲廂藍旂人。初由筆帖式爲副理事官。康熙三年，隨定西將軍圖海征湖廣，茅麓山流賊凱還，遷宏文院侍讀。尋遷翰林院侍讀學士，充口講起居注官。十三年，隨安親王岳樂征逆藩吳三桂，自江西進湖南。十七年，僞將軍林興珠率眾降，安親王軍前，公自長沙馳報，並奏聞興珠所陳困賊策。請分岳州水師爲二：一泊君山以斷常德之道，一泊香炉峽，扁山以斷長沙、衡州之道，則賊不戰自潰。聖祖密諭駐軍岳州之貝勒大臣俾核議施行。十九年，隨安親王還京，擢詹事府有。詔議叙勤勞，奉職諸講官加公一級。二

十年遷內閣學士。明年授直隸巡撫。處。荷。聲。勢。每。爲。民。善。爾。其。嚴。察。懲。勅。母。姑。息。金。世。德。于。成。龍。爲。巡。撫。廉。潔。有。聲。爾。繼。其。後。得。名。甚。難。然。苟。急。于。求。名。反。致。憤。事。其。慎。旃。二十二年。疏言。白鬻。投旗之人。或有作奸犯科。莖逃法網者。或有游手好閒。規避差謫者。本土聽其仍居本籍。放債矣。利則諱。旗而稱民。遇官長訪聞。窩逃。構訟等事。又舍民而稱旗。甚或招搖鄉里。魚肉小民。地方吏不敢問。應責令本土止留務農人戶于屯莊。餘俱收爲服役。嚴定縱徇處分。得旨。下所司飭禁。前。特諭戶部。凡鬻身之人。或曾經犯罪。冀投旗倖免者。與知情之本土。俱從重治罪。二十三年。疏言。順天永平保定河

間等府。平田圈作旗產者向以別州縣之地撥換仍聽彼處民人佃種。令業戶收租。洪賦遇佃租不償則額賦無出其佃地所屬州縣。因與錢糧考成無涉。不爲催租。致受撥之地多有積逋。官民俱累。請自後令佃地所屬州縣代爲征解。仍按未完分數與奏銷一例處分。疏下部議行。先是保定連歲歉收。米谷騰貴。公請截留山東漕米撥給駐防兵。格于議。公復疏言。駐防兵米不下方石。若就近採買。民間益苦。值昂。或遠購隣境。運費不貲。仍請截留便。特旨允行。時大學士明珠佐領下人戶指圈民間塚地墾種。有誦于戶部者。牒巡撫察勘。宛平知縣王養濂以無礙塚塋。飭辦公劾。養濂引圈塚地屬民得。旨下部議處。並

諭曰民間田地久經降旨永停圈占止以部存地畝分撥新戶口何得借端擾民嗣後有似此者必重治其罪六月疏薦廉能吏并陘道李基和靈壽令陸隴其盧龍令衛立鼎均得旨下部陞叙尋以疾請解任溫旨慰留遣太醫診治會詔九卿等公舉清廉官首以公列奏上曰格爾古德居官素優近聞患病羸弱深軫朕懷七月薨于位年四十有四遣內大臣侍衛于櫬至日往奠茶酒部臣以公會降一級任巡撫未滿三年應減半予祭葬銀上曰格爾古德廉潔自持勤勞素著其復所降級從優再議尋賜祭葬如典禮謚文清公清介絕塵衣布素日食惟菜菘卻歲

餽萬計。纖毫不以。曰。污直隸。旗民錯處。遇事多爲權要所持。康熙初。鰲拜圈地議起。督撫朱昌祚。王登聯等。均以守正。彼冤殺自是人以爲戒。無敢訟言其非者。至奸民竄入旗下。尋仇傾陷。尤狡桀。公執法嚴懲。不少貸。時有鐵面之稱。識陸清獻于縣令中。待之以國士。

上嘗諭責。漕運總督碩幹。居宮無善狀。碩幹奏曰。臣爲眾所忌。故聲譽無從致。

上曰。格爾古德。爲巡撫。歿後人猶思慕。稱頌之。居官苟善。豈有不致聲譽者乎。其爲

上所推重如此。二十六年。祀直隸名宦祠。

方之平也。其說以歸
於正。其說以歸於正。其說以歸於正。

正。其說以歸於正。其說以歸於正。其說以歸於正。

其說以歸於正。其說以歸於正。其說以歸於正。其說以歸於正。

國朝先正事略卷之十 名臣

平江李元度次青纂

韓文懿公事略 子孝基

公姓韓氏諱莢字元少別字慕廬長洲人康熙十一年由國子
生中順天鄉試明年會試殿試皆第一禮闈撤棘
上取公卷覽之深以主司為得人及廷對復親拔之遂授修
撰纂修孝經衍義百卷充日講起居注官

聖祖召公至起居注館命作太極圖說越三日諭作四書
文二首復命悉呈平日文稿又召至宏德殿講大學十四
年典順天鄉試累遷侍講十八年假歸二十三年補原官二十

四年

上親試翰林公名列第二遷侍講學士未踰月擢內閣學士兼禮部侍郎公以文學結主知凡應奉文字每進一篇輒稱善天語稠疊嘗云韓菼天下才風度好奏對亦誠實又云韓菼學問優長文章古雅前代所僅有也又云韓菼所爲文能道朕意中事每侍經筵日講專陳治理時有所獻替動天聽者多矣而公厚重不泄未嘗有自矜之色二十六年引疾歸里居八年以詩古文開其鄉之後進性恬曠好山水朋游暇則與二三遺老徜徉泉石間點勘六經二十二史自明亡科舉業日就腐爛公出始漸復於古未遇時鄉先達頗怪之徐尙書乾學典鄉試

得公文於遺卷中擊節歎賞尋取上第其文橫被六合世以此於昌黎而公未嘗以此自喜及尙書與要人相構罷歸田里領書局洞庭山踰年兩江總督傅臘塔承意興大獄將盡鉤其黨居門下者皆陰自貳甚者訟言攻之以自湔滌公時在籍獨昕夕造門助其討論排纂且爲別白於在事者嘗乘小舟出遊會縣令出隸卒爭道覆公舟比登岸衣裘盡濡戰栗移時戒從者勿聲竟不知爲公也公得漁村別墅將著書以終老矣會有欲與公並起以爲名者復召掌翰林院有司敦促就道乃行入朝

上慰勞再三命充一統志總裁官時康熙三十四年也逾年

授禮部右侍郎三十八年調吏部明年充經筵講官教習庶吉
士擢禮部尙書仍兼掌翰林院學士事公以院務繁請解尙書
任得旨卿才品優長不必以衰病求解部務并賜篤志經
學潤色鴻業堂額屢與孝感熊文端公同召對忌者謂公旦暮
且入相會江南布政使張萬祿虧庫金三十餘萬制府阿山上
言費由南巡非侵牟或謂張於制府爲姻家
上震怒下九卿議左都御史某訟言法當誅公正色曰果有連
其情私其語則公也且斯言得上達所益不細忌者增益其辭
以聞
上公由是得罪或謂公

上每含怒詰責諸大臣。伏闕下請罪。累日。即解。公曰：吾身可危。臣節不可辱也。

聖祖嘗親試翰林。欲黜者二人。時公與法良。公同掌院事。命

劾奏。公謂法公曰：姑徐之。此民譽也。越日。法公入對。

上怒。命削職。隨本旗供勞辱事。衆皆趣公。公曰：法公以吾言至。

此而吾乃苟免乎。又數日。召公詰責公。徐曰：此二人於院中。

不在。應黜之列。文雖不工。惟

上寬假之。

上霽顏。爲公曲止焉。公天性與物無町畦。然持論侃侃。不爲兩

可之說。其所不爲。不可以利害禍福動也。當廷試日。吳三桂

逆節已萌。公對策力言三藩當撤。無少顧忌。其後論海關不當設關稅。不當添私鈔。祭不當過嚴。永定河事例不當許捐道府會試所重掄才。業分南北中卷。不當復分左右。皆言人所不敢言。祭酒阿理瑚請以故大學士達海從事孔廟。公持議以謂達海造國書一藝耳。法不當從祀。御史鄭惟孜以國子生多江浙人有冒籍赴試者。疏請盡發回原籍肄業。公曰京師首善地。遠人嚮化。方且聞風慕義來學。若因一二不肖。輒更定制。恣驅除勢。至太學一空。失國體事。遂寢。公待士出於至誠。士有道藝而弗伸。如疾病之在已。方望溪侍郎未遇時。公實禮先焉。每聞望溪下第。必面責主司。及鄉貢。相見京師。愀然曰。是非子之幸。

也。子終不遇學與行，可成。公晚年病肺，飲酒不輟。望溪勸公少止。公曰：子知我者。吾少不能自晦，崎嶇官途，碌碌無所建。豎負聖主之知，今老矣，嘗恐未得死所，以至再辱壽考，非吾福也。且子終謂我何如人？望溪曰：公爲人，天下士盡知之。况某邪？公曰：世人多好吾文，吾文不足言，或目爲曠達，亦似矣。而非也。吾立身，尙能粗見古人之繩墨耳。吾爲亞卿，未嘗一至官正之門也。吾爲學士，未嘗一至執政之門也。自趨朝外，輿馬未嘗入內城。吾好朋游，嘗與酣嬉淋漓，然貳冢宰歲，未再終發吏之姦，爲永禁者七百餘事。錢諸板，是誠沈飲人邪？公每與廷議歸，輒頽然自沮喪。望溪叩之曰：凡吾有言，衆若弗聞焉。將爲

上別白之。則更有陰爲掣曳者。而其道必反矣。內負吾心而外。赧於友朋。孰若曩者。家居浩然。有以自得哉。望溪曰。上於公意倦矣。而公不告休。何也。公曰。剛當位而應與時行也。吾後而失其時矣。徒滋譴呵耳。望溪曰。進退有禮。譴呵非所避也。是歲公果再告。再奉詰責。由此愈羸。四十三年八月。公以疾薨於位。年六十有八。望溪嘗曰。某往還公。卿閒其敢以古義相繩。與用余言而不疑。且悔者。自公而外。未之多見也。公嘗與門弟子張大受曰。吾貴爲尚書。何如秀水朱錫鬯。以七品宮歸田。飯蔬飲水。多讀萬卷書。嗚呼。公之胸懷。可謂超然物外矣。湯文正公數語。人曰。表裏洞然。不可奪以非義。惟韓公曰。乾隆十

七年。諭內閣曰。故禮部尚書韓菼。生平種學績文。湛深經術。制藝清真雅正。實開風氣之先。足爲藝林楷則。可加恩進諡。用示褒榮。乃賜諡曰文懿。第三子孝基。字祖昭。少承家學。能文章。康熙三十九年。進士。選庶吉士。授編修。時文懿公負海內重望。天下士爭趨之。因樂與祖昭。昆仲遊。公薨後。奉母十餘年。不出。雍正初。以原官人。召修明史事竣。移疾歸。治經精三禮之學。篤孝友。事伯兄如嚴師。乾隆十六年。上南巡。召見行宮。慰問者再。時年八十有八矣。御書家學者。儒四言以賜之。年九十卒。其子彥曾。進士官。洗馬。慶曾。萊曾。皆舉人。

一、人、事、物、之、類、皆、有、其、理、也。

二、理、之、所、由、生、也、有、其、因、也。

三、因、之、所、由、生、也、有、其、果、也。

四、果、之、所、由、生、也、有、其、理、也。

五、理、之、所、由、生、也、有、其、因、也。

徐文敬公事略

子文穆公本

杞

孫以烜

錢塘徐文敬公先世業漁。公生日。江潮大上一舟爲風漂沒。封翁急拯之得免。僦舟者爲閩省孝廉。入都應試者也。翁延至家。致雞黍之敬。次日洗兒請孝廉命名。以江潮之異名之曰潮。其後孝廉累不第。而文敬早達。分校會試時。孝廉竟出其門云。公字青來。康熙十二年進士。由庶吉士授檢討。二十三年遷贊善。典試江南。洊陟諭德。庶子少詹事。通政使。晉左副都御史。工部侍郎。三十三年充會試副考官。母憂歸。起補刑部侍郎。三十九年授河南巡撫。

聖祖諭之曰。聞河南火耗重。州縣屬帑者多。其嚴行禁止。竝加

意籌畫公抵任。潔已率屬。白布政使以下。舊時加徵於民者。皆革除之。又奏除南陽辨鉛衛輝辨漕之弊。開溝渠以資灌溉。革牙行以恤商民。禁發馬以安驛遞。政俗一變。

上巡幸畿甸。諭巡撫李公光地曰。直隸與河南山東接壤。其巡撫賢否。爾必知之。李奏公居官甚優。翼日。諭廷臣曰。近日。

督撫李光地張鵬翮彭鵬郭琇最優。徐潮在河南。聲績亦著。四十年。偏沅巡撫金璽奏甯遠盜犯關翰芳等四十餘名。罪皆應死。部如所議。

上特命公馳驛往讞。公奏關翰芳等二犯。應照原擬梟示。餘竝應監候。俟緝獲盜首。關四質認明確後。實諸法。既而偏沅巡撫。

趙公申喬奏關四遁入獯崗。徧緝無蹤。其監候之三十五。犯請
照原議處決。得旨俱免死。發遣黑龍江。先是五經博士程延
祀請給二程子祭田。格於部議。

上諭公曰程子宋之大儒。祀典不可有缺。第祭田恐年久變鬻。
其更籌久遠策。公奏請於每年春秋致祭外。別給其後嗣銀四
十兩俾展時祀。從之。是年歸德府屬災。疏請蠲賑有差。又請以
常平義社各倉穀糶借兼行。并借給貧民牛種。又言豫省秋霖
傷稼。米價口昂。請改應運漕糧二十五萬石為折色。庶民間食
米不至騰貴。均得旨俞行。四十二年二月。
上南巡。公迎駕泰安。賜御書督撫箴及凜矢清風匾額。疏

請加考城柘城溫登封四縣學額。從之。十二月。

上西巡回

鑾公迎

駕衛輝

御書楹聯及過孟津詩一幅

賜之。四十三年。

上以汾河渭河皆與黃河相通。擬於河南貯米粟。遇山陝饑。卽運以賑濟。又慮經三門砥柱之險。水溜船不能上。命公及川陝山西督撫勘議。公旣與總督博霽等會疏覆奏。又疏言豫省汴河通淮故道有二。一自中牟經祥符宿遷而達於淮。久淤塞。一自中牟經尉氏等縣。歷太和而達於淮。經元臣賈魯修濬。今名賈魯河。宜加挑濬。至賈魯河外。尙有支河與黃河止隔一堤。地曰花園。在鄭州之北。雖久涸。而舊跡尙存。若加疏濬。通舟楫。

誠商民之大利得。旨如所請行。是歲山東饑。災民多就食河
南。公令有司給糧養贍。復倡捐米粟於省會。四門按日散賑。秋
成後。資送回籍。全活者多。四十三年。遷戶部尚書。初。
上擢李公光地。長吏部。諭廷臣曰。李光地。徐潮。居官優。皆得
大臣體。應早擢用。因地方起見。故久畱外任。至是。諭曰。徐潮
爲巡撫。平易得體。民無不稱頌之者。尋充經筵講官。四十四年。
上南巡。公扈從。時總河張公鵬翮劾淮安同知佟世祿冒帑誤
工。罰償工費銀七萬餘兩。并令淮揚道王謙枉斷。疑杖世祿。叩
關。命公同兩江總督阿山會讞。公覆奏。世祿無冒帑誤工情
事。不應追償。宜復職。鵬翮偏執苛刻。刪供枉斷。應奪職畱任。謙

附會欺隱。應褫職。擬杖徒。從之。明年兼掌院學士。教習庶吉士。尋奉命兼理高家堰等處河工。挑河十萬四千九百丈有奇。築堤四萬一千五百丈有奇。四十六年命齋帑監修武家壩天然壩。蔣家壩及挑河建閘築堤諸工。先後報竣。尋調吏部尚書。掌翰林院如故。四十九年春乞休。命以原官致仕。五十二年春赴京。得旨。徐潮以慶祝遠來。其與見任官一體給痊。五十四年五月薨於里第。年六十有九。遺疏至。優詔悼恤。賜祭葬。雍正十年詔入祀賢良祠。乾隆九年賜諡文敬。子本字立人。康熙五十七年進士。選庶吉士。授編修。雍正六年。賀貴州學政。尋授贊善。遷侍讀。七年遷貴州按察使。八年調江

蘇尋遷湖北布政使十年擢安徽巡撫奏定緝盜章程又條陳
摧政四則釐剔蕪湖鳳陽諸關積弊又疏陳徵糧事宜三則均
下部議行壽州濱淮河積盜聚族居假捕魚爲業劫掠商旅公
陸續擒治凡漁舟皆取連環保編甲乙號嚴查其孫平焦鄧諸
姓久習爲匪設族正令不時舉發疏聞得旨嘉獎又請增設
巡道分巡安徽甯池太廣等屬部議從之遷左都御史充經筵
講官十二年擢工部尙書協辦大學士先是浙江江山奸民王
益善等謀不軌事發株連甚衆命奉往同浙督程元章鞠治
寘爲首者十餘人於法全活千餘人疏言衢屬崇山密箐最易
藏奸請改衢協爲總兵以資彈壓添設巡道一人駐衢州其江

山之清湖鎮等處地皆險要請增設同知駐防皆報可十三年

命同果親王允禮大學士鄂爾泰等辦理苗疆事務八月

高宗御宇調刑部尚書協辦總理事務乾隆元年授東閣大學

士兼禮部尚書總裁實錄二年入直南書房賞雲騎尉世職

三年充軍機大臣賜紫禁城騎馬加太子太保七年兼管戶

部九年春以病乞休

上慰留六月具疏力請加太子太傅允解任八月諭曰大學

士徐本老成謹慎宣力有年今因疾請告朕心眷注特賦詩篇

以寵其行並錫御用冠服及內府文綺貂皮等物朕於本月二

十五日行幸南苑當親至大學士邸寓慰問之尋命在籍食

俸其子。侍講學士以烜給假送歸十年。

上念本歸里將一載。御製五言古詩三章。賜之詩有云鄉

雖適江湖豈不念朝廷努力加餐飯。慰予跂望情。又云所願眠

食佳。速整歸朝駕。十二年薨於里第。遺疏入

上震悼。優詔賜卹。贈少傅。賞庫銀千兩治喪。命巡撫

顧琮往奠。尋賜祭葬諡文穆。二十二年

上南巡。禮部以公未入賢良祠。不請遣祭。諭曰。朕巡幸所經。

致祭名臣。舊輔乃國家念舊酬功之典。徐本歷事三朝。宣力中

外。法當致祭。胡膠柱鼓瑟。乃爾。卽命入浙省賢良祠。遣官致

祭。五十一年。命入京師賢良祠。木弟杞。康熙五十一年進士。

雍正四年以編修典試廣西尋授御史轉給事中遷通政司參議太常少卿投甘肅布政使調湖南九年遷陝西巡撫召補宗人府丞三十四年卒子以烜雍正八年進士由編修五遷至詹事乾隆十八年擢內閣學士督順天學政明年遷禮部侍郎充經筵講官坐失察僱倩代考降太常卿尋署禮部侍郎以疾歸

陳清恪公事略 子文勤公世倅之從弟文簡公元龍

陳公諱詵字叔大號實齋浙江海甯人明季陳氏衣冠日盛子弟皆治舉業務進取而公本生父之問獨承學於念臺劉公劉公殉黃先生梨洲傳師說以教浙東西而公復從梨洲游自入國朝伯叔父兄弟兄弟之子登上甲宅政府長六官出秉節鉞者林立惟公第舉乙科由康熙壬子舉人授中書三遷而副長御史開府貴州湖北入爲尙書皆特擢不由階資其給事吏科轉刑科都給事言多施用而以稽貴州土司承襲遲延措索狀劾罷大吏及請復天妃闈以奠淮黃語尤著薦紳閱其疏論河務謂黃淮自古不兩行助黃制沙之清水亦不能分洩黃水塞

清水不過一時之異漲稍平即可暢流清水旁分則流弱黃水
 灌入淤沙愈積愈高邇者修歸仁堤開胡家溝以出睢湖之水
 閉六壩培築高家堰以出洪澤湖之水此直借淮敵黃一定不
 易之經然淮水分入運河者多則敵黃仍弱舊說天妃閘離淮
 黃交會處二百餘丈南至清江浦共有五閘重運到時更迭啟
 閉重運一過卽下板鎖斷官民船槩用車盤是以淮之全力俱
 注於黃其引入運河者不過暫時資其濟運耳自改建草壩之
 後無復閘板啟閉淮黃盡趨運河清江浦民居可危宜復天妃
 閘舊制使淮水易以敵黃此目前急務也事下總河張公鵬翮
 酌行尋自鴻臚卿倅大理領臺中屢決疑獄及巡撫貴州民

於食行視山坂皆可耕。諮於介衆，僉曰：「改獲不可期，入稅籍終難脫矣。」遂奏免陞科。踰年，斗米錢三十，因教以蠶桑，蒔果樹，就王文成講學處建書院，聚教羣士。延及苗童，黔民久而慕思之。移鎮湖北，值武漢所屬十五州縣，衛夏秋歉，收請分別蠲緩賑濟得旨允行。尋晉工部尙書，轉禮部尙書。官中事無不釐飭當。

聖祖中年，直省大吏員缺，必谷臺垣九卿舉者，多陰奉要人，情或自援親故而公所舉，惟三人：高安、朱文端、公。始令潛江以讞疑獄，公記其名。前後凡四薦。沈端恪公未遇時，給資誘進，旣通籍，揚於朝。淮黃決溢，舉陳恪勤公爲河督。世以公爲知人。公性

沈靜其治事。句稽文簿。終日不倦。事畢卽閉閣下簾。手一編未嘗一日去書。謂四子書諸經之膏液也。近體諸身。然後知須臾不可離。作四書述。嘗慨酷吏深文。擊斷曰。律者聖人以不忍人之心著之。爲精義之學者也。作讀律述。謂孔子學易。期於寡過。人事萬變。包於六位。隨時隨事。必有合焉。作玩辭述。手批通鑑及綱目。丹黃凡五周。論多獨見。作通鑑述。晚年將次第排纂。未卒業。康熙五十八年。具疏乞休。得旨。卿才品優長。服官日久。兩授巡撫。潔已愛民。茲簡任秩宗。正資倚任。覽奏以老疾乞休。情詞懇切。可原。官致仕。六十一年冬。卒。年八十有一。諭賜祭葬。諡清恪子六。長世儁。丙戌進士。江西建昌守。次世儼。辛卯舉

人次世仁乙未進士官檢討次世倌官至大學士次世侃癸巳進士官檢討

世倌字秉之號蓮宇登康熙四十二年進士選庶吉士授編修五十年充山東副考官累選中允侍讀五十一年典廣東鄉試充日講起居注官五十八年充順天鄉試副考官明年提督順天學政遷侍讀學士雍正二年父服除擢內閣學士授山東巡撫會境內多蝗入境後密訪被蝗各屬損稼重輕且察羣吏能否具得其大略而後視事尋疏言社倉倉通有無濟豐歉古今皆可行請令每鄉立即簿捐者自注籍穀數不拘多寡舉公正鄉約三人輪管出入冊報官查春夏之交許民間借領至秋每石

收息二斗。歉則減之。十年後息倍於本。祇收一斗。第小民可與落成難與慮始。各督撫宜於一省中先行數州縣。俟著有成效。然後廣行。下部議如所請。又奏通省丁銀。請攤入地畝徵收。又遵旨會議海防事宜五則。皆從之。四年母憂歸。命督修江南水利。坐遲誤落職。仍命赴曲阜督修文廟。十三年起副都御史。乾隆元年陳臺灣事宜三則。下所司議行。未幾授倉場侍郎。調戶部左侍郎。遷左都御史。疏請定各部院會議遲延處分。五年轉工部尙書。六年授文淵閣大學士。教習庶吉士。奉命往視淮黃河工。乘傳周覽。每疏論河務。皆本確見。九年春。予假回籍。請開缺不許。尋疏言山東劇盜田豬頭等及沛縣巨

高姚乾等見均就獲。因各省均有劫案。關訛待質。臣以爲此等大盜。但數案審實。卽應正法。母久稽顯戮。上。避其言。十月還朝。明年加太子太保。命紫禁城騎馬。三年冬。坐票擬錯誤。罷歸。十五年入京。恭祝萬壽。賞原銜回籍。十六年三月。特召入閣視事。兼管禮部。十七年。典會試。十九年。再典會試。二十二年。請老得。旨允其回籍。如一二年後。精神清健。仍可來京辦事。以副優眷。者。臣至意。尋命加太子太保。明年春。陛辭。御製詩。賜之。賚白金五千兩。命在籍食俸。四月薨於京邸。公少承家學。嘗言。自始仕。至服大僚。戰戰慄慄。惟懼或蹈於非義。以負先人之志事。當

國朝先正事略卷一
官守道棘棘不阿方侍郎苞嘗謂公長臺垣其規模氣象與念
臺劉公爲近乃歎清恪公之教行於家而劉公之風能使異世
下聞而興起也公卒年七十有八

上聞軫悼再賞白金千兩治喪派散秩大臣帶領侍衛十人
往奠醮賜祭葬予諡文勤

元龍字廣陵號乾齋清恪公從弟也康熙二十四年一甲二名
進士授編修入直南書房明年充日講起居注官夏四月待班
乾清宮西閣

聖祖願謂曰朕素知爾工楷法其作大書一幅命就御前
作書

上嘉獎以御書闕里碑文示之二十八年爲都御史郭琦劾

罷逾年詔復任三十三年遷侍讀御書鳳池良彥額竝

御書一卷賜之三十五年隨

上親征噶爾丹遷庶子三十八年典試陝西又明年遷侍讀學

士

上御便殿作書賜內直翰林觀諭曰爾等各宜有堂名可自

陳當書以賜公奏臣父之間年逾八十擬愛日堂三字御書

賜之四十二年擢詹事充經筵講官四十三年請終養許之

賜公父人蔭參斤命攜歷代賦彙歸校對增益明年

上南巡公迎駕慰問備至兼詢其父起居狀賜御書南陔

國朝正事錄卷下名臣

左

日永額。賜公父人。澆金扇諸珍。又賜公母陸氏。慈教貽休。額諭以家有老親。母遠送尋丁父憂。四十九年。擢學院學士。教習庶吉士。明年授禮部侍郎。出爲廣西巡撫。首疏陳一事。桂林貯穀。高建倉廩百餘間。以避潮溼。一興定陡河水通灘江。達廣東爲三楚兩粵運糧要道。舊閘傾圯。率屬捐俸修築。一養濟院外。別構屋數十間。收養鰥寡。又立義學。以貧士爲師。量給修膳。創育嬰堂。設粥廠。施藥餌。以賑窮民。報聞。泣粵。七年。盡心撫字。吏畏民懷。所建陡河石隄。及三十六陡門。盡復漢馬。援唐李渤故蹟。五十七年。擢工部尙書。六十年。調禮部。疏言。選拔久停。請照康熙三十六年例。命學臣如數。按取。送監肄業。從之。

世宗御極。命奉守。

景陵仍食禮部尙書俸。結茅馬蘭峪者六載。雍正十年。詔尙書陳元龍。左都御史尹泰均。係聖祖舊臣。雖年近八旬。精力尙健。其各授額外大學士。以示優眷。尋晉文淵閣大學士。兼禮部尙書。先是公撫粵時。奏請捐穀折銀。交納分得羨金十一萬七千有奇。內捐出公費銀九萬三千。及捐飲軍需銀十萬。均經奏明。嗣因倉穀有虧。部議仍追償銀二十一萬有奇。不準。相抵限五年交納。至是。特旨許照數扣除。尋疏言。各省題奏。請增揭帖一通。送起居注館。記注後送內閣。從之。又疏言。各番役多與流棍串通。所獲賭博。鬪毆等犯。

往往匿犯索財卽行私釋其窮苦者始行送官請嚴定送官期限違者訊治詐贓賣放罪下部議行十一年優詔許原官致仕加太子太傅令公子編修邦直隨歸侍養啟程日賞御膳著六部滿漢堂官餞送沿途官弁迎送如禮乾隆元年詔在籍食俸八月薨諭賜祭葬謚文簡著有愛日堂文集海甯陳氏自素庵相國之遴後與爰立者得文簡文勤而三官正卿及卿貳者復四三大司空文和公欽永少司寇論少宗伯邦彥其最著也其他侍從甲科不可勝數蓋一時之盛云

王文恭公事畧 第九齡

馮緒

國初漢大臣兄弟並起家詞館躋政府長七鄉及爲卿貳者若
崑山徐氏海甯陳氏華亭王氏其最著者也王氏昆仲二而文
恭公居長公諱頊字顯士號瑁湖父廣心字農山順治六年
進士官御史以文名巡視京通二倉時釐剔漕弊疏凡三十餘
上清撻愾然猶吏莫敢犯公由康熙十五年進士授太常博士
十八年詔舉博學鴻儒郝倫書惟訥薦公詩詞風雅品詣端
方召試一等授編修纂修明史二十年九月講起居注官二
十一年上元節
上御乾清宮賜大學士等宴做柏梁體賦詩公與焉尋遷贊

善侍講。與福建鄉試提督四川學政。母憂歸。起補侍講。遷侍講學士。會都御史郭琇疏劾少詹事高士奇與公弟左都御史鴻緒植黨營私。請令公及士奇鴻緒並休致。十月。詔公留原任。

三十年。轉侍讀學士。三十六年。遷少詹事。再充日講官。知起居

注。懋宗人府丞。晉禮部侍郎。四十二年。

聖駕南巡。幸公第。秀甲園。賜御書。蒸霞額。四十六年。

上南巡。閱河。復幸秀甲園。先是。公弟鴻緒官侍郎。時乞假省親。

蒙賜白金文綺。亦葺園爲奉親之所。額曰。賜金園。至是。並

邀。宸顧。海內榮之。五十一年。公調吏部左侍郎。充經筵講官。

明年。擢工部尙書。八月。充恩科會試正考官。五十四年。二月。

復與會試五十七年拜武英殿大學士松江濱海日兩潮歷久
不易是歲重九日公拜入閣之命潮忽三至人咸異之雍正
元年癸卯詔開鄉會恩科公以重與鹿鳴宴加太子太傅尋
乞致仕得旨卿品行端凝學問淵博典章政事經歷最多日
係

先帝舊臣正負囊贊可照舊供職二年再疏乞休

上復慰留並

諭內閣曰

皇考簡用之人如因衰老休致朕心不忍王項齡年邁開時行
走可也賜詩有跡與松喬合心絲殿沃留之句因自號松喬
老人三年秋公疾命御醫診視賜葷餌八月薨年八十有

四。優詔悼惜。且曰。王預齡去歲以老乞休。朕念皇考時大臣無幾。每見伊等心甚愴然。不忍遽允所請。降旨慰留。待三年後始行。予告不意遽溘逝。豈朕體恤舊臣之意有未誠邪。可特贈太傅。子優卹。加祭二次。輟朝一日。朝臣出其門下者。均令素服持喪。各部院淡官俱前往祭送。以副朕惓惓老成至意。尋賜祭葬。謚文恭。公初以文學進。游歷卿曹。諳練典故。在政府入載。恪誠純一。以風度稱。所著有世恩堂諸集。第九齡字予武。恬靜有雅量。康熙二十一年進士。由庶吉士授編修。累遷通政司參議。侍講學士。充呂講起居注官。海陵少詹事。命都御史。三十九年充會試副考官。擢內閣學士。尋擢禮部右侍郎。

時見預齡亦貳禮部公疏請迴避調兵部尋調吏部管左都御史四十八年十二月卒於官 賜祭葬如例著有艾納山房集 鴻緒字季友號橫雲康熙十二年一甲二名進士 賜及第授編修十四年充順天鄉試副考官尋充日講官知起居注累遷贊善侍講十九年

聖祖諭獎諸講官奉職勤勞加公侍讀學士銜時廣東有朱方且者自號一眉山人以左道惑眾造中說補聚徒橫議常至數千人又自詡前知與人決休咎會順承郡王勒爾錦言吳逆亂師荊州方且以占驗出入軍營巡撫張朝珍亦稱之公具疏列其誣罔君上悖逆聖道搖惑人心三大罪方且伏誅二十一年

轉侍讀充明史總裁。再擢內閣學士。戶部侍郎。二十四年。與會
試。明年。請回籍治本生母喪。得旨。賜祭。又明年。擢左都御史。
疏劾廣東巡撫李士楨昏憤貪劣。於曾從吳逆之知府林菴學。
保舉清廉。士楨坐罷。杭學奪官。公尋以憂歸。二十八年。服闋。將
起補。而郭琇之劾。疏上矣。疏稱。鴻緒兄弟與詹事高士奇。招權
納賄。并及科臣何楷。編修陳元龍。得旨。均休致。未幾。江甯巡
撫鄭端再疏劾之。聖祖特諭曰。朕崇尙德教。蠲滌煩苛。凡大小臣工。咸思恩禮。下
逮曲全。始終卽因。事放歸。仍令各安田里。近見諸臣黨同伐異。
私怨相尋。牽連報復。雖業已解職。投閒。仍復吹求不已。株連逮

於子弟顛覆及於身家。朕總攬幾務已三十年。此等情態知之甚悉。夫媚嫉傾軋之害。歷代皆有。而明季爲甚。公家之事。置若罔聞。而分樹黨援。飛誣排陷。迄無虛日。朕於此等。皆公誤國之人。深切痛恨。自今以往。內外大小諸臣。宜各端心術。盡蠲私忿。共矢公忠。如或不悛。朕將窮極根株。悉坐以朋黨之罪。時公方就質。詔至得釋。三十三年。大學士王公熙張公玉書合疏薦公。與徐尙書高詹事文學優裕並。召來京修書。三十八年。授工部尙書。充經筵講官。四十七年。調戶部尙書。明年。坐附會內大臣阿靈阿等議奏。改立。皇太子事。奉諭切責。以原品休致。五十二年。疏進所修明史列傳稿二百八卷。請宣付史館備

參考得旨下明史館察收始公任館職時奉命總裁明史
與湯潛庵徐健庵葉訥庵諸公互相參訂僅成數卷及奉召
重領史局諸公罕有存者惟張文貞玉書爲監修陳文貞廷敬
爲總裁各專一類張公任志陳公任本紀公任列傳而公以原
銜食俸較二公多暇日數年間彙分成帙曾熊文端賜履續奉
監修之命檄取其傳稿以進公與張陳兩文貞皆未參閱恐
尙多舛誤及歸田後重理舊編復經五載始克搜殘補闕以成
此書也五十四年復召來京修書充詩經傳說彙纂及省方
盛典總裁官雍正元年八月薨於京師所著曰橫雲山人集

劉喬南中丞事略

康熙四十五年夏江甯太守陳公鵬年被劾士民鳴鉦擊鼓撞
塘踣呼叩制府鳴不平者日數萬人於時江西父老孥舟東下
爲贛南道劉公蔭樞訟冤亦數千人遠近爭傳爲民所依而獲
戾上官者同時而得二公劉公字相斗別字喬南之關韓城人
晚自號秉燭子性樸直無游移康熙十五年進士知蘭陽縣地
濱河舊設巡河夫爲民困公減其半行取爲給事中母服闋補
原官前後章數十上論連捐速陞之弊陳豫秦兩省事宜又言
藩臬兩司宜入覲奏事又請試捐員停保舉開言路覈名實皆
報可每會議反覆爭執數梗要人所欲保薦者外轉贛南道徧

示屬則曰。予欲爲忠臣乎。夫愛民卽忠也。郡守與鎮將比重門。稅以朘民。公詰之。陽奉而陰違。乃置酒邀守與將。甫就坐。僕白。奉命市麥布門者。索稅留質在門。守將語塞。乃盡革其稅。公復具觴邀鎮將。揖之升堂。疾下拜曰。帥惠吾民。敢不拜嘉。市故有米稅。牙人主之。溢額數十倍。公得其記簿。別委人收之。籍盈餘。官買田以抵牙稅。勒石永禁。署按察使有羣獄。督撫各持所見。公柴立其中。央遂以失出罷官。會關中饑盜且起。公歸貸粟賑。荒爲築堡以守。黃河自縣東北南行。出龍門山中。兩岸縣絕壁。公治鐵爲柱。索俾舟皆緣之以行。無漂溺患。修石路二十餘里。造南郭石橋。修柿谷陂。鄉里賴之。四十二年。

聖祖西巡公迎

駕潼關

上遙望卽曰此劉髯也何爲民服公以被劾對 詔復官公廣

類美髯官科垣壘

召對

上故識之起雲南按察使濟昆明湖築六河岸牖各屬府州縣
例用親信人坐省與院司家僕胥吏交通公首革之有造蜚語
謀叛者戮其渠散其黨姦豪屏跡訟獄以稀就遷布政使除科
場雜派賑凶饑所措注皆順民心四十七年擢貴州巡撫其地
苗狎雜處民多僑寓自前明安播始禍 國初水西大闕號難
治公至絕餽遺省徭役軍民大和黔多山少田鄰省歲協餉二
十餘萬稍愆期營伍號歟公請豫撥二十萬貯藩庫格於部議

者三尋密奏。特旨允行。會紅苗猖獗。兵餉夙備。眾乃服公深
識。凡山田一年耕率。不可再。民懼歲征之莫敢田。公榜示聽民
墾荒不起科。四川遵義民苦加派。赴愬於公。公密疏以聞。或疑
之。公慨然曰。蜀民獨非朝廷赤子邪。詔遣使臣會川撫察。勘
黜守令數十人。一時鄰省有司貪橫者多恐懼。易行中人自修
飭。監司大府轉相告戒。檢察所屬道路咸載其言。撫黔五年以
老請休。溫旨慰留。會蜀之烏蒙土司與黔之威甯土舍相仇
殺。蜀撫藩美堯使吏勘問。二酋負固不出。疏請以兵臨之。公持
不可。詔遣都統侍郎三人出會蜀滇黔督撫提鎮於畢節。按
其事。苗民大懼。公肩輿從。數卒行山中。諭若曹各安堵。無恐先

至畢節獨棲荒寺中。諸公繼至，則爲謝曰：「邑小供給薄，勿嗤也。若令下不嚴，老夫非畏人者，則又曰：「此小吏可了事耳。命千總一人往招威甯，聽命而烏蒙不至。公使諭之曰：「若出吾活，汝抗命必滅。汝老夫無多言，亦不食言。烏蒙素服公恩，信亦自縛出服罪解仇。二酋私和語曰：「劉公真天人也。明年澤旺阿喇蒲坦掠哈密，公疏言小醜無用，大師但宜慎擇人，核名實安內地。重國本有旨，命公乘傳赴軍前。周閱詳議，公即日就道，抵巴里坤行視軍營。上書數千言，請屯兵哈密，毋輕出，以逸待勞。已又以病乞休。詔責其憚遠涉，公疏謝復乞骸骨。命還黔撫任。士民攀援如見慈父母。後數月休致入京，下刑部議以阻撓軍

務罪死。詔發博爾丹種地。時年八十有二矣。子熾請侍行。公笑止之曰。死於道路與家庭何異。爾歸耕田讀書。吾身君之身也。無我慮。居三年。

上諭廷臣曰。劉蔭樞能直諫忠臣也。但書生不知兵耳。詔復

職還京師。六十一年春與千叟宴。公首坐。

世宗御極。召見。愀然曰。卿

先帝大臣。朕欲大用。然爾年力實不能勝矣。公遂薦孫勳。王沛

檀。陳時夏。王章四人。賜御硯。朝珠。白金。令還鄉。雍正元年九

月卒。年八十有七。公耄期好學不倦。在滇黔各五年。以教養斯

民為已任。重儒官。廣中額。建書院。義學。朔望躬進羣士。誘迪之。

軒車所稅見農夫孺子必諄諄勉以爲善去惡雖苗獮亦然自
塞外歸鬢髮之白者多變而黑生兒齒二蓋實能以義理養心
而不奪於外物也著春秋蓄疑四卷易經解二卷宜夏軒雜著
二卷藏於家始公與陳公並以罷官名聞天下厥後陳公洛陽
河督而公以衰老不復用海內惜之然滄洲任司道未久不及
有所設施及督南河遂以死勤事轉不若公於壯盛久任監司
大府義事仁心得實播於民物也劾二公者爲制府阿山阿公
本以廉幹著稱其始至也使親信人訪察江西官吏所至爭承
迎惟公若弗聞也者毀譖日積故因事以斥之其惡陳公則以
不從其令故及聞二公爲民所戴實深悔焉用此見置吏操威

枋者當知左右親信所非毀及凡於已有拒違者賢人君子多出於其間卽是可爲聽言觀人之準則也

張清恪公事畧

子慈敬公師載

儀封張清恪公伯行字孝先晚號敬庵父岩邑諸生明季奉母
避亂兄爲寇掠被箠幾斃負而逃出族有婺婦馬氏郭氏王氏
悉爲立後歲祲煮粥以賑全活甚衆祀鄉賢公舉康熙二十四
年進士歸築精舍南郊縱觀諸子百家及讀小學近思錄乃恍
然曰八聖門庭在是矣讀書七年補內閣中書父憂歸啜粥三
年不人內室服闋建請見書院與鄉人士講明正學三十八年
夏大水公率居民築堤保境河督張公鵬翮異之疏請檄公贊
理三辭不許以原銜赴河工督修黃河南岸堤二百餘里及馬
家港東壩高家堰石工四十二年授山東濟甯道值歲荒傾家

財運穀以賑。載錢及綿衣數艘，分給凍餒者。尋奉命賑汶上。陽穀饑，動倉穀二萬二千有奇。藩司責其專擅，將申劾。巡撫直之，得免。四十四年。

聖祖南巡閱河，御書布澤安流四字以賜，并詩章二詩。明年。

上遣近臣封閘催漕。諭曰：濟甯道張伯行諳曉河務，可與商。推公相高下，引運河水北注，蓄洩得宜，事竣著書紀其事。卽世所行居濟一得也。夏遷江甯按察使，吏白故事送督撫贄約金四千，公曰：我誓不取民一錢焉。辨此揚州諸生六人忤郡守，巡撫欲盡褫之。公曰：以窮諸生冠服迎合上官，吾不爲也。力雪之。

四十六年

聖祖南巡。今督撫舉賢能公隨督撫入對。

聖祖曰。朕向原認識爾。到江南。卽知爾爲清官。復願督撫。臣曰。張伯行居官何如。皆曰好。大學士張公玉書對亦如之。

聖祖曰。江南更有如此好官否。皆曰無。

聖祖曰。然則爾等何以不保舉。今朕自保之。他日居官好。天下以朕爲明主。否則笑朕不知人。又曰。張伯行篤實。卽置之行化。亦非退縮者。遂擢福建巡撫。隨駕至西湖。御書廉惠宣猷四字。以賜。涖閩。值旱荒。發帑賑歲。遣官買米。平糶。禁米船入海。絕盜糧。擒巨盜。陳首魁吳海等。疏請增鄉試中額十名。從之。建

鼇峯書院祀宋五先生集諸生院中日纂錄古人嘉言善行依
小學諸綱目條貫成書手定爲八十六卷曰小學衍義以教諸
生設藏書樓購經籍四百六十餘種毀淫祠贖女尼爲民婦先
是臺灣兵屢鼓噪公謂倡亂之人平日必多不法以他事除之
煽誘曰絕鎮臣如公教後無譁者公治尙嚴明貪吏奸胥輒盡
寘之法政教大行其禁止餽送檄有云一銖一黍民脂民膏寬
一分民受一分之賜受一文身受一文之汗時傳誦之
聖祖將令移撫江南大學士李公光地請留聞張公玉書奏江
南比歲災民不聊生非此人往不可
上笑曰汝兩人不必爭朕當慎簡一人以畀汝聞遂移撫江蘇

而以陳公瓚代之。士民攀號如失。侍侍公疏請緩帶徵漕。又請賑徐州府及海高等十四州縣災。並蠲瓜洲浮稅。舉劾屬僚。無所阿徇。豪猾皆望風遠遁。時總督噶禮張威福甫蒞任。劾免撫藩蘇州知府陳鵬。年糧道減。大受廉直。有聲。皆劾去之。公遇事持正。鬱鬱不自得。以病乞休。有詔。張伯行操守清潔。立志不移。朕所深悉。江蘇重地。不得以衰病辭。五十年江南鄉試副考官趙晉與總督交通關節。榜出譁然。士子昇財神入文廟。正考官左必蕃不自安。疏聞。公亦據實奏。上命尚書張鵬翮侍郎赫壽出按其事。公與總督暨安徽巡撫均會鞠時。舉人蔣光奎吳泌已具服。藩司吏李啟供與家僕軒

三營弊。卞三者總督閩人也。於是總督持其事。且索銀五十萬。保無事。張尚書因其子懋誠。任懷甯令。恐遭陷害。亦瞻顧掣肘。讞莫能定。明年春。公劾督臣抗旨欺君。營私壞法。請正國典。以彰公論。總督亦飛章許。公不肯出洋。捕賊及誣陷牙行。張元隆請款。

上命俱解任。付使者雜治。尋奏晉與光奎。必賄通關節。擬罪如律。噶禮劾伯行不能清理案件。屬實。餘係苛劾。應降。留伯行劾噶禮。索金事全虛。應奪職。贖徒。上切責張鵬。翮。赫。壽。掩飾和解。命尚書穆和倫。張廷樞覆訊。訊如前。噶禮免議。公仍奪職。部議亦如之。

上以公爲天下清官第一。責諸臣變亂是非。且曰：朕自幼讀書，研窮性理，如此清官，不爲保全，則讀書數十年，何益？而凡爲清官者，何所賴以自安？乃命九卿翰詹科道再議。議上：聖祖復諭曰：爾等身爲大臣，旣知張伯行清廉，當會議時，何無一言及朕有旨？始同聲贊其清，亦已晚矣。宜體朕保全廉吏之意，使正人無所畏忌。庶海宇長享昇平之福。遂命復公任，而黜噶禮，尋弔戮焉。方公之解職也，百姓罷市，哭聲殷揚城。且議相率叩闕，公慰諭再三，環泣不肯退。蘇州等郡相繼報罷市，士民扶老攜幼，具菓蔬來獻。公辭皆泣曰：公在任，止飲吳江一杯水。今將去，子民一片心，不可卻也。乃取腐一塊，菜一束，衆仍委。

地○去○獄○具○回○薊○揚○人○慮○途○中○不○測○將○集○江○干○護○行○眾○數○萬○公○聞○
之○五○鼓○登○舟○比○曉○已○渡○江○抵○蘇○寓○櫂○橋○士○民○獻○果○蔬○如○在○揚○時○
七○月○復○赴○揚○聽○勸○回○蘇○時○比○戶○焚○香○遮○道○不○可○行○及○復○任○士○民○
歡○忭○拜○龍○亭○呼○萬○歲○者○至○數○十○萬○人○復○相○率○詣○闕○跪○香○進○疏○
願○各○減○年○壽○一○歲○祝○添○
聖○壽○萬○年○

上○聞○大○悅○而○全○閩○士○民○始○奔○號○呼○顛○既○而○頌○恩○祝○聖○亦○與○
江○蘇○不○約○同○自○是○公○直○聲○浩○氣○震○天○亦○五○十○二○年○進○濂○洛○關○闈○
集○解○疏○薦○福○建○布○政○使○李○發○甲○臺○灣○建○陳○墮○前○祭○酒○余○正○健○旋○
奏○免○揚○州○落○地○稅○且○曰○臣○衙○門○舊○有○鹽○課○陋○規○二○萬○兩○臣○在○任○

五年絲毫弗取。眾商願每歲捐銀千二百兩，抵解稅銀。得旨。俞允明年疏請嚴海禁，尋劾布政使牟欽元藏匿通洋匪棍張令濤。請旨革職。著追張令濤者噶禮前劾公拖熒之船埠。張元隆卽其弟也。時部檄搜輯海寇，鄭盡心餘黨崇明鎖弁詰一船人，照不符。得元隆爲之關通，傾照狀。又上海民顧協一訴令濤佔踞房屋，謂其舊爲噶禮幕客。今匿牟欽元署中，有水寨數處，窩藏海賊。公捕治令濤，因劾欽元。得旨革職。下總督赫壽察審。赫壽奏協一所控無左驗。欽元署中亦無令濤。上復命尙書張鵬翮副都御史阿錫鼐赴鎮江審勘。遂劾公狂妄自矜，請解官。嚴訊疏六上。

國朝文正公集卷十
上不得已允之。時公因事赴常州。卽舟中解綬去。伴送鎮江。夜分對簿。多方摧折。并脅幕下客代承鵬翮等奏。元龍令濤皆良民。伯行誣劾。

上責其不能盡心研審。令再詳訊。並命公回奏。公疏言。張令濤在藩幕。乃其子張二所供也。牟欽元匿使不出耳。未幾竟坐公挾詐欺。公誣陷良民。議斬。公處之恬然。讀書晝夜無閒。爲門人講說成講義數十篇。居半歲。體加充。色加晬。獄上。聖祖不從。命公免罪。入都。過揚州。父老數萬。焚香夾兩岸。行求停舟。一見爲監行。胡同知所格。抵京。公請。陛見。使臣不可。以付吏。

上命使臣同公陞見且曰張伯行原無罪當以錢糧事任之明日召對命講太極圖說入直南書房權倉場總督奏除積弊五十五年奉命往賑順天永平二府講行社倉法明年典順天鄉試時方督糧通州特召入闈異數也旋授戶部侍郎兼督倉場六十年總裁會試所得士來謁必告以聖賢之學務實心報國不可汨沒勢利負科名會河決召對行在論河務以母病歸省命便道視武陟決口明年春與千叟宴偕諸臣入謝皆賜坐諭曰汝等皆大臣當惠愛百姓如張伯行爲巡撫時是真能以百姓爲心者也十一月

世宗卽位眷公舊臣逾常格

命與議政

賜紫禁城騎馬遷

禮部尙書 御書禮樂名臣額賜之

上親郊前三日視牲。故事皆王公大學士行禮。

上特以命公。雍正二年進續近思錄。張南軒陳克齋陳此溪許

魯齋諸集。命赴關里致祭。追王先聖五代便道歸省親。建

議以明儒羅欽順本朝陸隴其從祀兩廡。又請以宋儒張子之

父張迪配享崇聖祠。從之。三年二月薨於位。年七十有五。遺疏

請崇正學。勵直臣。爲千古第一首出之君。綿萬世無疆之祚。

天子悼之。贈太子太保。予祭葬於卹典外。加祭一次。遣大

臣奠醑。命部寺漢堂官及科道於諭祭日齊集。出殯日會

送。賜諡清恪公。歷官二十餘年。未嘗攜眷屬。初任濟甯。隨行

上四人。撫閩十二人。撫災十三人。日用蔬菜米麥尺帛寸絲。以
至磨牛碾石。皆是河南運載之官。初涖閩。官廨帷幕皆錦繡。驚
問吏。以行戶鋪設對。盡撤還之。比移吳。先檄所屬禁陳設。無錫
令送惠山泉。受之後。聞亦派民舟載送。卽卻不受。治民以養。爲
先。以教爲本。遇災。卽請蠲。請賑。廣設常平義社倉。所至必修
建書院學舍。閩十肖公。象祀於鼈峯。吳人建春風亭於公祠。與
于清端湯文正兩祠並峙。在濟甯時。疏濬濼。濼河兗州十五縣無
水患。又捐貲築五空口堰。引水入濼。士民蒙利。立生祠。五空口
公按察江蘇時。始至。未受篆。卽過方望溪先生。辭不獲。公入曰。
吾迫欲一見論學耳。望溪曰。某未知學。但聞守官之大戒。二其

國朝文正公集卷一
一義利也。公既鱗然不滓矣。進乎此則利害非知命而不惑者不能無搖。公魁之。及撫江蘇。首劾嚙禮望溪。適以南山集牽連。赴詔獄。嚙禮遂劾公。久閉方苞於官舍。不知所著何書。人皆爲公危而。

聖祖之宥苞實自此始。公天性樸誠。凡所設施皆本於實踐。而尤以力崇程朱爲己任。及門受學者幾千人。輯遵學源流道統錄以明聖賢之宗傳。輯伊洛淵源錄續錄以明諸儒之統緒。輯小學衍義小學集解養正類編訓蒙詩選以端蒙養之教。輯學規類編學規衍義程氏家塾分年日程原本近思錄集解續近思錄廣近思錄性理正宗諸儒講義以垂正學之型。輯家規類

編閩中寶鑑以示修齊之範輯濂洛關閩集解以配學庸語孟
名日後四書謂許薛胡羅爲周程朱張之正傳其文集及讀書
錄居業錄困知記皆選刻行之謂陸稼書學朱子爲許薛胡羅
之繼起就其家搜訪遺書得間學錄讀朱隨筆讀禮志疑爲鑠
板以傳謂楊龜山謝上蔡尹和靖羅豫章李延年衍程子之派
者也張南軒呂東萊取資於朱子者也黃勉齋陳北溪陳克齋
受學於朱子真西山熊勿軒吳朝宗私淑於朱子者也有明之
學得其正而不爲邪說搖者曹月川陳剩夫崔後渠汪仁宰蔡
浚濱也本朝之學宗朱子者張惕園陸桴亭汪默菴陳確菴
魏震溪耿逸菴熊愚齋吳徽仲施成齋諸莊甫應潛齋劉仁寶

也。凡諸儒述作，莫不精擇而校刊之，而朝宗、徽仲、成齋、莊甫皆
隱居力學，世莫能知。公特爲表章，尤見闡幽之義。公不從陸
王之學，然未嘗著書闡之。惟校刻程啟璣之閑闡錄、陳清瀾之
學部通辨、張武承之王學廣疑，以示學者。又重刻諸葛忠武、陸
宣公、韓魏公、范文正、司馬溫公及文文山、謝疊山、方正學、海剛
峯、楊淑山、楊大洪諸文集。其三朝名臣言行錄、四書正宗、學易
編、五經大全，則皆未成之書也。所自著者曰困學錄、續錄、正誼
堂文集。

仲子帥載，字又渠，號愚齋。康熙丁酉舉人，以任子爲戶部郎。
世宗指示閣臣曰：「此張伯行子，好司官。」由揚州知府累遷江蘇。


按察使內擢左通政倉場侍郎。命閱視天津河道。旋以侍郎

出副江南河督。乾隆十六年

高宗南巡。每召見。輒詢及隨父任時事。眷益隆。按江安巡撫。仍協理南河事。明年河溢二閘。徐州被衝。公與高文定公並奪職在工贖罪。又二年放歸。起兵部侍郎。五月遷尙書總督漕務。明年調河東總督。時山東孫工決。日賈船漕。艘如泛大海。申公冒風雪宿河岸。燈熒熒達曙。自冬歷春。築始完。公嘗言河中土性水勢與江南異。兩岸相距寬。宜多挑引河以殺險。土多淨沙。宜厚培客土以實虛。自此由濟甯治所抵開封。歲往來如織。而心力亦交瘁矣。二十九年薨於位。年六十有九。贈太子太保。

論。懇。敬。公。幼。承。家。學。精。研。宋。五。子。書。以。報。國。活。民。爲。心。及。登。仕。籍。愈。感。奮。懼。有。玷。缺。爲。名。父。羞。在。揚。州。歲。饑。散。賑。而。高。郵。湖。西。之。民。緣。被。災。分。數。較。輕。不。得。與。公。行。部。至。其。地。見。道。旁。人。多。骨。立。待。盡。大。驚。召。長。吏。詰。責。隨。請。於。上。官。不。待。報。而。廩。之。全。活。數。千。人。江。都。芒。稻。闢。爲。淮。黃。高。寶。諸。河。入。江。之。關。鍵。所。司。貪。商。人。餌。惟。知。蓄。水。爲。運。鹽。地。藉。日。必。奉。鹺。使。令。乃。開。會。夏。潦。暴。漲。低。田。盡。湮。公。訪。知。運。鹽。需。水。止。六。七。尺。而。旣。過。其。半。遂。單。騎。往。啟。閘。纔。啟。四。板。水。暢。出。甚。疾。仍。艤。舟。宿。其。旁。明。旦。田。皆。涸。出。然。後。走。白。鹺。使。使。者。大。恚。責。公。專。公。遜。謝。曰。知。府。信。有。罪。矣。第。埽。溺。不。淹。刻。必。預。請。而。後。行。如。此。萬。家。煙。火。何。卒。具。牒。大。府。請。闢。

歸府轄如公議河庫道司筦鑰不任功過向爲美官公以才爲
前後督臣所倚輒委辦險要大工以故於河務浸熟悉一生敦
歷中外遂與河務相終始焉初河督嵇文敏公母卒奉在任守
制之命特具劄固請終喪眾以違旨獲罪爲疑公慨然進
曰公父忠母節門望非常患請之不力耳何慮觸禍爲文敏謝
曰謹受教其在江西嚴無故遷葬之禁行連坐法薄俗遂革撫
江安二年多偏災皆據實請蠲賑全活甚眾痛懲匿名訐告習
以靖地方凡此皆清恪公之教也著有治水方畧改過齋文集
讀書日鈔等書



田文端公事畧

公諱從典字克五號曉山山西陽城人父雨時邑諸生邃於易以理學顯設教天井關學者立碑頌德卒祀鄉賢祠明季寇亂邑人欲迎賊紆禍力斥之闔城人無汚賊者既賊至挈幼子及兄遺孤避地度不能兼顧乃棄子負兄子以走賊退求子於草間得之卽公也初公生母曰夫人將育公贈公卜得丙戌日吉禱於神果以是日誕五歲能誦三經十歲能文章與故浙江巡撫張公秦交同補弟子員張亦有文名時稱田張康熙甲子舉鄉試第二戊辰成進士是科多名下士長洲何焯號知文推公尤第一云釋褐後七年授英德知縣以廉惠誓於神英德地瘠

苦賦籍不可稽。奸民詭寄逋逃。懦者益困。公盡革陋例。清其籍。民困大蘇。修眉山書院。立宋賢唐介鄭俠洪浩祠。以風示學者。邑士近百年鮮得解者。至是比歲舉於鄉。凡八九人。政成行取入都。縣民攀戀。追送有踰嶺者。四十三年授御史。疏陳調繁之弊。謂督撫請調州縣有秉公調者。卽有徇私以調者。在州縣求調之弊有三。曰希圖善地。曰規避衝地。曰湏爲卓薦地。在督撫濫調之弊亦有三。曰曲徇請託。曰引用腹心。曰公行賄賂。皆借整飭地方爲名。巧投捷徑。侵帑剝民。屢經敗露。除江浙等省賦重難征之百有餘縣。及邊遠煙瘴地。請仍舊例調補外。其餘槩不許調。並嚴定督撫濫調之罰。又請勅吏部嗣遇考選科道。

凡正途出身之部屬及由知縣擢任之中行評博與翰林一體
論俸開列考選不由堂上官保送以杜交結營謀之弊均下部
議行巡視西城罷鋪墊費查通州倉儼神祠以居廟祝不受值
不人也抑豪強清宿弊毫髮不假借聲日起

聖祖知公可大用超擢通政司參議累遷左右通政光祿寺卿
寺故有招買行戶作姦侵蝕虧經費公治其黠者仍請限年帶
銷所虧

上鑑其誠為豁免鉅萬尋擢副都御史五十二年擢兵部右侍
郎兼管光祿寺前後凡八年不爲操切而旬稽甚晰時方議武
職罷任當回籍公謂年近者可勒歸若久居其所長子孫有墳

墓婚姻宜聽占籍。獨持一議。上卒如所議。行五十八年。擢左都御史。會兩江總督長蘊以知州王承勳首告安徽布政使年希堯鳳陽知府蔣國正婪取事人奏。

上命公往勘。還奏國正將虧帑銀三千七百餘兩。混入民欠錢糧法當斬。希堯失察當奪職。明年擢戶部尚書。繼武進趙恭毅公後。濟以和平。六十年主會試。得人最盛。雍正元年調吏部。仍兼管捐納軍需事。

世宗御書清謹公方額。賜之。並賜御製詩。有出納望同天。北斗清芬品。擬省中蘭之句。尋主武會試。明年主順天鄉試。協辦大學士有。詔停止戶部及陝西捐例。並諭獎公及尚書張

公伯行。兩年以來。辦理清正。均下部議。敘三年春。授文華殿大學士。兼吏部尙書。每公退。危坐讀書。訂謨謹密。雖子弟莫能知。優旨。褒嘉。賜。賀。無。虛。月。四年。以疾。請老。溫諭。慰留。六年。疾。作。再。請。

上鑒其誠。優詔加太子太師。原官致仕。於居第。賜宴。令部院堂官齊集。並賜帑金五千兩。爲途費。及高年頤養之資。馳驛起程。日著廷臣祖餞。以寵其行。所過地方。有司在二十里以內者。俱著迎送。旋里後。令巡撫兩司。時至其家存問。將來頤養康健。一二年後。再入京。陛見。及陛辭。御書楹聯。暨冠服朝珠等物。四月。行次良鄉。薨。年七十有八。遺疏至。

上震悼遣散秩大臣及侍衛六人往奠茶酒內閣學士侍讀學士各一人往庀喪具命地方沿途護送伊子年幼家居著巡撫傳諭地方官就近時加照看凡新舊接任均將此旨傳知通行賜祭葬予諡文端公學有本原深經術尊信宋儒躬行實踐事親備色養居喪盡禮不作佛事三年不入內贈公有木枕位銘以詩攜持行萬里終身不少離當官廉正以至誠結主知故能恩禮始終哀榮大備若此十二年諭曰原任大學士田從典品行端直老成廉潔奉國公忠出入祀賢良祠以風有位並於本家賜祭一壇子懋由廕生官至吏部侍郎

黃崑園侍郎事略

叔敬

公諱叔琳字崑園本安徽歙縣程氏子也祖伯起與僚壻大興黃中丞善國初黃巡撫甯夏往依焉後黃氏遭家難中丞之弟爾悟無子公父華蕃方九歲爾悟子之遂爲順天大興人公始生具夙慧十歲通四書五經從學饒先生仲如研窮性理之奧又從吳述庵先生究經世學年二十以康熙三十年一甲三名進士授編修益自淬礪與銜檢討既齊討論宋人語錄恂恂然有醇儒風見者不覺其爲少年甲第也遷侍講督學山東毅然以興賢育才爲己任捐修三賢祠於泰山之麓祀宋胡安定孫明復石徂徠俾學者知所景從又興復白雪松林兩書院延

師選才俊捐俸膏火所進士多窮經致用之英翕然稱盛晉鴻臚少卿領學政如故除通政司參議僉都御史太常卿六十年遷內閣學士尋遷刑部右侍郎雍正元年與江南鄉試調吏部侍郎命偕兩淮鹽政謝賜履赴湖廣同總督楊公宗仁酌定鹽價革陋規商民勒石紀事三年授浙江巡撫翦除巨猾平冤獄災傷則賑之貪墨吏則黜之仁和錢塘海甯二屬田十數萬頃全籍省城士下兩塘河水灌溉自開廢土淤民占爲田利甚微而所損三屬田畝逾巨萬公疏請照西湖舊址清出歸湖去其梗塞開通水源所屬官塘運河支港壩堰斗門俱一律疏濬以興水利部議如所請浙民便之爲忌者所誣劾詔免官

赴海塘效力。乾隆元年授山東按察使。明年遷布政使。疏言養濟院孤貧口糧每名歲給米錢三兩六錢。從地丁項下撥給。其春夏秋三季米係州縣將養廉銀墊給。多不能及時支領。請酌借司庫存公耗羨銀給發。從之。著爲例。四年母憂歸。七年授詹事。坐布政使任內。謁揭屬員諱盜。免官。公性嗜學。公餘時。手一編。至耄耋不倦。尤負人倫鑑。以薦賢爲重。謂世道之隆替。人才之邪正。消長爲之也。所賞拔如萊州守嚴有禧。長清令劉輝祖。皆以循良遷秩。而分校禮闈。主試江南。所拔取者。理學則如任宗承。啟運。政事則如胡恪。靖寶。琅。經學則如陳司業。祖。范。文學則如徐檢討。文靖。張詹事。鵬。狝。其入祀賢良。則徐撫軍。士林。潘。

敏惠師。架也。張太史涪。夏太史用修。李觀察慎修。輩皆端方博洽。推一時之選。其餘名士宿儒。未可殫數。方望溪爲諸生時。來謁。一見稱莫逆。交凡望溪所著周禮春秋之學。皆與先生往復商訂。無少閒他。若周大璋。顧進等。又數十人。不憚千里親炙。就正。則所學之及人遠矣。十六年。公屈釋褐。周甲之歲。當事以聞。詔曰。原任詹事黃叔琳。以康熙辛未探花。年登大耋。重赴瓊林。洵稱熙朝人瑞。可從優加侍郎銜。用示篤眷。耆臣至意。二十一年卒。公以文學政事受知。三朝當代。推爲鉅儒。天下士識與不識。皆曰。此平黃先生。京師首善地。列官朝省者。無慮數十百輩。然相與語。稱此平不問知。

其爲公也。初新城王文簡公爲海內宗工。公成進士。寶出其門。下論者謂前有新城。後有此平。然新城年七十八。賦詩有得第。重逢辛卯歲之句。莫與新進士序老少同年未及期。卽世而公竟得之。又五年然後考終。是天之厚公。幾過於新城矣。生平著述有視此易鈔詩經統說。夏小正傳註。史通訓故補註。文心雕龍輯註。顏氏家訓節鈔。視此雜錄於經濟學術。各有指歸。計公自五歲入塾。享年八十有五。蓋二萬九千日中無日不學也。可謂純篤君子矣。弟叔琬。己丑進士。官太僕卿。叔瑛。舉人。官甯國知府。皆有賢聲。而叔璫尤著。子登賢。字雲門。官至漕運總督。兵部尙書。

叔璣字玉圃公行四弟也其學以立誠爲本要其功於篤敬晚號篤齋以自勗舉康熙己丑進士由太常博士遷主事晉員外郎以薦擢御史巡視東城時王公貴人多以追私通相屬且曰務親治君正告同列曰御史非王府官屬何瑣瑣爲下所司理之有銜耶命至公著者昂然坐滿御史上君詰以何時奉差視事璣不能對則立使撤坐將劾之其人悚謝去自是無敢以私于者時久罷巡方之制

聖祖以臺灣亂初定特遣巡邊至則翦餘孽釋脅從反仄以安雍正元年任滿特旨畱一年命以所行告代者爲列海疆十要旣還京怨家以蜚語中之坐罷職乾隆初起河南開歸道

調督糧道。豫大水。撫卹災民甚周。至濬永城河口。開儀封引河。築虞城堤岸。皆中窾要。在豫四年。母憂歸。服除。補江南常鎮道。又三年。致仕。家居七年。卒。年七十有七。平居訥訥。然言不出口。遇大事。侃然執持。不少撓屈。究心宋五子書。及元明諸儒集。晚歲所養益粹。嘗語人曰。道學卽正學也。親正人。聞正言行。正事。斯爲實學。不然。空談性命。胡爲哉。著有近思錄集注。慎終約編。旣倦錄。廣字義諸書。藏於家。

